

通

俗

新

尺

牘



通俗新尺牘

甲 編輯之本旨

一本編供社會通俗之用。且爲初高兩等小學生。藉作書信範本。故以人爲綱。以事爲目。舉凡家庭社會應有之事實。可述之語言。抒意綴詞。演繹作之。要皆卑無高論。一以淺顯明切質而不俚爲主要。蓋以避繁縟沈晦之流弊也。

一本編分十八類。每類多則百餘通。少則數十通。或十餘通不等。每類詳列目錄。并加以符號。如合於一般社會通用者。則用●。合於學界通用者。則用◎。合於商界通用者。則用○。閱者可分別觀之。

一作文之要。大別爲二。曰紀述體。曰議論體。尺牘雖細事。實合紀述議論而爲一。本編卽本此意。從事撰輯。但求合於現今社會

普通之心理。參之以國民應有常識。所期人盡通曉。俾與作文之法。相需爲用。

一 作文有單純複雜之分析。專述一事。謂之單純。雜述各事。謂之複雜。二者各有其難。蓋單純貴於直敘到底。複雜貴於條段分明。本編義取互見。不拘一格。欲使閱者發生意趣。易於摹倣。以視枯燥無味之尺牘。自謂過之。

一 尺牘措詞。雖無一定程式。但語意亟宜區別。卽就家庭一方面言之。如尊長對於卑幼。宜簡切。宜溫肅。卑幼對於尊長。宜詳明。宜婉轉。推及叔姪兄弟。均不可參以客氣語。本編注意於此。願閱者因時制宜。更有以發揮之。

乙 應用之方法

一本編每有一題。散見各類。蓋其事雖一。語意各有不同。閱者如

採用之。可分別參考。以資應用。其遇有本編漏未編列者。可取其情事相近者。酌加採用。觸類旁通。惟在閱者。

一書信當合現今之禮俗。台座閣下。官稱也。頓首再拜。古禮也。此時均不通用。現在通信。署名之下。多用謹啓字樣。社會交際。似最合宜。本編故沿用之。惟卑幼對於尊長。向用謹稟等字。似宜仍用。不必率改。

一文不雅馴。賢者所恥。如稱謂之雅俗。尤可立判。古人以大人二字。專屬於親長。近今則朋友通函。亦率用之。民國肇建。人民一律平等。毋庸仍用此等習慣。故本編除親長仍稱大人。餘均汰去。至於夫之於婦。最通行者。以字相稱。或加君字。世俗所謂賢妻內助。似非所宜。如對於妻父母。俗稱岳父岳母。泰山泰水。語本無根。習用不察。不如稱外舅外姑爲妥。

一通信編列號碼。填註月日。最足以備查考。此種手續。商界尤宜注意。蓋既經編列號碼。填註月日。一有遺失。即可按籍而稽。至復人來信。亦應揭明某日收到。不可隨筆寫昨日。今頃等字。本編因恐詞費。未能依此款式。敢告閱者。幸採用之。

802.79
8367
通俗新尺牘目錄

父子

一至五十九

- 子稟報沿途平安
- 稟報旅次遇戚好
- 在外稟祝父母壽(通用)
- 稟祝父母壽
- 稟報到學校情形
- 稟報在校成績
- 稟報校假歸期
- 稟報轉學他校
- 稟報進店情形
- 稟報營業情形(發達)
- 稟報營業情形(贏餘)

- 稟報營業情形(消縮)
- 稟報營業情形(虧折)
- 稟報改營別業
- 稟報另設支店
- 稟報販運獲利
- 稟寄呈衣服
- 稟寄呈食物
- 稟寄呈用物
- 稟告匯寄家用改用郵局匯票
- 稟乞寄旅費
- 稟乞購寄書籍
- 在家稟告平安

國家圖書館



002577398

- 稟告祖父母病狀(通用)
- 稟告祖父母病痊(通用)
- 稟母病狀
- 稟母病痊
- 稟告弟妹勤學
- 稟告生弟妹(通用)
- 稟弟妹病狀(通用)
- 稟弟妹病痊(通用)
- 稟告生子女(通用)
- 稟告生姪(兄弟亦在外者)
- 稟告商店就事
- 稟告出外遊學
- 稟告出外旅行
- 稟告出外就事
- 稟告出外謀事
- 稟乞代友謀事
- 稟告收租情形
- 父諭子途中平安
- 諭告旅况
- 諭告營業情形
- 諭子匯寄旅費
- 諭子稽查店業
- 諭子勤慎習業
- 諭子在校勤學
- 諭子嚴守家法
- 諭子孝事祖父母
- 諭子聽受母教
- 諭子聽受伯叔管束

○諭子管束弟妹

●諭子照顧親戚貧乏

○諭子收到逾期匯款

●諭子收到衣物

●諭子寄衣服

●諭子寄食物

●諭子寄用物

●諭告病狀

○患病諭子來店

●諭告病痊

●諭告歸期

母子

六十至八十二

○子稟母告旅次平安

●稟問母病

●稟告在校患病

●稟告入醫院治病

●稟告病痊入校

●稟告往省姊妹

●稟商令弟妹求學

○稟寄衣物

●稟乞寄衣服

●稟告校假日期

●母詢子在校近狀

○詢子在校近狀

●詢子在外病狀

●諭子不必歸省

●因病諭子即歸

●諭子婦病情形

●因婦病諭子卽歸

○諭子探視親長

○諭子探視姊妹(通用)

○諭子速寄家用

●因嫁娶令子籌款

○因置產諭子寄款

●因償債諭子匯款

○戒子不可曠學

○戒子交友宜慎

○戒子不可浪費

祖孫

○孫在外稟報平安

八十三至
一百零八

○稟告修業情形

○稟告營業情形

○稟寄家用

○稟寄衣物

●稟寄食物

○稟問祖父病狀

○稟告放假卽歸

○稟告家居平安近狀

○稟告祖母病狀並病痊

○稟告父病狀

○稟告父病痊

○稟告叔父病狀並病痊

○稟告弟妹在校修業

○祖諭孫寄學費

○諭告家鄉近狀

○諭告父病就痊

○諭告孝事寡母

○諭令聽受叔父管束

○諭告為弟妹選擇學校

○諭告謹慎營業

●諭令到公司領息

○諭告籌寄家用

○諭告購寄衣物

伯叔姪

一百零九至
一百三十五

●姪稟賀伯叔及伯叔母壽（通用）

○稟告在外平安

○稟告在校畢業

○稟告有人為說親請示允否

○稟告弟妹學業進步

○稟告弟已結婚並改習商業

○稟告姊妹訂婚並商嫁期

○稟告友人招任教員並行期

○稟告友人約同經商並請補助

資本

○稟告商業布置

○稟告伯叔母同校兄弟患病已

愈（通用）

●稟告伯叔母乞檢寄衣物

●稟告伯叔母乞購寄物品

●伯叔在外問姪家况

● 詢在家親戚近况

○ 問營業情形

○ 問學業進步

● 問家鄉年歲豐歉

● 招歸侍祖父母病

○ 囑結婚後即返里

● 囑代謀事

○ 詢營業狀況並催寄家用

● 代嫂催歸並囑先寄用款

○ 代姪婦催寄兒女學費

● 戒交友不可失信

姑姪

一百三十六至
一百五十八

○ 姪稟賀姑父母壽並寄祝品

(通用)

○ 稟賀表兄弟結婚並寄賀品

(通用)

○ 稟告祖父母催歸寧

○ 稟告表兄弟同學情形並商擬

同遊學

○ 稟告寄呈食物並催表兄弟來

校

○ 稟告母命遣妹就學乞照拂

● 稟告祖母安狀並陳早婚之害

請商從緩

○ 稟告父母安狀並商請店業集

股

○ 稟告暑假旅行擬來省問

○稟告家鄉近狀

○姑致姪告安况商令子女就學

○問近來家計並詢已否完姻

○詢姪婦已否分娩並告定期歸

寧

●問堂上安狀並囑購用物

○問學校優劣擬令子姪赴考

○囑爲表兄弟擇業

○寄衣物並囑勉習商業

○詢公司股息能否添購股票

○囑奉母參觀遊藝會

○告辦幼稚園囑代聘保姆

兄弟

一百五十九至
一百八十七

●兄寄弟告客况

○告遊學情形

○在校通問

○勸學

○囑勤商業

○告營業情形

○問商業情形

○囑弟購寄中籍

○囑購寄西籍並文具

●問祖父母病狀(通用)

○論嫁妹宜奩贈從豐

●論家用宜限制

●詢近狀並勸戒飲

○有友出洋留學囑爲招待

○弟賀兄嫂壽

●賀姪男女結婚

○出洋遊學通問

○出洋營業通問

●問父母病狀

●因子女訂婚託探堂上意旨

○商令子姪就學並寄學費

○告甥失學商助學費

●論先業宜保守

○論求學宜定宗旨

○囑代友選擇學校

○告營業失利由於用人失當

姊妹

一百八十八
至二百零七

●兄弟問已嫁姊妹安好(通用)

●告父母安狀(通用)

○姊妹致兄弟問父母安狀

○姊妹問兄弟近况

●出嫁姊妹通問

●妹問出嫁姊安况

●出嫁姊問妹安况

○姊問妹在校情形

●通問並寄食物(姊妹致兄弟)

●通問並寄書籍

●通問並寄食物(兄弟致姊妹)

●通問並寄用物

●託為甥擇婦

●託為女甥擇婿

○託爲甥擇校

○託爲甥擇業

○擬出洋遊學詢學校情形

○託聘女校教員

○問妹女子應學職業

○復姊問女子應學職業

夫婦

二百零八至
二百二十八

○夫詢婦在學校情形

○告學校情形并勸內弟遊學

○告營業情形

○通問並囑孝事父母

○通問並囑友愛弟妹

○囑約束子女

●詢子女學業進步

●囑檢寄衣物

○告匯寄家用

○告歸期並問應否需購物品

○婦致夫問旅况並告翁姑安狀

●報告翁姑病狀並催卽歸

○報告翁姑病痊

○告歸寧近狀

○報告病狀並請不必歸視

●報告病痊

○函寄旅費並問歸期

○催寄家用並兒女學費

○報告到校上課並告小姑同學

○索寄學費並新出圖書

妯娌

二百二十九
至二百五十

- 嫂致弟婦問翁姑安
- 告歸寧安狀並言歸期
- 詢歸寧何日回家
- 賀姪畢嫻
- 詢姪女嫁期
- 託管束兒女
- 託檢寄衣服
- 復阻園遊約赴美術展覽會
- 通候並寄書籍文具
- 約節省日用助賑
- 弟婦歸寧致嫂
- 賀生姪

復賀娶媳

●告翁姑因家事催歸

●告分娩平安(生子女通用)

○告隨夫旅行請歸主家政

●告移居並遣兒女就學

○寄贈衣物

○告姪輩安好並商緩就學

○告家計困難擬求學

外祖孫

二百五十一至
二百七十二

○外孫稟賀壽並呈禮物

○稟賀表兄弟結婚並陳明暑假

來省

○稟告在校平安

○稟告母命寄呈食物並陳轉學他校

○稟告母命代陳安狀並勸令表弟妹就學

○稟告父親營業客外乞代籌家用

○稟告母親因妹婚事不克歸省並告吉期

○稟告隨舅父旅行並報途中平安

○稟告友人招赴工廠見習乞派表弟來廠

○稟乞薦習商業

○外祖諭勉求學並照料同校表

兄弟

○諭侍母歸寧並告薦有店務

○諭退學風潮不可附和並寄衣物

○諭母病卽歸並囑購藥品

○諭令表弟隨學宜加管束並戒在外浪費

○諭出洋遊學並調查實業

○諭籌寄學費並告家用亦有補助

○諭暑假來見並囑約舅父表兄同歸

○諭興辦學校囑採購圖書並代聘管理人

○諭開辦工廠並囑來廠考查機件

舅甥

二百七十三至
二百九十五

○甥賀舅父母壽並寄祝儀
○賀外祖父母壽並寄祝儀（通用）

○告父母安况
○告就學情形並乞轉寄家報
○告表弟就學成績並催學費
○寄助表弟學費並商學科
○告商業發達邀表弟來助
○告近營商業請為招股
●論表妹擇婿

●論地方公益事業亟宜提倡
●舅致甥賀完姻並寄賀品
○告母病已愈不必假歸
●慰母喪並囑速營葬事（附寄奠儀）

奠儀

●託為表妹擇婿
○告籌寄學費並囑力學
○告宜勤學不可沾染習氣
○告薦任教習並勉勤於教授
○告籌辦小學託聘教員
○告近開支店招同經理
●告歸期並詢須否購帶物品

表伯叔

二百九十六
至三百零八

● 賀表伯叔壽並送禮（通用）

○ 賀表伯叔母壽（通用）

○ 請代匯寄家用

○ 請代購學校用品

○ 請作保證人

○ 請寫寄學校介紹書

○ 請作同學會發起人

● 賀表姪結婚

● 詢回里日期並約偕歸

○ 函告不能偕歸

● 囑代取存款

○ 商捐公立醫院經費

表兄弟

三百零九至

三百三十一

● 表弟賀表兄嫂壽（通用）

● 賀表兄結婚

○ 約參觀學校並商令子就學

○ 約假後同赴校並借閱書籍

○ 詢校假是否回里並商借款買

書

○ 詢旅行情形並索閱日記

○ 詢各校聯合運動會之辦法

● 商置田產

○ 商添籌資本

○ 詢公司性质質有限無限之分別

○ 表兄賀表弟結婚

○ 論在校不可干預外事

○ 詢旅行有無記述

○商校假中開科學補習會

○慰商業失敗宜自勉

●勸不可與人涉訟

●勸擇交並戒嗜好

●戒博並告賭博之害

●論防疫宜注重衛生不可迷信

●論兄弟析居之利害

翁婿

三百三十二至
三百五十四

●婿稟賀壽並呈祝儀

●稟賀內兄弟得子並送禮

●稟告生子女並謝寄禮物

○稟賀內兄弟畢業並問婚期

○稟告近狀及婦定期歸寧

○稟告夫婦在外遊學情形

○稟告隨父客外並遣婦就學

○稟告營業發達並寄衣物

○稟告招內兄弟來理商業

○稟告外孫畢業並商令出洋遊

學

○翁致婿命女歸寧並告得孫

○詢在校成績並贈圖書

●詢女已否分娩並豫寄禮物

○商令子弟就學並索校章

○詢商業近狀勉以勤儉

○商辦實業並囑招股

○詢親家翁客况並告購物

●問病並囑衛生

◎詢外孫已否就學並論幼稚園
利益

○詢鄉居近狀並論地方辦事

僚壻

三百五十五至
三百七十六

●賀親壽(通用)

●賀雙壽

●謝賀親壽(通用)

●謝賀壽

●賀生子並寄禮物

●賀生女並寄禮物

●賀生孫並寄禮物

●賀甥女結婚並寄禮物

●唁親喪(外艱)

●唁親喪(內艱)

●慰喪偶

○託爲子擇婦

○託爲女擇壻

○代妻告外舅姑安狀約緩歸寧

●代妻告內兄弟安狀並約歸寧

●代妻迎姊聚晤

●代妻迎妹聚晤

●代妻索姊妹寄照片並言久別

情形

○通問並商定偕赴學校

○商助內姪學費

師弟

三百七十
七至四百

● 賀師親壽並送祝儀

○ 賀師壽並送祝儀

● 唁師丁外艱並送奠禮

● 唁師丁內艱並送奠禮

● 慰師母喪並寄奠禮

○ 告學校畢業近膺聘教習

○ 謝存問並告改學商業情形

● 因父母病請假

● 因病請假

○ 因弟病連同請假

● 因病請續假(通用)

○ 謝詢病狀並代同學陳念

○ 告定日來校並代友人報名

○ 告假滿即來店並復問商業近

狀

○ 告代管店務並催病愈速來

○ 商入商業補習學校求學

○ 乞改定旅行日記

○ 代同學辨誣乞許仍令就學

○ 論初等小學男女合校之原理

● 論宣講於社會之關係

朋友

四百零一至
六百六十五

● 賀壽(二十至四十通用)

● 賀壽(五十至九十通用)

● 賀女壽(通用)

● 賀人父壽

● 賀人母壽

- 賀人祖父壽
- 賀人祖母壽
- 賀人父母雙壽
- 賀人祖父母雙壽
- 賀政界壽
- 賀軍界壽
- 賀商界壽
- 賀完姻
- 賀續娶
- 賀娶媳
- 賀娶孫媳
- 賀娶姪媳
- 賀嫁女
- 賀嫁姪女

通俗新尺牘

目錄 朋友

-
- 賀嫁孫女
 - 賀嫁妹
 - 賀生子
 - 賀生孫
 - 賀學校畢業
 - 賀友人之子孫學校畢業（通用）
 - 賀授勳位
 - 賀陸軍授職
 - 賀海軍授職
 - 賀文官考試得官
 - 賀開設銀行
 - 賀開絲廠
 - 賀開茶棧

十七

○賀設立轉運公司

○賀開肥皂廠

○賀設製造確詰公司

○賀設製革公司

○賀設輪船局

○賀開報館

○賀開書坊

○賀開典當

○賀開錢莊匯號

○賀開銀樓

○賀開綢緞莊

○賀開衣莊

○賀開藥鋪

○賀開醬園

○賀開木行

○賀開旅館

○賀開棧扇鋪

○賀開洋貨店

●通候並贈文具書籍

●通候並贈果品

●通候並贈鄉物

●通候並留贈木器

○通候並寄代購各物

●通候並詢市況

○通候並復告市況

●通候及爲子入學校事

●借資遊學

○借資營業

●借資娶妻

●借資嫁女

●借資置產

●託人代借

○借屋暫住

○借陳設品

●索還舊債

●代索還款

●請取銷舊約

●催贖抵押不動產

●催贖抵押衣飾

●催贖抵押雜物

●託代索逋

●還舊欠

●寄款贖抵押物

○勸募盲啞學校捐

●勸募貧民工廠捐

○規友人宜盡職務(學界)

○規友人宜盡職務(商界)

●規友人宜管束子姪

●規友人宜戒飲博

●規友人宜戒狎邪

●規友人宜早起

●託人求親(子姪孫通用)

●託人擇婿(女姪女孫女通用)

●請友作證婚人

●結婚請司儀

●請寫證婚書

●託薦政界事

○託薦學界事

○託薦商界事

○託聘女校管理員

○託介紹律師

○託聘會計員

○託招股(公司)

○託招股(行號)

○託同學爲弟姪介紹入校

○託同學檢寄存物

○託同學至家代取衣物並催假

滿速來

●託同學索遊藝會入場券

○託同學代續病假

○託同學取學校全體攝影並告

因病續假

●介紹友人入政黨

○介紹友人入學會

●介紹友人作新聞記者

○介紹友人入商業補習所

○介紹友人入商團總會

●介紹友人入俱樂部

○介紹友人參觀學校

○介紹友人參觀女學校

○介紹友人調查工廠

○介紹友人調查商業

○介紹友人之子弟來校並作保

證人

○介紹友人來店經理並作保證人

○介紹友人之子弟來廠學習並作保證人

○薦教員

○薦女學教員

○薦學校管理員

○薦學校會計員

○薦商店經理員並書記

○薦會所書記員

○薦繙譯

●薦律師

○薦工程師

○薦學徒

○請來校任教員

○請來店經理

○訂期會晤並託轉約他友

○約友來家晤談

●訂期會晤因事不往請改期

○約同赴校

○約校假同歸里

○約往他處調查

○約設俱樂部

●約赴歡迎會

●約赴追悼會

●約赴演說會

○約赴公司股東會

○約參觀小學校

◎約參觀女學校

◎約參觀師範學校

○約參觀鐵路開車禮

●約參觀軍艦

◎約避暑

●詢友人遷徙住址

●詢輪船開行日期

●詢火車開行時間及所經歷地

方

●詢友人何時回里並商辦地方

公益

●詢友人之子已否訂婚並擬介

紹婚約

●詢友人之女已否結婚

◎詢友人開校日期並索章程

◎詢友人何時在校畢業

●詢友人所在地之政俗

●詢友人鄉土物產

●詢友人物品價值

○詢工廠出品

○詢公司股票之價值

●詢近日有無新圖書出版

◎詢新圖書以何種為適用

◎詢新圖書之價值

○詢近日有無日報雜誌出版

◎約友會晤時間

●有事約友面談請先訂期

○約友至他友家會晤

●自訂期約友面談

●問初病

●問久病

●問病兼薦醫

●問人父母病

●問人父母病兼薦醫

●問人妻病

●因妻病託代延醫

●因病邀醫在異地者

●因病邀醫在本地者

●唁人丁祖父憂

●唁人丁祖母憂

●唁外艱

●唁內艱

●慰人喪兄

●慰人喪弟

●慰人喪偶

●慰人喪子

●復謝賀壽(中年通用)

●復謝賀壽(老年通用)

●謝賀祖母壽

●謝賀祖母壽

●謝賀父壽

●謝賀母壽

●謝賀祖父母雙壽

●謝賀父母雙壽

●謝賀妻壽

●謝賀娶妻

●謝賀續娶

●謝賀娶媳

●謝賀娶孫媳

●謝賀娶姪媳

●謝賀嫁女

●謝賀嫁姪女

●謝賀嫁孫女

●謝賀嫁妹

●謝賀生子女(通用)

●謝賀生孫

○謝賀營業開張(工商界通用)

●復謝薦事已成

●復謝薦事未成

●復謝問病並告初愈

●復謝問病並告漸愈

●復謝問病並薦醫

●復謝問親病

●復謝問親病並薦醫

●復謝問妻病

●復人託延醫

●謝唁親喪(祖父母父母通用)

●謝慰兄弟喪

●謝慰喪偶

●謝慰失子

●謝招飲

●復謝招飲不赴

●謝贈書籍

●謝贈報紙

● 謝贈文具

● 謝贈鄉物

● 謝贈花木


○ 謝贈食物

● 謝贈服裝

● 謝贈陳設品

通俗新尺牘

目錄 朋友



二十五

- 圖書分類
- 圖書編目
- 圖書館學
- 圖書館史
- 圖書館行政
- 圖書館教育
- 圖書館服務
- 圖書館建築
- 圖書館經費
- 圖書館法律
- 圖書館國際化
- 圖書館資訊化
- 圖書館社會化
- 圖書館專業化
- 圖書館現代化
- 圖書館未來化



通俗新尺牘

父子

●稟報沿途平安

母父親大人膝下。敬稟者。前日叩別

慈顏。當卽登輪。與男同住房艙者。適係昔年同學某君。彼此相識。不期而遇。途中頗不寂寞。於今日午刻已抵江寧。某君因有要事。急欲赴滬。卽換坐滬寧火車。男因在漢買定赴滬船票。故未改乘火車。藉省用費。且輪船行駛亦速。計明日午刻亦可抵滬。男此番雖係初次出門。所幸一路風平浪靜。眠食如恆。頃因輪船起卸貨物。約停泊二小時。特先馳稟上紓垂廬。餘俟到滬後續陳。肅稟。敬請

康安。男○○○謹稟○月○○日

●稟報旅次遇戚好

父親大人膝下。敬稟者。日前抵天津。曾寄安稟。計先

管收。

男

到津後。初係寓居客棧。因往謁某世叔。再三囑遷住某

號。厚情難卻。遂於昨日搬至某號暫寓。昨晚因某君招飲。適

某姻長亦在座。數載未見。不圖他鄉相遇。快慰之至。談次詳

詢

大人近況。並道渴念。知其到津亦無多日。現因有事急欲往京。已

於今日動身。臨行又送來候函一緘。屬即封寄。茲特附呈。聞

其在京約有一月勾留。如有覆信。乞寄至男處。當設法轉寄

也。男事蒙某世叔格外關切。必可望成。俟有實信。再行馳稟。

以慰

慈注。專肅稟陳。敬請

福安。男○○○謹稟。○月○○日

●在外稟祝母父壽通用

母父親大人膝下敬稟者。日前寄呈一稟。備陳近狀。諒邀

慈鑒矣。正擬請假旋里。恭祝

大人壽辰。乃奉到某日所發

寄訓。諭令不必歸祝。瞻望

慈暉。曷勝孺戀。又蒙

諭及現在政體共和。凡事皆應崇尚實際。不可沿習舊日虛文。

今年壽辰。凡戚友處均已預告。切勿再用種種祝詞賀禮。

具見

大人矯勵末俗之意。所有此間戚友。原擬備禮。交男帶歸。現已

大遵

示通知。概行璧謝矣。惟某姊丈與某姊。備有禮物數種。交存男處。似不便再行送還。容俟得便。即為封寄。某姊及男此時不克歸侍。

膝前下懷。實深感悚。刻已商定兩月後再行偕同回里定省。以

遂烏私想。

大人必垂許也。肅稟恭祝。

遐齡敬請。

福安男○○○謹稟○○月○○日

○稟祝母父壽

親大人膝下。敬稟者。前日接郵局遞到

訓示。誦悉。一是所

命轉致。某世伯各事。當卽往謁面陳。據云稍遲數日。當逕行函覆也。茲於某月某日。恭逢

母親大人幾旬壽辰。男極欲歸里一行。藉伸慶祝。惟公司適於是

時將開常年大會。臨期報告一切及籌議進行。男既在公司

任事。會場萬難缺席。因此不獲如願。惟有遙祝

康強。閤家蒙福。并遣兒婦率孫輩歸祝。以貢下忱。此間各交好。均欲

釀資演劇。爲

大人介壽。男已謹述

慈諭。再三辭謝。現擬屆期。在男寓中。敬治麪席。以答諸君盛意。

茲有壽幛壽聯各件。皆係諸同鄉及知交所送。未便璧謝。今

特封上。到乞

鑒收。爲叩。肅稟敬祝

慈慶並請

福安。男○○○謹稟○月○○日

○稟報到學校情形

父母親大人膝下。敬稟者。男與某表兄。於昨日九下鐘安抵上海。當將大人命致某某先生一函。親自送往。某某先生招待頗好。下午即同至某某學校。代男介紹一切。保證書亦即由某某先生簽名矣。現於今日上課。校中課程計修身國文算術歷史地理理科圖畫手工體操唱歌外國語十一門。校長因男國文程度尚好。可入乙班。餘均須在丙班教授。校中教習八位。同學約百餘人。亦有平昔相識者。起居飲食均甚適意。男在校自當專心學習。如逢校假日期。擬溫理宿課。并發安報。必不致

出外閒遊。一切請紓。

慈懷。男動身時。單夾衣服。均未檢入衣箱。如有便人來滬。伏乞

檢齊帶下。爲叩。專此稟陳。卽請

福安。男○○謹稟。○月○○日

◎稟報在校成績

敬稟者。日前接奉

手諭。謹悉一切。因校中將欲大考。溫理課程。致未卽行稟復。罪

甚。現大考已於前日完竣。各課分數亦已發表。男國文得八

十分。其餘歷史地理得七十分左右。圖畫算術理科外國語。

均六十餘分。惟手工及體操。皆在九十分以上。據學長某君。

謂男國文成績最佳。再逾一學期。必可升入甲班。其他歷史

等各課程。亦較上學期。更有進步。男此後益當專心練習。以

副

大人期望。校中何日放暑假。刻未定期。容再稟陳。肅此敬請

萬福金安。男○○○謹稟○月○○日

○稟報校假歸期

敬稟者。頃某世叔來校。詢知

福躬康健。弟妹安吉。甚慰下懷。校中暑假。即在數日內。承某世叔厚意。屬於放假後。即搬至伊店中居住。情實可感。惟男離

家數月。久缺定省。正應於給假期內。歸侍

膝前。以盡子職。遂向某世叔婉言辭謝。茲准定於某日。與某表兄同伴。搭早車回里。所有各課書籍。在家無事。仍須溫習。擬均帶歸。惟隨身攜帶又多不便。已面交○○○小輪局某先生。託其遇便寄回蘇州矣。餘俟回家面稟。肅此敬請

福安。男○○謹稟○月○○日

◎稟報轉學他校

敬稟者。男在某學校肄業。將近一年。雖英文算學。畧有頭緒。而國文則毫無進境。蓋西人所辦學校。大率專重英文。於國文本不甚注意也。男思西國文字。雖爲現時必不可少之學問。而究以研究國文爲急務。若長在此校。似乎不甚合宜。同學中亦有數人。與男意見相同。日前探詢某君。據云有某校正在招考。該校課程。以國文爲主。英文及其餘各科學次之。所聘教員。皆係專門畢業者。規則極好。學費與此間相同。因卽偕往報名投考。幸未擯棄。已蒙錄取。開課且近。擬卽遷入該校。從此中西兼重。潛心練習。必可望有進步。如荷訓示。請卽寄某地某校交男親收。不致有誤。餘容續稟。此請

福安。男○○○謹稟○月○○日

○稟報進店情形

敬稟者。前在途次。曾交郵局。先後寄奉安稟兩封。計已達

慈鑒矣。男於昨日上午十一鐘安抵滬上。暫寓後馬路某某旅

館。行李一切均無遺誤。午後往謁 某世叔。極荷優待。並屬

即日進店。遂於今晨由 某世叔陪同前往。店中執事 某

先生。係某處人。同事十餘人。大約江浙人爲多。蒙執事派 男

幫理賬務。自當恪守

訓諭。謹慎辦事。如店中無事時。仍當閱看商業簿記。及尺牘等

書。以資研究。至飲食起居。亦自知留心。均請

釋懷。爲叩。男離家將一星期。想家中自

二親以次。均皆安吉。此信到後。尙乞卽

賜復諭。以慰下懷。肅稟。恭請

福安。男○○○謹稟。○月○○日

○稟報營業情形發達

敬稟者。半月未奉

訓示。近想家中自

大人以次。均皆安善。爲頌。男寓滬安好。堪慰

慈懷。今年各處市面。漸有轉機。男店中各貨。銷路頗旺。去年所

進之貨。於二月間。均已銷完。現在各埠紛紛函定者。尙不少

減。男已向往來莊號商妥。如各處貨到。准由男首先進購。雖

定購者源源而來。可保無不繼之虞。此項營業。不料如此發

達。實爲數年來所少見。今年店中。必可稍獲盈餘。男自當與

某君和衷辦理。以冀均沾利益。知關

垂念。特將近情稟陳。想

大人聞之。亦必喜慰也。餘容續陳。敬請

福安。男○○○謹稟。○月○○日

○稟報營業情形。贏餘

敬稟者。日前曾託某君。帶奉安稟。亮登

慈鑒。去年店中營業。現已將各項細賬。揭算清楚。除官利外。每

股約得餘利二分半之譜。雖由市面興旺。亦多賴各同事贊

助之力。茲擬將前年略有虧折之款。首先彌補。復提出若干。

爲公積金。以固基本。所有各同事應得酬勞。則按照平日辦

事勞逸。秉公分派。均皆歡欣異常。某表弟所得之酬勞若干。

男。已爲之提起。卽在本店存息。將來辦理婚事。可將此款提

用。復可免其無益化費。便乞

轉達 舅父諒亦以男辦法爲然。以後店中各事。男與各同事。

更當互相策勵。力圖進行。可請

放懷。家中如需用若干。乞隨時

諭知。卽當匯寄。所有去年本店賬略。另紙開呈。伏希

鑒收。餘容再稟。此請

金安。男○○謹稟○月○○日

○稟報營業情形消縮

敬稟者。近來男店中各種貨物。銷路極形停滯。往時每月可銷至五六百箱者。現不過銷二百數十箱。核計尙不及半。且有預先訂定。忽來減少。或竟至全退者。推原其故。總因市面蕭索。銀根奇緊。所以皆不願多囤貨物。各處各業。大都如此。不獨男店中爲然。男幸所存之貨。爲數尙少。前月有北地客

幫。裝來大宗貨物。曾向男抖攬。當時亦恐銷路難暢。不敢著手。卽經婉辭。否則照目下消縮情形。則受累更鉅矣。男近與各同事關照。一切皆主謹守。卽放出賬面。亦必鄭重辦理。約計今年結賬。或可不至過虧也。知蒙

遠念。謹以稟陳。肅稟。敬請

福安。男○○○謹稟。○月○○日

○稟報營業情形 虧折

敬稟者。男現已將店中去年營業賬目。詳細核算。約須虧折銀若干。初因進貨時。成本過大。已屬吃虧不少。兼之通用莊銀。拆息太重。貨存洋棧。爲日過久。租費亦多。此外如房屋加租。百物騰貴。各項開支。皆須增添。有此種種原因。是以不免耗蝕。男雖竭力經營。事事留心。而尙有此波折。總由市面太

壞。以致營業受其影響。真無可如何者也。幸男在外。友情極厚。均肯相助。今年當格外謹慎。並力圖撙節。以期恢復。前蒙諭及堂弟某某。擬到男店中學業。請即轉告。此時暫勿出來。且俟秋冬再定。因男店中學徒。原有四人。現正節省用度。不敢再添人耳。肅此稟陳。敬叩

萬福。男○○○謹稟。○月○○日

○稟報改營別業

敬稟者。男前年與某君發起經營此業。在當時籌議。初意可操必勝之權。豈知時局變更。頗受影響。去年貿易。已屬敷衍了事。今年春季已過。毫無起色。若再勉強支持。恐有虧耗。現幸存貨無多。賬面亦少。遂與某君商定。決將此業收歇。即將原有資本。另行組織某業。某君亦極贊成。且尙須添招股本。

以資擴充。現正與某君合籌辦法。有資本家某先生極願附股。無論其佔股多少。可增同業信用。男年少資淺。蒙某先生如此信任。皆由某君吹噓之力也。俟成議後。再當詳稟一切。以慰

垂念。專此伏頌

萬福。男○○○謹稟○月○○日

○稟報另設支店

敬稟者。男之店業。開設今將三年。貿易日形發達。外埠紛紛函購。亦屬不少。而尤以漢口一埠爲多。惟自滬至漢。往返必須旬日。兼之運費甚鉅。交易之間。彼此均不稱便。若能在漢分設支店。銷路必更暢旺。蓋漢口本係通商大埠。爲往來南北等省必經之地。且有京漢鐵路。過客更多。其市面之繁盛。

較之滬地。不相上下。又聞該埠自光復後。去年各項營業。無不獲利。男因此決計在漢設立支店。現已請某君前往。察度店基。俟其回滬後。即可籌商辦法。極遲下月間當可開辦也。族兄某君。旅漢多年。於該處情形。極稱熟悉。男將來欲請其同往相助。未知其願去與否。請

大人預爲商詢。倘肯答允。再當專函相邀也。餘俟續稟。敬稟

福安。男○○謹稟○月○○日

○稟報販運獲利

敬稟者。男日前由杭回滬。曾寄呈安稟。諒登

慈鑒。今年在杭所辦之貨。運至滬市。頗稱暢銷。且此項貨物。多半運往北地。日來疊接北幫來信。尙欲男接續辦往。現擬在滬。略爲布置。月杪再行赴杭。好在滬杭火車直達。行旅固極

便利。而在杭寓居之莊號。招待亦甚周到。一切可請放懷。現貨賬已約略核算。計來往四五次。除繳費外。所得盈餘。已甚可觀。此次往杭。約小住數日。即行返滬。俟將各賬料理結束。必當返里一行。如有定期。當再稟陳。肅此敬請

金安。男○○謹稟○月○○日

○稟寄呈衣服

敬稟者。半月未奉

慈諭。近想

福躬安康。下懷甚念。男寄寓滬上。身體平安。惟年關伊邇。店務

漸忙。幸有各同事相助爲理。尙不至十分辛苦耳。日前有友

人某君。自北地來此。隨帶有細毛皮統數襲。急欲脫售。內有

狐嵌二件。於老年人禦寒。最屬合宜。且索價甚廉。較之市間

所售者。便宜不少。男思

二親每屆冬令。時常畏寒。惟服此皮衣。輕暖適體。現已購定兩件。並配購衣料。卽屬成衣製就。適值某君有事回里。用託帶呈。至乞

檢收。并望便中

諭復。爲盼。敬請

福安。男○○○謹稟。○月○○日

●稟寄呈食物

敬稟者。本月某日。託某莊附奉安稟。並匯寄銀圓若干圓。前數日該莊卽將收條送來。知已蒙

訖收。甚慰。男近晤某表叔。譚及二弟現在國文頗有進境。已能

作短篇文字。男意此後如有寄物等事。其來往家信。可屬二

弟執筆。一以省

大人之煩勞。一可使二弟隨時學習。昨有友人某君。自粵來滬。送男粵產食物數種。適逢某君之便。即託其帶奉。至乞鑒存。內有鮮荔一筐。係粵產美品。核細肉豐。較尋常市售者。尤爲甘厚。惟此果性熱。小孩則不宜多食也。餘容再稟。即請

金安。男○○○謹稟。○月○○日

●稟寄呈用物

敬稟者。日昨某表兄抵滬。詢知

母親大人福體安康。下懷甚慰。惟據某表兄述及。家中新於院外。

添建小屋兩間。刻已完工。應用器具。尙多未備。男思此屋。可

爲接待賓客之處。似宜略爲布置。以示整肅。茲購就大鏡一面。西式籐椅八把。紅木圓桌一張。及几案間擺設另物若干。

件。(外附細單一紙)特託內河小輪局某君。陸續交便帶呈。至祈

檢收。再將家中原有陳設。分布兩室。當可敷用。居室器用。以清潔爲要。各物安放後。可

命弟妹等隨時拂拭清潔。并望

大人勿自操勞。爲叩。某表兄在滬。男當照拂一切。請

轉告 姑母勿念。餘俟續稟。卽請

福安。男○○謹稟。○月○○日

●稟告匯寄家用改用郵局匯票

敬稟者。男於某日曾交信局寄奉安稟。並家用洋若干圓。屈

計日期。應早寄到。頃讀

訓諭。未見提及。定被該局耽誤。民局寄信。如此遲延。殊爲可恨。

現已函託原局去信催查矣。以後如寄家用。擬購郵局匯票寄奉。祇須於寄到後。持匯票親至郵局兌洋。似較爲妥速也。特先稟陳。以便接洽。餘容再稟。敬請

金安。男○○叩稟○○月○○日

◎稟乞寄旅費

敬稟者。男到京後。兩次寄呈安稟。計先後均登

慈鑒矣。某學校已於前日考試。約在半月後。方能揭曉。男本擬

即日南旋。據同伴某君見告。如果錄取。即可入校。不如在此

靜候。以免再勞往返。男思其言甚是。故准不作歸計。惟男動

身時。原擬作半月勾留。故所帶費用無多。今須寓居月餘。而

京中一切物價。均極昂貴。雖事事節省。尙恐有不敷之虞。爲

此稟陳情形。敢乞於日內再

匯寄若干。以資接濟。如蒙

賜諭。請寄京某地某旅館第幾號交。男手收。不致有誤。專肅稟

陳。卽請

福安。男○○○謹稟。○月○○日

○稟乞購寄書籍

敬稟者。男於某日曾交郵局寄呈安稟。計早登

慈覽。至今未得

復諭。不勝繫念。想家中自

二親以次。均皆安善。定符下祝。男在校安好。課程亦無間斷。堪

慰

垂塵。近閱各報。見商務印書館所登廣告。出版新書甚多。內有
新字典一書。同學某君。曾經見過。據云搜輯極爲完備。頗合

參考之用。其代價亦廉。敢乞卽向該館。購買二冊。交便寄下。
一係男自用。一係友人所託。每冊需價幾何。並乞

示及。因友人託買一冊。男可向其收歸價銀也。肅稟敬請

萬福。男○○謹稟。○月○○日

◎在家稟告平安

敬稟者。半月未奉

慈諭。深爲懸念。近想

福躬康健。適如下頌。男在家安好。每日入校讀書。功課亦未間

斷。如遇校中放假。則在家溫理舊課。學習書法。不敢出外閒

遊。家中各事。蒙

叔母父照料殷勤。自當敬聽教導。均請勿勞

遠念。某表兄時來我家。聞其已決定赴滬習商。約下月間卽當

動身。並以稟陳。肅此敬請

金安。男○○叩稟。○月○○日

●稟告祖父母病狀通用

敬稟者。昨日接奉

訓示。均經讀悉。所有寄來各物。亦照信收到。敬諭
尊體安康。甚慰下懷。近日

祖○大人偶患痰喘。飲食如常。惟夜間眠稍不安。昨經請醫生某
君診視。據云此係年老氣血兩虧。兼之冬令嚴寒。是以觸發
此症。祇要調理得宜。必能漸臻康復。現已服藥數劑。似稍平
和。所有醫藥一切。男等自當小心侍奉。請勿

遠念。再滬上如有專治喘症妙藥。望

購寄數服。並乞

詳示服法。因

祖○亦曾諭囑稟詢也。 二叔父處。男亦有稟寄去矣。並以附陳。

餘容再稟。此請

金安。男○○叩稟○月○○日

●稟告祖父母病痊通用

敬稟者。昨肅安稟交郵局寄奉。諒先登鑒矣。今晨某表兄回里。即來我家。述及

大人寓滬安康。至為欣慰。

祖○大人之恙。自服某先生之藥。逐漸見瘥。胃口漸開。起坐亦不

覺辛苦。約再養息數天。當可復原。惟某先生云。最好於全愈

之後。即進滋補之劑。並盛稱上海藥房各種補品。均於身體

有益。若能常服。必當有效。

祖○近亦深信西醫藥品。故已請某先生擬就滋養藥方一紙。茲
附呈

慈覽。乞卽在滬配購。遇便
寄歸。是所盼禱。專肅稟陳。以紓
遠念。叩請

金安。男○○叩稟○月○○日

●稟母病狀

敬稟者。未奉

慈訓。不覺旬餘。想

大人在外。福躬安健。深爲記念。

母親大人於日前。偶染瘧疾。寒熱交作。腿酸脊痛。胃亦不舒。據
醫者言。此係操勞過度。兼受風溼所致。現已每日延醫診視。

藥尙對症。定可漸臻痊復。大姊亦於昨日歸寧。一切侍奉。自能善爲體貼。堪紓

慈念。惟近日因醫藥等費。家用未免稍增。還乞匯寄若干。是所盼切。餘俟續陳。敬請

福安。男○○○謹稟。○月○○日

●稟母病痊

敬稟者。疊奉昨前所發

手諭。並寄來食物藥品等。已均照單收到。近日

母親大人之恙。幸已逐漸見痊。每餐能食粥碗半。晚間睡亦頗安。

醫者所開之方。已略帶補劑。現每方定服兩日。擬再請診視

數次。當能康健如恆。此番所請之醫某君。係某表伯所薦。

且蒙表伯時來問訊。並斟酌藥方。極爲周到。情實可感。如

大人通函時。望提及之。或須贈物酬謝。亦祈示知。俾家中可照辦送往。二弟現已能作楷書。近來安稟。係伊所繕正也。餘俟再稟。此叩

萬福男○○○謹稟○月○○日

●稟告弟妹勤學

敬稟者。日前接奉

訓言。叩悉。一是蒙

寄下新國文一冊。女子修身教科書一冊。均照收到。三弟在校肄業。頗肯用心。每日按時往校。卽身子略有不適。亦不肯請假。該校教習人極和藹可親。啓迪兒童。最爲合宜。其教授則以講解詳明爲主。尤爲有益初學。家中至校。路雖略遠。幸有鄰居某弟。與之同校。每日合伴前往。某弟年齒較長。頗肯照

管儘可放懷。妹妹自改入某某女校後。已較前略有進步。所授之課。亦能領悟。蓋資質本極聰穎。不過年幼。尙有童心耳。商務印書館所出之初等小學習字帖。便乞

購寄二冊。俾弟妹等在家時。亦可學習也。餘容再稟。卽請

福安男○○○謹稟○○月○○日

●稟告生弟妹 通用

敬稟者。日前某表叔回里。述及

大人已於月初由杭回滬。此次運往各貨。銷售既速。獲利亦豐。家中均極欣慰。

母親大人已於今日上午八鐘二十分。喜生一○。臨產甚爲安順。至家中內外各事。幸有叔母照顧一切。均可上紓。

慈注。惟

母親前月曾請某先生診脈。據云體氣稍弱。俟產後宜多服補品。較之平時服食。易於奏效。並承其預擬補藥方一紙。茲特附呈。乞卽

購寄。俾半月後可照服也。肅稟敬賀

大喜。男○○○謹稟○月○○日

○稟弟妹病狀 通用

敬稟者。男因校中放假。於昨日回家。近來家中自

母親大人以次。均皆平安。惟○○於前日起。驟發寒熱。業已三日。尙未見痊。卽經延醫診視。據云近日天氣陰晴不定。忽寒忽暖。稍不保重。卽易致病。○○之恙。亦係寒暖失宜。兼飲食不慎之故。現已服藥兩劑。略覺輕鬆。所謂受病易去。病難一

時殊不能急望全愈也。○○患病。有嫂姊等。隨同母親照料。一切甚周。伏乞

大人勿念。至爲叩禱。餘容再稟。敬請

金安。男○○謹稟。○月○○日

●稟弟妹病痊 通用

敬稟者。昨前連交郵局寄呈安稟。諒次第均達

慈鑒。并蒙

覆諭在途矣。家中因○○染恙。連日料理醫藥。頗形忙碌。幸自

某醫診視後。服藥數劑。甚有效驗。昨今已能起坐。飲食亦覺

有味。現擬仍請某醫。間日開方。以冀早日復原。蓋病後之調

理。尤不能不謹慎從事。某醫視疾用藥。均極細心。聞其家學

淵源。且曾出洋遊學。得有文憑。較之他醫。殊有把握。此次我

家延請診治。將來應如何酬謝。還乞酌示。以便遵辦。謹此稟陳。以慰

垂塵。敬請

福安。男○○○謹稟。○月○○日

●稟告生子女通用

敬稟者。前日接某號遞來

手諭。並

匯下銀圓若干。當經稟復數行。即託該號附呈。亮先登

鑒矣。兒婦已於昨晚九點四十分分娩。得舉一○。大小平安。小

孩體極肥碩。服侍產婦之女傭。幸先數日已來我家。一切均

稱順事。

祖母大人得見曾孫。歡欣異常。昨晚亦扶杖出外。指揮各事。至一

點鐘始睡。並囑男馳稟

大人。即為小孩命名。伏乞即日

賜示。以慰

重闈盼望。再將來彌月時。親友來賀必多。未知

大人屆時可回里否。亦乞

諭及為叩。肅稟。即請

喜安。男○○謹稟。○月○○日

○稟告生姪。兄弟亦在外者

敬稟者。前接

訓諭。囑檢寄衣物等。刻已備就。俟某姻兄來滬。當託帶呈。近日

家中自

母親大人以次。均稱安善。大嫂已於昨日下午三點二十分

喜產一男。母子皆安。小孩啼聲洪大。他日定非凡品。

大人望孫念切。聞之諒更喜慰。男適於昨日自校歸家。今日因

諸親友均來道賀。男須在家接待。已致函校長請假一天。

大哥在南京。前昨亦有來信。在校安好。男頃亦函去通知。屈

指暑假將近。想大嫂彌月時。伊當可歸家矣。將來應如何

治筵宴客。尙乞預爲

諭知。以便家中屆期照辦。專肅稟陳。敬賀

尊喜。男○○謹稟○月○○日

○稟告商店就事

敬稟者。男於某日赴鎮江。小住三天。卽於今日回家。在鎮時

與某世伯朝夕聚晤。蒙其不棄。招待極周。昨荷諭及。現本號

司賬一席。因經居停調往他埠。卽將前往。亟欲擇一善於鈞

稽者。接辦此職。云可薦。男擔任其事。并云如果允就。再由居
停正式聘訂。以昭鄭重。男思該號營業。分布各埠。事務紛繁。
且職司會計。負責尤重。深恐不克勝任。因即向之辭謝。後經
某世伯言之再三。且謂彼此同事一處。儘可遇事商量。如此
厚意有加。實不便再行堅却。當經面允往就。惟商業通例。須
具保證。彼雖未曾言及。似不能不預爲備妥。此項保證書。還
乞

大人設法一辦。倘能託資本家某公具函。尤爲妥當。俟辦就後。
乞即

寄下。俾進號時。即可面投。男在家料理各事。約半月後必當前
往也。專此稟陳。敬請

萬福金安。男○○○謹稟○○月○○日

○稟告出外遊學

敬稟者。昨接

手諭。並蒙

探示日本郵船會社開船日期單一紙。均經領悉。男當卽往訪同學諸君。皆以此次遊學東瀛。雖相隔非遙。而一切行裝。亦不能不略爲料理。且同行者尙有杭州舊同學數人。須俟至滬會集。方能就道。茲已去函相約。請其從速到滬。男與諸同學。定於某日來滬。約耽擱一禮拜。遇有開往日本之輪。卽行動身。如此辦理。已甚從容。彼此均有照應。想

大人亦必爲然。特先稟陳。餘俟到滬面稟。肅此卽請

福安。男○○○謹稟。○月○○日

○稟告出外旅行

敬稟者。男於校中大考後。曾將各情稟陳。計已早日達

鑒矣。現在暑假伊邇。西文教習某先生。暨諸同學於昨前發起遊歷各省之議。大致謁吾人平日在校。研究地理。其形勢區劃。雖有各種圖書。可資參考。而各處風土人情。究非親歷其地。不足知其大略。近來水陸交通。均極便利。乘此校假期內。擬約集五六人。至各省通商大埠。遊行一周。藉覘風俗而長見識。所有旅費。悉從儉省。均由各人自備。男極願隨同前往。當經贊成簽字。茲已定於某日就道。先至漢口。次第往河南直隸北京等處。將來或往奉天。或至山東。俟到京再定。至於浙江安徽江西等省。則俟回南後。亦擬前往一遊。男之旅資。約帶若干圓。已蒙叔父賜給一半。餘則均在母親處支取。俟到各埠暫住。當將調查日記。隨時稟呈。以慰

垂注。肅此敬請

福安。男○○○謹稟○月○○日

○稟告出外就事

敬稟者。昨接某姻丈自滬來書。云男前者託求位置。現已薦就杭州某行幫賬一席。月薪若干圓。其保證書亦蒙某姻丈擔承。近來該行經理。適在滬上。約有半月勾留。囑男於日內動身赴滬。可與經理同伴往杭。諸承某姻丈格外關垂。實深感激。茲男擬將衣服及行裝一切。略爲添補。准定於某日啓程。已先有函寄滬。通知行期。並達謝忱矣。近來某弟文字頗有進步。所作書札。亦能詞達其意。男已囑其此後於每星期內。寄安稟二通。致男書一通。既可練習尋常書信。而家事狀況。亦藉此可以通告矣。餘容到滬後。詳細稟陳。專肅敬請

萬福。男○○叩稟○月○○日

○稟告出外謀事

敬稟者。前奉

訓諭。敬知

大人日前略染小恙。幸卽痊可。欣慰之餘。深爲不安。伏念我家用度浩繁。全賴

大人支持。而男則在家坐食。不克稍盡子職。清夜自思。莫名愧

怍。況男年已長大。亟應於商業中求一位置。以資練習。倘能

稍得薪水。亦可補助家用。近聞某表叔現在漢口。營業擴張。

交遊亦廣。男擬前往面託薦引。素蒙表叔見愛。或不虛此一

行。茲定於某日就道。一俟抵漢後。有無機遇。卽當稟陳。以慰

慈注。家事有 母親及弟輩照料。均求

勿念。肅請

康安。男○○○謹稟○月○○日

●稟乞代友謀事

敬稟者。月初寄上一稟。計呈

慈覽。日久未奉

諭言。想係因事無暇。抑爲郵遞耽擱。敬念敬念。昨 母親命 男

至某世伯處。一詢消息。復云。近日亦未得

大人來書。不知安否。尤繫下懷。家中自 母親以次安好。用度

亦不拮据。足紓

垂注。茲有從前同學某君。人頗謹飭。精於測繪之學。本在某校。

擔任教員。自因病辭職以後。遂卽返里。今已病愈。尙無所事。

家有老親。亟謀甘旨之需。各校現已開學。一時竟無合式機

緣。可爲設法。頃來屬_男函求

大人代爲一圖位置。某君爲人一切。從前頗蒙

稱贊。況其既有專長。無論軍學界或鐵路中皆可合用。如蒙薦

定有事。乞用

電諭。俾可令其趨謁也。專肅恭請

福安。男○○○謹稟。○月○○日

●稟告收租情形

敬稟者。近日家中自

祖_{母父}大人以下。均皆安吉。足慰

遠念。家中租穀。近已陸續往收。以今年春夏雨水調勻。秋收可

稱豐足。而佃戶乃多方藉口。以冀短少。實屬不易對付。有某

處佃戶。疲頑更甚。延宕數日。祇交一半。該處田畝最多。又不

能任其欠缺。屢次僱工往催。未免增加耗費。男意若該佃戶終不補交。則日後倘遇年成略歉。勢必愈減愈少。此風斷不可長。明年應否另行招人佃種。尙乞示知。以便爲最後之解決也。一俟各處收齊曬燥登倉。共有若干。再當稟陳。餘不瑣稟。卽請

金安。男○○謹稟○月○○日

○父諭子途中平安

某兒知悉。我出門後。於某日到上海。次晚乘江輪赴漢口。今日到蕪湖。因途中與友人談及米業情形。近頗獲利。欲爲實地調查。是以偕友在蕪登岸。暫寓某某客棧。約有一兩日耽擱。卽行附輪赴漢矣。此行同伴有人。頗不孤寂。一路安好。人亦不覺辛苦。身體還比在家舒爽。此可喜也。茲泐數行。交郵局寄家。以免家中懸念。此

諭某兒知之。○月○○日父手諭

○諭告旅況

某兒收閱。前由蕪湖寄回安信。想已收到。茲於某晚乘輪上駛。某日即抵漢口。身體尚好。惟沿途不免勞頓。須靜息一二日耳。所有號中營業情形。尙未即時整頓。俟諸事料理稍有眉目。再行詳示。惟離家今已半月。家務有汝母及汝照管。支持門戶。固可放心。但隨時來稟。須將家中情形一一詳告。以免遠系。此間天氣尚好。於我體氣亦爲適宜。可以勿念。此諭。○月○○日父字

○諭告營業情形

某兒閱悉。昨得來稟。知汝身體安好。閤家平安。甚慰。我旅中起居。均稱健適。計抵埠以後。整理號中事宜。及稽核一切帳務。業已就緒。惟自近歲以來。時局變遷。商業亦受影響。幸賴夥友實心籌畫。

迄今稍有轉機。但規模不能縮小。日用一切。較前昂貴。所可藉資挹注者。全賴向通往來各號。現今商界競爭甚烈。同業接踵而起。所有進出各貨。又不得不悉力整頓。以廣招徠。况值金融停滯。與其仰鼻息於他人。以爲周轉。不若按股添本。庶可利無外溢。現定某月某日。邀同附股各東。在本號開會。於添本一層。會同商議。決定辦法。則此後店務。不難日益發達矣。餘再續告。此諭某兒知之。

○月○○日父諭

●諭子滙寄旅費

出門數月。所謀迄未就緒。旅居以來。遇事雖概從儉約。無如此地爲通商巨埠。風俗華靡。卽房金一項。較昔已增數倍。加以日用一切。無不價率日昂。因此所帶川貲。萬不敷用。現已向親友處小有通融。後此恐難爲繼。用特函告。汝得信後。速卽籌集成數。或提某

某存款若干。由某莊滙寄來此。以應要需。年來家用浩繁。經濟問題。亦頗支拙。惟我既出門。祇得移緩就急。此間所謀如成。即可毋庸再行接濟。如再無眉目。亦當早圖歸計。并告家中勿念。此諭。

○月○○日父諭

○諭子稽查店業

比來各店業情形如何。久未得汝報告。甚爲懸念。現今商界競爭愈烈。稍落人後。即將不振。至於貨物不加挑選。及店夥不善招徠。乃吾國商人通病。此弊不除。雖有貲本。勉強支持。終必歸於失敗。我家各店夥友。其中老成敏練者固多。習久弊生。在所不免。我在外不能兼顧。汝須諄諄勸勉。以期振刷精神。化除積習。所有開銷一切。總須節省。否則生意雖旺。卽此糜費。已足消耗。倘天時人事。偶有不順。則虧折更不堪設想。以上所云。汝到各店稽查時。不可

不先注意。他如典業錢莊兩處。執事各友。經理多年。諒皆誠實可靠。汝惟以誠相待。默爲查察。則辦事人有所顧慮。必能認真。可免流弊。汝亦宜格外和慎。以免人有間言。切記切記。至現在各店。或須擴充資本。或須更換夥友。某業貨色。已否改良。某店銷場。能否獲利。務將詳細情形。逐一隨時稟報。以慰遠念。切囑此諭。 ○月

○○日父手諭

○諭子勤慎習業

汝以家貧。廢書習賈。汝當知我期望於汝之意。蓋現在社會。欲圖生計。必謀職業。欲謀職業。必先學有所長。足見此時謀業。眞眞不易。卽我爲汝計。亦甚費事。或難得可託之人。或苦無相當之地。今將汝薦至某號學業。因執事某某先生。是我多年知好。故肯留汝學習。此誠難得之機遇。汝在號務須聽從教誨。遇事小心謹慎。有

不明白者。卽應隨時請教於某先生。至國文算術。亦宜時時練習。則將來於商業各方面。均有用也。并可常寫家信。以慰家中遠念。此諭。○月○○日父諭

○諭子在校勤學

自我離家。汝在校中上課。能有進步否。大凡爲學。總以勤字爲要訣。果能自知勤奮。於學業自能日見進益。蓋上課堂授功課。每日有一定時間。汝能於師友中。時時討論。勇於自修。則一日可抵兩日矣。如果嬉遊曠課。旁人必恥笑之。汝當思古人學問。多從勤苦中得來。況今日學校課程。皆關於國民必需之常識。人生應有之技能。若不力學。後悔何及。戒之勉之。此問近好。○月○○日父字

○諭子嚴守家法

某兒知悉。昨接來稟。知前諭囑汝勤學。汝能遵余告誡。至爲喜慰。惟每日自校歸後。於家政一切。亦應隨同汝母。妥爲整頓。治家能有條理。加以整齊嚴肅。卽所謂家法也。汝能事事慎守。不越範圍。則弟妹皆有所儆法。否則一身未能謹飭。卽一家不知規矩。旁人必多議論。辱及門庭。近來人家子弟。性情放蕩。一無拘束。甚至壞法蔑禮。無所不爲。其所以致此者。卽由父兄平日之失教。蓋父兄之教不嚴。子弟卽不能慎守家法。其家未有不立敗者。此等舉動。余甚不願汝效之也。切囑切囑。此諭。

○月○○日父諭

○諭子孝事祖父母

近接來稟。欣知

祖父母以次康安。至爲喜慰。我長年在外。爲謀家計。未能時歸。定省。心實懸懸。每一自念。遠不如菽水家庭之樂也。汝素爲

祖父母所鍾愛。定能先意承旨。孝事維謹。毋庸多囑。惟老年人調護起居。尤宜注意。寒暖飲食。汝可隨時留心。汝在校成績尙優。更宜早晚力學。期有成就。此亦可上博歡心。汝其善加體念。是所切盼。春日晴和。汝於課餘。亦宜常侍

祖父母在園宅中遊散。心日老年體質。藉此運動。多受新潔空氣。亦增進健康之一助也。汝宜知之。此諭。○月○○日父諭

○諭子聽受母教

屢接汝母來函。云汝近來日事嬉遊。學業毫無進步。每有告誡。亦不聽受。似此自甘暴棄。將來必無成就。汝母平日愛汝甚切。非汝太不能守約束。斷不肯以此種事。寫信告我。使我客中增加煩惱。汝試自念。年已長成。非同幼稚。若猶不知自愛。在校不肯用功。在家不受母訓。他日何堪設想。旁人必將笑汝。惜汝未受家庭教育。

且辱及於汝母及我矣。汝但看人家子弟墮落之狀況。能無悔恨。汝見諭後。務宜事事遵守。汝母訓誨。勤學勿荒。則已過之事。我亦不過責汝矣。誠之勉之。此諭。

○月○○日父諭

●諭子聽受伯叔管束

我出外日久。汝母家務甚繁。於汝在外行爲。恐未能隨時覺察。我甚以此爲憂。因汝氣質未定。或致不知檢束。賴有汝伯叔在家。向來對於子姪。視同一體。必能遇事加以管束。汝宜隨事聽受教訓。即使詞色之間。有時不稍寬假。無非使汝知所愧悔。勉爲馴謹之子弟。此乃長輩責任所在。汝亦萬不可有所違忤。我家自祖父以來。家教甚嚴。汝所素知。勿謂我不在家。汝即可任意行動。果汝伯叔及汝母。以汝過失見告。則我決不寬貸。汝後悔無及矣。切戒切戒。此諭某兒知之。

○月○○日父諭

○諭子管束弟妹

月之某日。汝表兄某某便道來此。就詢家中近事。談及汝弟妹近來在校。頗肯用功。聞之甚慰。惟是年皆幼稚。尙無知識。但恐因其資質尙好。有所縱容。後來不免驕惰成性。則愛之卽以害之。故在此時。萬不能不加以約束。況今社會惡習。兒童最易沾染。因兒童最喜摹倣別人。久而久之。則難挽救。嗣後汝見汝弟妹居家在校。其舉動有不規則之處。卽應隨時稟知汝母。從嚴訓責。如有小事。則汝可隨時管束。千萬千萬。現值暑假。想汝溫課餘閒。同弟妹踏琴唱歌。以娛汝母。此樂何可多得。然我則以能受家庭教育。屬望於汝及汝弟妹也。汝務將此意告知汝母。并諭弟妹知之。此諭。

○月○○日父諭

●諭子照顧親戚貧乏

月前得汝某表叔來信。備述閒居日久。近况困難。賴汝時有接濟。勉可度日。此種辦法。甚合我意。因此念及汝某表弟。現既失業。家累又重。汝某舅母。暮年值此苦境。情更難堪。汝亦宜時常周卹。雖但顧目前。終非良策。惟我家處境較爲寬裕。則不能袖手旁觀。置之不顧。大凡親親之道。莫先於濟困扶危。無論親疏厚薄。總宜勉盡此心。更能爲汝某表叔某表弟。籌一生計。使能自食其力。則又策之上者。卽需款稍多。我亦當竭力助之。汝其善體我意。晤時妥商辦法。再以告我可也。此諭。

○月○○日父諭

○諭子收到逾期匯款

前得汝某日來稟。知某某款項。已由某行匯兌。乃於某日。始得匯到。不知因何遲滯。未能如期。現因新貨上市。銀根正緊。周轉爲難。如無現款辦貨。卽不能得各商之信用。萬一運掉不靈。外間卽將

謠言紛起。所以每次囑汝匯款。異常盼急者。卽爲此耳。汝可走商某行經理。務將此次誤期情形詳告。并言明以後如有交該行匯款。無論劃撥兌現。總須按照的期。俾免遲誤。否則祇可另託他號。設法匯兌矣。汝與該行經理。如何商決。并盼速覆。此諭某兒知之。

○月○○日父手諭

●諭子收到衣物

日前某友至此。接汝來稟。并交到棉夾衣服若干件。又食品若干種。照收無誤。藉悉家中近狀。大小均安。刻下天氣已涼。寄來衣物。適副所乏。我在外辛苦。汝能隨時體貼。此老懷所欣慰也。食品中如某某等。乃吾鄉特製。此間無從覓購。比來寓中厨饌。幾難下箸。連日酬酢。又厭濃厚。得此亦爲一快。至家中手製各品。味甚可口。留存亦不致於霉壞。可備晨夕不時之需。惟遠道封寄食物。頗多

不便。此後以不多寄爲是。因託人帶寄。總費事耳。此諭。

○月○

○日父字

●諭子寄衣服

余自夏初。匆促動身。所有寒衣。不及攜帶。近已涼秋。各事仍多未了。歸期遲速。亦難預決。且此間天氣。涼燠不常。寒衣急應準備。汝見諭後。卽將我新舊裘絮各衣。擇其必需應用者。裝一小篋。覓交妥友帶來。遠道託人。不可過於繁重。倘一時乏便。卽分作包裹。由郵局寄帶。免得臨時新製。反致多費。此亦愛惜物力之意。汝其知之。家中近事。可詳細函告。以慰遠懷。此諭。

○月○日父手諭

●諭子寄食物

某兒知悉。昨赴同鄉某老伯家便酌。所有烹飪。悉屬家常肴饌。雖非精美。然以出自家廚。別有一種風趣。因我旅食數月。久未得嘗

鄉味耳。今特函告。汝卽囑家中擇我平日素嗜之物。先製數品。裝貯罐頭。託便帶來。以備款客之用。其有不甚好寄者。便不必寄。恐食品變味。有礙衛生耳。切囑。此諭。 ○月○○日父手諭

●諭子寄用物

匆匆出門。原以此行爲日無多。久暫未定。故家中隨用物件。都未取攜。嗣到此間。寄身旅館。雖房金稍貴。一切食用。尙稱便適。但久居不易。方欲言旋。適奉某某司長委任某科事務。現已接辦。擬卽就近賃寓遷居。以便從公往返。惟器具用物。缺乏甚多。如果逐件添置。亦屬爲難。現已擇要略購一二。笨重桌椅。則已向友人處暫行假用。今將必需各物。另開一單。附信帶回。務卽查明點檢。裝置妥貼。託人寄來。中多零星物件。容易遺落。可將原單寄繳。則收寄物。亦可分別查點也。切勿遺誤。客中平安。并告勿念。此諭。 ○月

○○日父手諭

附單一紙

●諭告病狀

我素來體健。終歲勤勞。并不爲苦。比來體氣較衰。未免失於調攝。乃昨夕出外返寓。身子微覺不適。繼而頭眩身熱。卽取白蘭地酒一小杯服之。服後靜睡。今早稍覺清爽。現擬靜養數日。使正氣不致受傷。則外邪不難盡去矣。入春以來。陰晴不定。近更忽涼忽燠。或因此略有感冒。稍加調護。當可痊愈。特草數行。告汝知之。并告家中可不必記念。此諭。

○月○○日父字

○患病諭子來店

余月初抱恙。以爲舊病常發。不足爲慮。曾經諭知。以免家中懸念。不意半月以來。困臥病榻。診治竟不見效。大抵水土異宜。夙疾因

之增劇。似非全賴方藥。所可卽愈。友人力勸病中當節勞靜養。日來漸覺轉機。惟身在客中。調護諸多不便。號中事務。又非躬親料理不可。故余雖在病中。亦不免時有操心。惟盼汝卽日來此。料理一切。俾我得以專心調理。有汝在旁。店務既可放心。老懷亦可寬慰也。家務且囑汝弟照管。速卽動身。至盼至盼。此諭。 ○月○○日父字

●諭告病痊

月前曾寄一諭。略告病狀。未及詳達。此次之病。因天時驟冷。加以水土未慣。外感容易侵入。遂致觸發舊恙。幸延同鄉某君診治。某君本學西醫。且知我素來體氣。連服數劑。果奏功效。近已日見痊可。眠食亦安。但體質雖強。不免稍有虧損。病後非加意調養。恐難復原。近今各處創辦醫院。爲益甚大。余初病時。此間友人。卽勸余

赴院就醫。我曾到院一次。見其治外病及內科之有實症者。診治極爲神速。嗣因病已漸愈。故未入院。至牛乳鷄汁等。現仍逐日進食。以此物最爲滋養。病後服之。尤爲相宜也。特此布慰。并告閤家知之。○月○○日父手諭

●諭告歸期

前月得汝來稟。詢我歸期。當以經手瑣務極繁。行止尙難預定。卽經諭復。諒早達覽。每念經年遠出。致勞

祖母時時盼望。言念及此。未嘗不歸心日急。無奈爲事羈阻。遷延至今。日來料簡一切。幸已清完。準備歸裝。月內當可就道。適有同鄉友人某君。亦擬歸里。屆時可約同偕發。長途得伴。亦可不致孤寂。計數日後。可與家人團聚矣。

祖母前。汝可先行稟知。至汝前稟需購此間物產。我已備帶多種。

以便分貽親友。所餘即可供家用也。特此布告。藉免家人懸盼。此諭。○月○○日父諭

母子

○子稟母告旅次平安

母親大人膝下。敬稟者。叩別

慈顏。倍深孺慕。瞻依親舍。刻不去懷。近祝

福體安康。

合家咸吉。允如所頌。男登舟後。即晚開行。昨午過九江。今晨安

抵漢口。途中一切平安。堪以仰慰。

塵注。男現暫寓某某旅館。一俟與某君當面接洽。即行移住店

中。聞同事亦有數人。朝夕相處。不致寂寞。家中想一是如常。

弟妹輩當已赴校。功課萬勿荒廢。是為至要。日來寒燠不時。

務祈

珍攝。勿以男出門遠游。日深望念。尤所至禱。專肅恭請。

康安。男○○謹稟。○月○○日。

●稟問母病

敬稟者。昨奉

寄諭。恭諭

大人偶沾微恙。聞信之下。殊深焦灼。未知現延何醫診治。近日

能否全愈。尤爲孺念。本擬乞假回家侍奉湯藥。乃奉

諭。以往返過遠。諄囑毋庸歸省。男祇得敬遵。暫不告假。惟奉

諭。至今方寸不安。所願

慈躬早日告痊。卽

賜諭知。免男日夕懸盼。是所至禱。男在此一是平安。請抒

垂塵。專肅恭叩

痊安。男○○○謹稟○月○○日

○稟告在校患病

敬稟者。日前肅寄稟函。度荷

垂覽。遙想

慈躬康健。忭慰無量。男到校以後。向無疾病。前數日。因本校全

體赴某處旅行。感暑遂病。甚形委頓。即經延醫診治。云係冒

暑積勞所致。必須輟課靜養。方可全愈。男現暫住校中病室。

每日醫來診視。已服數次藥劑。惟同學時來照料。男甚爲不

安。如遲一二日。病尙未減。擬移往醫院調治。一切藥餌飲食。

自必倍加謹慎。恐勞

塵念。先此稟聞。餘容續稟。敬叩

康綏。男○○謹稟○月○○日

○稟告入醫院治病

敬稟者。頃間接奉

手諭。以男在校患病。詳加

垂問。感悚交并。男在校中養病。本不甚便。同學時來省視。恐因

此或有傳染。尤非所宜。茲已於某日移入某某醫院。每日由

西醫某某診治。專服西藥。所病日見輕減。據西醫云。再遲一

星期。即可全愈出院矣。此時正在靜養。力戒不可勞動。服藥

能守規則。自易奏效。知勞

塵慮。謹此稟聞。邇來未諗

慈體安健否。眠食能否如常。幸勿以男在外染病。上貽

憂灼。則幸甚矣。專肅敬叩

頤安。男○○○叩稟○月○○日

○稟告病痊入校

敬稟者。日前稟陳病情。計已遞到。昨奉

慈訓。誦悉一切。藉謐

福體康寧。合家安好。慰甚慰甚。男自入院養病。日有起色。現已

全愈。醫云靜養數天。即可出院。病愈後精神比前更佳。飲食

一切均與常日無異。堪以告慰。

塵懷。男此次因病輟課。本應補習。幸平時早有豫備。仍可列入

原班。校長教習。昨已屬同學。先來通告。誠幸事也。惟一時不

克歸省。務乞

因時慎衛。是所至禱。肅請

金安。男○○○謹稟○月○○日

○稟告往省姊妹

敬稟者。昨奉

手諭。乃以男在校畢業。敬承

訓誨周詳。伏誦之下。感奮交集。欣諭

福躬康健。深慰孺懷。男此次畢業。幸列優等。校長講師。亦均加

以獎勵。一俟領到文憑。卽當歸里。惟頃得○姊○妹來書云

別久未見。時深相憶。況離此間甚近。務往一聚。男擬卽乘回

家之便。順道往省姊妹。計程不遠。所費無多。僅擬作數日盤

桓。暢敘衷曲。大約月半。卽行返家。決不致貽

倚閭之望。想

慈親亦必爲欣許也。所有在塗一切。自當格外保重。并求

勿念。先此稟聞。肅叩

頤安。男○○○謹稟。月○○日

◎稟商令弟妹求學

敬稟者。男叩別

庭闈已逾兩月。馳系殊深。敬維

慈體綏和。至以爲祝。男肄業某校。身體平安。考驗成績。尙不過

低。堪爲私幸。惟近念弟妹輩已及學齡。幼稚園旣經畢業。似

宜卽令入校讀書。以期造就。況現在學制。初等小學。男女合

教。弟妹可以同入一校。與在幼稚園。無甚分別。旣得同懷相

伴。又藉共學切磋。進步較易。亦足以上慰

大人之期望。至入何校爲宜。卽求

慈親就近調查。男意以校舍離家較近者爲便。以免早晚伴送

之勞。弟妹如需學校用品。并乞

訓知。以便購寄。臨稟不勝企盼。專肅恭請

福安。男○○○謹稟。○月○○日

○稟寄衣物

敬稟者。男前寄稟函。計蒙

慈鑒。多日未奉

復訓。翹盼殊深。近想

起居康勝。健飯如常。至爲忻祝。男近狀平順。商業亦尙安穩。各

埠貨物。運銷甚爲流通。惟久客於此。一時未能歸省。下懷倍

深悵念。茲乘友人某君回里之便。寄回衣服若干件。用物若

干種。食物若干種。此皆本處出產。聊以備

堂上不時之需。伏祈

賜收爲幸。男選購各物。皆擇

大人平日所喜嗜。以及合於老年服食者。如尙需何種。仍求諭知。以便再行購寄。又附呈秋季始業初等小學教科書數種。計若干冊。此爲商務印書館最新出版之書。定價甚廉。編輯亦甚合法。并求

分交弟妹。俾可誦習。想弟妹在校所授。亦必選用此本也。餘容續稟。專肅敬叩

康綏。男○○○謹稟。○月○○日

○稟乞寄衣物

敬稟者。日前稟復一函。諒蒙

慈鑒。昨表弟○○○由里來。此詢承

福體安康。合家順適。至慰孺私。男就學校中。瞬又數月。畢業尙

未有期。歸期必待年假。惟前動身時。頗爲匆促。以致寒衣未

及全帶冬令將屆。天氣日冷。無以禦寒。恐於衛生有礙。如在外添製。又恐費錢過多。今特函稟

大人。乞將男所存家中冬季衣服。檢齊交便送下。萬一無便可

託。卽乞包裹封固。交郵局寄來亦可。霜風日緊。務祈

起居珍攝。是所叩禱。男體中平安。堪慰

塵懷。并祈

忽念。專肅恭請

金安。男○○○謹稟。○月○○日

◎稟告校假日期

敬稟者。叩違

慈範。兩月於茲。孺慕之忱。無時或釋。恭諗

庭闈安謐。眠食勝常。至爲頌祝。男校中脩業。日課如常。近奉教

育部公布學校休業日期。暑假定爲三十日以上五十日以下。年假定爲七日以上十四日以下。春假定爲七日。自四月一日起至七日止。暑假起止日期。視地方氣候遲早而定。男因春假時間短促。不敢告歸。擬俟暑假再行歸家定省。想

母親盼

男

求學之心甚切。

尊意當亦爲然。校課紛繁。不克詳稟。專肅恭叩

福安。男○○謹稟○月○○日

○母詢子在校近狀

某兒閱悉。月餘未接來稟。豈以校課忙迫。不暇握管耶。汝近日在校。學業有無進步。試驗分數。能否較高。本學期能升班否。身體不過勞否。均深繫念。吾兒年已長成。正在求學切要之時。况一出學校。卽將圖謀職業。尤宜趁此時間。勤奮向上。汝當知他日立身用

世。皆非學問不可。汝其勉之。吾體中平安。合家均好。家務一切。有我主持。汝可放心。至家中用度。約計尙敷數月。亦暫可無庸設法也。卽詢近佳。 ○月○○日母氏手書

○詢子在店近狀

某兒收閱。昨接來稟。藉知近狀安善。老懷甚慰。惟店中情形。來稟言之不詳。殊深懸念。究竟近來營業。能否獲利。進出貨物。近以何者爲大宗。今年生意。比較去年。有無增減。均卽詳告爲要。我意商業。須從穩處著手。眼光要遠。不可專圖近利。尤不宜投機。蹈市儈僥倖之習。稍有不慎。牽動全局。此汝當刻刻留心之事。我身體安健。精神如舊。惟聞近日銀根短絀。此間商界。亦受影響。汝在商場中。信用尙好。能不受市面掣肘否。亦在念也。春寒未已。晴少雨多。客中珍重。餘不多及。此詢近好。 ○月○○日母氏手書

●詢子在外病狀

諭某兒知悉。前託某君帶上一函。并衣服一包。久未得復。正深盼望。頃接某日來稟。知前諭件均已照收。惟汝身體偶感風寒。近覺不適。聞信至爲焦灼。現在病狀如何。既經延醫診治。已否漸次全愈。實深系念。汝在客中養病。務宜加意保重。卽飲食一切。亦宜格外留心。萬勿以小病不足介意。遂致釀成重症。是所至囑。我近日精神尙好。惟自得汝抱病之信。寢食不安。如病已痊。速卽稟聞。以免日夕懸盼。至要至要。家中諸事如常。孫輩亦甚健碩。堪慰遠念。此復并問痊好。 ○月○○日母氏手諭

○諭子不必歸省

昨接汝某日來稟。因我患病。亟欲請假歸省。具見孝思。殊堪嘉慰。但我前日抱恙。本不甚劇。嗣經延醫診治。日見痊愈。現已行動自

如。毫無所苦。吾兒萬勿請假回家。致妨校課。又多跋涉。殊無謂也。我病愈後。亦不服藥。專以飲食調養。當可日望復原。汝可安心在校。無庸多此一行。惟於授業餘閒。隨時保重。是卽所以慰我也。家中人口平安。汝婦及孫輩均各安好。并告勿念。手此順問進益。

○月○○日母氏手書

○因病諭子卽歸

前寄手書。想已收到。我近患微疴。初頗不以爲意。乃旬日以來。漸覺增劇。湯藥雜投。尙無效驗。病榻中思兒甚切。如得一面。亦可解憂。兒見信後。務卽請假歸家一行。俾可斟酌醫藥一切。惟不可過於焦灼。或者汝到家時。我病已愈。亦未可知也。查校章本有親病告假一條。此乃正當理由。斷無不准之理。假期以一星期爲率。亦不致有妨校課也。家中大小尙好。汝婦侍疾。勞瘁可念。中宵展轉。

佇盼歸期。勿遲爲囑。手此并詢近佳。 ○月○○日母氏手書

●諭子婦病情形

前接某日來稟。藉知近狀安吉。甚慰老懷。我近亦康健。眠食照常。惟汝婦於某日感受風寒。加以積勞。遂覺身體不適。近又發現咳嗽不眠諸症。現經延醫診治。尙未就痊。醫云伏病太久。似非旦夕所能奏效。但病不要緊。則有把握。某醫本係著名醫家。此言必非姑寬我意。用特函告。吾兒見信。可勿掛心。俟緩數日病勢如何。再行函告。可也。汝婦病中藥餌飲食一切。自必小心。無庸致囑。孫輩仍日日赴校上課。回家亦有人照料。勿以爲念。手此并問近好。

○月○○日母氏手書

●因婦病諭子卽歸

昨寄一函。想已得達矣。汝婦病狀。前函已詳。初冀其逐漸減輕。不

久全愈。吾兒即可無庸歸視。乃日來察視病情。頗見增劇。醫者云。非入醫院調治。未易奏效。揣測媳婦之意。似亦欲與吾兒一見。惟入醫院之議。是否可行。我亦難以作主。須候汝歸。方可決定。茲再專函前來。務望見信後。即日束裝回家。省視媳病。并取決入院之議。以定行止。或者汝婦之病。早占勿藥。則吾兒到家。既慰老人之願望。亦舉家所欣盼也。家中靜謐如常。我身體頗健。勿以爲念。餘俟面敘。手此再問近佳。

○月○○日母氏手書

○諭子探視親長

昨得來稟。均經閱悉。並附來銀圓若干元。食物二種。亦照收到。知汝擬於月初隨同店中管事。赴京一行。約月餘方可南旋。並云曾向執事固辭。嗣經再三相囑。祇得答允。此可見汝不諳世情之處。管事此次邀汝同行。當由於汝平日任事。尙能勤敏。且男兒志在

四方。遠遊一次。既擴眼界。亦可增長閱歷。又與管事同行。一切均有照應。此等旅行。人且求之不得。何汝反欲固辭耶。汝某姨父本在天津某銀行辦事。前聞有調往奉天之說。却未確定。不知現在已否離津。此次汝赴京中。道出天津。可親至某銀行一詢。如尙在津。卽往其寓所謁見。汝姨父母與汝闊別數年。客地相逢。定必異常欣喜也。萬一已往奉天。亦須詢明住址。以便隨後通信。汝動身後。安抵何處。務須隨時來稟。以慰我念。至囑至囑。我亦當隨時發信寄京也。此問客佳。

○月○○日母字

◎諭子探視姊妹通用

頃得汝來稟。知此次校中大考。名列第四。足見平日尙肯用心。甚慰我懷。汝父處諒亦稟知矣。聞今年杭州綢價頗廉。茲附去衣料單一紙。汝卽寄與汝父。請卽照單購寄。並稟明汝將歸家。如衣料

寄至上海汝舅父處代收。轉遞家中。較爲妥當。汝校中放假後。想與友人同伴回家。惟汝姊近頗念汝。火車過蘇州。汝可往汝姊家一行。所帶行李。可託友人先行帶回。倘欲留汝盤桓數日。亦可小住。但由滬動身時。須購備食物四種。約洋二元之譜。以便餽送。骨肉情親。雖可無須客套。然汝姊有舅姑在堂。不能不盡禮也。此諭。卽詢近履。○月○○日母字

○諭子速寄家用

前得來稟。當卽郵復。近又旬餘。未得安報。時爲繫念。未知吾兒在外。營業若何。各事順遂否。身體平安否。殊令我望眼欲穿也。母及家中大小均好。汝可勿念。惟所存家用爲數無多。今又數月。行將用罄。急待寄款接濟。以救眉急。汝見信後。務速籌寄。不可稍有耽延。致勞盼望。汝婦操持節儉。亦能安貧。然老幼數口。斷難無米爲

炊。至往來各店。雖可賒欠。母亦不願以米鹽瑣碎累及他人。家中情狀。兒所素知。亦可無庸瑣告也。信到盼復。并問近好。○月○

○日母氏手書

●因嫁娶令子籌款

許久未接來稟。念甚。通常郵信。極遲五日可到。未知何故遲遲也。日來家中一是均安。惟汝○弟○妹。今年均須完姻。遣嫁。婚事既苦張羅。奩資尤形繁費。雖文明婚禮。較前節省。而次第舉行。則費亦不貲。吉期日近。無從籌措。我甚焦灼。吾兒前云。弟妹婚嫁之費。由汝儲備。今已需用。務卽籌款若干。於月內匯寄回家。惟數雖約定。款宜寬籌。蓋婚嫁用途。本難豫算也。我身體平安。無庸遠念。書到盼先復一音。以慰老懷。汝能於弟妹吉期前。抽暇來家一行否。來稟提及爲要。手此順問安好。○月○日母氏手書

○因置產諭子寄款

前接來稟。曾復一函。想已收覽。目下經營各店。想尙順手。身體安否。均以爲念。前有某君來云。某姓田產若干畝。願以廉價出售。其田與我家壤地相接。每年收穫頗豐。索值亦不過鉅。趁此收買。頗爲合算。近日我令汝弟。面與業主磋商。已有成議。共需銀若干圓。即可交割。惟家中未存大宗款項。如再延遲。恐爲他姓所得。茲特專函前來。望卽如數籌款若干圓。匯寄來家。以憑立契成交。幸勿延誤。致失事機。是爲至要。我體中平安。家中一是安好。堪慰遠念。書不盡言。并問旅佳。○月○○日母氏手書

●因償債諭子匯款

前寄一書。甚盼得復。汝本定每一星期。發家信一次。今想已交郵寄。尙在途中。我家於去春曾借某人一款。現將到期。亟應歸還。以

免某人前來催促。惟家中一時力難籌還。如向人挪借。利息過重。且移東補西。終非了局。用特寄函告汝。望照諭。剋日籌款若干。匯寄回家。俾將某款如數清償。以省輻輳。萬一款有不敷。亦宜設法籌足。先償此款。蓋此款到期不償。旁人必笑我家無信用也。我身體體平安。家人均好。無庸遠念。兒在客中。務宜隨時保重。勿以起居不慎。貽老人憂。是所至囑。手此。順問旅祉。

○月○○日母氏手

書

○戒子不可曠學

半月未接來稟。殊爲記念。校中課程雖多。然亦有休息之時。度汝寫信之懶如此。恐於學課亦有荒廢。此大可慮也。汝現在正是求學之年。家中各事均由我一人料理。不欲使汝過問者。正以汝此時宜專心嚮學。蓋今日讀書。多得一分益處。卽將來多一分受用。

少年不學。至老無成。試一省念。追悔莫及。汝其愛惜光陰。勿稍曠廢。須知我期望於汝者在此。至星期校假。如無購物等事。最好不必出外。汝其謹記我言。是所至要。嗣後每月。并須發安報四封。編列號數。以備查考。汝伯叔處。亦應月寄一函。以免遠念。汝其知之。即問近佳。○月○日母字

◎戒子交友宜慎

昨收汝來稟。知在校安好。爲慰。惟聞汝校中學生。與教員近有衝突。不知果爲何事。子弟入校修業。祇要專心學問。其餘他事。有校長教員主持。一概可不必越分代謀。若因事輒起風潮。此等惡習。汝宜力戒。此次校中衝突。汝有否與聞。我雖不得其詳。然念汝趨向未定。或聽信人言。隨聲附和。亦恐難免。總之學校人數既多。流品不一。果有益友。汝自宜敬之重之。若性質輕浮。好務閒事。其學

問亦可想而知。則與相友。不特無益。而且有損。務宜疏遠。不可親近。交友之道。爲社會中最要問題。汝其隨時留意。受益當不淺也。此信到後。務卽稟覆。以慰我念。至囑至囑。此詢平安。○月○○日母字

○戒子不可浪費

日前寄汝一信。交郵局寄遞。諒可收到。昨汝表叔回里。曾來我家。談及汝近來費用甚大。汝何不知艱苦若此。須知爲人之道。首以節儉爲要。况身涉商界。尤應知賺錢不易。現雖無須賴汝顧家。若一味隨心所欲。每月所得幾何。必致又加虧空。迨至彌縫乏術。勢必失業回家。名譽損失。廉恥何存。如某叔之子。及鄰居某某。其一切情形。非汝所目覩耶。當時亦由於不知節儉。費用無度。以致今日種種困難。現雖追悔前非。亦已無及。是可爲前車之鑒也。汝以

後千萬節省用度。衣服祇求潔淨，不宜華美，其餘一切應酬，可省則省。要知飲食徵逐，於身體亦大有礙也。自此次訓汝之後，汝其謹守不忘，免我憂慮，是爲至要。此詢安吉。

○月○○日母字

祖孫

◎孫在外稟報平安

祖^母大人膝下。敬稟者。某日由郵局遞到

手諭。欣知

福躬康健。眠食咸宜。母親暨弟妹均好。地方亦安謐如常。甚

慰孺慕。並悉父親在美國常有書至。明歲可以歸國。尤爲

歡怵。^孫在校一切平安。身體因時習體操。較前在家更覺健

壯。惟性質魯鈍。每日所授各課。未能觸類旁通。所幸記憶力尚好。凡遇試驗時。均能詳晰對答。因此尚爲一校所稱許。然

孫男惟有專心學習。不敢怠惰。並不敢因人稱譽。遂自鳴得意也。弟妹由母親自行教授。識字不少。未知已授淺近課本否。家鄉近日雨暘若何。新麥已否登場。念念。此間近來寒暖不時。稍一大意。卽易致病。孫男一切加意保重。敢請大人及母親放心。勿垂遠念。至爲叩禱。肅稟。恭請

福安。孫男○○謹稟○月○○日

○稟告修業情形

敬稟者。今午課畢下堂。適郵差送到

慈諭。家書久隔。奉緘快慰。謹謔

福躬康健。閤家均安。懸系之私。一時頓釋。蒙

詢在校近狀。及學業情形。并

賜訓勉之詞。讀之尤爲感奮。現在校中功課。列表甚詳。寄呈一

紙伏乞

垂閱。惟課程列農業一門。本照定章。今以教習未到。尙未開課。各科之中。在此時爲切用者。自以國文算術英文手工等科爲重要。幸孫男尙能勉力學習。可望升班。圖畫體操。則每星期平均計算。不過數小時。亦可從容習練。惟英語甚難記憶。賴有同學某君。最爲投契。渠於英語甚熟。於國文歷史研究不深。刻既朝夕相聚。互相講習。獲益殊屬不淺。至孫男眠食一切均適。足抒

慈廬。父親處近想常有信。孫男亦於前日奉到寄諭。詳述一切安况。並以附陳。再前聞某女校擬請母親擔任監學及教習事。現已定局否。念念。肅稟恭祝

萬福。孫男○○謹稟○月○○日

○稟告營業情形

敬稟者。近因號中事繁。未暇及時修稟。昨某先生由里來此。云在家時常與

大人晤談。精神步履。甚爲康健。又云本年收成。雖較去歲略減。然我家田地。較之他處爲佳。且地方較前平靜。深慰下懷。連年本號生意。表面亦甚發達。惟因經理某君。性稍拘執。且資本亦欠充足。以致坐失機會甚多。自父親重加整頓以後。又得某某諸君加入資本。一年以來。信用漸著。今歲往來銀行。亦添數家。以後金融機關。不虞匱乏。可以放手辦事。况去冬在津浦南段一帶。收買雜糧。嗣經陸續售出。頗獲盈餘。計按舊曆去歲營業而論。實較前增進不少。茲將帳略抄呈慈覽。現在號中同人。均能同心協力。勤慎辦事。孫男惟有盡督

率之責。不敢稍懈。遇有重要之事。則隨時函稟。父親請示辦理。所幸相去甚近。郵寄亦甚妥速也。肅稟恭請

福安。孫男○○○謹稟。○月○○日

○稟寄家用

敬稟者。月之某某日接奉

慈諭。欣悉

福體咸寧。閤家均好。殊慰下忱。當因接信之前二日。甫發一稟。

近事均已詳陳。又兼日來公司預備開會。孫男應錄寫報告

各件。手續甚繁。致未能即日稟復。今特瑣聞。想蒙

鑒宥。現在會期已過。諸事均已就緒。孫男因辦事勤慎。爲董事

經理諸公所見許。云自本年某月起。每月加送薪水若干圓。

以爲酬勞。明知家中用度。有父親隨時寄回。足敷應用。惟

思孫男現在薪水既已加增。亦應略爲補助。以盡微誠。茲趁舊同學某君還鄉之便。託其順道帶上銀元若干圓。到乞查收。便中尙求諭復。至某君換輪返里。須俟次早方開。據云擬在我家休息一宵。乞

命二弟等晤時款留。并爲招待。再孫男處常接 父親來諭。一切安好。並陳專肅恭請

頤安。孫男○○謹稟○月○○日

◎稟寄衣物

敬稟者。月初某君南下。託其帶上一稟。計程早可達鑒。乃昨日接奉九日所寄

安諭。尙未提及前稟之事。想因前數日大風。某君輪行有阻。故

致遲遲。刻計可送到矣。孫男在此一切安善。校中諸生亦多明敏。教授毫不費力。且有感情。每日講授之外。則以溫習舊業。譯書閱報爲自課。新識諸友亦均投契。暇時彼此討論。頗慰客中岑寂。日昨偕友出遊。見衣肆中有狐裘一件。尺寸甚大。毛質溫軟。惟因樣不入時。索價頗廉。因思

大人舊有狐裘。已穿多年。總因愛惜物力。不肯更易。但高年服此。冬令萬難禦寒。孫男出門時。父親卽命在北方物色一件。購呈備用。今適遇此。可爲巧極。當用洋若干圓購得。今連同

祖母大人命購之愛國布四疋。又首善工廠所出之玻璃器皿數事。一併託由某輪帳房某君帶滬。交便轉寄。到時乞分別照收。給與收條可也。至皮袍應換綢面。孫男留俟家中換做。因

此間料費。且不佳耳。父親近日時有諭來。想家中亦得安報。故未附呈。專肅恭請

慈安。孫男○○謹稟○月○○日

●稟寄食品

敬稟者。某表兄前日抵京。交到

手訓。並面告家中近日情形。欣悉

大人福體健康。父母親及兄嫂弟妹亦均安好。南中年歲既豐。

閭閻近能安謐。不勝忭慰。某表兄初次北來。飲食言語。諸多

不慣。當勸其久住。一切自能相宜。孫男憶初到此間。情形亦

相似也。京中所售各種點心。頗較南中爲優。又桃杏脯二種。

均爲

祖母大人及 母親素所喜食。茲趁某表兄處僕人南旋之便。

託其帶上點心一匣。桃杏脯共五斤。望乞

訖收。又前命購之醬肉。本爲京市美品。可惜今尙非時。俟秋涼時再當覓便寄上也。餘詳前稟。不再瑣陳。專肅恭請

福安。孫男○○○謹稟○月○○日

○稟問祖父病狀

敬稟者。頃間奉到 叔父來示。敬悉

大人數日前偶感風火。逼成目疾。當延某醫診治。發信之日。略較輕減云云。聞信不勝懸念。亟思歸問

起居。乃值店中執事。已往他埠。一時不得分身。尤爲焦灼。幸有叔父朝夕侍側。諸可放心。聞現延某醫。前在教會醫學畢業。卽以眼科見長。自與時醫不同。今外用內服各藥。旣均并投。似可不必再延他人診視。轉滋紛擾。惟目疾最易使人焦

燥。肝火愈熾。更恐轉生他病。務求靜養。勿致生煩。是爲至要。日來如已漸痊。想叔父必有函示。所盼早日得信。以慰懸念。專此恭請

痊安。孫男○○○謹稟○月○○日

○稟告放假卽歸

敬稟者。前月某日寄上一稟。計呈

慈鑒。匝月未奉

寄諭。惦念之至。諒因天氣漸熱。懶於握管之故。

大人向日畏暑。每遇炎天。卽諸多不適。自去歲新拓後圃。添造書屋。稍有遊憩之所。而所植桐竹。想均較前茂密。值此時局大定。年歲亦好。每日無事。遊豫其中。當可消除煩渴也。孫男校中試驗。現已完竣。放假之期。卽在日內。刻已將應行溫習

書籍。檢點清楚。行裝亦已備妥。一俟假期發表之後。卽搭汽車返里。面聆

訓誨。爲期不遠。曷勝欣慰。先此稟告。恭請

康安。孫男○○謹稟○月○○日

◎稟告家居平安近狀

敬稟者。前送

大人啓行以後。時深孺慕。某日接奉濟南所發

手諭。欣知由寧渡江後。換乘津浦火車北上。沿途平安。已於某

日安抵東省。現屆公司開會。尙有數日。擬俟開會後復往兗

泰一帶遊歷。藉瞻孔林泰岱諸勝。惟

大人春秋已高。一切諸宜珍重。幸有某人相隨。諸事尙能照料。

稍可放心。遊歷旣畢。伏乞早歸爲盼。家中自

祖母大人以及 母親姑母均各安好。 父親近日店事甚繁。 須隔數日方能返家一次。孫男 每日仍照常到校。不敢怠惰。 表弟漸解學語。嬉笑可人。前因桃花盛開。 祖母大人以適值星期。孫男 亦放校假。挈同全家赴郊外遊眺。 甚覺快樂。惟 姑母因家中人少。擬後日攜表弟返蘇。屆時 當命某人伴送也。勿報平安。餘容續稟。敬頌

康綏。孫男○○謹稟 ○月○○日

○稟告祖母病狀並病痊

敬稟者。昨晚接奉

諭函。欣知號中事竣。

大人刻已由寧抵鎮。再有半月即可旋滬。殊深欣慰。家中一是 粗安。惟日前表姊結婚之期。

祖母挈同 母親均往賀喜。歸寓稍遲。

祖母於途中略受風寒。夜間卽患腹瀉。黎明以後。更覺不支。嗣又變爲痢疾。精神委頓。不能起床。初延某君診治。不見大效。繼延某君用西法醫治。初服瀉藥。盡去腹中積滯。繼再服止瀉之品。瀉後祇食牛乳。並不稍食他物。照此施治。日來已漸見痊。精神雖未復原。起居飲食。已如常矣。 父親叔父處。均由 孫男 將病愈情形報告。

祖母屬告

大人千萬釋念。餘容續稟。卽請

康祺。孫男○○○謹稟○月○○日

○稟告父病狀

敬稟者。某日 父親寄上第幾號安稟。諒達

慈覽矣。前三日爲○○銀行開股東年會。父親因身體已覺

不適。本不欲往。因有應行提議事件。不得不勉強到會。詎料

是日會場人多。天色又燥。而所提議之事。彼此討論。閱時甚

久。迨至散會。天適大雨。寒熱交侵。更加感冒。是日回寓。卽未

晚餐。十時以後。身熱大作。一夜未能安枕。次早更覺沉重。近

來此間晴雨不定。時疫流行。母親卽命往請與。父親素

識某君診視。據稱病勢雖重。然及早施治。尙無大礙。當卽立

方向某君醫院。取藥照服。現已二日。稍見輕減。孫男本擬告

假在家侍奉。而父親恐妨學業。又慮病能傳染。堅不允許。

現仍如常到校。不過回家之時略早。一俟母父親大愈。再當

飛稟。並乞

大人勿過懸念。爲禱。專此恭請

福安。孫男○○謹稟○月○○日

○稟告父病痊

敬稟者。日前肅具寸稟。詳陳 父親感冒情形。今日計已遞到。正擬續稟。午後奉到

諭復。并

寄下時症等藥。亦均收到。 父親自經某君診治。連日服藥。大

見功效。身體略出紅疹。現已逐漸痊可。自前日起。即覺精神回復。昨今兩日。胃口亦開。然仍食麵包牛乳清淡諸品。俾易消化。某君云。自今日起。不必再行服藥。祇須略加靜養。即可出門。而 父親因銀行董事局諸事。擱置多日。亟待料理。定於明日前往。茲命 孫男 先行具稟上

聞。稍遲一二日。父親當上稟候

安。諸乞

放懷。爲叩。

母親及

孫男

身體均好。自前次雷雨後。日來天氣

稍和。外間時疫亦漸少矣。並以附陳。專此恭請

福安。孫男○○○謹稟○月○○日

○稟告叔父病狀並病痊

敬稟者。前因二叔偶患失血。當將情形稟呈。茲奉

寄訓。以二叔向好用心。恐係肺病之漸。

囑令趕緊調治。二叔得病之初。家中亦均以此爲慮。繼由二

姑丈所薦某醫。用種種試驗。始知肺部並無病症。實因突然

用力過猛。遂致咯血。乃憶月前遷移書室。二叔曾自行料

理。搬移重物。大約卽因此乏力致病也。現在一面服藥。一面

靜養。旬日以來。已不再發。某君亦謂決無他礙。惟二叔向

最好學。在家多日。鬱悶異常。每晚孫男由校歸家。必與談論學術。略資消遣。一切務乞

紓念。爲要。專肅寸稟。恭請

尊安。孫男○○○謹稟○月○○日

◎稟告弟妹在校修業

敬稟者。日昨某世伯由京南歸。攜交

手諭。謹悉一切。惟回南之期。未曾述及。某世伯亦云晤談多次。

忘未詢明。夏令在卽。所有應用衣服。應否檢出寄呈。尙乞

諭示。以便遵辦。爲盼。家中自

祖母大人以次均安。父親在粵。亦常有信。諸凡安吉。二弟等仍

在某校讀書。校中所有課程。現已遵照教育部新定通令。改良辦理。教員已添聘數人。聞皆一時之彥。二弟等質地聰穎。

極肯用心。國文算術習字等科。尤爲見長。頗蒙教員之贊賞。某妹等則已改入私立某某小學校。學科雖不十分完備。好在年均幼稚。課程似亦不宜過多。入學之初。祇要引發興趣。不以爲苦。即可漸有門徑。某校主任某女士。對於教授。非常熱心。尤爲難得也。專肅稟陳。恭請

福安。孫男○○謹稟。○月○○日

◎祖諭孫寄學費

某孫收覽。昨得郵局遞到來稟。知汝在校平安。甚慰。家中均好。可勿掛懷。前汝叔歸家。談及汝在校頗肯用功。余極欣喜。惟汝身子孱弱。晚間務宜早睡。學問固屬立身之要。而身體亦宜保養。西哲有言。精神爲學問之母。汝其善體此意。隨時保重。是爲至要。汝父前日亦有來信。旅居甚好。號事亦極順手。汝可勿念。汝叔在家。尙

有月餘耽擱。將來前赴杭州。道經上海。必當到校一視汝也。茲託某莊。進去學費洋若干圓。汝卽查收。送到時。先書收條。交與該莊帶回。飲食起居。千萬留心。爲囑。餘再告。此諭。

○月○日祖諭

○諭告家鄉近狀

字付某孫收閱。近日汝在外。諒均安好。爲念。惟每聞自漢口來者。談及汝店事極繁。應酬亦多。因思商界。雖不可謝絕應酬。若無謂之徵逐。究非所宜。如能減少此種周旋。既可保重身體。並得節省浮費。名譽亦因之更好。汝其細味余言。謹誌不忘。家鄉近頗平安。秋收甚豐。各鄉巡警。將次辦齊。從此盜風可望消弭。縣議會議長。此次改選。係某先生當選。此公品學兼優。平昔辦理地方公益。亦最熱心。故發表後。各界一無異詞。前月汝外祖壽辰。余亦往祝。僅治麪席。以款來賓。尋常習俗舉動。一概蠲除。所有收受壽儀。均移

助賑款。作慈善事業。自此次提倡之後。將來踵行者必多。眞造福無量也。余近來精神頗好。卽伏案多時。亦不覺其辛苦。書此告慰。毋庸遠念。此諭。○月○○日祖字

○諭告父病就痊

某孫閱悉。昨得汝來稟。並寄歸銀洋若干圓。亦照收到。知汝日來安善。甚慰。家中老幼均適。惟汝父前日由鄉收租回來。忽患寒熱。不思飲食。卽經延醫診治。據云深秋天氣涼暖不時。兼之身體勞頓。恐成瘧疾。祇要善爲調護。服藥數劑。卽可告痊。現已按照方劑服藥。當能徐收效驗。汝可無庸掛念。余因汝父臥病。家中瑣務。均須料理。不免稍形忙碌。幸體氣頗好。尙能耐勞。汝叔處無暇函告。汝店中事少。可往汝叔處一行。卽持此信交與一閱可也。○月

○○日祖寄諭

○諭告孝事寡母

字諭某孫收讀。昨午得汝來稟。知家中平安。甚慰。惟汝近來能否按日往校讀書。竟未提及。閱汝來稟。文字亦未見長進。且謄寫甚爲草率。汝資質並不魯鈍。總係不肯勤學所致。須念余老年遠客。每欲歸養。未能如願。無非爲汝輩尙未成就。不欲以家事累汝耳。况汝母青年守節。撫汝長大。亦非易易。汝應竭盡孝道。尤當恪遵汝母教訓。堅心嚮學。以圖進步。汝須知將來汝母所倚賴者。惟汝一人。如不自愛。何以自立。汝母卽不見責。能無愧恨。汝其三復余言。勉之。勉之。余身體尙健。可勿念。並轉告汝姑母家知之。此諭。

○月○○日祖手書

○諭令聽受叔父管束

久未得汝來稟。家中甚爲記念。雖店事有時忙碌。然夜間休息時。

亦可寫信。余正在疑汝近染懶惰之習。乃昨接汝叔來信。謂汝近來頗不遵守店規。每於晚間出外遊蕩。汝叔屢次誥誡。汝亦漠不關心。汝何荒唐。一至於此。要知現在時勢艱難。謀一位置。殆屬不易。汝蒙某先生照拂。方得有此機遇。若不知振作。溺於嬉遊。必致喪失名譽。將來若將汝生意辭歇。試問汝何以對人耶。汝叔謹慎小心。不染惡習。故爲管事所器重。今諄諄相戒。豈可置之度外。嗣後務宜力改前非。事事聽受汝叔教訓。余亦決不記汝前過也。至囑至囑。再每星期務寄家信一次。不許間斷。爲要。家中現均安好。可勿念及。此諭。 ○月○○日祖手書

○諭告爲弟妹選擇學校

前日曾交郵局寄汝一信。未知已收到否。近日家中諒均安好。余居此無恙。現在起居一切。有汝叔在此照料。頗稱舒服。可勿念也。

余早晚得閒。出步門外。見鄰近小學校之學生。結伴往來。循循規矩。令人可羨。因念汝弟妹年漸長大。亦宜令入校讀書。想近來教育普及。吾鄉初等小學及女子學校。亦已增設不少。汝可擇與我家相近之學校。取閱章程。并詢明學費及特別用費。共須若干。卽日詳細復我。以便酌定。於暑假後。卽可使之赴學。汝每日散學歸來。可善爲教導。令其識認方字。摹寫影格。以免若輩入校時。茫無頭緒。致不能引起向學之心。餘再告。此諭。

○月○○日祖書

○諭告謹慎營業

半月未得來稟。想汝事忙之故。或已託便帶信。沿途耽擱。故不及郵政之速耶。汝近日是否安好。閤家頗爲懸念。聞今年市面略有轉機。汝所營商業。想亦逐漸起色。惟商業自舊前兩載。大受影響。暗中損耗不少。此亦時局使然。無可如何。汝號中能支持到今。全

賴各股東之扶助。現雖稍可經營。務宜謹慎從事。庶可免於失敗。萬一失敗。則股東之資本。一己之名譽。所關非淺。汝其千萬注意。至要至囑。家中一切如恆。勿庸念及。信到。務即詳細作覆。萬勿遲延。以免我念。能每月按照定期。寫發家報。尤好。此諭。○月○○日祖書告

●諭令到公司領息

前託某友帶來安稟。並花四盆。虎骨木瓜酒兩瓶。收到後。即有覆信寄汝。諒早收覽。寄來之酒。余每晚臨睡時。必飲二小杯。極有效驗。不但筋骨舒展。且飲後睡亦頗安。如有便人回里。即再購數瓶寄歸。如無妥便。則不可急急也。昨閱某報。登載某某公司廣告。知去年營業。頗臻發達。每股除官息外。可得餘利二分。並已定期照章發給。余前曾購有該公司股票若干。茲將股票及息摺。託某莊

附寄與汝。望卽向該公司領取息銀。所有收來股息紅利。共計若干。可將整數仍託某莊滙歸。以便存放儲蓄銀行。其零款卽存在汝處。爲陸續購物之用。股票等遇有妥友。再寄歸可也。此信到日。望先作覆。以慰懸系。此付某孫收閱。○月○○日祖手書

○諭告籌寄家用

日前交汝表弟某某帶致一信。及食物等。諒已收到。當有復稟在途矣。汝表弟初次出門。與汝同在一方。常得晤叙。務宜隨時照顧。如須添購衣物等。亦望爲之料理。汝姑母曾云。以此託汝也。昨得汝父來信。謂近來號事稍有風波。支取銀錢。頗有爲難。所有家中用度。一時不能寄歸。擬囑汝籌措接濟。汝出門數年。且店中辛俸。亦頗不薄。正宜兼顧家計。以分汝父仔肩。此後每月應籌寄家用若干。如不能按月籌有此數。來稟可先陳明情形。必不使在外爲

難也。至汝一切用度。仍須豐儉中禮。亦不可顧此而失彼。汝其酌之。此告。 ○月○○日祖手諭

○諭告購寄衣物

前接汝表兄來書。謂汝因店事於月初赴杭一行。約有數日勾留。近想已言旋矣。旬餘未見來稟。不免盼念。聞汝某表叔將於日內歸里。可爲余購湖縐袍料一件。係製皮袍所用。尺寸務須寬大。顏色要稍樸雅。再購西式睡椅一張。祇要製工堅固。不必取其觀美。因余每於飯後。略欲休息。此椅較爲適體也。所有衣料睡椅。購就後可交與汝表叔隨身帶來。計價幾何。來稟亦應注明。汝表叔此次歸里。係爲訂婚之事。惟其境况不甚寬裕。未知汝有無資助。如汝處未送。家中可補送也。下信亦望提及。餘不多述。此諭。 ○月

○○日祖手書

伯叔姪 伯母叔母附

●姪稟賀伯叔及伯叔母壽通用

叔伯 父大人尊前敬稟者前奉

諭函敬聆一是本月○○日恭逢

叔伯 父大人暨

叔伯 母大人幾旬雙慶為

齊眉而介壽想繞膝之承歡

慶集一門祥徵百葉引詹

景福驩頌交并姪以要事適在客中屆時未克言歸與兄弟姪

輩奉觴上

壽。歉仄實深惟有矯首跂踵遙祝

壽考康彊永錫難老此遠道所欣頌也昨已函令姪婦在家備

呈壽儀。伏乞

鑒納。謹貢數行。恭賀

尊禧。敬請

頤安。姪○○謹稟○月○○日

○稟告在外平安

叔伯

父大人尊鑒。敬稟者。

姪自叩別

慈顏。瞬將一月。未及脩稟。肅候。負罪殊深。比維

福體安康。閤寓聚順。為慰。姪別後某日安抵某處。沿途託

庇平安。現在某店當管事之職。且承各股東推誠相與。雖每月

薪俸無多。然省儉用之。略敷旅費。近日市況。尚稱安靜。姪在

此自當謹慎交游。擷節浮費。以抒

垂念。家中各事。仰賴

長者隨時照料。姪自放心。得便尙祈時賜訓言。俾有遵循。是所切禱。專肅敬請

福安。姪○○謹稟○月○○日

○稟告在校畢業

叔伯

父大人慈鑒。敬稟者。不聆

慈訓。數月於茲。日前曾肅一稟寄呈。未審已登

尊覽否。吾

叔伯

近來體氣若何。家中想均安適。爲念。姪肄業某某學校。刻已舉

行畢業。於各學科分數較多。幸列優等。某日卒業。即可升入

中學。並承校長面加獎勵。想吾

叔伯

聞之。必爲一笑。所願他日稍獲寸進。以仰副

期許耳。某校畢業學生。本有同學會之組設。藉可聯絡感情。研

求學術。姪現亦簽名列會。知

注并以附陳。餘容續稟。敬請

康安。姪○○謹稟○○月○○日

○稟告有人爲說親請示允否

敬稟者。違侍

尊右。馳念時深。比諗

台履康強。

起居安吉。曷勝抃祝。

姪

校中修業。日課如常。所幸家中老幼均

安。堪慰

垂注。前者某世叔以姪幼失怙恃。尙未議婚。力言願作蹇脩。并

云某女士。爲某某君之弱息。昨在女校業已畢業。某君頗願

以姪爲壻。言之再三。意殊可感。惟姪誼難自主。未敢擅專。用

將某世叔所述。肅稟上陳。可否允許。敬候
賜示一言。以便答復。如由

長者函致某世叔。則尤所感。抑更有請者。姪年雖逾冠。學尙未
成。即使某女士婚約可定。擬請俟姪畢業後。再行迎娶。既免
校課有荒。亦可踐學成再娶之志。管見如此。想

長者亦必以爲然也。專肅敬請

鈞安。姪○○○謹稟○○月○○日

◎稟告弟妹學業進步

敬稟者。自違

訓誨。兩載有餘。依戀之私。無時或釋。比諗

旅祺康吉。允洽下忱。家中自祖父以次。一切平安。姪肄業某

校。照章今年可得畢業。二弟在某初等小學。功課甚勤。本學

期分數頗高。大有進境。三妹在某女校肄業。亦有進步。前月開游藝會。獲列優等。得獎甚多。弟妹資質聰明。本勝於姪。亦賴各教習之循循善誘也。知系

塵念。用特瑣陳。至下學期學費。尙未籌備。應由何處支用。乞卽示知。俾可屆時取付。日來寒煖不時。伏祈

加意珍重。爲禱。肅稟敬請

金安。姪○○謹稟○月○○日

○稟告弟已結婚并改習商業

敬稟者。久隔

慈顏。良深孺慕。前奉

手諭。敬悉

旅祺安適。今年可以回里一行。爲之欣慰。姪里居碌碌。幸亦平

安。○弟於前月某日畢姻。新婦頗稱賢慧。堪以告慰。

塵懷。惟○弟讀書不成。坐廢可惜。姪見其性質一切。近於商務。

現已令其至某號改習商業。蓋以行年二十。又已完姻。若不

亟謀生計。將來何以自立。如果不即設法。必致倚賴性成。徒

貽後悔。此姪所以亟為改業也。質之

尊意。想亦謂然。至姪近在某店。仍充經理。比以家用日增。亦應

早為籌畫。昨與某表叔商及。擬再合資設一販賣布莊。所有

經理一切。均由某表叔主持。姪但任隨時考察。以及推廣銷

路。如每月稍有盈餘。亦可補助家用。一俟租屋定議。即可開

市。營業狀況如何。容再續陳。專肅敬請

福安姪○○謹稟○月○○日

●稟告姊妹訂婚并商嫁期 通用

敬稟者。前寄稟函。想達

鈞覽。辰維

福躬康健。慰如所頌。姪家居物適。餘亦平安。田園所入。擷節用

之。尙可不虞缺乏。堪以告慰

遠念。前奉

諭某姝姊年已長成。自應早爲擇壻。當經託人作伐。現有同里某

君來爲其子請婚。其家世忠厚。某君之子今年若干歲。現在

某校就學。姪曾晤談數回。洵稱端敏之士。惟提議已久。現催

行聘。并云行聘以後。俟其子明年畢業某校。擬卽完姻。姪以

婚嫁大事。必須稟命而行。現應如何答復。卽乞

速示。至嫁期。究應定於何時。似應先爲言定。以免匆促。用併稟

商

長者。酌示相宜之時期。以便再與商決。某君人甚誠摯。一切均可熟商。即請展緩嫁期。想亦可允。知

念并陳。專肅敬請

福安。姪○○謹稟○○月○○日

○稟告友人招任教員并行期

敬稟者。自違

鈞誨。依戀殊深。昨奉

諭函。敬悉

福體康和。合家安吉。甚慰孺懷。姪學業如何。自問尙難自信。更

何敢強爲人師。乃友人某君以姪於教育研究有素。招往某

校。擔任教員。姪雖力辭至再。而某君之意甚堅。不得已。遂允

其請。并定於月之某日。前赴某校。惟是姪以甫經畢業之學

生既無學識。又少經驗。何能遽承講授。無如友人殷殷招致。設再力辭。又恐不近人情。且藉此多一經驗。爲計亦得。如才力尙可擔任。自當勉力爲之。倘程度不及。仍擬暑假時辭職回里。溫習故業。特肅稟

聞。

姪

在外一切保重。并請

長者勿念。專肅恭請

鈞安。姪○○謹稟○月○○日

○稟告友人約同經商并請補助資本

敬稟者。頻年客外。音問時通。遙企

慈顏。良深瞻戀。比維

起居康泰。

餐衛適宜。至以爲頌。

姪

寄跡此間。毫無佳況。自思一事無成。歲

月易逝。每一念及。輒爲悚然。茲有友人某君。本係昔年同學。近習商業。獲利甚豐。昨承見招。同至某埠。經理店務。并邀合股。創設某號。爲己爲人。一舉可以兩得。計莫善於此者。但擔任經理。須付保證金。創設某號。又須資本。雙方進行。姪實無此能力。故雖竭力張羅。現計尙缺若干之數。再四思維。惟有懇求

叔伯

父大人補助資本若干。俾得藉此營生。權其子母。他日稍獲寸進。皆出自

長者之賜也。如蒙

允許。卽請

賜復。以便再與某君商訂一切。姪現定某日動身。前往某埠。

復諭乞逕寄某埠某號。交姪照收可也。專肅敬請

鈞安。姪○○謹稟○月○○日

○稟告商業布置

敬稟者。睽隔

慈顏。已逾數月。伏諗

福履綏和。家中安適。至以爲慰。姪在外營業。資本無多。現與友

人合資設立某某商號。雖開設未久。錢莊已通往來。辦貨一

切可以周轉。蓋營業一途。全賴信用。如有信用。則可不爲資

本所限制。往來匯劃之款。略有通融。同業中均可見信也。姪

於商業。本非素習。友人某君。則既有經驗。又有信用。故姪極

信任之。至貨物選擇。自當格外留心。總期物美價廉。合於社

會心理。知蒙

垂注。用特詳陳。尙乞

時賜教言。以資遵守。是所盼禱。專肅敬請。

鈞安。姪○○謹稟○月○○日

叔伯

○稟告伯叔母同校兄弟患病已愈通用

母大人尊前。敬稟者。叩違

懿範。又已兼旬。依戀之情。時爲耿耿。比諗

福體康寧。閤家無恙。欣慰同深。姪自偕某兄回校後。照常上課。

以勤學相爲勉勵。可釋

遠懷。惟某兄日前偶爲風寒所侵。遂感寒疾。當病發之日。某兄

自云。飲食照常。毫無所苦。姪見其病狀已露。力勸暫勿上課。

次日病勢果劇。幸校醫診治得手。刻已痊愈。不日當可調養

復元。姪於前數日。卽擬稟陳。某兄恐勞

塵注。力阻不發。今特稟告病愈。尙乞

鑒慰。某兄弟與姪同在一校。寒暖一切。此後尤當經心照料。當不

致以小恙。再貽

長者憂灼也。請抒

慈念。是所切禱。姪身體安健。謹并附及。專肅敬請

福安。姪○○謹稟○月○○日

●稟告伯叔母乞檢寄衣物

叔伯
母大人侍右。敬稟者。叩別

慈顏。倏逾兩月。塗中迭有安稟寄呈。想已得達

尊覽矣。近諗

精神強健。

眠食勝常。良爲抃慰。姪於某日安抵某處。寄寓友人家中。承其

厚意。照拂甚周。至爲可感。惟刻值深秋。天寒可著棉衣。姪出

門時。因天氣尙未過涼。箱中祇攜單夾衣服。此時頗不足以禦寒。兼之一時未得言旋。轉瞬入冬。尤應先行豫備。友人處雖可借穿。時形不便。茲特專稟前來。仰祈

長者速檢姪平日所著棉衣數件。用箱裝好。交便寄由某處轉

交姪收。舊有各衣。均可合用。一時亦可不添製也。姪在此身

體平善。一切均當保重。堪慰

塵懷。專肅敬請

頤安。姪○○謹稟○月○○日

●稟告伯叔母乞寄物品

叔伯 母大人尊鑒。敬稟者。叩違

慈範。殊切孺私。近想

福體康綏。至爲慰頌。姪別後登舟。於某日安抵某縣。暫寓旅館。

再作遷移。此間風俗醇樸。物產不多。日用所需。殊苦無從購買。茲特寄呈銀洋十圓。并購物單一紙。敬祈

查收。即乞飭人照單購備。封交郵局寄交某縣城內某某旅館。

交姪照收。是所切盼。姪客中身體甚安。足抒

慈念。再姪婦前已歸寧母家。不知今已回家否。求

諭令時以平安函告。某弟在校。想亦安報時通。昨聞其校中開成績展覽會。亮可得有獎勵。姪頃由此亦寄一緘。大約三日

內可得復也。專肅敬請

福安。姪○○謹稟○月○○日

●伯叔在外問姪家況

某姪如晤。別又月餘。每念家鄉。日勞魂夢。愚以生計日艱。難安家食。出外營業。無非勉顧目前。惟此間市面。已非昔日可比。如資本

經驗。稍有不足。卽難與同業競爭矣。吾

姪在家。近狀何似。前存家用之款。能否敷用。加以所收租項。今年出入。能相抵否。家中長幼。想各平安。至以爲念。

姪年方少壯。事業無窮。務宜勤慎持家。勉圖上進。無負諄諄致囑。

是所切盼。愚在外體中安好。勿念。此問

近好。叔伯 ○○氏手泐 ○月○○日

●詢在家親戚近況

某姪如面。前接一書。藉悉

近況無恙。差慰遠懷。并聞

姪喜獲一男。

堂上抱孫有慶。至可賀也。諸家親戚。想均安好。某姊妹有無歸寧。

已抱外孫否。念念。某姑母精神想亦康健。今年七十大慶。必當舉

行稱觴之典。我家所送賀禮。亦應早備。屆時必有一番熱鬧。愚可回家。亦由前往躬祝也。姪孫輩讀書如何。仍在某校就學否。均所念念。愚在外身體平善。所營商業。頗有進步。惟事務日繁。難得信用之人。可以付託。是以一時不能遄返。須待汝弟到此。方可定見也。暇時常寄一書。以慰遠系。盼切。手此順頌。

侍祉。

伯叔

○○○手書○○月○○日

○問營業情形

一別以來。時於家報中。知吾

姪在外安適。慰慰。現在某埠市況如何。販賣貨物。能否暢銷。核計成本。能否有贏無絀。均深系念。近年舶來物品過多。販鬻紛紛。挽回匪易。是在提倡國貨。有以補救之。吾姪久處商場。想同此隱慮也。家中人口平安。年歲尚稱中稔。書到

盼復。以慰懸懸。附詢

近祉。

伯叔

○氏寄書○月○○日

◎問學業進步

相離數月。惦念日深。吾

姪肄業某校。學科已至何級。今年畢業。當可升入高等學校。勤勉用功。自當日有進境。惟望立志堅定。策以奮勉。毋驚高遠。以妨有用之學。志大成迂。所宜引以為戒也。愚近體安善。營業亦尙得手。家中書來。一切安吉。勿以為念。汝

堂上昨來一函。云久未得

姪安稟。豈因校課甚忙。不暇上稟耶。嗣宜勤發安報。是為至要。并

詢

學祉。

伯叔

○氏手書○月○○日

●問家鄉年歲豐歉

久隔家園。動逾歲月。秋風容易。客思催年。近想家中長幼均安。至念至念。愚居此逾年。尙稱順適。雖久客異方。近亦稍覺習慣。古人謂旅行可增知識。信非虛語。今年家鄉年歲豐歉若何。早晚兩稻。約有幾分。晴雨適宜。米價想不過昂貴。似宜稍積餘資。以作不時之需。是爲至要。此間地處僻壤。鄉人至者甚稀。惟郵政寄信頗便。亟盼吾

姪時寄音書。以慰懸系。餘不盡言。并問

閤家均祉

伯叔

○○○氏寫寄○○月○○日

●招歸侍祖父母病

自吾

姪行後。家中一切如常。惟

祖母^父病狀日增。高年氣體久衰。舉動需人服侍。愚雖日在左右。照料誠恐難周。且

祖母^父病後性情燥急。若假手他人。尤非所樂。茲特馳函相告。望吾姪即日束裝歸省。請假可略寬時日。以免後再續假。吾

姪平日素爲

祖母^父所鍾愛。病中猶屢以出門爲念。如吾

姪一歸。必甚喜慰。亦不藥除病之一法也。幸勿濡遲。致勞跂望。勿布。卽詢

行祺。伯叔○○氏手啓○○月○○日

○囑結婚後卽返里

適接

手函。欣知沿途平安。已抵某處。甚慰。此番吾

姪喜事。愚未能親往料理。諸荷。汝外舅一力承辦。勞心費力。深抱不安。此固由。汝外舅眷念舊誼。新媵。然非姪之好學有聲。何能至是。聞新婦因尙未畢業。擬俟成禮之後。略隨俗禮。在家小住。卽仍赴校。尤見勤學情殷。堂上暨愚聞之。甚爲嘉許。新婦尙且如此。吾

姪更宜奮勉。俟送新婦往校後。卽可遄返某校。亟爲肄習。汝外舅姑前。先代致意。並請告知喜事一切。千萬不可過於糜費。尤爲至要。堂上近日精神甚好。愚所患較前略減。但行動尙不自由。終日家居。此爲焦灼耳。手此卽問。雙吉。

伯叔

○氏手具○月○日

囑代謀事

昨閱

來函。藉知

近體安好。事亦順適。甚慰遠念。愚自某處解職以後。回家忽已數月。家中光景。雖不以一人費用爲加多。惟向來在外作事。已成習慣。終日閒居。覺起居一切。反爲不適。堂上手足情深。頗不願愚遽又他出。但愚自念如再久閒。必致鬱悶成病。反爲不宜。吾姪在外交遊甚廣。意中有無合式之處。可爲圖一位置。薪水亦不必求豐。祇須有事可辦。較勝在家閒坐。則於願足矣。至愚性情職務。何者相宜。

姪所深知。故不贅及。所盼從速。有以復我。手泐卽問。

近祉。伯叔○○氏寄言○○月○○日

○詢營業狀況。并催寄家用。

許久未接來書。比想

旅居安甯。近况何如。至爲殷念。郵程甚便。乃竟音信杳然。此所不解也。現在所營商業。發達若何。夥友諸人。尙仍舊否。聞近日市面金融。頗爲停滯。各處定購貨物。多懷觀望。似此情形。商業實受其害。未知

姪處能不受此種影響否。念甚。家用之款。久未寄到。不免支絀。如營業較順。宜卽從速籌寄。以免家中向人借貸。反多費利息也。是所至囑。愚近日安適。姪婦姪孫輩亦均健旺。

姪可勿念。此函所詢各節。尙望暇時詳復。免勞懸系。手此順頌。

旅祉。伯叔○○手書○○月○○日

●代嫂催歸并屬先寄用款

前得吾

姪來書云不日言旋。閤家同慰。遲至今日。尙未見到。豈以有事耽擱耶。

速理歸裝。是所同盼。萬一因事不能卽歸。則先籌款寄家爲要。因近來米薪均貴。汝

堂上獨力持家。支持不易。刻已虧欠若干。如不先爲還清。殊失信用。愚正同處窘鄉。無能爲力。日見汝

堂上焦煩。心尤不安。頃囑將情形函達

姪處。務卽速爲籌款。剋日寄來。如三兩日內。

姪準回里。則親自攜回。亦無不可。愚見每月家用。可酌定一數。嗣後按月匯回。以免一有不敷。卽須挪借。歸後可再詳商之。順候

旅祉。伯叔○○氏寄言○○月○○日

◎代姪婦催寄兒女學費

別來半月。未知

旅況如何。至爲系念。想近有家報交寄矣。一俟收到。再當詳復。家中現在一是安善。用度一切。愚均代爲隨時設法。姪可勿念。惟姪孫輩本學期應繳學費。無從籌措。姪婦昨來見告。云校中催索甚急。如再不繳。將有除名退學之慮。此係該校章程。原定辦法如此。亦不能因我家窘況。遂許通融。愚向他處通挪。急切亦難如數。今特專函告急。務卽

速籌的款。交郵局匯回。明知

姪亦爲難。然在外之人。較之家居。總易籌畫。故愚特代姪婦函催也。書到卽復。是所盼切。并問

近履。伯叔○○氏書告○○月○○日

●戒交友不可失信

近因時有不適。懶於通訊。每得

來書。則爲一快。日昨某叔祖返里。談及

姪現在局面甚寬。惟朋友相屬事件。往往不能踐言。因是稍有不
滿人意之處。惟念吾

姪向來心思周密。與人期約。必求實踐。豈近因事多叢雜。偶有遺
忘。此亦恆情。在所難免。然人之煩言。卽由此起。亦可見立身處事
之難。但吾人與社會交際。名譽實爲第一。保全名譽。當先由信實
上著手。人苟有事委託。是必望我甚殷。可行者卽應爲之代謀。不
可行者亦不妨婉言回復。屬其另託他人。如果信口應許。隨卽置
之不問。失我之信。固爲不可。僨人之事。利害攸關。古人所謂一諾
千金。其故可想。以後務望有則改之。無則加勉。是則愚之所切望
也。手此卽問

近佳。伯叔○○氏書○○月○○日

姑姪

○姪稟賀姑父母壽並寄祝品通用

姑父母大人尊前敬肅者上月某日肅上一稟計呈

慈鑒矣近諗

福履安綏閤潭均吉定符孺頌月之某日即舊曆某月某日欣

逢

榮慶之辰。姪本應趨返吳門躬親叩祝惟因店中同事旋里者

多事務加繁不克分身遙企

壽筵曷勝嚮往刻已函囑姪婦率姪孫等屆期叩賀茲特謹具

壽幛壽燭託便賚呈藉伸遐祝伏乞

賞收為幸專肅寸稟恭叩

千春敬請

福安內姪○○謹稟○月○○日

○稟賀表兄弟結婚並寄賀品通用

敬肅者。昨接表兄弟來書。欣謔

福躬安泰。潭第同之。並悉某表兄弟結婚嘉禮。已定於某日舉行。

聞新婦求學有年。尤嫻姆訓。表兄弟得此賢婦。璧合珠聯。此可

為

長者賀也。姪以校中考試在邇。不克躬返里門。參觀盛禮。實深

悵歉。茲謹具衣料兩襲。喜聯一副。藉伸賀敬。隨稟寄呈。即乞

賜收。便中

諭復。為幸。專肅恭賀

大喜。祇請

康安。內姪○○○謹稟○月○○日

表兄弟及弟婦均此致賀未另

○稟告祖父母催歸寧

敬肅者。前接

復示。知表妹偶有不適。服藥調理。已漸就痊。日來諒必復元。念

念近來。祖母起居一切均好。惟因

姑母久未歸寧。思念甚切。命再函請一歸省視。所有表妹就

學一節。姪已代爲擇定某女校。該校功課章程。甚爲完備。其

主任者係世好某君之夫人。對於校務。非常熱心。管理極爲

得法。與表妹程度亦甚合格。校中生徒。亦皆循謹自愛。絕無

世風囂張之習。今特附陳。並望挈同回里。以便代爲報名投

考。該校距家甚近。將來入學。可不必再入寄宿舍也。餘俟面

稟專此敬頌

福祺內姪○○謹稟○月○○日

◎稟告表兄弟同學情形並商擬同遊學

敬肅者。日昨奉到

賜諭。敬悉

興履勝常。舊恙今歲亦未再發。想從此可以痊愈。尤爲欣慰。表

弟與姪同校。近均安善。平日功課。表弟最肯專研。日前大考。

名列第二。姪亦幸列第五。頗蒙校長獎許。大約下學期均

可畢業矣。姪思我國現在專門學校。南北雖有數區。然比較

學科。實難與歐美相較。竊擬畢業之後。非出洋遊學。不能得

有進益。前經稟商父親。已蒙允許。學費刻已籌定。一俟畢

業。卽當西渡。近與表弟談及。極長同情。惟以未得

慈命爲慮。姪思

長者雖鍾愛不捨。然表弟有志嚮學。前途遠大。當亦不至見阻。卽以年少出門。不免系念。然能與姪偕往。彼此互相照料。可保無事。肅此稟商。是否可行。尙乞

酌奪諭復。爲禱。專肅敬請

近安。內姪○○○謹稟○月○○日

○稟告寄呈食物並催表兄弟來校

敬肅者。日昨接到表兄來信。謹悉

大人前患病恙。初起甚險。繼經調治得法。幸已轉危爲安。現在日臻康復。孺懷甚慰。今春寒暖不時。動輒致疾。刻屆夏令。氣候仍不歸正。

慈體新愈。一切務須加意珍攝。家政細事。尤不可過於操勞。是

所至禱。此間某公司所製餅乾。物質甚好。消化極易。又牛乳一物。亦爲病後相宜之品。茲趁某君旋里之便。各購數匣。託其帶呈。至祈

哂收。又表兄請假歸省。原約

長者病愈。卽行來校。現在校中不日大考。乞

命速來。切勿延誤。是要。專此敬叩

痊安。內姪○○謹稟○月○○日

○稟告母命遣妹就學乞照拂

久別

慈顏時深孺慕。邇諭

福祉安康想

姑丈大人府報常通。旅中一切安善。旣頌且怵。姪自就學商業。

忽忽將近三載。近承經理某先生派令襄理帳目。進項雖可增加。責任亦較重大。以姪之愚。惟有以勤自勉。日前請假歸省。所幸家中近均安好。某妹亦漸長成。每日學習針線。暇卽認字習算。母親以處今之世。女子求學。亦不可緩。亟欲令其入校。又以某妹年稚。乏人照料。又不放心。再四思維。惟有遣入

長者管理之學校。最爲相宜。用特命先函商。如荷允復。并祈將

貴校每學期學費若干。連同見示。俟姪下月出門。卽同挈送前來。惟是教導撫育。瑣瑣瀆煩。爲不安耳。專此恭請

講安。內姪○○謹稟○○月○○日

●稟告祖母安狀並陳早婚之害請商從緩

敬肅者。日前校假旅行。仰蒙

諭留小住。飲食衣履。諸費

慈懷。返滬以來。當由表兄安稟中附陳謝悃。諒呈

鑒矣。姪在校如常。畢業當在明歲。星期必回寓舍。藉問

祖母起居。所幸精神康健。近雖不服調養物品。容采更覺滋潤。

殊可喜慰。惟近以姪年漸長。亟欲爲之議婚。殊不知早婚之

弊。爲害不可勝言。其大者如阻身體之發育。增家室之多累。

世俗習此不察。往往使青年子弟。壯志墮於半途。盛年變爲

短折。殊爲可歎。姪平日每以勸戒友人。豈可自蹈覆轍。前曾

婉稟

重闈。未蒙俯允。若再過阻。轉恐傷心。竊思姪少卽孤露。誠如古

人所謂臣無祖母。無以至今日。更何敢以此重拂老人之

意再四思維。用特稟懇

姑母來書婉勸。詳陳利害。冀可挽回此議。則感戴無既矣。專此

恭請

鈞安。內姪○○謹稟○月○○日

○稟告父母安狀并商請店業集股

敬肅者。月前因事旋里。小住半月。父親自家居以來。精力

較前爲健。每日無事之時。灌花植竹。或與 母親課授弟妹。

家庭安樂。至可喜幸。姪昨仍回店。一切如常。惟念仰荷

長者厚愛。令理店務。兢兢自矢。時懼弗勝。溯自遷至此間。地方

適中。交通甚便。姪遇事秉承

鈞命。以謹慎信實爲宗旨。因是頗爲同業所見信。不特各處批

發貨物。紛至沓來。卽每日門市。亦有應接不暇之勢。惟遠道

辦貨。託人經理。時形不便。近來體察情形。如漢口浦口各商埠。必須設立支店。乃可聯合一氣。免致爲人牽制。惟推廣辦法。必須添籌資本。茲擬就節略一紙寄呈。如尊意爲然。卽祈設法籌足。如有不敷。仍可加入外股。想登高一呼。不難如響。斯應。是否可行。還乞

示復。爲禱。專此肅稟。恭請

籌安。內姪○○○謹稟。○月○○日

○稟告暑假旅行擬來省問

敬肅者。不親

訓益。倏忽兩年。惓惓之忱。瞻依倍切。昨由表姊丈交到近來

照片。

精神奕奕。較勝從前。具見

福體安康。當卽遵

諭轉寄家中矣。姪在諸兄弟中。最蒙

長者垂愛。乃睽隔最久。每憶

慈暉。亟思謁候。今幸校中暑假。爲日不遠。旅行地點。已定由滬

而寧。中間如無錫常州等處。均因同學見約。小作停留。約於

某日可過某處。卽當趨叩

起居。一伸下悃。惟家中亦函促早歸。恐不能久侍

左右。此又姪喜慰之餘。引以爲歉者也。某弟想已漸能學語。

姪已購有幼稚園恩物數種。存俟面交。乞

先告知。以爲一笑。先此馳稟。恭請

時安。內姪○○謹稟○○月○○日

○稟告家鄉近狀

敬肅者。叩別

慈顏。又將逾月。遙諗

起居安適。

潭第均佳。為頌為念。

姪自出里門。忽忽數載。此次歸來。舊時戚

族昆弟。大半各有職業。而地方學校。以及公益機關。亦復較

前完備。所有家中房屋田產。均由某叔經管。幸各無恙。今

年歲收稍歉。然使自治辦理得宜。宵小尙難肆擾。至家鄉從

前土產。如米麥豆餅棉花諸類。歲出本多。徒以交通不便。以

致銷路滯塞。近自某某鐵路通車以來。銷行頓見暢旺。即以

吾鄉一邑而論。調查半年進款。已增倍蓰。將來農業改良。物

產日盛。則民間生計。獲益不淺。姪擬下月初再行出門。昨已

函致寓中。令先轉達。想蒙

鑒及專肅寸稟敬請

均安。內姪○○謹稟○月○○日

◎姑致姪告安况並商令子女就學

某姪如見。昨由某君處送到

手函。藉悉吾

姪夫婦均各安好。校中各事如舊。深慰遠念。所寄汝表弟妹衣料玩物亦照收到。汝久客在外。所得進款。全家所賴。又何必爲表弟妹等多此閒費。惟已遠道寄來。祇可收下轉給。以後可勿再寄也。汝姑丈在外常有信來。一切均好。余身體平安。惟鎮日操持家務。未免勞心。汝某表弟某表妹今年仍在前校讀書。究竟用心與否。余亦無暇考察。好在年已十餘。尙有自治能力。準擬下學期令其赴滬就學。卽在吾

姪校中肄習。一切較可放心。並託

姪婦費心隨時照料。切勿縱容。是爲至囑。先此函託。順詢

近佳。並問

姪婦安好。姑適某氏手具。○月○日

○問近來家計並詢已否完嫻

某某賢姪如談。憶自汝姑丈棄世之後。予卽率汝表弟扶柩回

里。汝父亦挈眷出門。近數年以相去道遠。母家音耗。遂致隔絕。

久欲通函。以不知

寓址所在。未便郵寄。茲者。某某姻伯由京歸里。卽往探詢。始悉

吾

姪近返南中。並已在學校畢業。惟痛悉

汝父母早經先後棄養。追憶十年分袂。如在目前。詎料竟成永訣。

曷勝傷感。現在家中生計。恃何進款。先人舊有店業二處。生意諒尚平穩。又屈計吾

姪年已逾冠。前定 姪婦。不知已否迎娶。所有一切情形。 某某姻伯知而不詳。務即逐一

函復。以釋殷念。余近狀尚稱安適。 汝表弟現年十六。刻亦在校讀書。惟此子聰明有餘。似欠篤實。未知將來能否成就也。手此即

問

近祉。並盼 速復。 姑適某氏手泐○月○○日

○詢姪婦已否分娩。並告定期歸寧

日前託 某君帶致一函。附有食物一匣。僅得收條。未見

復信。諒因大考在即。預備功課甚忙之故。聞

姪婦前已有身。屈計月內當可臨蓐。未知現在已否分娩。甚為惦

念。昨得汝 祖母來諭。并接余回家小聚。余因有事原擬來滬一行。藉此可親定省。不料昨晚因上樓傾仆。遂致手足受傷。一時不能動履。刻經延醫調治。云一星期可以平復。現準於下月初來滬。汝可先行稟知。

祖母可也。相晤匪遙。諸俟面罄。先此函達。卽問

雙祉。 姑○氏手書○月○○日

●問堂上安狀並屬購用物

前次在家。住甫旬日。適因汝姑丈定期北上。以致匆匆歸來。昨接來函云。

汝母近又腰背疼痛。臥牀數日。此疾得於前年。過勞卽發。養息數日。想可卽愈。惟云汝姊因 母病焦急。終日焚香求神。此舉真可不必。現在民智日開。一切迷信無益之事。亟應首先破除。不宜仍

沿舊習。況

汝母之恙。係因過於勞頓所致。向神求福。豈能卽去痛苦耶。細心思之。當亦啞然失笑。暇時尙望反復導勸。爲囑。余前次歸程匆促。尙有自用及送人諸物。均忘購買。茲隨信寄去銀元十二元。并附購物單一紙。卽希

檢收照購。交便帶來。價如不敷。望先代墊。以後寄還可也。手此卽問

近祉。 姑○氏手啓○月○○日

汝母親前爲我道念。並問日來安否

○問學校優劣。擬令子姪赴考

久未

來書。深爲系念。日前閱報。知國會已開。爲四千年未有之舉。忝逢

其盛。殊爲幸事。果議員諸公能從國利民福四字著手。則不負國民代表矣。京師近日情形。想甚安謐。爲念汝表弟某某及其堂兄均已將次畢業。可升中學。近來南方雖不乏完全學校。但思久在一隅。不免爲風氣所囿。擬令其就學北方。俾可略廣見聞。胸襟自能展拓。如吾

姪北遊以後。學業頗進。此卽是效驗也。現在京師。以何校爲最完美。何種資格。可以入校。汝平時必有調查。卽望詳復。以便令渠兄弟等預備赴考。將來報名一切。並望指引照料也。專此順問

近祉。姑○氏寄言○月○○日

○屬爲表兄弟擇業

近因蠶事正忙。未得出門一步。昨始歸寧。見

汝母精神甚旺。健飯猶昔。姪婦姪孫女等均佳。並悉吾姪在外所營商業。日益發達。具徵

才智過人。克承先業。實爲心喜。汝表弟年已不小。心地尙屬誠實。高等小學甫經畢業。本欲令其再入中學。惟念現在時局。實業爲重。擬令其改習商業。以爲謀生之策。吾

姪久在商界。情形熟悉。究竟何業最爲切要。與汝表弟性質相宜。卽煩留心選擇。代爲薦引。一旦獲步後塵。則幸甚矣。專此卽問近佳。並盼

復音。姑○氏書寄○月○○日

○寄衣物並屬勉習商業

汝父日昨來寓。交閱吾

姪月初來書。知在外身體平安。諸事均好。甚慰惦念。近日天氣漸

暖。衣服應須更換。茲已製就長衫二件。短衫褲二套。襪子四雙。並毛巾四條。剪髮刀一把。均包好隨信交局寄上。收到即行函復可也。紗業一項。爲人生日用所必需。進益發達。况汝所在公司。又爲中國著名之大廠。從此日求上進。將來造就豈可限量。汝母不幸早世。汝父半生辛苦。所望者惟吾姪一人。務望勤勉力學。得有進步。則不特親心可慰。即余亦欣喜不盡矣。書不盡意。專此順問近好。姑○氏手泐○月○日

○詢公司股息能否添購股票

日前姪婦過寓。始悉吾

姪前月偶患春溫。病勢甚險。幸吉人天相。得以轉危爲安。慰藉之餘。尤深惦念。近日諒已復元。飲食一切如何。望即函告。以釋懸

系。姪婦并云。某某公司股票紅利。吾

姪已代取存。應否匯歸。公司股東年會。想已開過。聞去歲營業甚好。未知除官利外。可得餘利若干。且有人見告。該公司現因擴充。添招新股。余思家中用度。及汝弟妹學費。田租項下。可以支持。縱有不足。可由汝姑丈隨時接濟。毋須再爲設法。某某公司近在實業界中。頗負盛名。股票價值已經日漲。余意此項股息。旣已取存。不必寄來。如能以之添購本公司股票若干。卽望照辦。添購股票之外。有餘存於

姪處。如有不足。請卽暫墊。函告再行寄還可也。專此卽問

近祉。 姑○氏手具○月○○日

○屬奉母參觀遊藝會

睽隔經年。至爲悵悵。近諗汝

母父起居安適。吾

姪學業日進。均在念也。從前汝姑丈在家。余尙有時可以抽暇歸寧。自伊出門。家務之繁。兒女之累。竟致應接不暇矣。現幸諸事如常。惟與汝

母相別許久。思念甚殷。日來天氣和暖。出門甚宜。家中有汝

父就近照料。望吾姪卽奉汝

母來我家小住幾日。藉圖歡聚。月之某日。此間某校開遊藝大會。各學生成績甚優。屆時亦可同往展覽也。確定行期。並希預告。以便遣汝弟赴車站相送也。手此順問

侍祺。姑○氏手泐○月○日

○告辦幼稚園屬代聘保姆

未接

來函。又旬餘矣。遙想

公私順平。

伉儷均吉。爲慰。余辦學數年。近覺稍有經驗。常思兒童受各種感

化。年齡愈小。所入愈深。常人於七八歲後。方始就學。則自有知識

以來。此數年中。倘或受家庭不良之教育。與習外間不良之濡染。

在天性獨厚者。尙可葆其良知。如果質地稍次。則腦中必已具一

種劣根性。欲以滌除。殊不易易也。家鄉現在初高兩等小學。已有

數處。而幼稚園却尙無人議及。余近日提議創設。頗爲同志贊成。

經費地址。均已規畫就緒。惟保姆人才。極爲缺乏。吾

姪旅外有年。情形最熟。務望留意速代延聘。俾可早日開辦。茲

將章程抄寄。如有未盡善之處。不始代爲增損。事關教育。總求完

備。萬勿稍存謙退。至盼。手此順問。

近祉。並盼

速復。姑○氏手泐○月○○日

兄弟

●兄寄弟告客況

某弟手足。別逾旬日。尙未一寄家書。遙想吾

弟在家。念遠人更切也。兄某日行抵上海。在某旅館暫卸塵裝。

乃友人某君堅邀移寓其家。遂於次日遷往某處。較之客舍

清淨多矣。比想

慈嚴親益臻康健。弟妹以下均好。時塵於懷。

弟校中學業。千萬不可間斷。弟妹亦宜督令勤學。兄既出門。

歸期難定。家政一切。不可使

堂上過於操勞。

弟其勉之。無事時幸通音訊。尤所盼也。兄旅次安好。費用亦尙寬裕。可慰。

遠念。餘不具。順候。

文祉。兄○○○手書 ○月○○日

◎告遊學情形

某弟如握。海隅分袂。遂隔天涯。去國懷鄉。能無悒悒。所幸途中一是平安。風浪平靜。航行迅速。某月某日。行抵東京。暫寓神田町旅館。某日由使館介紹入早稻田學校。各科分門。均由教習口授講義。兄於東文語。早經通曉。故可直接聽講。此間飲食起居。均尙便易。我國物品。來此亦多。可無須遠道購寄。弟送兄登舟後。想早返里。日來

一親身體如何。務祈時時寬慰。勿以遠客爲念。刻因校課甚忙。未

及詳稟。請先代稟平安。容再函陳一切。此邦風景畫頗佳。市上紛紛陳列。以備旅客購買。今附寄十餘幅。吾弟與姪輩可共覽之。則此邦風景。如在目前矣。此候雙佳。兄○○○手書○○月○○日

◎在校通問

某弟如面。校課甚忙。致疏音訊。吾

弟亦久未來書。想兩地有同情也。兄在某校就學。教授管理之法。甚爲周密。獲益不淺。年內可望升班。本校頭班。聞有挑選出洋游學之說。果爾則大遂初心矣。

弟校中功課若何。試驗成績。分數能占優勝否。何時可以畢業。同學幾人。有無益友。我輩出門求學。務宜親師取友。擇善而從。方不負遠方就學之意。

弟其勉加策勵。是所切囑。昨得家書。知一是平安。堪慰遠念。想弟處亦時得訊。故不寄閱。手此并頌。

進益 兄○○○手書○○月○○日

●勸學

某弟如談。送別旬餘。懷思倍切。計可早到。

校舍平安。書想已在道矣。吾

弟返校後。功課須補習否。勤求學問。尤當愛惜精神。

弟氣體不充。用心太過。尤易積勞成疾。幸無過於銳進。飲食起

居亦宜慎衛。是所至囑。兄經營商店。事務較繁。幸同業已有

信用。周轉不至阻滯。惟僱用夥友。難得其人。一有不慎。後悔

何及。故兄每日在店中。考察一切。良以創業不易。不敢稍有

忽略耳。家中一是平安。無勞遠念。

弟在校情形。宜時時見告。以免家中遠憶。盼切盼切。并候
文祉。兄○○○手書○月○○日

○屬勤商業

某弟收覽。一別月餘。未通音問。馳念何似。比諗

經理店事。日益發達。惟事務紛繁。吾

弟諸宜謹慎。能以勞勤二字自勉。則措置裕如矣。兄在校平安。
校中功課極嚴。亦尙能不落人後。本屆試驗。分數尙足。今年
可以畢業。校長曾云。可入專科大學。以竟全功。擬俟校假還
家。稟商

堂上。方可決定。家中近狀如何。

大人起居安否。姪輩已否入校肄業。均深系念。暇望
時寄尺書。以慰懸懸。手此。順候

時祉。兄○○○手書○月○○日

○告營業情形

惘惘出門。又添別緒。比來想

一二親康健。弟妹均佳。爲念。兄海程平順。已於某日安抵長崎。現

與某友同住店中。營業尙覺穩健。與日人商店往來頗多。深得信用。此埠華商僑寓最盛。生意極爲發達。惜商情渙散。團體不甚堅固。是以不能與彼競爭耳。未知

弟近况何如。家務一切。均賴主持。學問宜求精益。庶足以慰親心而安遠念。是所盼切。得暇宜常寄家書。俾知家中近况。至望至望。手此順問

近佳。兄○○○手書○月○○日

○問商業情形

昨有故鄉人來。詢悉

近狀安適。至慰。惟已旬日。未得安報。實增懸系。吾

弟近日店業若何。新辦各貨。能否獲利。如各貨銷售能速。則於同業中占優勝矣。兄店中一切照常。上海雖爲商業繁盛之區。富商鉅賈。爭集於此。惟外容豐富。內實空虛者。不一而足。因場面既易推廣。虧累日益加重。一有市慌。不堪設想。故兄於店務時時以謹慎二字爲主。所望吾弟亦表同情。事事踏實脚步。只求店業穩固。則在商界中。可操勝算。此兄經驗所得。用以奉告。寓中老幼平安。勿以爲念。手此順候

近佳。兄○○手書○月○○日

○囑弟購寄中籍

去國月餘。忽忽如有所失。未得

家書。懸盼殊切。豈平安兩字。亦不暇傳語耶。兄在校習業如常。成績尙優。近來時譯東西各報。取其關於我國者。寄至京津滬漢報館。託爲發表。以告國人。惟行篋書籍太少。不足供參考之用。而此間無處可以購借。茲特專函奉告。卽請吾

弟代購洋裝新字典世界現行憲法各一部。交日本郵局直寄東京某學校。卽可照收。惟須在郵局掛號。以防遺失。至囑至囑。身體安好。勿以爲念。暇望

時寄數行。以慰懸懸。專此順候

近祉。兄○○手書○○月○○日

○囑購寄西籍并文具

自與吾

弟言別。數月於茲矣。音訊時通。懷思倍切。近想

研精學術。進步益多。至以爲頌。兄近狀安善。閤家同之。堪慰遠注。現在校中已添列理化一科。兄涉獵西籍。於理化之學。素喜研究。用特函告吾

弟。請卽選擇泰西理化專家最新出版之書。代購數種。俾可參考。至西式文具用品。亦兄所夙嗜。并望購寄若干件。以爲講室應用之需。惟遠道郵寄。恐過於繁重。俟遇有友人歸國之便。託其帶來。更爲妥善。其價可詳細開示。俟匯寄學費時。一同寄繳可也。客中惟

善自調護。餘俟續告。手此順頌

文祺。兄○○○手書○○月○○日

●問祖父母病狀 通用

不接家書。又已數日。未知家中安否。甚念甚念。

祖慈嚴病勢。近日有無增減。高年氣體久虧。醫藥切忌雜投。現在係請何醫診治。所有藥品。宜多用調補氣血。培養元氣爲上。又宜以

老人高興之事。日常說笑。俾可忘憂。蓋老年疾病。常有諱疾忌醫之意。或易於燥怒。全賴侍疾者體貼入微。善爲調護也。兄遠游在外。未得言歸。吾

弟隨同

堂上。日侍左右。自能仰慰

老懷。無待多囑。望將近時。病狀。以及所服方藥。隨時

寄示。以慰在遠。曷勝翹盼。手此順頌。

侍社。兄○○○手書○○月○○日

○論嫁妹宜奩贈從豐

前日接某太親翁來函。言妹妹喜事。俟秋間妹丈畢業後。必須辦理。家中諒亦另有函來矣。從前商量從緩。因

母親大人以妹妹年紀尙小。不欲遠離。現又二年無可再推。婚嫁大事。早日辦畢。亦早了一樁心事。惟思妹妹爲

母親大人素所鍾愛。渠又心志甚高。事事不肯落人之後。聞妹丈家境不甚充裕。將來過門之後。如有用項。自不能如家中方便。一切奩具。固宜齊全。且須另籌數百金。爲之贈嫁。萬不可意存節省。使不愜意。是爲至要。兄店務羈身。不能回家幫同料理。一切祈

弟台稟商

堂上酌行。俟迎娶定期。再當請假返里可也。專此布達。卽問

均祉。兄○○○手具○月○○日

●論家用宜限制

歡聚一月。別又踰旬。未得

來緘。頗深記憶。兄於某日到此。可請勿念。此次回家。目覩大

小平安。家事頗有秩序。爲之一快。惟見家用一切。較前不免

略費。我家向以勤儉成風。豈應遽變祖法。况屋宇祇求安身。

何必過於華美。衣服惟求蔽體。何必過於鮮麗。飲食惟求適

口。何必過於豐盛。至於交遊徵逐。消耗無益之事。尤應力爲

戒除。在家境充裕之時。家用日增。尙可敷衍。一遇困難。何以

爲繼。吾輩身爲家長。尤須以身作則。爲一家之模範。倘自己

不能節儉。更何以約束後輩耶。以吾

弟之明。諒不以兄言爲河漢。所望以後隨時

加意。並將每年用款。分爲額支。活支兩項。詳加預算。定爲準則。庶有限制。慎勿再蹈浮靡之習。至囑。兄一是安善。並望放懷。手泐卽順。

近祉。兄○○○書寄○月○○日

●詢近狀并勸戒飲

月前因事。順道回鄉。得與吾

弟盤桓二日。至爲歡慰。別後又赴各鄉。勾留數日。卽已返城。惟辦理報告一切。多日未得閒暇。以致尙未函告也。吾

弟心思學力。事事較兄爲勝。惟嗜飲之癖。至今未能戒除。則兄最爲掛念。酒之爲物。偶一飲之。未嘗無益。但若沉湎其中。小之足以僨事。大之足以傷身。古今來有爲之人。爲酒所累者。實爲不少。况

父親大人從前之病。何嘗非由於酒。先人以此致疾。更應痛定思痛。豈可不引爲深戒。而尙甘之如飴耶。務望加意力爲屏絕。勿貽兄在遠之憂。是所切囑。家鄉近日麥已收穫否。近况如何。均所念念。專此卽問。

雙祺。兄○○手泐○○月○○日

○有友出洋留學。囑爲招待。月初曾寄一函。未知已達。

安覽否。比想

業精於勤。進益無量。茲有友人某君出洋留學。定以某日附○
○郵船出發。惟以初到外邦。風土人情。諸未諳悉。託兄先代介紹。茲特專函前來。務祈吾

弟於某君到埠時。善爲招待。凡行李之運送。旅館之租賃。學校

之選擇均宜代爲照拂。俾可免人地生疏之慮。是所同感。家中一是救平。兄近狀亦佳。堪抒

遠念。餘由某君面述不多及手此并頌

旅祺。兄○○○手書○月○○日

◎弟賀兄嫂壽

兄嫂如見。昨接奉

兄抵家後寄來安函。領悉一是。適因連日試驗。未及答復。此次試驗之時。弟適偶發寒熱。精神疲倦已極。國文歷史前數題尙覺稍爲中意。以後理化圖畫等題。皆係勉強之作。恐不能望前列矣。不勝媿慙。月之某日。欣逢兄嫂幾旬誕辰。數年客外。今歲難得在家。弟本擬回家祝賀。惟因

前奉

手示。囑令暑假。卽在校中溫理。不必回里。俾免曠廢時日。亦可省往來費用。因是中止。好在

兄假滿到校。尙須來此爲諸生購帶書籍。屆時再行聚晤可也。專此敬祝

壽喜。並請

雙安。弟○○謹肅○月○○日

●賀姪男女結婚

某兄同鑒。頃奉

手示。欣悉姪女結婚之期。已擇定本月某日。甚爲喜慰。憶去歲甫爲大姪成婚。今又值姪女出閣。

兄嫂費心費力。可想而知。但從此無兒女之累。亦人生一大快

心事也。弟年非幼稚。猶有童心。往日在

兄嫂左右。自視同於孩提。詎料出門數年。姪兒女均已婚嫁。人世光陰。真如彈指。所慮者嗣後回家。須以老成自命。如再作兒時遊戲。且恐爲姪輩所笑矣。姪婿前曾同校。見面時多人甚安詳。頗喜讀書。性情活潑。則與弟相似。不知近年自入中學後。氣質已稍改否。乞

兄嫂詢之。猶尙憶同學少年也。專此敬賀

大喜。並請

雙安。弟○○謹肅○月○○日

○出洋遊學通問

某兄手足。臨行握手。殊恨匆匆。回首故鄉。遂隔萬里。近想庭闈康健。

闔寓均安。良深忭祝。弟別後航海西行。已於某月某日行抵美

都。卽託使館友人。代爲電告。現由美都。復至某省。同學招待。至周。卽持介紹書入某某大學。校章一切。極其完備。寄宿舍。亦距離不遠。每日早出晚歸。習以爲常。尙不覺苦。飲食起居。均能習慣。求學此邦。本弟素志。所願學成歸國。師其所長。以效力於社會。願

兄告慰

堂上。勿以遠游爲念。至叩至叩。此間天氣正雨量最多之時。不知故鄉近日何似。弟於星期校假。當偕友人遊歷近處。調查農業。并隨時述所聞見。以備他日參考。想兄必忻許之。餘俟續陳。手此敬頌

儷社弟○○謹啓○○月○○日

○出洋營業通問

某兄賜鑒。握別以來。又經匝月。離家日遠。至相念也。遙想

嚴慈以次。一是康吉。姪輩讀書。日有進步。均以爲祝。弟別後航

海首塗。某月日行抵南洋某埠。假寓鄉人某君家。途中身體

安適。能忘旅行之苦。此埠華僑人數極衆。閩粵尤多。華商營

業。大資本家亦復不少。兄販售絲織各貨。到此頗受歡迎。可

見土貨但能改良。銷場自見暢旺。提倡國貨。卽於工商界。可

占優勝。此亦一端。家務一切。仗

兄主持。弟旣出門。自當專心商業。遇事亦以謹慎爲主。不敢以

遠遊更貽

老人憂也。此間郵船尙速。暇望常寄數行。以通消息。盼甚盼甚。弟

如離此他往。當先電告。諸希勿念。手此敬頌

起居。弟○○謹啓○○月○○日

●問父母病狀通用

判袂匆匆。時以爲念。遙想

侍次安吉。合家同之。弟行時正值

嚴慈親病體未痊。雖是老年舊恙。時發時止。然亦宜早日延醫診視。

調理就痊。幸勿輕視。以致遷延日久。弟因謀食出門。不克躬

侍湯藥。每一念及。負罪實深。幸有吾

兄膝下承歡。自能體貼入微。以慰

親心而盡子職。此又弟所竊慰也。近日

嚴慈親病狀如何。以及服何方藥。係延何醫診治。均乞

詳晰賜覆。以慰懸懸。無任盼切。手此敬請

均安。弟○○謹啓○○月○○日

●因子女訂婚託探堂上意旨

半月未奉

安函。遙想

母父

親大人福體安康。

大嫂以次均好。爲念。吾家家法。向禁早婚。

以此事有種種妨礙。故累代相傳。婚娶均不過早。我輩尤當守此先訓。以告後人。某姪今年十六。自不能遽議結婚。惟此間有同事某君之女公子。年與某姪相若。弟婦常與見面。性情學業。無一不佳。某君本係世交。深願結親。言之再三。弟夫婦亦極願照辦。惟以有違家法。未敢定見。竊思如果定議。俟男女再長數年。然後成禮。似無不可。因此時如不訂婚。則恐某君有所誤會。反傷感情。特此函懇。

兄嫂代爲婉探

堂上意旨可否。迅速見示。此間各事均已議妥。靜待

復書爲定局也。盼甚。手此敬頌

侍安。弟○○謹肅○月○○日

◎商令子姪就學並寄學費

日昨 某姨丈攜到

手書欣悉

兄嫂弟婦等均安。家事一切如舊。殊爲忭慰。惟 某姨丈言及

姪兒女等尙未入學。終日號叫跳踉。刻無寧晷。聞之竊謂不

可。吾

兄號事忙迫。不能時刻在家管束。而 嫂嫂與弟婦女流之見。

不免有所寬縱。但兒姪等均已七八歲。非同幼稚。應早送入

學校。不宜任其在家遊嬉。蓋當今時局。無論男女。非有學問。

不能立身。而求學之年。非從幼小不可。倘此時過於溺愛。卽

不啻誤其終身。前見家鄉某君所辦之初等小學。章程完善。學費亦輕。務望剋日送入肄習。並乞

隨時嚴加督責。切勿稍存姑息。是爲至要。茲另託某莊匯上銀

元若干圓。作爲兒姪等今年學費。此款收到。乞卽

示復可也。專此卽問

近安。弟○○謹肅○月○○日

◎告甥失學商助學費

某君送女至校。順道過談。述及吾

兄近狀安佳。惟事務甚繁。天又炎熱。懶於握管。囑其面告平安。

深以爲慰。茲有請者。某妹丈去世之後。僅留一甥。孤露可

憐。亟宜望其成立。並慰某妹守節撫孤之志。惟其家境甚寒。

某甥雖已識字不少。因學費難籌。故未入校。日前弟前往探

視某妹。覩其景況蕭條。令人淚下。某妹向來不肯啓齒告貸。更見貧而有志。但某甥失學。我輩實負其咎。弟意擬自今秋起。由

兄與弟各籌助若干。供其學費。以期將來成立。諒

兄必甚許可。某甥姿質甚爲聰穎。果能勤學。必爲可造之才。惟將來送至何處肄業。則俟

復示定後。再與某妹面商再定可也。專此順頌

著安。並盼 示復。弟○○○謹肅○○月○○日

●論先業宜保守

就食他鄉。不克時時聚首。殊爲悵望。日昨 某表叔順道過此。詢知

兄嫂近狀安康。家中一是如常。深以爲慰。又據稱聞家中現因

某事。

兄意擬將某處田產出售備用。果有其事。弟竊以爲不可。

父親創業艱難。一生辛苦。所遺祇有此產。我輩加意保守。猶慮有

失。豈可輕易出手。以違先志。某事如係必需。弟意可先向他

處張羅。以應其急。隨後由弟設法歸還。倘非急切之需。似不

必多此一舉。某表叔并云。或者傳聞非真。亦未可知。惟有

所聞。特亟函詢。如果屬實。務望

照弟來函辦法。是爲至禱。弟近狀順適。身體亦好。請勿

遠念。手此順頌

近祺。亟盼

示復。弟○○謹肅。○月○○日

◎論求學宜定宗旨

秋初話別。遂隔天涯。眷念

興居。馳思曷已。比想

研求學術。造就益深。爲頌。昨聞友人來告。吾

兄近擬改入他校。不知確否。惟弟愚見。以爲求學之道。先宜決

定宗旨。卽有不得已之事。無論爲公爲私。必須一切排去。概

不與聞。再就學科而論。旣爲專習之學科。必須盡其心力。終

身守之。斷不可因旁人議論。若者可求合於今日之社會。若

者不能合於今日之社會。隨俗轉移。以致一無歸宿。甚至今

日習工商。明日習法律。將於學問一途。終身不能達其目的。

豈不可惜。弟因聞

兄有改入他校之意。故申其狂論。不知有當

采擇否。尙希

復示。家中尊幼一切均安。請勿爲念。手此敬請
旅安。弟○○謹啓○月○○日

◎屬代友選擇學校

風雨對牀。時勞夢寐。天涯客感。想

兄亦有同情也。比諗

學業益勤。體中安適。爲頌。弟家園伏處。抑塞無聊。恨未得一作

壯遊。追隨

左右。茲有友人某君。有志求學。初次出洋。苦無先路之導。特爲

脩函介紹。面謁吾

兄。學校規則。以何處爲完備。學科程度。以何處爲適宜。務請

代爲決擇。俾其有所適從。吾

兄經驗既多。考求有素。必有以教之也。家中平安。乞勿

遠念。餘詢某君。當可詳悉。手此敬懇。并請

任安。弟○○○謹啓○○月○○日

○告營業失利由於用人失當

前奉

手函。弟因日來事多拂逆。意興闌珊。懶於作書。致未及時答復。

本號營業。近年漸已順手。惟自原經理某君去後。由某某二人接辦。詎料其一則性情忌刻。不能和協同事。一則專事遊宴。不顧號務。以致內外各事。日歸散漫。遇有生意主顧。亦無承應接洽之人。遂致營業非常失敗。而名譽亦因之墮落。此係弟疎於覺察。咎實難辭。現已將其辭退。由弟自行經理。但元氣大傷。未知何日始能恢復。前路茫茫。不堪設想。惟有盡心力而爲之。成敗亦不敢預決也。弟身體尙能耐勞。飲啖如

常。惟夜間往往不能安睡。諒係心緒不安之故。精神尙無大礙。知蒙

念及。用并詳陳。手泐順請

近安。弟○○謹肅○月○○日

姊妹

●兄弟問已嫁姊妹安好

某姊妹手足。別遂數月。馳念甚深。比維

伉儷雙綏。

庭闈康泰。如頌爲慰。○近狀平善。就學如常。家中自一二親以

次。幸均健適。此可奉告耳。

姊妹丈肄業某校。學業想益精進。天倫樂敘。自必深得

堂上歡心。惟不知侍膳餘閒。吾

姊妹

尚能溫習舊業否。得便尚盼

詳示近狀。因家庭久別。時在念中。如安訊時通。則足以上慰老人矣。何時可以

歸寧。藉圖定省。此又閤家所同翹盼也。專此敬頌

嘉祺。

弟○○○
兄○○○ 謹啓 ○月○○日

姊妹 丈均此道念

●告父母安狀通用

某

姊妹

安覽。握別以來。瞬經數月。懷思之切。想同之也。就諗

侍奉康綏。如頌。○里居求學。仍在某校。計日程功。略有進步。堪

以告慰

遠注。家中一切照舊。

父親氣體甚健。前月因某處開會。曾作

旅行。途中順適。昨已安返。

母親精神亦好。惟瑣屑米鹽。家

計日須規畫。○常以節勞爲請。而老年人好勞惡逸。事必躬親。雖有弟嫂氏。可爲代勞。亦不敢強拂老人之意也。吾

姊妹近定何日歸寧。卽乞訂期。

示復。以便派人來迓。餘不盡言。敬候

雙福。弟○○兄○○謹啓○月○○日

◎姊妹致兄弟問父母安狀

某兄弟手足別久。思深悵惘。何似。比來未得家書。不審吾

兄弟學業進益若何。星期常歸省否。至念。日來

慈體想必康健。老年人氣血衰弱。入冬調養。似以多服補品爲宜。

○遠嫁他鄉。不獲常侍

庭闈。時引爲恨。惟有俟春間天暖。乘○壻赴校之便。偕同歸寧。

庶可稍慰孺慕耳。

弟嫂氏及姪輩。想均安吉。近日弟嫂氏有坐喜之兆否。還望

時寄好音。以慰懸懸。手此并頌

文祉。姊妹○○○手啓○月○○日

◎姊妹問兄弟近況

某弟兄手足。久未得書。至以爲念。前寄一函。亦未見答。不免望眼

欲穿矣。未審吾

弟兄近狀何似。校中成績若何。轉瞬畢業。足以上慰

庭闈。至同忻忭。近來

堂上兩大人。定卜康強。家中一切。想亦佳適。慰慰。姪輩已屆學

齡。足具入小學校之資格。且已早受家庭教育。自異常兒。不

知已入小學校肄業否。此所念也。○一是如常。身體安好。甥

輩亦甚健碩。堪慰

注存。書到盼復。并頌

偕祉。姊妹○○○手啓○月○○日

●出嫁姊妹通問

某姊妹如握廿年聚首。一旦離羣。咫尺天涯。倍勞夢寐。誦女子有

行遠父母兄弟之語。能無慨然。比諗

潭庭聚順。

儷祉偕臧。為頌為慰。○偕壻家居。了無佳況。所幸姑嫜垂愛。頗

得歡心。賤體耐勞。差堪告慰

綺注。每憶情親骨肉。如影隨形。今各一方。不堪回首。吾

姊妹曾憶之否耶。春衣薄澣。合賦歸寧。佇待

珮臨。藉圖良晤。書不盡言。敬候

雙祉。姊妹○○○謹啓○月○○日

●妹問出嫁姊安況

大姊賜覽。少小追隨。未經離別。遠睽

左右。殊切懷思。近諗

侍奉康娛。

瑟琴靜好。頌慰無似。妹家居奉母。色笑承歡。得暇惟教幼弟讀

書。日課一章。尙無間斷。因幼弟每日自幼稚園散課回家。不

喜遊戲。故母親命以課本授之。惟自愧學問未深。難言問

業。尙求吾

姊有以教我也。聞

姊丈近在某校卒業。欣賀之至。出洋游學。已定期起程否。念念。

郵程有便。乞

惠好音。敬請

雙安並頌

潭福。妹○○○謹啓○月○○日

●出嫁姊問妹安況

某妹手足別來數月。馳念甚深。日來未接

手書。不諗

近狀何似。

堂上兩大人。體中想均安適。弟輩學業進步若何。均深系念。姊

家園久隔。故甚盼

來書見告也。近幸姑嫜康健。姊壻以次均安。差足告慰。吾

妹近來想仍入校肄業。轉瞬學期已滿。即可畢業。願吾

妹努力用功。畢業可得高等。此姊所遠祝耳。秋風多厲。

珍重爲佳。餘俟續陳。諸維

自衛。妹○○○謹啓○月○○日

◎姊問妹在校情形

某妹如見。家園一別。分袂匆匆。屢於竹報來時。得悉

近況安吉。稍慰積思。吾

妹在某校肄業。成績若何。此次試驗。能得優獎否。每慨我國女

學不振。風氣初開。近來設立學校。又多注重於藝術。家政之

管理。女子之職業。未聞有特加研究者。此可惜也。姊於倡明

女學。本屬平生志願。奈年歲寔長。老大無成。及今思之。時以

爲恨。深願吾

妹學成自立。可以互相討論也。姊一家平善。甥輩在校。尙知勤

奮。堪以告慰

存注。佇盼

復音。諸維

珍重。姊○○○手啓○月○○日

●通問并寄食物 姊妹致兄弟

某兄弟手足自別故園。瞬將數月。思家望遠。悵惘如何。比諗

侍奉康娛。尊稚均適。為慰。○侍膳餘閒。稍溫故業。昔年結習。尚

未全忘。近憶吾

弟兄素嗜。○所自製食品。曩以井臼多勞。不克手製寄歸。茲有糟

魚熏肉醬菜鹽笋數種。託便寄上。到乞

檢收。家鄉風味。自較購於市上者不同。請

嘗試之。或可備食單之一格耳。至近狀均稱平善。甥輩在校。成

績尚優。每日晚歸。○復以國文算術等課。親授補習。堪慰

注存。餘不一一。順候

起居。 姊妹○○○手書 ○月○○日

●通問并寄書籍

某弟兄手足。家庭聚首。歡慰良深。歸棹匆匆。無任惆悵。別後於某

日抵家。途中一是順適。可告慰耳。比諗

劬書嗜學。進步益多。

堂上兩大人。日增康勝。至為企頌。○家計操心。米鹽瑣屑。然此為

女子之天職。亦不敢言勞也。○壻昨自滬歸。攜有書籍數種。

箋紙數匣。今特封寄

左右。即請

檢收。書籍可供諷覽。至箋紙則隨常可用。蓋欲使音書不斷之

意耳。近狀粗安。勿以為念。手此并頌

近祉。 姊妹○○○上言 ○月○○日

●通問并寄食物 兄弟致姊妹

某^{姊妹}如見。別後時時在念。所思人遠。兩地當有同情。比諗

琴祺曼福。

潭祉多佳。至為忭慰。○家居侍奉。一切如常。此足自娛。可紓

遠注。茲由○局帶上食物若干種。到乞

查收。薄物茑茑。不值一笑。特以遠別頻年。必思鄉味。故特封寄。

想吾

^{姊妹}亦必回憶家庭分梨讓棗時也。

堂上體中康健。^{弟妹}均稱安好。所引盼者。吾

^{姊妹}時時以近狀見告耳。匆匆草此。順請

雙安。^弟○^兄○謹啓○月○日

●通問并寄用物

某^姊如面。前月郵寄一函。想達

覽矣。未得

報書。閤家同念。比想

琴瑟靜好。

黻佩交愉。爲頌且慰。○僑居海上。諸幸均安。所喜老親康健。婦

稚無恙。足以告慰

注存。茲乘某某之便。寄上衣物若干種。到祈

晒收。吾

^姊尙須何種物品。均可

隨時見告。以便購寄。附有商務書館新出圖書數冊。此奉寄

^姊丈者。并祈

轉交。人行匆匆。不及另函也。順請

雙安。

兄弟○○○謹啓○月○○日

●託爲甥擇婦

別後到家。曾寄兩函。計均入覽。比諗

庭闈康健。

履候佳安。爲慰且祝。○近體如常。并幸甥輩物適。足自慰遣。頃

念次甥年已逾冠。明年中學亦可畢業。亟擬爲之聘婦。俾成

室家。里中雖有人作伐。非以貨財爲禮。卽以門第相矜。世俗

恆情。無足深怪。故○已託詞婉謝。惟男大當婚。亦不能因此

耽擱。茲特函託。吾

兄弟如訪有名門閨秀。年學可與次甥相等者。卽爲合格。并希

賜爲作合。俾可完姻。現在文明結婚。禮制甚簡。至奩贈之厚薄。

斷不斷。斷計較也。卽候

儷祉。姊妹〇〇〇歛衽〇月〇〇日

●託爲女甥擇婿

別已逾年。積思倍切。比諗

慈闈安吉。舉家平安。慰如所頌。○操持家計。老境漸增。兒女成行。事多未了。甥女年已及笄。尤應爲之擇婿。無如近來子弟。擇選甚難。此爲兒女終身之事。亦不能稍加率略。今特專函。以此事奉託。吾

弟兄如訪有門戶相當。其子弟學識年齡。與甥女相若。及將來可

以自謀生業者。卽乞

代作蹇脩。并祈

商明前途。取一照片封寄。如可定局。再當訂期納聘。○於擇婿。注重將來自謀生業。因念時局如此。非能自營獨立。卽爲社

會無用之人。想吾

弟兄亦當爲然。臨書企盼。不盡欲言。敬候

近祉。姊○○○寄語○月○○日

◎託爲甥擇校

前寄一書。計已早達。惟久未得

復函。至爲繫念。比論

重闡康健。膝下多佳。慰慰。○安處鄉閭。無善可告。○甥年已長

成粗通文義。惟獨學無友。難受教育之益。現與○壻商定。擬

送入學校肄習。地處鄉僻。擇校甚難。

弟兄近居城市。見聞倍廣。現在省中各校。管理教授之法。何校最

爲適宜。初等小學程度。何校可以相合。請卽分別

詳細詢示。并將該校章程見寄。一得

復音。○當挈甥來省。託送入校。吾

兄弟近在一方。亦可便於照拂也。晤談在卽。餘容面罄。并請

雙安。姊妹○○○上書○月○○日

○託爲甥擇業

前得

來書。當卽郵復。計早達到矣。比來

堂上兩大人氣體何如。仍如前健飯否。弟妹學業有進益否。均

深系念。○甥年已長成。既未入相當學校。光陰坐廢。殊覺可

惜。自宜及此青年。令習一業。爲他日謀生之計。以○甥平日

而論。人尙安詳。書算亦能諳練。似於商界執業。尙屬相宜。因

念吾

兄弟愛甥有素。必能知其所長。務請

代爲擇定相宜事業。介紹往習。俾端其趨向。期可成立。則○所
同幸也。敬頌

時祉。

姊○○○

書寄○月○○日

○擬出洋遊學詢學校情形

自從握別。無日不思。安訊時通。得聞

旅況。此足慰耳。○在某校近將畢業。科學畧窺門徑。惟外國文
語。成績尙佳。同學有結伴出洋遊學之議。此本○平日志願。
極表同意。惟何種學校。可以進習專科。課程規則。以何校爲
佳。能合於○程度者。係屬何校。○與同學亟擬預爲討論。以
定方針。吾

弟兄

現正遊學彼邦。調查必甚詳確。卽希

詳細開示。俾○知所適從。如能檢集學校章程封寄。尤所忻願。

束裝在邇。專候

復音。爲時

珍衛。并祝

進步。姊妹○○謹上○月○○日

◎託聘女校教員

別來不覺兩月。馳系爲勞。想

眷念鵲原。亦當有同慨也。比諗

學業精進。日異月新。如頌爲慰。○嘗慨中國女學不振。思有以

提倡風氣。講明教育。茲與某女士共創○○學校。章程甫經

宣布。凡同志有志求學者。莫不踴躍報名。女界前途。正未可

量。惟教員尙闕數人。鄙意必須品學兼優。素有聲望者。方足

以膺此選。吾

弟兄久在學界。廣於交游。如知有合格女教員。即請
推薦一二人。并將介紹書見寄。以便先行造訪。如宗旨相合。果
能勝任。即當延聘。開學日期。現雖未定。不得不早為物色也。

專盼

復音。并候

文祉。

姊妹○○○寄書○月○○日

○問妹女子應學職業

別後時時在念。惟久未得

報書。不審

近狀如何。

堂上兩大人。定卜康健。家中想一切安寧。馳念無已。姊嘗慨中國

積習。女子深居簡出。一事不知。致養成驕惰之習慣。其賢者

略通文字。次則舍縫紉烹飪之外。別無所長。似此愚柔。何能自立。姊以爲欲興女界。當從先謀職業始。蓋各執一業。方能爲他日謀生計。第女子擇業。首貴適宜。尤當合於我國禮俗。始可實行。不可模倣歐風。以致貽人口實。其規畫以何者爲佳。組織以何者爲易。成效以何者爲著。吾

妹旣任女學教員。又居繁盛之區。見聞定較詳核。如能將女界辦有成效者。詳

示原委。尤所欣盼。姊近思編輯女子職業問答一書。以爲將來實行之預備。故亟願一知梗概也。手此順候

近祉。姊○○○手啓○○月○○日

◎復姊問女子應學職業

正殷遐想。忽展

手書。欣諭
侍奉多福。

儷社雙綏。至以爲頌。妹從事教育。淺陋自慚。乃承

姊以女子職業垂詢。殊覺愧無以應。近來上海女界。注重實業。甫有萌芽。如勝家縫紉學校。女子工業學校。及縫紉社繡工社等。紛紛成立。商業則有女子興業公司。植權女子物產公司等。其宗旨專在培植女子生計。意固可嘉。惟妹以爲近日女子。以傳習工藝爲要。經營商業。尙非其時。吾

姊擬輯女子職業問答。此書必可通行。鄙意宜考查我國女界之習慣。證以泰西各種之近狀。分別其可行不可行者。加以按語。則甚有益於女界矣。至海上各學校各公司。均有簡章。茲檢寄數種。以備

採擇。家中一是平善。妹近狀安適。勿以爲念。專覆敬請

時安。妹○○○謹啓○月○○日

夫婦

○夫詢婦在學校情形

某某君如相見。握別以來。瞬已踰月。想

求學日益慰慰。校中所定規則。能否實行。教授學科。能否適合程度。寄宿舍及飲膳。尙清潔否。同學中有無舊同筆硯之人。均所系念。便希

詳告。校課想已成冊。亦盼

寫寄數篇。因某妹屬向

君索閱。

堂上聞之。亦甚高興。極思一覽耳。如校課認真。則某妹於下學期。

亦擬隨

君就學。既可彼此切磋。早晚亦不寂寞。果能如此。亦快意事也。家中近均康順。每值星期。必回家省視。此次校中大考。亦幸未落人後。并以附聞。卽問

講祺。○○言事○○月○○日

○告學校情形并勸內弟遊學

○○君安覽。頃接某日所發第○號

手書。藉悉

堂上康和。兒女安適。甚慰甚慰。○到東後。已連發三函。將一切情形。屬某弟代達。想已知之。現於某日。入某某學校。先習普通各學。蓋不先習普通學。則專門學無從入手也。此等學校。學生。我國人居其大半。一以預備科學。一以練習語言文字。因

專門學校。皆須直接講授。某弟明年中學亦可畢業。○意亦以來東留學爲是。每年學費核計亦不過多。因此邦物價雖三倍於我國。然一般學生社會。尙能節儉。較之我國苦學者。實有過之。

君意如贊成此事。歸寧時可稟商

堂上。俟定見後再告某弟可也。校課匆忙。不及多述。手此順頌

近祉。○○○手啓○○月○○日

○告營業情形

○○君收覽。別來不覺逾月。遙想

庭闈康吉。

近體多佳。慰如所頌。○某日行抵漢口。途中一是平安。店中生
意。尙稱順利。惟以近日各埠商情。時有變動。調用貨款。有時

亦頗爲難。所幸我號素有信用。尙不致過於支絀。至此間市面已略起色。從前商店每以租界爲樂土。大有人滿之患。刻下商場布置甚好。街道亦寬。故多遷業於此。如果粵漢川漢鐵路告成。則商業必蒸蒸日上矣。○一時不克回里。全賴君勞心家計。爲念實深。教育子女。此時尤爲要著。兒女輩在校讀書。有無進步。均深惦系。得暇可教兒輩學寫家書。亦可考見其程度如何。家書以明白簡淨爲得體。不必專用文言爲要。手此順問。

均祺。○○手書。○月○○日

◎通問并屬孝事父母

旬日未接家書。時以爲念。比想

堂上康彊。合家均好。藉以爲慰。○游學在外。離家日多。定省久疎。

彌深內疚。

二親舊恙。近不常發否。心境能寬。疾痛自少。是則專恃侍奉之得人。我既不能在家。則一切惟

君是賴。婦兼子職。必更能體貼入微。上承

親懽。遠慰客念。此日夕所祝願也。家中米鹽瑣屑。想必躬親。甘旨之需。尤宜豐潔。老年人飲食之品。以易於消化者為主。飯後亦可略進水果。因水果亦可爲消化之助耳。得便務以

庭闈安狀。詳細見告。是所至盼。我客中安吉。卽代稟陳。今日校中。雖係放假。因有學會來招。聽某先生演說。故忽忽不及上稟也。餘續告。手此順問

安綏。○○寄書○○月○○日

●通問并屬友愛弟妹

家園一別。自冬徂春。每得手書。如同晤語。比想

堂上兩大人體中安謐。惟不知弟妹輩近日相處。能否浹洽。念

念弟妹年均幼稚。又爲

老親所鍾愛。○在家中時。見其有言語不謹。性格不馴之處。每加勸告。○一出門。恐更難以約束。

君既在家。當能善體

親心。隨時勸教。果動以親愛之情。勉以正當之事。使其氣質漸化。

未有不貼然就範者。萬一時鬧閒氣。

君亦不可認真計較。致傷感情。至要至要。家中和睦。卽是人生樂境。○雖遠客他鄉。亦可減除一種思念矣。近狀粗安。并以附告。務祈得便。

見覆以慰遠人。手此并候

近祉。○○寄書○月○○日

●屬約束子女

迭接來書。得悉家中平安。甚慰甚慰。乃以事忙。久未作覆。致勞

盼望。思之慨然。兒輩漸長。我既出外。不能加以教誨。則家庭教育。育。其責在母矣。我意對於兒輩。專講放任。聽其自然。固爲不可。如果過爲壓制。則恐不能養成其活潑之興趣。甚至鞭扑從事。尤恐於腦海神經。有所損礙。總之教導在於平時。寬嚴貴於得體。所謂兒童教育。此二語可以賅括一切矣。○久客未歸。約束子女。不能不專以相屬。務望善爲教導。是所切盼。書不盡言。順頌

近好。○○寄言○月○○日

●詢子女學業進步

不接家書。又月餘矣。比想

重闈康健。

閤宅平安。至爲念念。○羈跡他鄉。了無佳況。眠食均適。堪慰

遠懷。兒輩肄業某某小學校。近日成績若何。學期且屆。已否考

驗。希卽告我。兒童心理。每以學校教育爲束縛。故常語云。家

有賢母。勝於賢師。然能使兒童視學校之樂。同於家庭。則遊

戲運動。精神活潑。既可堅其求學之心。亦可養其合羣之趣。

獲益實非淺鮮。兒輩資質尙好。成就可期。

君其善爲導引。勿使荒廢。爲幸。客中岑寂。書此布念。順頌

均福。○○上言○月○○日

●囑檢寄衣物

前寄尺書。度已達

覽。久未得覆。馳系殊深。家中近況若何。

堂上兩大人。眠餐能如常否。至以爲念。○客居安適。惟光陰易逝。不覺又屆夏令。一切衣服用物。近檢行篋。所缺甚多。用特郵信通知。請將夏季應用衣服襪履。以及巾扇各種。檢齊封固。卽交郵局寄來。以資應用。商務印書館初等小學秋季始業教科書。亦卽購寄數冊。因友人某君之世兄。時來寓中。資質甚爲聰明。亦知向學。擬以此爲贈也。得暇

時時寄書。至盼。手此順頌

近佳。○○書寄○○月○○日

○告匯寄家用

昨某君來。交到。○兒安稟。文義粗通。字亦勻秀。殊可喜也。藉悉。

堂上康強。膝前均吉。至爲忭慰。○於月前卽欲籌寄家用之款。因乏妥便。故又中止。且知家中存款尙多。亦可支用。不急急耳。茲託某君帶上銀洋若干元。到請

營收。此款到後。卽命。○兒寫一安稟。由快郵寄來。爲盼。至家中日用。務宜節省。上月共用若干。當有簿記。并希

寄示大概。居家以勤儉爲先。願共勉之。○兒女想仍照常就學。學

費雖多。斷不可省。如需應用書籍。亦可寫信告我。卽當購寄。○客中身體平安。商業亦尙穩妥。堪以告慰。

遠念。專此順候。

近祉。○○寫寄○○月○○日

○告歸期并問應否需購物品

日前接到

手函得悉

近體安吉。

兒輩

均好。足免系念。所告籌畫諸事。井井有條。具見

心細慮周。不遺纖悉。照此規畫。家政何患不理。得助如

君。尤所心慰。校中暑假考試甫竣。連日襄校。甚爲忙碌。日昨始

將各生分數評定甲乙。明後日當可發表。○因兼任教務長。

經手雜事尙多。大約尙須旬日。方能料理就緒。啓程旋里。家

中如需製衣布疋。及兒輩校中應用書籍圖畫等件。可速函

告。以便趕購帶回也。專此順問

近好。

○○手泐 ○月○○日

○婦致夫問旅況并告翁姑安狀

○○夫子賜鑒。今早接閱所上

堂上安稟。欣知偕同學某君安抵北京。業經到校上課。聞之甚爲
忭慰。彼處天氣甚寒。且聞習俗多食麥麪。

君係初次到彼。飲食起居。未知一切能否習慣。早晚衣服。務要
隨時添換。切勿大意。校中有某君朝夕相聚。諒可不至寂寞。
家信亦要常寄。以慰

庭闈暨○懸念。至盼至盼。堂上每日仍舊按時到公司辦事。

精神康健。慈大人眠食如常。無事時以報紙令妹等講說。
用廣見聞。○隨同照料家務。近與妹等亦均安好。務祈不必
掛懷。

堂上因事忙。命先函覆。稍遲當再寄諭。并告。手此順頌

旅祉。○○歛衽○○月○○日

●報告翁姑病狀並催卽歸

○○夫子左右。前奉

手函。云俟議會休會。卽可暫行歸家。何以多日尙未見到。豈會議又延長耶。

堂上平時氣體本不甚健。日前偶感風寒。初祇頭暈身倦。不思飲食。當延某君診治。投以疎散之劑。未見大效。當將情形函告。諒達

左右。不意日來胸膈膨悶。胃口愈滯。精神非常委頓。且思子甚切。竊思

老親春秋已高。久病未愈。甚非所宜。家中尊長。近均遠出。兒輩年

尙幼小。萬一有意外之事。○○何能擔此重任。用特飛函再

布。卽望剋日歸來。所冀

老親見子心喜。百病消除。則誠如天之福也。省中藥房如有舒胸開胃藥品。亦望購買數種。以備試服。爲囑。專此順問。

近好。○○手泐。○月○○日

◎報告翁姑病痊

月之某日寄上一書。計經

收訖。邇想

體中安適。校務如恆。爲念。

堂上自發瘧疾。忽忽月餘。多方醫治。迄未痊可。

老人篤信中醫。西藥向不入口。妹妹及。明知西藥治瘧甚驗。

諫勸亦不肯聽。正切焦慮。適某伯父由滬歸來。亦勸試服

西藥。並承送來金鷄納霜。再三勸令一試。不圖數服之後。病

已霍然。現在精神飲食均漸復元。可請

放懷。津門天氣如何。一切亦望

保重。是囑。專此布達。並問

旅祉。○○上言。○月○○日

○告歸寧近狀

不奉

手書。倏將半月。光陰容易。又已春去夏來矣。近諗

起居安吉。店中諸務勝常。爲念自

君出門後。○○因家務羈身。將近一載。未暇歸省。母親思女

情切。屢次來書詢問。近且疑○有病。竟欲自行來滬看視。竊

思蘇滬相距匪遙。但老人出門。諸多不便。近適 妹妹放假

家居。又有某媪相伴。渠在我家多年。誠實可靠。一切當可放

心。遂將家事託妹妹照料。於日前來蘇。所喜

母親精神步履強健如常。鄉中年歲尙好。○。○。在家大約祇住一星期。亦卽回滬。如有

賜信。望仍寄滬寓可也。餘容續布。手頌

近祉。○。○。謹上○月○日

○報告病狀並請不必歸視

前日因送妹妹往校。又赴姨母處問疾。順道歸寧。略受

辛苦。以致觸發舊恙。因頓牀席者累日。仍延某君照前醫治。渠謂稍用藥餌。靜養數日。當可見痊。此症得非一年。勞動過度。輒發。且家中諸事。仍可坐理。

君得信後。可不必因我患病。亟須回家。因在店管理會計。事關重要。且經理人旣以此席委託。其爲信任可知。似不宜時有曠廢。轉失管事借重之意。如

君明達。必不河漢斯言。容俟稍愈。再行函告。倚枕書此。藉問近佳。○○○謹書○月○○日

●報告病痊

日昨接奉

安函。欣知前者奉部令赴熱河一帶調查事件。現已旋京。僕僕風塵勞瘁可想。但既任職務。亦義無可辭也。至以久不得家書

見詢。此則因○於月前感發溫病。誤延某醫。彼按傷寒施治。幾至大誤。幸世好某某先生。因事旋里。渠係溫病專家。素所深知。當即延請診治。服藥多劑。乃見轉機。惟經此一番錯誤。氣體不免受虧。疲弱更甚。現在調養半月。已漸復元。音問之疎。職此之故。病起有暇。書此以報平安。並望

勿系塵念。爲囑。專此順候。

履祉。○○上書○○月○○日

○函寄旅費並問歸期

日來正盼

安信。適某弟由營口南歸。面述

旅社均吉。惟設立分莊。尙須詳細調查。一時不易就緒。事係創

始。自不能不加慎重。以免日後補救爲難。又據某弟云。

君之旅費。近已不足。囑再籌寄。當持摺向中國銀行支出二百

元。卽託該行換成滙票。茲用快信寄呈。到時支取。並望

速復。又前者北上。單夾各衣均未帶去。轉瞬天熱。恐須穿用。茲

檢齊應用者若干件。裝一皮包。另託某某輪船帳房某先生

帶上。所有衣服件數。開單先行附上。到後請卽

查收。家中兒女均吉。惟內外諸事。○○一人照料難周。何日可
以南旋。仍望

預示。爲盼。肅此順問

旅安。○○手啓○○月○○日

○催寄家用並兒女學費

前書未

答。馳念如何。店中各事。均賴

君一人經理。操勞可想。但亦須按時休息。保重身體爲要。此地
薪桂米珠。居大不易。開門七事。動輒需錢。雖經格外節儉。亦
覺省無可省。現計家中所存。只敷十日之用。而轉瞬月終。一
切房租捐項工資等款。以及兒輩校中應繳夏季各學費。均
須到時應付。日夕思之。實爲焦灼。

君見信後。務卽籌款從速寄回。以免到時爲難。是所至盼。再錢莊匯款。彼此輾轉相託。往往緩不濟急。此次可改由郵局匯來。雖匯費稍多。然較錢莊寄匯較爲妥速也。餘詳前函不贅。手問

近祉。並望

復音。○○謹啓○月○○日

○報告到校上課並告小姑同學

相聚匝月。倏又分襟。送別之日。想卽抵滬到校。暇時尙望隨

時

函示近狀。以釋懷思。爲盼。此間校中亦於某日開學。○○照舊

上課。假內在家溫理。所學幸未遺忘。昨聞校長言及本班各生程度均已及格。今年準可畢業。諒

君聞之。亦必色喜也。妹妹年已十一。在家讀書習字。無所比

較。不能引其競勝之心。且獨學無友。尤爲學人大弊。昨向

母親大人稟商。允令偕○○同學。以期日有進益。嗣經報名考試。

已插入丁班肄習矣。專此布

聞。並頌

近祉。○○肅啓○月○○日

◎索寄學費並新出圖書

日前表妹丈因事赴滬。託帶一函。並近作手工數事。諒均

收到矣。此間學費。向於開學前由

君寄到。前接

手函。云稍緩卽寄。何以至今未到。豈已交某莊滙寄。致有延擱。

計屆繳費之期。爲日無幾。欲求緩繳。自難因我破壞校章。且

此地親戚較少。無處可以通融。殊爲焦急。君見信後。如已匯寄。卽速向原莊追查。否則請迅速匯來。以便如期繳付。是爲至要。又此處地僻。購書不易。上海商務書館已出有秋季始業高等小學國文。望爲購寄一部。又高等習畫帖。已爲表妹索去。亦祈再購一冊寄下可也。手頌

近祺。切盼

答復。○○啓事。○月○○日

妯娌

◎嫂致弟婦問翁姑安

某弟婦惠覽。月餘未通音問。祇以校課甚忙。非敢疏懶也。昨某女士到校。述及日前

姑翁 大人均染小恙。幸服藥數劑。當經告痊。嫂聞悉之下。馳系殊深。

因思

二親春秋已高。料理家政。不免操勞過度。而嫂又遠離在外。侍奉之職。偏勞

弟婦。撫躬自問。歉仄良多。未識近來

侍次已否康復。盼卽

示知。以便函告外子。免其客中遠念。嫂意今冬宜請多服滋補

之品。以資調攝。至補品以何者爲宜。聞某醫生於

堂上體氣。素所深悉。應請診視後。詢明再定。諒

弟婦亦必爲然。嫂在校尙好。可請勿念。餘容再布。卽頌

侍福。愚嫂某本某歛衽。○月○○日

●告歸寧安狀並言歸期

某弟婦如談。匆匆話別。倏已旬餘。企念之懷。匪言可喻。近維

侍祺康健。

儷祉綏和。既祝且慰。舍間自二親以次。叨

福安善。差堪紓

注。嫂返舍後。身體亦好。兒輩在此。有舍姪等結伴嬉遊。祇囑僕

媪照管。不致時刻纏擾。似覺稍為安逸。所有小姑囑繡之件。

擬乘此新涼。為其趕製。約旬日當可完竣。希先

轉達。某日為家外祖七十壽辰。嫂必須前往祝賀。聞諸表姊

妹。屆期咸集。勢必堅留。聚談數日。則歸家之期。大約須在月

杪。用先奉告。並乞將稽遲情形。代稟

堂上。至為拜禱。專此奉達。即詢

近佳。愚嫂○氏拜啓 小兒隨叩○月○○日

●詢歸寧何日回家

賢弟婦雅覽。別來忽近兩月。思念之深。與時俱積。想彼此有同情也。近維

姻伯母父大人起居康健。為頌。家中自姑翁大人以次。均皆安吉。可

釋

注念。茲因二舍妹已擇某月日結婚。昨家慈來諭。屬嫂早日

返舍幫理各事。近來我家庶務紛繁。若上勞姑翁料理一切。

心實不安。是以嫂必俟

弟婦回家。方敢告歸。何日言旋。希即

示期。俾得預備交代也。手此奉詢。即頌

近祉。愚嫂○氏歛衽○月○○日

●賀姪畢姻

久疏音訊。正切懷思。昨得

華函。欣知擇於某月日爲某姪完姻。屏除俗尙。擬假某廳行
結婚禮式。具見

提倡文明。良用欽佩。某女士名門淑媛。今爲某姪之嘉耦。珠

聯璧合。洵稱佳婦佳兒。此

賢伉儷之幸福也。忻羨忻羨。嫂山川遠隔。不獲趨賀。至爲歉悵。

茲附去衣料兩襲。聊伸賀忱。惟希

莞納轉交。爲盼。專此敬賀。

大喜。並頌

雙福。愚嫂某氏斂衽。○月○日

●詢姪女嫁期

久未得

書。殊深懸念。近維

履祺多吉。是頌。嫂隨同夫子。客食此間。近狀平安。足慰

遠注。某兒肄業中學校。今年得升入甲班。某女每日在家讀書

兩小時。兼學造花縫紉。均由同鄉某夫人教授。尙稱進步。近

來爲之議婚。頗不乏人。惟嫂之宗旨。不欲遣其遠嫁。而來議

者乃多係客籍。故未之許也。前聞某姪女已訂某家。卽在

今年出閣。喜期擇定何日。尙希先爲

示知。嫂離家數載。亟欲歸里一行。擬俟姪女喜期。來同料理。未

知能否如願耳。手此奉布。卽詢

時祺。愚嫂某氏斂衽。○月○日

◎託管束兒女

昨接

手書。誦悉一是。敬悉家中自

姑翁

大人以次。均各安吉。欣慰之至。並知某妹近多歸寧。遙想

閨中聚談。頗不寂寞。惜嫂校課羈身。不克歸來一敘。至為悵悵。

承示小兒每日往校讀書。尚稱勤勉。此皆全仗

督教之力。惟假日歸家。難免與鄰友結伴閒遊。此為嫂所最不

放心者。惟望

弟婦隨時管束。勿使往外。即偶須購物。或往戚家。亦祈

飭人陪伴。是為至託。嫂因

姑翁

大人家政紛繁。且不免有過愛之處。故未敢以此事上稟。想

弟婦亦以為然。餘再陳。此詢

近好。愚嫂某氏手啓。○月○日

◎託檢寄衣物

前月曾交郵寄上一函。諒早達

覽。惟久不得

復。想針線事繁。無暇握管。至爲盼念。近想

大人福體康健。

弟婦及姪兒等均安。此所頌慰。嫂在校粗適。前者新招學生二

十人。已於是月一律上課。雖覺略增忙碌。幸各學生性頗聰

慧。教授尙不辛苦。足以告紓

錦注。近來天氣漸轉寒信。嫂之皮衣及應用手鑪袖籠等。均存

家中。茲附上細單一紙。祈

飭女傭在房內第幾號衣箱。及貯雜物木櫃內。一一檢出。另用

小衣箱裝妥。卽託某小輪局賬房某先生。遇便寄來。瑣事勞

神。不勝感謝。手此卽頌

近佳。愚嫂某氏歛衽。○月○日

◎復阻園遊約赴美術展覽會

懷思正渴。忽奉

蘭言。雒誦迴環。無任欣喜。承

屬於星期日。邀敝校同學數人。偕往某園一遊。際此天氣清麗。

好風宜人。偶爾遊行。原無不可。然近來女界。不知檢束者頗

多。如我輩結伴往遊。或遇若輩。見者不察。甚致清濁不分。無

端加以訾毀。故嫂意以此舉爲無謂。質之同學。亦多以鄙言

爲然。城南有某女校。爲某女士所創辦。頗著聲望。聞該校程

度甚高。規則亦善。手工成績尤冠一時。嫂與諸同學屢欲前

往一觀。輒因事不果。今知該校適定本星期開美術展覽會。

嫂正擬作書奉約。今知

賢妹有興出遊。不如改赴該校參觀。更爲有益。倘荷

贊成。屆期擬請於午後一鐘。

駕至。敝校結伴前往。嫂准偕諸同學守候也。造次布復。非敢故

示反對。區區之忱。尚乞

鑒諒。手此即詢

近好。愚嫂某氏謹啓。○月○日

◎通候並寄書籍文具

昨前接誦

手函。祇悉一是。藉諗

文學日進。

起居多吉。欣慰無似。嫂料量家事。歷碌如常。所幸

堂上精神增健。兒輩修業有恆。差可告紓

注念。聞

貴校各教員。教授均極認真。學者頗易領悟。讀書能得良師。亦人生之幸福也。況

賢妹富於天資。又能悉心研究。將來成就。正未可量。所

屬代購商務印書館女子新國文教科書第三四冊。女子尺牘二冊。茲已照辦。又選購湖南小楷羊穎四枝。徽墨二端。藉爲臨池之助。一併託某先生寄上。至希

督收。風便尙祈

賜復爲盼。三叔時有來信。在校安善。並以附及。手布卽詢

近祺。愚嫂某氏謹白。○月○○日

●約節省日用助賑

敬啓者。頃閱報載某省被災甚重。百萬飢民。嗷嗷待哺。現經地方官紳。開辦賑捐。如有捐助款項者。無論多寡。可送至某

會。陸續彙集解往災區等語。因思惻隱之心。人皆有之。況此天災流行。災黎載道。情實堪憫。事復甚迫。雖我輩境非富厚。無大力者。自不能發其宏願。然土壤細流。未必無補。嫂擬節省日用之費。捐助銀圓若干。尙有同志多人。亦均贊成此舉。素知

弟婦慈善爲懷。諒亦深表同情。如能慨然樂助。可請將款項交至^敝處。一俟集有成數。卽當送至某會。非敢沽名。聊盡義務而已。鵠候

還雲。曷勝盼禱。專此奉布。卽頌

幸福。愚嫂某氏謹啓。○月○日

●弟婦歸寧致嫂

大嫂左右。日前返^舍承

賜多珍。感謝之至。近想

堂上康健。吾

嫂暨諸姪安善。敬念敬念。妹返舍後。卽隨侍。家慈往。家外

祖母處小住數日。昨始言歸。近日某表姊及舍妹等均在

舍間朝夕盤桓。頗不寂寞。惟閱書刺繡。竟無暇晷。可以著手。

殊覺荒廢太久。爲喚奈何耳。且念自妹離家。所有侍奉

老親及一切瑣務。均累吾

嫂獨任其勞。心實不安。尙希

格外保重。是所至禱。歸家定期。再當奉

聞。專此布候。卽頌

時祺。弟婦某氏謹啓。○月○○日

●賀生姪

某嫂賜覽。昨外子得某伯來書。欣知吾

嫂於某日喜舉一男。並言啼聲洪大。將來定是不凡。可賀可賀。堂上聞之。尤爲歡喜。並屬轉告產後身體宜加意珍攝。是否自行哺乳。乳水足否。如果不足。則以僱用乳媪爲是。便中尙希示知。以慰

慈廬。再吾

嫂。倘思食家鄉食品。可請

函示。妹當照辦寄奉也。前已預製成小孩衣帽等件。今特託

便寄上。到乞

督收。區區之物。惟祈

莞存。是幸。餘俟再陳。此頌

大喜。并請

雙安 弟婦○○○斂衽○月○○日

●覆賀娶媳

日前接奉

惠書。敬悉。猥以某兒結婚。辱蒙

厚貺。拜領之下。感謝莫名。祇以料理婚事。頗形忙碌。致未即時

緘覆。抱歉良多。兒婦貌尙厚重。粗知書算。諸尊長頗稱許

之。差堪告紓

垂注。惟此次喜事。未蒙吾

嫂駕臨。指教一切。未免諸多不周。幸兩家本係愛親結親。諸事

均從簡略耳。某姪在校。近想更有進步。俟年假時。擬請

屬令回里一行。小作盤桓。諒荷

許可。至爲企盼。手此奉覆。敬達謝忱。卽頌

壺福。弟婦某氏謹啓 兒媳隨叩○月○○日

●告翁姑因家事催歸

月初女僕某媪來家。檢取衣物。曾屬帶奉一函。計邀

雅譽。曾向某媪詢吾

嫂歸期。據云尙須小住月餘。妹當經代稟

大人。亦蒙首肯。故前函並不提起。至昨晚奉

面諭。現有某事。必須候吾

嫂歸來。商同料理。言之再三。盼望甚切。用特奉告。尙希

見信。卽作歸計。想

嫂善體親心。必不致再有稽遲也。相見不遠。餘俟晤談。專布卽

頌

近祉。弟婦某氏歛衽○月○○日

●告分娩平安 生子女通用

前奉

惠書辱承

注念。感謝奚如。妹已於某日下午某時分娩。幸得一女男。均稱平

安。乳水頗多。可毋用僱用乳母。小孩體亦壯碩。現蒙

堂上命名曰某某。知關

錦懷。用敢瑣陳。近想吾

嫂在校安善。為念將來彌月時。諸戚必來。未知吾

嫂能歸來一敘否。此則妹所最盼望者也。尚希

見示。專布。即頌

時祺。弟婦某氏謹啓。○月○口

◎告隨夫旅行並請歸主家政

判袂月餘。時深馳念。前聞隨侍

姻伯母大人往令戚家。近想已回

府矣。昨前 夫子得友人來書。謂因商榷教育事。屬赴北京一

行。約須勾留兩月左右。茲擬乘坐津浦火車。月初卽行就道。

夫子以妹雖曾在校肄業數年。從未出外遊歷。未免見聞

不廣。此次擬挈妹隨同前往。客中一切。藉可照料。業已稟告

姑翁大人。幸蒙允許。惟妹動身在卽。所有家中瑣務。似不可累及

堂上。應請吾

嫂歸來主持。並祈卽日

駕旋。是所至盼。不情之請。定荷

鑒原。妹此行雖非久客。然亦略須摒擋行裝。故近日殊形忙碌

也。草此奉布。卽頌

侍福。弟婦某氏謹白○月○○日

●告移居並遣兒就學

握別以來。瞬經三月。遙瞻

顏色。彌切依馳。卽維

起居增綏。是祝。妹於前月偶染小恙。臥牀半月。始獲告痊。近幸

逐漸復元。差足釋

念。前得夫子來信。以我家所居房屋。地勢湫隘。有礙衛生。囑

卽遷居。現已覓得某處之屋。頗稱高敞。與舊宅迥然不同。且

屋外尙有小園。可以植樹種蔬。茲定於月初遷移。惟整理物

件。未免又增忙碌耳。某兒現已認識方字千餘。惟在家日事

嬉戲。似宜出門就學。較爲有益。新宅相近。適有初等小學校

一所。擬俟遷居後。卽令其入該校讀書也。草布近狀。不盡所

懷。祇頌。

近福。弟婦某氏歛衽○月○○日

◎寄贈衣物

日前接奉

惠函。祇悉一是。稽遲裁答。抱歉奚如。欣知吾

嫂在校。近兼擔任圖畫教員。遙想

賢勞。諸宜

珍攝。是所至禱。所

屬購毛絨衫及畫圖儀器。本當即日購寄。因毛絨衫市上所售

者。製工均不見佳。妹近正學習此類手工。故特製就一件。敬

以奉贈。至畫圖儀器。妹前曾購有一副。現不需用。茲亦檢出。

一併寄奉。統希

晒納。今日適某表叔來蘇。各物卽託其帶上。便望
惠覆數行。是盼。餘容再陳。卽頌

學祉。弟婦某氏謹言。○月○○日

○告姪輩安好。並商緩就學

正擬裁箋。欣奉

手示。祇誦之餘。就諗

動定萬福。慰甚。近來

大人慈體甚健。姪輩亦均安善。可紓

尊念。聞

貴校前又添招學生。想校課愈形忙碌。未知教員有無添聘。如

仍由吾

嫂分任教授。則未免太覺辛勞。便希

姑翁

示知。以免懸系。姪輩朝夕在妹左右。不令出外嬉遊。妹隨時教導。頗肯聽受。今

來函擬使入校讀書。妹以爲年尙幼稚。最好先在家認識方字。

俟其稍有門徑。再令出門就學。似較妥當。鄙意如此。還祈

酌定見示。爲盼。手覆卽頌

講祺。弟婦○○○謹啓○月○○日

○告家計困難擬求學

數月未得

惠教。思念良深。每欲通訊。祇以心緒惡劣。屢屢中止。非敢疏懶。

定荷

鑒宥。近維

起居住勝。亮如所祝。妹幸托庇粗安。堪慰

遠懷。惟近年。夫子在外經商。頗不順手。進款甚微。雖按月寄歸家用。而百物昂貴。時形支絀。妹思我輩雖爲女子。若在家坐食。於心何安。亟應略謀生計。藉資補助。某處設有女子職業學校。辦理甚善。妹擬至該校就學。將來畢業後。或有一藝之長。得小補家庭生計。於願足矣。吾嫂愛我。無異手足。敢布區區。未知尊意以爲何如。此頌履祉。弟婦○○○謹上○○月○○日

外祖孫

○外孫稟賀壽並呈禮物

外祖母父大人尊前。敬稟者。叩別以來。倏又兩月。每瞻慈範。時切孺思。月之某日。忻逢

大人六旬榮慶。遙諗

福祿攸同。

壽考無極。因時爲祝。萬悅千懽。

外孫

廠務羈身。未克躬親趨叩。

惟有臨風引領遙頌

九如。謹具壽燭雙輝。壽幛全幅。附食物數種。專人贖上。伏乞
哂收。是所至幸。下月杪因廠中有事。出外旅行。可以順道返里。

藉親

訓誨。屆時更當補祝也。專肅恭祝

千秋敬請

慈安。外孫○○謹稟○○月○○日

○稟賀表兄弟結婚並陳明暑假來省

敬稟者。昨奉

賜諭。恭悉

福履康適。近以營業發達。推廣支店。惟通籌兼顧。必更操心。尙

乞

節勞慎衛。是爲至禱。蒙

諭表弟兄喜事。刻已擇定某月某日。敬賀敬賀。且聞女家已允送

新人來滬。如此辦理。省事省錢。殊屬不少。因在家鄉舉辦。戚

友酬應太繁。在滬既係客居。縱有不周。人亦可以原諒。惟外

孫爲校課所羈。不得抽暇前來。襄助一切。至爲悵悵。所幸暑

假在卽。一俟放假。再當趨省

慈顏。藉申賀悃。專此恭賀

大喜。敬請

福安。外孫○○謹稟○○月○○日

◎稟告在校平安

敬稟者。昨奉

鈞函。欣悉

福體安綏。並以

外孫

就學在外。仰蒙

訓示一切。謹當銘諸座右。不敢或忘。

外孫

初次到此。人地不免

生疎。好在終日在校肄習。不與外事。同學中已有品學兼優。

氣味相投者。交誼頗篤。可收隨時談論之益。其平昔不甚用

功者。則敬而遠之。至於飲食起居。初來稍覺不慣。漸亦習慣。

自然。此間天氣高爽。校舍亦甚潔靜。於

外孫

身體頗覺適宜。

知辱

注存。謹以附稟。家中

父母親亦時有諭來。一切安好。惟今春雨

多天冷。蠶事恐較往年減色耳。專肅稟覆。敬請

康安。外孫○○謹稟○月○○日

○稟告母命寄呈食物並陳轉學他校

敬稟者。某君昨由里來。詢悉

大人日前偶有不適。飯量頗減。當卽服藥調理。將次就痊。母

親及外孫聞之。甚爲馳念。此病大約因略受風寒。以致觸發。

近日想已霍然矣。此間友人頃送其鄉所製山查糕。色味均

好。又母親自製有糖蓮子一種。於病後服食最爲相宜。茲

各裝一匣。卽託某君歸便帶呈。到乞

警收。又外孫前入某校。因經費不繼。停辦在卽。現已轉學某校。

業經半月。課程一切。與前學支配相同。惟係地方公立。且主

任者亦甚熱心。故同學頗爲一時之盛。母親知

慈懷注念。命并附陳。專肅恭請

鈞安。外孫○○謹稟○月○○日

○稟告母命代陳安狀並勸令表弟妹就學
敬稟者。日前校中暑假。適返家門。叩謁母親。一是安好。並
示

大人近日安諭。讀悉

福履安綏。閤府均吉。至爲欣慰。母親操持家務。非常忙碌。每

日早起遲睡。自父親出門。外間各事。亦須隨時考察。勞力

勞心。刻無餘暇。所幸精神甚好。食量照常。命卽稟陳。乞勿

遠念。表弟妹近來功課如何。竊謂在家讀書。未嘗不可。惟獨

學無友。恐無興會。況當今時局。無論爲男爲女。爲士爲商。均

須具有普通學識。乃可自立。母親及外孫之意。均以卽令

表弟妹入校爲宜。諒

大人期望情殷。必不徇一時之愛。貽誤將來。愚直之言。是否有當。尙乞

擇行。專此恭請

暑安。外孫○○謹稟○月○○日

○稟告父親營業客外乞代籌家用

敬稟者。外孫校課甚忙。母親又因操持家務。不暇握管。以

致月餘未通安稟。諒荷

垂恕。近諗

起居安吉。店事勝常。定符私頌。父親旅居在外。時有諭歸。生

意近尙順平。惟剋設之初。未能遽見大利耳。茲稟者。家中用

度以及外孫學費。向恃父親接濟。及某公司中可得之利

息。邇因父親店係新設。未能按時寄回。某公司發息之期。

相去尙遠。預計本月家用。卽將斷絕。昨已寄稟催請。父親籌寄。亦恐緩不濟急。母親念此情形。甚爲焦慮。用特稟懇大人請代設法。籌措一二百元。以濟急需。一俟父親寄款到家。或公司利息支到。卽行繳還。臨稟不勝待命之至。專此恭請

福安。鵠候

諭覆。外孫○○謹稟○月○○日

●稟告母親因姊婚事不克歸省並告吉期

敬稟者。前奉

鈞示云

外祖母大人。甚盼 母親歸省。 母親本擬卽日挈外孫等同來。

惟因 某姊喜事。某宅早已催娶。初以 某姊半途廢學。殊

爲可惜。復俟畢業後再行結婚。乃某宅以 姊丈下半年赴歐洲游學。回國在三五年以後。擬先將喜事辦畢。然後出洋。再三陳請。難以再遲。故 父親祇好允諾。現已擇定下月某日迎娶。現在風俗開通。奩具等物。雖不如前繁瑣。而所有需用各品。亦不能過於簡略。 父親現又出門。約在喜期前三日可歸。故事事均須 母親料理。逐日趕製一切。忙迫非常。以致歸寧之期。因此阻止。茲 命稟陳亮蒙

鑒宥。某姊喜期在卽。如

外祖^父母能與 舅父姨母先期早臨。尤

^母親所請願也。肅此敬

頌

慈福。外孫○○謹稟○月○○日

○稟告隨舅父旅行並報途中平安

敬稟者。叩違

慈範。倏又旬餘。孺慕之私。無時或釋。遙想

福躬健勝。諸事如常。爲念。外孫年幼學淺。於商學毫無閱歷。乃

蒙 舅父識拔。挈之北來。現以出口貨物事務。爲號中。最要

機關。且係 舅父所司之職。是以派在此處。俾資習練。外孫

惟有隨時隨事。謹慎小心。秉承 舅父之命。悉心辦理。仰慰

慈懷。再此次係乘日本輪船。由滬直開營口。舟過黑水洋。後微

有顛播。迨近渤海。則風平浪靜。非凡穩適。故 舅父及 外孫

身體均各平安。并忘旅行之苦。所有號中情形。均已由 舅

父稟述。茲不贅敘。又上 母親 一稟。並乞

飭送。專此恭頌

萬福。外孫○○○謹稟○○月○○日

○稟告友人招赴工廠見習。乞派表弟來廠敬稟者。吾鄉本屆選舉。初以

大人鄉賢碩望。定必當選。乃揭曉至今。報紙未載。頃某姑丈來述始知

大人因年高憚於出門。設法力辭。孺懷爲之一釋。友人某君久在滬上辦理紗廠。成效甚著。現因舊廠機少。求過於供。另行集股組織新廠。已經成立。規模宏大。可稱巨擘。渠以外孫前在東瀛研究紡織之學。此次特爲招致來廠見習。因念某表弟素亦講求此事。正可來此相助爲理。昨商廠長已承允諾。卽請

飭令速來。隨同治事。以資歷練。初到薪金雖薄。以後如能得力。渠必量材授事。厚給報酬也。專此恭頌

康福。外孫○○謹稟○月○○日

○稟乞薦習商業

敬稟者。二舅父因事旋里。帶來

大人所賜百元。俾作家用津貼。仰蒙

體恤周至。母親及外孫非常感謝。竊思外孫童年孤露。仰蒙

撫育。得以至今。原擬俟高等小學畢業。再入中學。以冀稍有成

就。克自樹立。藉以仰慰

大人期望之厚意。暨母親教育之苦心。無如家業本非素豐。

卽此數年學費。母親已心力交瘁。現在熟思審計。求學之

益。遠而難期。不若改習商業。尙可早爲贍家。屢與母親籌

商。亦甚許可。茲將近作算學等課。恭錄呈

閱。并求

訓誨。遇有相當商店。可否卽乞

俯賜援引。俾得從事練習。他日獲有寸進。皆出

大人之賜也。專肅寸稟。恭請

頤安。外孫○○○謹稟○月○○日

○外祖諭勉求學並照料同校表兄弟

諭外孫○○○知悉。日前接汝父來信。欣知全家均好。年歲適中。地方近來亦甚安堵。實爲可慰。吾鄉學風。聞甚安靜。無他處浮囂之習。故命汝表弟回里就學。汝表弟年雖非小。各種科學尙未入門。幸汝外祖母及舅母平時不敢溺愛。任其放縱。是以性質循謹。尙受教導。今又與汝同學。一切可以放心。其功課未盡通曉者。汝可隨時爲之講解。飲食起居。亦爲照料管束。以養成自治之習慣。汝年幼好學。爲同儕之冠。尙望日進無疆。以慰予及

汝^{母父}之厚望也。予在外一切安好。並勿懷念。此諭。并問

近祉。外祖○○○手諭○月○○日

○諭侍母歸寧並告薦有店務

○外孫收閱。年來店務略爲順手。汝舅父表兄等亦均各有

職業。頗思以家事付之。略享清閒之福。不意汝外祖母又舊疾

時發。足見人生勞苦。擾攘不休。殊有一定也。前汝母以汝畢業

後。擬令學習商業。此舉我極贊成。彼時適因無相當之位置。可以

推薦。因是遲遲未果。現已擇定某書業分館。彼處營業發達。爲海

內書業之冠。其館中規則一切均好。且附設商業補習所。每夜仍

舊上課。於英文算術兩科。尤爲注重。與汝程度極爲相宜。現已爲

汝薦定。下月初可以到館。汝外祖母與汝母多時不見。近在

病中。甚爲想念。汝可於日內奉母前來。略爲休息。我當再作介

紹書。送汝進館習業可也。勿此手諭。順詢侍祺。外祖○○寄諭○○月○○日

○諭退學風潮不可附和並寄衣物

昨日接汝來函。並近作論說一篇。算術二式。較前甚有進步。予懷甚慰。惟云近日校中因有教員某君。教授不甚合法。與諸生略有衝突。遂擬相約退學。予甚不謂然。汝遠道就學。原爲增長學問起見。教員如有不合。應據實陳明教務長。必有對待方法。若遽闕然退學。不特事近要挾。且蹈囂張惡習。殊失負笈遠遊之意。縱有二三無識少年。任意鼓吹。此必別有用意。汝須堅持定見。不可遽爲所惑。隨聲附和。以致其曲在我。而爲君子所笑也。慎之戒之。汝母有寄汝夏衣一包。零物數事。另單隨信寄來。到卽照收。須念汝母殷殷屬望者。固不願汝做無識之舉動也。此問

學社。 外祖○○○手書○○月○○日

○諭母病卽歸並屬購藥品

前接 汝父由某處來函云。近狀如常。汝處諒亦得有函諭矣。汝母身體索弱。時常有病。乃前者 汝二姨母逝世。又加傷感。遂復觸發舊恙。臥床不起。趕緊延醫診治。日內稍有轉機。惟醫云元氣大虧。非多服藥品。不能有效。現在西藥中有某某一種。爲汝母所宜常服。此地藥房中。現已售罄。予已致信某號。言明支付汝處洋三十元。汝卽往取。大約可購該藥一打之譜。 汝母病中思子甚切。終日盼望。汝卽向校長告假一星期。迅速歸省。所購之藥。卽自行帶來可也。 汝母病雖如此。醫云決無大礙。汝亦不必憂念。動身來時。途中千萬保重。以免染有病痛。使 汝母見之。更爲發急也。順詢

安吉。外祖○○寄言○○月○○日

○諭令表弟隨學宜加管束並戒在外浪費

月前接汝一稟當即緘答未接覆函殊深系念。汝表弟姿質尙屬聰明但自汝舅父故後祇留此子予不忍管束過嚴慮傷汝祖母之心好在此子志趣尙好不喜與下流爲伍差爲可許現伊高等小學畢業擬入中學肄習但因素未遠離不甚放心汝校雖距家稍遠惟與汝同學一切可以照料茲已派某人相送到後報名投考種種手續卽煩汝爲代辦入校後務望隨時照拂不可過於放任令染習氣至囑至囑至汝等正在求學之年一切宜知節儉汝家家計雖不計較乎此但亦不可隨意濫用致養成奢侈之性明知汝向無此習不過願汝等時時以此相爲戒勉耳每一星期汝與表弟可各寄一安報如表弟於作信款式詞意有不

解之處。汝可隨時教之手。此并問

日祉。外祖○○寄告○○月○○日

◎諭出洋遊學並調查實業

昨日接汝父來信並附來汝書。知己安抵滬上。一俟行裝備就。卽行放洋。汝父爲汝留學一事。費盡心力。但願學成歸國。爲社會不可少之人材。則予與汝^{母父}之望慰矣。聞歐人辦理各種實業。事事考求詳盡。我國實業家。程度尙在幼稚。其應取法者極多。諺云百聞不如一見。汝到後。功課之暇。耳目所及。及蹤跡所至。凡有關係實業之事。均宜隨時詳細調查。彙爲成書。不特增長一己之學識。且可以歸餉社會也。途中諸事保重。一切舉動。更宜留心。勿爲外人所輕視。此雖小節。亦尊崇人格之一端也。至囑。此諭并問行祺。外祖○○手書○○月○○日

○諭籌寄學費並告家用亦有補助

近閱各處報紙。屢載汝之投稿。議論正大。不蹈空言。文筆亦甚雅。少年能此。殊爲可喜。惟接來信。言因家計窘迫。無力供給學費。稟商汝母。擬卽輟學。改習他業。此大不可。汝表兄從前雖亦半途改學商業。但伊天姿過鈍。久學實非所宜。若汝之聰敏好學。現在程度已至此境。再加數年學力。造詣未可限量。如果因貧廢學。豈不可惜。現已與汝母商明。所有學費由予設法代籌。分期寄來。務望努力前進。切勿中止。爲要。又汝家用拮据。予已將所附某墾牧公司股票。每年應得之官餘利。撥歸汝母名下。作爲補助。摶節用度。亦可敷衍。予及汝母近狀均安。并告卽詢客佳。外祖○○手書○○月○○日

○諭暑假來見並屬約舅父表兄同歸

與汝相別。一載於茲。屢接汝舅父來稟云。汝學業甚有進步。大考常列第一。且汝研究國文程度甚高。予心尤慰。我國近年注重教育。學校雖極發達。然往往專尙各種科學。於國文不甚措意。無論文。字源流。漫不加察。甚有以小學畢業之人。作一書札尙不明白者。國粹日衰。可爲浩歎。汝能力矯此弊。殊爲可喜。近日暑假在邇。試驗完竣。可束裝前來。小作盤桓。以慰系念。汝舅父昨函并云。公司近日事簡。擬趁汝表兄假期。偕同歸省。汝可預詢行期。以便同行。俾途中得有照料。予更放心。頃據汝母稟稱。俟汝姊妹校假在家。亦可歸寧數日。則汝到此後。即可隨侍汝母回家矣。勿此順問。

暑祉。外祖○○○手書○○月○○日

○諭興辦學校屬採購圖書並代聘管理人

日前汝來稟所陳學校辦法。並擬具章程。可採之處甚多。具見汝在校數年。實有經驗。非專尙理想空談者可比。現在校中一切事宜。均已布置就緒。戚友中既知其事。預來報名者。甚爲踴躍。將來發表招考。恐尙有溢額之慮也。應用圖書儀器。此間甚爲難購。茲開去一單。汝可就近在滬分別選購。或有新出精美之品。爲單內所未載者。亦可酌量採用。該價卽由汝向某號先行支用。函告匯還。至校中管理員。現亦缺乏。汝卽代爲訪延。應如何商訂合同。亦仿照汝校辦法。此事尤以迅速爲妙。因學校一經招考。管理員卽須來此。勿使臨時誤事也。此問
旅祺。外祖○○手泐○月○○日

○諭開辦工廠並屬來廠考查機件

日來正盼汝信。適接某月某日來書。知已由東返國。汝父母及

弟妹均安。甚慰遠念。予前因家鄉產棉甚豐。向用土法紡織。至爲可憾。爰與同志組織紡紗廠。係仿照某廠辦法。規模略爲縮小。以事在創設。局面不敢過大。現已規畫將次齊備。下半年可以開工。一切管理之法。雖向各處調查。仍欠完美。所有機器。係託某公司代辦。亦經運到。汝學此事有年。諒有心得。可將管理工廠各法。詳細開一節略。以備採擇。家中如無要事。最好來此一行。將機件逐一查驗。究竟完善與否。至每日紡紗能出若干箱。亦可作一豫算。藉爲後來比較。聞某處某廠。往年出紗。爲數甚少。嗣經將機件改良。每日出紗。可超過常日一倍。足見研究機件。最爲緊要。故予以此屬望於汝也。何日能來。并先函復。盼盼。此問

侍祺。外祖○○寄諭○○月○○日

舅甥

○甥賀舅父母壽并寄祝儀

舅_{母父}大人尊右。敬肅者。前奉

手諭。祇誦之下。恭諗

起居康勝。

頤養天和。允如私頌。某月某日。欣逢

舅_{母父}大人幾旬壽誕。

慶符弧悅。喜溢門庭。翹首

華堂。定增景福。甥本擬請假歸家。躬親詣賀。奈校中規則頗嚴。

未便以此爲請。想

長者當鑒原之。茲謹具壽幛壽聯。附筵敬一函。用介

無量之壽。藉伸在遠之忱。伏祈

哂存。是所切禱。專肅叩賀。

壽喜敬請

福安甥○○謹稟○月○○日

○賀外祖父母壽并寄祝儀通用

舅父大人尊前敬肅者。睽別

尊顏。莫名瞻戀。前呈郵稟。計荷

鑒收。茲於某月某日。恭值

外祖母父大人幾旬壽誕。舞綵稱觴。緬

家慶之多祥。敘

天倫之樂事。親朋羅拜。里黨騰歡。甥以求學遠游。不獲班列諸

孫登

堂叩祝。雲天引領。心與俱馳。今由家中謹具壽幛一懸。筵金一

函。壽聯成對。燭炮兩封。不腆之儀。用以介壽。伏乞

莞存。

外祖^{母父}大人前。并求代達孺忱。是所至叩。專肅敬賀

榮禧。恭請

侍安。甥○○謹稟○月○○日

○告父母安況

敬肅者。睽隔

慈顏。瞬逾一月。敬維

尊候康娛。

舅母大人福體安吉。至以為頌。^甥經營商業。不敢告勞。幸市面

平安。尚能獲利。差堪仰慰

垂注。家^嚴慈身體精神。較前更好。^甥因店務不便久離。歸省又

需旅費。已於某日迎養來此。賃屋離店不遠。起居甚適。^甥亦

易於照應。惟時時念及

舅^{母父}。并回憶里居戚好。刻不去懷。老年人樂於居鄉。亦性習使

然也。甥婦孫輩隨侍在此。均各平順。請紓

遠念。郵程有便。尚祈

時頒訓諭。俾有遵循。是所慰幸。專肅敬請

崇安。甥○○謹稟○○月○○日

○告就學情形并乞轉寄家報

敬肅者。前寄稟函。諒荷

垂覽。違侍數月。未諗

體中安否。至爲馳慕。甥就學某校。幸各種科學。漸知門徑。自念

此學期中。進益不淺。甥當倍加勤奮。以期無負光陰。將來得

有成立。竊願於平民教育。力促進行。因見平民子弟。近多失

學就甥而論。如今年仍不入校。則年復一年。何堪設想。承
舅氏素以學力見勉。且以學成作何事業。殷殷見詢。用舉管見。
不知

長者以爲然否。甥今年春假。未能歸家。暑假則尙需時日。前奉
母親函命。購寄食物若干。因乏便寄家。今特封上。并附家報
一函。敬祈

費神轉寄。想家中至

舅父處。便人必甚多也。甥擬俟暑假。再當趨謁

慈顏。面陳一切。勿肅。敬請

鈞安。甥○○謹稟○○月○○日

○告表弟就學成績并催學費

敬肅者。日前接奉

手諭。仰蒙

訓誨殷殷。感幸無似。比諗

福體勝常。爲頌。

甥與某弟同入某校。教學相長。獲益甚多。某弟

資質極爲聰穎。復能苦學。是以在校考試。屢列優等。下一學期。即可與甥一同畢業。想

舅父聞之。必爲一笑。惟某弟學費。今年尙未寄來。恐因匯寄。故致遲遲。雖現在已由甥代爲擔認。會計員亦未見催。但恐爲時過久。殊覺非宜。用特專函上陳。請

長者卽將某弟本年學費。如數寄下。以便轉交。是所切禱。專肅

敬請

福安。甥○○謹稟○○月○○日

○寄助表弟學費并商學科

敬肅者。迭寄兩函。計邀

鑒及遙想

舅^{母父}大人福體益臻康健。深慰孺懷。^甥讀書不成。改習商業。近

幸門戶尙可支持。生計不致缺乏。惟因半途廢學。引爲私憾。

前奉

諭某表弟今年學校畢業。擬令習商。^甥竊以爲不可。蓋今日謀

生。固以實業爲急。然工商之學。各有專科。如不從學校講求。

則專恃平日經驗。恐難立於不敗之地。况某弟平昔好學。天

分又佳。再加數年學力。必可有成。但現在求學。以習工商專

科爲是。如

尊意亦以爲然。卽請詢明某弟。願學何科。擇學校之辦有成效

者。送入肄業。所需學費若干。^甥當竭力寄助。異日學成。遇事

可爲甥臂助。則兩受其益矣。如何之處。尙祈

復示。專函商懇。敬請

康安。甥○○謹稟○月○○日

○告商業發達邀表弟來助

敬肅者。睽別

尊顏。倍深孺慕。比諗

福躬康謐。

潭第綏和。至以爲頌。甥頻年營業。尙稱得手。友人多勸趁此市

況。卽行擴充。惟一人精力有限。肆應實恐不周。若非臂助有

人。難期得力。如果加用夥友。一時又難其選。聞某表弟近於

商界情形。頗爲熟悉。今特稟商

長者。擬邀其來此相助。未知

尊意如何。倘荷
允許。即請

囑其刻日前來。因某弟到後。即可先與商明辦法。再行擴張店
務也。專肅敬請

慈安。甥○○謹稟○月○○日

○告近營商業請為招股

敬肅者。前奉

諭函。欣悉

閻潭安吉。至慰。甥旅居滬濱。尚幸粗安。近與友人研究實業。遂

商定發起某某公司。一時繳股者。頗為踴躍。現已實力進行。
開工在即。惟是設立公司。資本貴於雄厚。甥揣此項營業。如
能大舉。將來獲利必豐。所賴集股愈多。魄力愈大。今特將某

某公司招股章程。先行呈

閱。儻荷

長者號召親朋。廣爲募集。一有成數。先乞

示知。再當填寄股票息摺。以便轉發。甥與發起諸君。擬俟公司

辦有成效。推廣各處。分設支店。并力戒浮靡之習。以期不負

股東贊成盛意。此時締造之初。尤以養成信用爲主。辦法如

此。用以附陳。是否有當。并希

訓示。俾可遵循。臨稟不勝待

命之至。專肅奉懇。敬請

台安。甥○○謹稟○月○○日

●論表妹擇婿

敬肅者。昨奉

手諭。敬諭

福體康強。孺懷甚慰。承

示近為表妹擇婿。妹年及笄。且已在校畢業。允宜早擇佳婿。

惟近日世風浮靡。踰閑蕩檢。每多藉口文明。於此中求佳子

弟。百無一二。事屬相攸。似不可不慎之於始。甥意以為擇婿

不必太苛。但求其人能自樹立。有一職業。堪以養家。而又家

世清白。年齒相若者。即為中選。若但論其門第如何。財產如

何。世俗皮相。多誤於此。愚昧之見。幸

賜擇采。甥及甥婦近均託

甚平安。以附奉聞。專肅敬請

福安。甥○○謹稟○○月○○日

●論地方公益事業亟宜提倡

敬肅者。前奉

諭函。敬聆一是。伏審

就任鄉董。將有設施。甚善甚善。吾鄉地方公益事宜。多半無人過問。良由風氣未開。習俗錮蔽。故趨重於個人權利。而不注意地方公益。殊不知地方公益。雖由團體發生。卽個人亦蒙其利。若皆放棄責任。如天職何。至於公益事業。如興學校。設醫院。平道路。辦警察之屬。一經有人提倡。成效必有可觀。久之地方自治基礎。可以略備。市鄉亦將聞風興起矣。敬抒所見。想

長者當亦爲然。如荷

採擇施行。尤所企願。甥旅次均安。堪慰

遠念。專肅敬請

鈞安。甥○○謹啓○月○○日

●舅致甥賀完姻并寄賀品

○○賢甥足下。別來數月。靡日不思。昨接

手書。欣諭

宜家有喜。

諏吉親迎。當

人月之雙圓。賦

瑟琴之在御。

珠聯璧合。喜可知已。舅以道遠時促。不克抽身來賀。殊覺歉然。

茲寄上喜聯喜幃衣料繡屏四色。聊申賀意。至祈

訾收。

堂上大人高年多福。親見吾

甥嘉禮告成。歡喜自不待言。事冗不及另函。并望代爲道賀。專

此卽頌

雙祉。舅氏○○○手啓○月○○日

○告母病已愈不必假歸

○○賢甥足下。正殷想念。適接

手書。甚慰甚慰。所

詢。堂上病狀。近日延醫調治。疊進方藥。早已全愈。眠食如常。

毫無所苦。舅亦時往省問。可以放心。

甥擬告假歸省。此時可作罷論。因暑假將近。多一往返。殊爲費

事。不如暫緩爲便。堂上病體新愈。亟宜調養。某處所售某

物品甚佳。便可購寄數種。以爲甘旨之需。是爲至囑。舅身體

尙健。一家無恙。堪慰

遠念。餘不一。順頌

文祉。舅氏○○手書○月○○日

●慰母喪并屬速營葬事 附寄奠儀

○○賢甥苦次。頃接

訃書。驚悉

慈大人於某月某日棄養。痛不可言。吾

甥天性過人。遽遭大故。哀毀自難譬慰。但人生脩短有定。事已

至此。無可如何。惟望

勉節哀思。妥襄大事。以期仰慰

先靈。至喪事料理粗完。卽宜早安窀穸。萬不可久淹殯舍。停棺不

葬。爲近日社會陋俗。

慈大人素所深惡。想甥亦能追念

先訓也。舅手足情深。音容頓杳。言念及此。能不潛然。本擬即日來奠。因聞訊悲愴。遂致臥病。茲附寄奠儀一函。即希代薦。兒筵容俟稍愈。再當趨問。如葬期一定。并速函告爲要。手此奉唁。

孝思諸希

珍重 舅氏○○○手啓○月○○日

●託爲表妹擇婿

○○賢甥安覽。許久未接

手書。近想

旅居安適。眠食何如。均以爲念。舅年齒就衰。精力尙健。亟擬爲

子女早畢婚嫁。俾成室家。二表妹年已及笄。尙未許字。雖屢有戚好。來爲媒說。乃細加詢訪。求一佳子弟。殊不易得。不知

吾

甥物色所及。近有其人否。舅意亦不過事苛求。但得儒雅恂恂。
聰敏好學。家世與吾家相若者。即可當選。其學問程度。能在
中學校畢業者更佳。吾

甥希爲留意代覓。有以復我。是所至囑。手此順候。

近祉。舅氏○○○手書○○月○○日

◎告籌寄學費并囑力學

○○賢甥如晤。昨接
來函。備聆壹是。吾

甥堅苦力學。其志可嘉。從此日進有功。何患不出人頭地。勉之。
勉之。所需學費若干。舅已代爲籌備。藉友人某君來校之便。
託其轉交。到望。

訖收。卽復一音爲盼。

甥既有志向學。毋以費乏爲慮。嗣後如有不足。概由舅擔任可也。所望勤學不倦。克底於成。他日畢業歸來。能爲社會效用。則老舅亦與有榮幸焉。書不盡言。順頌

文祉。舅氏○○○手書○○月○○日

○告宜勤學不可沾染習氣
不接來書已兩閱月矣遙想

校中諸凡安吉爲念近聞
尊府老稚均安尤可同慰吾

甥此時在校正宜勤學所有外間一切嗜好切勿沾染至學生
浮薄之習亦應力戒近來學生流行一種習氣每於學科稍
得一知半解輒以自命下視同輩氣燄逼人殊不知學問之

道。深造乃可有得。彼之岸然自大者。必其胸無一物可知。吾甥千萬以此爲戒。歷觀通才所以成就者。皆在遇事虛心。願甥自勉。則足以慰汝老親及舅之希望矣。舅近狀尙好。眠食無恙。堪慰

遠懷。手此順頌

進步。舅氏○○○手啓○○月○○日

○告薦任教習并勉勤於教授

前寄一函。諒已

省覽。近諗

學業益進。爲慰。舅寂處鄉閭。無足述者。近有友人某君。在某處

組織高等小學。規模略備。惟某科教員。尙未得人。囑舅代爲

物色。當卽函薦吾

甥擔任。覆函已允。并囑函催即日前往。以便商辦開校諸事。聞開學之期。亦不甚遠。今特函知吾

甥。宜即前去。到校後。尤宜盡心教授。以副某君興學育材之意。至束脩數。雖未定。當不致過於菲薄。某君來函云。可面商也。附上介紹書一函。希

檢存。晤交。惟千萬勿延。爲盼。手此順頌。

文祺。舅氏○○○手書○○月○○日

○告籌辦小學託聘教員

久未接書。至以爲念。近想

潭庭聚順。

學術精勤。定如所頌。舅近處鄉間。見失學子弟。比比皆是。其故

固由於家庭之失教。亦苦於倡導之無人。近特籌辦初等小

學校一所。專爲貧民而設。校舍現已擇定。經費亦有着落。惟訪聘教習。殊難其人。又不欲以村館蒙師。不通教授法者。使其承乏。茲特函託吾

甥。訪聘小學教員二人。程度不必過高。惟普通學科。均須略有門徑。最好年齒稍長。以期於兒童心理。能有研究。并可耐煩講授。如有斯選。請卽

代爲約定。速寄覆音。以便再行備函商訂一切也。手此順候日祉。舅氏○○○手書○月○○日

○告近開支店招同經理

昨某君來此。詢悉

重闈康泰。

儷祉偕臧。慰如所頌。舅年來食指日繁。謀生爲急。近於某埠。添

設支店。以期營業發達。可贍家用。惟尙少一經理店務。誠實可託之人。擬招吾

甥來任此席。庶可辦理順手。以免事事兼顧。

甥如願就。請卽買棹前來。某埠近以交通便利。商務日有起色。據我所見。此支店定能獲利。如在鄰埠。再設支店。逐漸推廣。則呼應靈通。尤操勝算。惟今日所亟亟者。在某埠經理之得人。故特以此相囑。幸勿觀望遲疑。是所切盼。舅眠食無恙。合寓均好。堪慰

遠懷。書到盼覆。手此順候

近佳。舅氏○○○手啓○月○○日

●告歸期並詢須否購帶物品

月餘未接

安函。時深惦念。近想

慈大人精神康健。眠食均好。甥婦已有孕否。問問昨在友人處。

見由滬上某書館購來最新出版算術理化各書。

賢甥名列編輯。足見近來學業更進。已能從事著作。甚爲可喜。

舅客居此間。不覺兩載。久欲還里一行。因事糾纏。未能如願。

刻下各事就緒。可以暫時抽身。擬俟下月初間。回家小住。此

地所出棉織各物。均較吾鄉物美價廉。望詢

堂上。如有應需購買之件。可開一單。迅速寄來。以便照購帶回。將

來歸道。擬坐輪船。雖行李稍多。亦甚便當也。專此順問

侍福。舅氏○○○手泐○○○月○○○日

表伯叔

●賀表伯叔壽並送禮通用

表

伯叔

大人鈞鑒。昨晤一二表弟云。吾

伯叔

日前由京請假南歸。沿途平順。慰如下祝。京中近狀。諒甚安謐。部事能否推行。職務不過繁否。此次假歸。能留幾月。敬念。

前見

尊擬提倡農林辦法各稿。語語切中時弊。果能如此照行。我國

農林業庶有發達之希望矣。月之某日。恭逢吾

伯叔

五旬大慶。此次適逢整壽。戚友稱觥。必較往歲爲盛。

姪亟應

趨前祝賀。并謁

起居。惟因冗俗所羈。卽難如願。茲先謹具緞幃一軸。綢料兩端。

隨函附呈。藉伸賀敬。伏祈

哂納。屆時如能得暇。再當返里祝嘏也。專肅恭祝

千秋敬請

台安。表姪○○謹肅○月○○日

○賀表伯叔母壽通用

表

叔伯

母大人尊鑒。遠隔

慈顏。時深馳念。月之某日。值

嬪母幾旬榮壽。憶數年前。每值

誕辰。隨侍家母。登堂晉祝。必蒙

大人飲食撫慰。歡宴竟日。自近歲出門就學以來。久未摳衣爲

賀。每一念及。媿悚交并。今歲滿擬趨歸。隨兄弟之列。爲

長者壽。乃又適逢校試。不能如願。遙企

壽庭。曷勝引領。今具微物數種。恭祝

千春。伏祈

鑒存。謹請

福安并頌

府中百益。表姪○○謹肅○月○○日

○請代匯寄家用

春間道經某埠。渥荷

關垂。辭別匆匆。忽已數月矣。敬維

履祉時和。

潭祺日懋。爲頌。姪寄跡此間。平安可告。所幸家報時通。舍間安

好。差足上慰

遠注。昨接家母來諭。命籌家用甚急。刻已措就百元。惟此地

不能直接匯至家鄉。茲託中國銀行匯上。卽祈

費神代收。迅賜轉匯爲禱。匯票一紙附呈。并祈

照收。又聞今歲南中蠶事頗好。繭價開盤不大。而洋商購進絲

貨。則較往年爲多。尊處營業。必甚得手。

暇乞見示。以慰殷拳。專此奉懇。順頌

籌安。表姪○○謹稟○○月○○日

◎請代購學校用品

前晤某表弟。詢悉

長者現已改膺某校之聘。該校規模較大。授課時間。亦必較多。

想見

賢勞。實深馳系。遙諗

起居安善。是所至祝。

姪

在校肄業。一是如常。惟姿質甚鈍。往往

同一功課。他人通曉甚易。

姪

必往復思索。乃能明了。此所自

愧。亦以自勉也。惟僻處一方。校中用品。託購甚難。如託不知

選擇之人。購來又不合用。今幸

長者在滬。故特以此奉求。姪現需畫圖器一匣。大號石板一方。

又書籍數種。另開一單。并附呈銀若干元。乞卽

照收。便中代爲購下。所用各件價目。及發行售賣地址。均詳單

內。非敢瑣瑣。因恐初抵滬上。人地不免生疎耳。專此奉懇。順

頌

講安。表姪○○謹肅○月○○日

○請作保證人

前者 家母往謁

祖姑母大人。談及

長者所辦公司。近年愈形發達。欣慰之至。遙想

興履勝常。頌慰頌慰。姪自入某校。甫及兩年。家母因某姊丈

現在某某銀行司理會計。曾託代爲位置。俾習商業。藉可瞻家。昨來函云。行中現擬招添幫寫洋文帳冊學生數人。已將姪名開列。惟銀行章程。初到行時。必須有一妥實保證人。方爲合格。渠係本行執事之人。未便出名作保。姪商明家母。似此機會。萬不可失。惟有懇乞

長者代爲作保。俾得進身。如蒙

俯允。卽希

諭知。姪卽束裝來滬。以便到行學習。引領

訓示。閤家同感。專肅奉懇。敬請

鈞安。表姪○○謹肅○○月○○日

○請寫寄學校介紹書

日前聞

鈞駕旋里。隨卽趨謁。詎料先一日卽已啓程。末由聆教。至爲悵望。刻想

安抵校舍。籌備各事。不日可開課矣。姪去歲某校畢業。返里卽

病。現幸調養已可復元。入校之事。耽擱至今。虛度光陰。慚惜無似。刻聞某中學招考。雖過。尙可插班。惟非有介紹書。不能補請考驗。想

長者與該校主任者。當屬知交。擬卽奉乞賜給介紹書一通。

寫就寄下。姪當在家靜候。俟奉到

寄書。卽行前往該校補考也。肅懇順頌

鈞祺。表姪○○謹肅○○月○○日

◎請作同學會發起人

前於友人座中獲親

談論。稍紓積慕。邇因校課羈身。未暇及時省謁。想

長者或不見責也。姪嘗思同人在此就學。素無聯合機關。非但

他校情誼隔絕。卽一校之中。亦往往不相聞問。感情旣不能

相合。智識更無從交換。殊爲一大憾事。今由姪等創設同學

會。以爲聲應氣求。集思廣益之基礎。不分省界。不限學科。但

於本校畢業及現在本校者。均爲會員。議公推前在本校畢

業有名譽者。爲發起人。

長者聲望素隆。交遊亦廣。如荷

擔任。實爲至幸。所有章程。附呈乞

閱。如有未盡善之處。並祈

改正賜還。卽可定期舉辦也。專肅代面。敬請

履安。表姪○○謹肅○月○○日

●賀表姪結婚

○○表姪足下。許久未接

來書。正深馳念。頃得

郵緘。欣悉吾

姪婚期。已擇定月之某日。禮廳則假明倫堂辦理。尤爲名實相

符。里中文明婚禮行者甚稀。屆時觀禮之人必甚踴躍。所惜

事務羈身。未能來觀其盛。至爲悵悵。表姪婦前在某校肄

習。聞各種學業均有根柢。且性情靜淑。服用儉樸。實爲近今

女界難得之選。吾

姪得此佳婦。殊堪忭慰。想

堂上亦必色喜也。

侍次并希代稟道賀。爲荷。專泐馳賀
大喜。並頌

雙祉。愚表叔○○○手啓○月○○日

●詢回里日期並約偕歸

月餘不晤。系念甚殷。昨得

手書。

謙挹過甚。某與吾

姪論嫻亞輩行。分雖差長。而少小相聚。情同昆季。嗣後客氣套

話。幸勿再施。至要至要。某在此碌碌。不知所爲何事。每一念

及。殊堪自笑。日來天色漸寒。亟欲回里一行。吾

姪來函云。本月亦欲返里。不知現在已否定期。卽希

見告。此間各事。再有三五日。卽可摒擋就緒。務望

台旌稍待。當紆道至

尊處。一同作歸計也。實爲至盼。撥冗專復。順頌

近祺。愚表叔○○○手啓○月○○日

◎函告不能偕歸

日前寄去一函。云暑假約

老姪一同偕歸。諒已入

覽矣。乃同學昨又發起假後旅行之議。全體已多數贊成。未便

一人獨異。祇可隨同簽名。惟已與

老姪約定偕行。今忽自反前議。頗爲不安。還希

見諒。好在

貴校同學。尙有同鄉數人。屆時可以結伴就道。則途中亦不至

寂寞矣。明後日。另託友人帶上衣箱書匣等件。請

台旃先代攜歸。并此預託。專布順頌。

夏祉。愚表叔○○○手啓○月○○日

●屬代取存款

久闊

清暉。時以爲念。邇想

近狀安佳。凡百迪吉。某客況如常。幸身體粗安。差可告慰。惟鄉

園遠隔。不特家事照料不周。卽音問亦難常達。殊悶人也。茲

啓者。前數年某曾存放同里某君店中銀元五百圓。週息五

釐。舍間平時用度無多。故歷年除利息按期支取外。存款並

未動支。近因女兒遣嫁有期。奩具一切。須先備辦。昨來家信。

囑卽籌款。現擬卽將此項存款撥用。惟舍間俱係女流。往取

不便。茲已函囑舍間將原據送上。並另信一函。卽煩吾

姪費神攜往代收。送交舍下。近聞某君營業頗好。當不難如數提出也。專此奉託。順頌

文祺。並候

裁復。愚表叔○○○手啓○月○○日

○商捐公立醫院經費

前者與

尊大人晤談。述及吾

姪營業。日益發達。支店已分設數處。較從前原有資本。已超過十之六七。足見辛苦經營。方能有此。然非魄力充實。亦難辦到。聞之實所佩慰。里中創設公立醫院。提議之初。實賴吾姪贊成之力。現在院屋落成。聘醫置器。種種手續。均已完備。惟預算經費。開辦雖已有餘。常年尙虞不足。業由同人分任等

捐以期持久而免中止。用特函告吾姪。亦望量力捐助。以成盛舉。此院如可久立。則鄉里之人。從此不至再爲庸醫所誤。其功德不淺矣。此布。藉頌

籌祉。愚表叔○○○手啓○月○○日

表兄弟

●表弟賀表兄嫂壽通用

○○表兄左右。昨接由某處臨行時所發手書。知

大駕已起程旋里。想早安抵鄉園

表嫂暨表姪輩。近均安吉。頌念頌念。月之某日。爲吾

兄嫂幾旬雙慶。記往歲此日。大半客中。不克享家庭團聚之樂。今旣抽暇早歸。遙知

壽筵開處。兒女承權引領。

德門曷勝忻祝。所惜弟因人成事。無術分身。未能登

堂稱賀。以一觴爲吾

兄嫂壽耳。刻已函屬舍間。屆時略備祝品。尙祈

哂納。是幸。肅簡代面恭賀。

千秋並頌。

雙祺。表弟○○○謹啓。○月○○日

●賀表兄結婚

某人昨來購物。賚到

賜書。欣知吾

兄合吉期。已定月之某日。至爲忭賀。

新夫人德容言工。久已傳播里閭。吾

兄得此佳偶。既上承

堂上之歡。可備有閨房之福。臨風企羨。在遠同之。吾

兄誼若手足。故亦不敢以無謂之吉詞。上塵

左右。弟本欲回里趨賀。又因日來諸事叢集。不得分身。一俟返

舍。再當奉詣。惟未知吾

兄密月中。擬作旅行否。如果出遊。尚希

函示。專泐馳賀

大喜。上頌

侍安。表弟○○○謹啓○月○○日

○約參觀學校並商令子就學

多日未奉

手書。時深渴想。近諗

起居安吉。校務賢勞。爲念。

尊校開辦以來。成效卓著。陶冶人才。實爲不少。此次擴充以後。

承

約參觀。匆率無暇。遲遲至今。現定某日奉詣。未知吾

兄於是日何時始有餘閒。務祈

復示。以免來請導觀。反致有荒

校課也。又小兒在某校雖已兩年。無一長進。固由質地不佳。或

亦教授不善之故。擬下學期令至

尊校肄習。其時如有餘額可補。是所至幸。亦希

留意及之。得暇示我。當令照章投考也。手此布達。順頌

講祉。表弟○○○謹啓○○月○○日

◎約假後同赴校並借閱書籍

分袂匆匆。又將旬日。每懷

左右。時切神馳。比維

侍祺安燕。爲頌。弟抵家以來。一是如昨。近日炎威逼人。每一伏

案。輒覺汗流浹背。殊爲苦事。友人多補習學科。一有新得。通

函相告。如弟則蹉跎時日而已。媿媿轉瞬假期屆滿。擬仍偕

兄同行。如果定期。尙望

預示。是所盼切。又弟於詩歌之學。雖不能奮筆爲之。素喜諷覽。

聞

兄處有唐宋大家詩集不少。意欲

賜假數種一閱。藉消長夏。卽祈覓便寄下。到校後再行奉繳可

也。專此布懇。順頌

暑安。表弟○○○謹啓 ○月○○日

◎詢校假是否回里並商借款買書

月餘未奉

手翰。馳系殊深。辰維

動定咸綏。學與日進。爲頌。弟一是如昨。屈指暑假。又將屆期。吾

儕當此。誠有寸陰可惜之慮也。至於假後。或卽回里。或仍留

此。尙無定見。惟視

兄之行止爲定。如何之處。卽祈

告我。以便遵行。又弟近日功課。需添書籍數種。不能再緩。而經

濟缺乏。家中又未寄到。不得已奉商吾

兄。望先惠假若干元。以付書值。一俟家中寄來。或同返家後。如

數奉還可也。手此奉懇。順頌

文祺。並盼

示復。表弟○○○謹啓○月○○日

◎詢旅行情形並索閱日記

日前有事來杭。滿擬鬯譚。藉紓別緒。不意正值

貴校旅行之期。不及晤面。至以爲悵。閱報知此次出發。係渡江由紹興一帶轉達寧波。再乘輪到滬。復遵滬杭鐵路歸去。雖爲日無幾。可謂快遊。遙想

足跡所經。卽以研求學問。所有調查。必成箸述。況中間所至。如禹穴蘭亭。旣爲前賢名蹟。沿途所採集動植物產。亦必甚多。旣渡重洋。曠覽海天風日。更必有憑弔古人。發宣懷抱之大箸。引領相念。不勝神往。課餘有暇。可否一一見示。如將日記假閱。俾局促於牖下者。讀之。可擴聞見。尤所幸也。

姑^{母父}大人近日起居何如。并希 示我。專此順頌

文祉。表弟○○○謹啓○月○○日

◎詢各校聯合運動會之辦法

多年同學。兩地睽違。不獲時聚一堂。聯牀夜話。至以爲憾。近日此間各校。有聯合運動會之議。公推^敝校主持其事。同學諸君。乃以預備方法。朝夕相商。現已粗有端緒。惟^弟意評議長。先應由各校公推。至於會場布置。尤應確有規則。規則既定。卽先印刷。通知各校。以免到會者均屬茫然。遂致秩序不清。反累糾察。又臨時紅十字會。更宜注意。如果組織不甚完備。於^敝校名譽。關係實非淺鮮。^弟知吾

兄對於此事。素有經驗。特將辦法一切。另紙寫上。是否有當。希

卽

詳細指示。俾有遵循而免騰笑。則幸甚矣。時期已近。并盼速復。專懇順頌。

文祉。表弟○○○謹啓○月○○日

●商置田產

日前旅行。在火車相遇。未能暢談。悵悵。當日諒卽抵家。

舅母大人暨表嫂表姪。諒均安好。爲念前談。

兄擬置產一節。因未得合式之處。以致多日尙未報。

命。今有友人來言。某處現有出售田產約百畝之譜。地去火車

站三四里。舟楫可通。土脈頗厚。旱澇無慮。索價每畝不過若

千元。且因用款急迫。該價尙可減讓。弟昨親往察勘。與其所

說相符。并向老於經紀者探詢。僉謂甚屬便宜。

兄如有意。卽祈

命駕速來。以便同往看定。再與議價。惟不可延緩。恐爲捷足者所先得也。餘再面罄。手此卽請

台安。表弟○○○謹啓○月○○日

○商添籌資本

日前兩接

手書。尙未裁答。以近日店務非常忙迫故也。本店自與某君拆股以來。事權統一。辦事順手。信用亦較前爲著。現各處以貨物前來攬售者。實繁有徒。惟以資本現不充裕。未敢放手一試。如再因循。不特坐失機緣。且慮人因是窺我虛實。轉於信用上生出種種障礙。據弟所見。刻非添籌資本。不足以敷周轉。茲將數月來營業情形。列爲表式。寄請
督閱。應添資本若干。亦祈迅速辦理。好在以

兄處之聲望。此數諒不難集合。如有成數。卽祈預示。並陸續匯來。是盼。專此順頌。

台安。表弟○○○謹啓○月○○日

○詢公司性質有限無限之分別

久欲赴滬一行。稍紓契闊。藉以增長識見。惟因家母近仍多病。家事糾纏。不克如願。爲悵遙想。

履祉時綏。爲頌。弟伏處里門。依然頑健。前有同志因家鄉地控南北。運轉甚便。擬集股創辦某某公司。以興實業。然於公司性質有限無限之分別。刻未遽定。蓋有志擴張及慎重將事者。各執一詞。弟意股分有額定之數。不再加入者爲有限。無額定之數。隨時可加入者爲無限。然必援照公司律辦法。先行確定。以免後來股東之爭論。吾

兄旅外多年。商界情形。較爲熟悉。究竟公司辦法。有限無限。以何者爲適宜。卽希

暇時詳細見示。以便商決。實爲盼禱。

舅父處想必時有安諭。上稟時乞代爲附筆請安。爲叩。專此順頌
籌安。表弟○○○謹啓 ○月○○日

◎表兄賀表弟結婚

○○表弟台覽。前聞吉期擇定。女家因新表弟婦尙未畢業。商請展緩。足見志趣高尚。至爲欽佩。且可爲吾

弟賀也。頃奉

姑丈大人賜諭。欣知吾

弟今於月初涓吉成禮。

佳偶天成。閨房多福。承歡

堂上。其樂更難言喻。兄以作客他鄉。未能躬逢嘉禮。至爲抱歉。准俟暑假以後。遄返里門。再行補賀。未知吾

弟能不出遊否。兄本擬以禮物奉寄。道遠既有不便。且恐過於從俗。爲

賢伉儷所笑。故復中止。附以奉告。當同一嚙。專此敬賀大喜。並頌

雙祉。愚表兄○○○敬啓○月○○日

◎論在校不可干預外事

此間連日寒煖不時。未知里中如何。時正春末夏初。

起居務宜留意。因傳染病。每於此時發生。尤不可不慎也。吾

弟近時學業。必更大進。頌頌。前聞家鄉因某某等事。各校頗有開會演說。籌商對待之議。兄在遠聞之。甚不謂然。蓋吾人之

在學校。志在求學。學問以外之事。均宜不見不聞。况此種無意識之舉動。更不應輕易附和。以蹈囂張之習。所云開會演說。不過一二好事之徒。藉端以示反對。窮其究竟。亦無辦法。故謹飭自愛之士。自不致爲其所動。吾弟爲人。決無慮此。惟兄既有所聞。不得不以此奉規耳。專此順頌。

安祉。

愚表兄○○○敬啓
○月○○日

○詢旅行有無紀述

小病經旬。足未出戶。寶貴光陰。竟爾虛擲。殊可慨也。近幸已癒。仍舊入校。足紓。

眷注。前聞。

貴校有旅行之役。近想早歸。吾

弟派在何部。所過之處。風俗人情。山林物產。諒必均有記載。不知能否檢借一閱。以擴見聞。每念吾人生平閱歷。均如過眼煙雲。以今視昨。卽成陳迹。如欲歷久不忘。非勤寫日記不可。如某時之學業若何。某事之原委若何。一有日記。均可按籍而稽。瞭如指掌。將來如查何事。卽可緝閱。則數十年個人之歷史。一一如在目前。兄修業之暇。樂此不疲。未審吾

弟有同心否。今因索閱日記。走筆及之。以當晤談。手此順頌
文祺。愚表兄○○○敬啓○月○○日

◎商校假中開科學補習會

昨由郵局寄上明信片。告知

囑購書籍等件。業已照辦。諒經

收到矣。近日天氣愈熱。頗有旱象。亟盼一大雨。以洗煩渴。兄校

中今定某日放假。吾

弟校中假期已定否。兄思每年暑年等假。雖爲校中所不可少。但無故曠此多日。未免可惜。吾輩正在學年。更宜及時奮發。不應藉此偷閒。現擬於假後。集合同志。開一科學補習會。專門研究科學。以期無負光陰。有裨學業。同意者已得多人。茲將簡章一紙。寄請

答閱。如荷

贊成。卽祈簽字寄復爲荷。手此奉布。順頌

暑祉。愚表兄○○○敬啓 ○月○○日

○慰商業失敗宜自勉

匆匆話別。爲念如何。頃得

手書。知所定貨物。邇因銷路頓滯。損失非常。所有運存某埠之

貨。又遭火厄。種種不幸。相逼而來。空費吾

弟數載辛苦之經營。自難免焦煩憂慮。惟思此次失敗。乃因時勢使然。並非經理不善。至於某埠之火災。更非意料所及。若因憂慮過度。轉致有損

眠餐。好在積存貨物尚多。將來無論如何。總可出手。被燬者亦可向保險公司。徐索賠償。縱不能悉如原數。均尚不至全行無著。況經營事業。成敗本難預定。故人云。商業中含有冒險之精神。以

弟台平素聲望。不難重振旗鼓。切勿因此灰心。致墮初志。至囑至囑。兄號事有暇。容再前來。如

尊處事有爲難。亦可面商一切也。勿復順頌

台祺。愚表兄○○○敬啓○月○○日

●勸不可與人涉訟

音問相睽。又累月矣。日昨表弟婦來會。始悉

尊處因某處田地界限與某姓糾葛之事。近來勢將成訟。此事內容。兄雖不能深悉。但就表弟婦所言各節。似彼此皆爲意氣之爭執。若果刪去枝節。從事實上認真調停。亦尙不至無可協商之地位。遽爾成訟。則使鄉里交誼。從此失懽。且吾弟正在青年。因此細事。被人加以喜訟之名。更爲不值。鄙見解決之法。仍不外請人查驗契據。丈量界址二端。誰是誰非。自有公論。況彼處已有請人調處之意。尤不可先行發難。以致其曲在我。吾

弟素明大體。當不以兄言爲河漢也。表弟婦盤桓兩日。卽已
過返。母家。並以附及。手此奉布。順頌

安祺。愚表兄○○○敬啓○月○○日

●勸擇交并戒嗜好

前者

文旆初歸。承

囑代爲延譽。當以吾

弟學術宏富。何患不到處爭迎。昨接

來書。知已爲某礦廠延聘。長才展布。人地相宜。同深快慰。惟念

我國社會道德。日益墮落。朋友交際。最宜加意。吾

弟於社會情形。研究不深。且性質過於長厚。近旣所入較豐。竊

恐有隨波逐流之慮。今爲

弟計。務宜審擇交遊。以防其漸。凡行止不檢之友。見其所爲。卽

宜時加猛省。勿爲所惑。至於飲博冶遊諸事。皆爲喪身敗德

之媒。宜隨時引爲大戒。不可略有沾染。更爲至要。
舅^{母父}屢次來諭。均屬^兄以此相規。足見愛子之心。無微不至。用特

直陳。還祈

亮察。專此布復。順頌

台祉。愚表兄○○○敬啓○月○○日

●戒博並告賭博之害

不相晤者累月。日昨奉

手書。領悉

近狀安佳。閣潭均好。慰如所頌。兄勞拙依然。乏善可述。營業一

道。本非所長。以先人創業於前。幾經辛苦。不敢不勉力保

守耳。吾

弟學業早有造詣。素所心折。惟嗜博戲。至今不改。是則^兄於欽

服之中。實有不能滿意者。猶憶
舅母在日。諄諄以此爲戒。且聞近者

表弟婦。亦以此時有違言。若仍不加痛改。則何以爲子。何以爲
夫。兄如不通函相勸。亦無以慰

舅_{母父}於地下也。况賭博之害。廢時失業。猶其小者。因此喪身而敗
行。其禍尤大。以

弟台之聰明。豈尙見不及此耶。叨在至戚。敢貢直言。惟望
採納。曷勝盼禱。專此順頌

台祺。愚表兄○○○手啓○○月○○日

●論防疫宜注重衛生不可迷信

昨有友人某君來此。談及某鄉時疫流行。往往不及醫治。聞
之可慘。夫時疫發生。本由空氣中之傳染。而居處污穢。飲食

不潔。尤爲釀疫之大原。故西人注重衛生。首以清潔爲要。我國內地人民。不知講求此理。迨至時疫發生。則羣致力於賽會迎神。以求祈禳。此種迷信。既不破除。毋怪盛行之候。往往村舍爲墟。如果平時講求衛生。於居處飲食。力求清潔。則有疫不致傳染。推及於一家一鄉。均能實行。爲益尤大。以視迷信鬼神。所行尤爲簡便。吾

弟可時時以此意。普勸鄉人爲要。今因與友人論此。且不知里中有無發生疫病。故特奉詢。并拉雜述此。希卽加意是囑。得暇

見復。尤所盼切。此致。順頌

文祉。愚表兄○○○敬啓 ○月○○日

●論兄弟析居之利害

昨奉

來書。以族人中有因析居而將致訟者。

囑詳究此事之利害。以兄之不學。何足遽爲剖斷。但在現今時代。亦實有不易折衷者。蓋以我國家庭道德而論。如九世同居。史稱其美。固以不析居爲美德。若以西人生利分利之說。衡之。則又以析居爲善。二說皆持之有故。言之成理。殊難武斷。然而我國舊說。可責諸君子。而難責諸小人。西人之說。不適於習慣。而便於生計。居今之世。欲一言以蔽之。惟有曰兄弟之居可析。兄弟之情愛斷不可析而已。此兄平日愚見。因弟台見詢。故以奉復。惟鄙陋之談。殊覺貽譏大雅耳。手復順頌。

文祺。愚表兄○○敬啓○○月○○日

翁婿

●婿稟賀壽并呈祝儀

外舅大人侍右。敬稟者。前寄稟函。計塵

鈞鑒。本月某日。恭值

大人幾旬雙慶。當霄漢星明之會。正

華堂日滿之辰。

弧悅交輝。

箕裘衍慶。

康強晉福。喜忭同深。婿本擬踴騰登

堂。躬親叩賀。乃因瑣務羈身。不克如願。想蒙

鑒宥。良切悚慚。茲乘令媛歸祝之便。寄呈壽儀四色。祝敬一

函。聊陳不腆之儀。敬祝

無量之壽。伏祈

莞存爲幸。專肅叩賀

壽喜。敬請

金安。子壻○○謹稟○月○○日

●壻稟賀內兄弟得子并送禮物通用

外舅姑大人尊前。敬稟者。睽隔

慈顏。倍殷孺慕。頃奉

賜諭。欣諭。某兄弟於某月某日喜獲一男。足見

德門多慶。忻頌交并。想

大人望慰含飴。尤爲樂事。惜壻遠離在外。未獲親與湯餅之會。

爲抱歉耳。茲謹寄上花冠一具。文襖雙幅。繡服兩襲。銀飾四

宗。藉申彌月之敬。伏祈

鑒存

擲交。勿以菲薄見哂。是荷。某弟嫂婦分娩後。身體想臻安吉。乳

水足否。令媛甚為系念。乞

命某弟兄得暇。是知。示所深盼。專肅恭賀

大喜。敬請

鈞安。子婿○○謹稟○月○○日

●稟告生子女并謝寄禮物通用

外舅大人尊鑒。敬稟者。忻奉

諭函。敬聆壹是。

福躬康勝。忭慰奚如。婿近况如常。令媛懷妊已足月。方深顧

慮。幸於本月某日。得產一女男。體格壯碩。大小平安。用特馳告。

上慰

塵懷最足喜者。正值

大人今年大慶。復見外孫。階前繞膝。亦天倫之樂事也。昨承賜惠文襖繡衣。加以飾物。拜登之下。感愧交并。容俟彌月之後。

挈婦歸寧。并帶外孫謁

祖。登堂叩謝

盛誼。再令媛現係自行哺乳。如可不用乳媪。卽不再雇。因小兒性質。每視乳媪爲轉移。倘遇性不馴良者。反致隱受其病。知念并陳。肅佈謝忱。敬請

福安。子壻○○敬稟○月○○日

○稟賀內兄弟畢業并問婚期

敬稟者久睽

左右。馳思無已。頃承

手諭。快慰逾恆。欣諭。某兄已於某學校畢業。學有專長。出爲

世用。前途遠大。何可限量。近今偉人鉅子。名譽赫然。無不以

學校爲第一階級。基礎既立。

堂構克承。請以是言。先爲左券。前聞某兄曾云。必俟學成方

娶。志實可嘉。比來完姻吉期。曾否擇定。念念婿意藉此時間。

爲之完娶。既成其志。且操持家政。多一輔助。若再遷延。恐

某兄或因出洋游學。教授遠方。又須多費時日也。質之

尊意。以爲何如。專肅恭請

頤安。子婿○○○謹稟○月○○日

○稟告近狀及婦定期歸寧

敬稟者。叩違

鈞範。荏苒年餘。依戀之忱。匪言可喻。恭諭

福躬清謐。

潭第康寧。慰如所頌。增居滬以來。日勤校務。所幸慈親健飯。

稚子無恙。堪慰。

塵注耳。令媛近來身體甚好。早擬歸寧。乃以家事乏人料理。

旅行又多不便。因是遲遲。今值暑假。增可回寓休息。家慈

命卽抽暇一歸。藉申定省。現定於某日附車回里。此來并挈

外孫隨行。相聚一堂。定博

慈顏一笑也。弟輩在校學業。當更進益。假中想均在家。不克

晤敘。至爲悵念。如需滬市物品。或書籍等。請

屬函知。以便購上。專肅謹請

鈞安。子壻○○謹稟○月○○日

○稟告夫婦在外遊學情形

敬稟者。前寄安稟一函。報告抵此情形。度荷

垂覽。計

復諭亦在途矣。未審近日

福體何如。

潭庭安否。均深系念。增自抵某處。遂已月餘。近入某某大學。肄

習專門工業。所冀考究有得。異日可資實用。增令媛亦已入

女子職業學校。專習染織。渠本於此學。研究有年。亦屬性之

所近。將來畢業。可爲校師。亦女子應有之職務也。增身體平

安。令媛亦託庇順適。現賃屋暫居。每日去校甚近。往返均

係徒步。藉以習勞。請抒

塵念。是所切盼。手肅敬請

金安。并頌

潭福。子堦○○謹稟○月○○日

○稟告隨父客外并遣婦就學

敬稟者。睽違

尊右。時繫馳思。伏審

興居多福。

潭第均綏。至以爲頌。

堦

詣辭後。隨侍

家父出門。前抵某埠。當

經函陳一切計達

鈞鑒。現在營業頗有起色。因此地輪舶交通。商賈輻輳。生意操

縱。尙爲順手之故。且此地人民程度日有進步。私立女學亦

多至十餘處。以某某女學。辦法爲最完善。教員皆一時之選。

現於某日。送令媛投考就學。早往晚歸。亦頗便當。異日學

有成就。可充教員。亦謀生獨立之一道也。堦旅居平善。家

父亦託

庇康健。堪以告慰。專肅奉達。敬請

福安。子婿○○謹稟○月○○日

○稟告營業發達并寄衣物

敬稟者。違侍

尊顏。久疎賤候。馳念無似。近諗

潭庭康泰。

動定咸宜。爲慰爲頌。婿離家日久。生計勞人。近幸所營商業。機

會尙好。正值來源缺乏。屯積各貨。盡行脫售。頗得善價。今年

如金融價格。無甚漲落。則獲利之豐。操券可待。此足爲

長者告慰耳。附呈衣服數件。食物數種。雖非貴品。要皆爲此間

土產。聊以將意。請卽

管收。勿卻爲幸。風便尙祈

常賜訓言。俾廣知識。尤深盼切。專肅敬請

福安。子壻○○○謹稟○月○○日

○稟告招內兄弟來理商業

敬稟者。別逾春夏。時繫孺思。昨奉

諭函。欣諗

福履綏和。

闔潭安善。慰如所頌。壻棄儒學賈。利習貿遷。近年以來。營業尙

稱得法。現於某處開設支店一所。以期擴張。惟尙少一經理

之人。此席頗關重要。非熟悉情形。確有經驗者。不能勝任。因

念某弟兄前由商務學校畢業。穩練精明。深通書算。擔任此

事。定能操縱自如。倘現在別無高就。壻函約經理支店事務。

藉資臂助。儻蒙惠然肯來。無任歡迎。乞卽

詢明復示。爲叩。專肅奉懇敬請

金安。子婿○○○謹稟○月○○日

○稟告外孫學校畢業并商令出洋遊學

敬稟者。昨奉

手諭。備承關注。

垂詢外孫學業狀況。具見

長者屬望後進之殷。尤爲感愧。婿頻年旅食。無暇課子。故令外

孫前往某某中學校肄業。幸成績尙佳。已考優等。作爲本科

畢業生。惟念學問之道無窮。多學一年。卽多得一年之益。乘

此英年有志。正宜力求深造。竟厥全功。本意擬令其赴美遊

學。無奈令媛過於溺愛。不欲遠離。致生阻力。敢懇

長者一言。詳爲開導。或能破除俗見。可望成行。是所至禱。專肅敬請。

頤安。子壻○○謹稟○月○○日

○翁致壻命女歸寧並告得孫

某某賢倩青覽。月初曾寄一函。至今未得

復書。不知此函曾否遞到。至念。比想

潭第安燕。允孚所頌。

舍間

近稱粗適。

某媳

已於某日幸舉一男。

母子均安。想

賢夫婦當同爲一喜。惟

舍間

一切瑣務。因

內子

體弱多病。不宜

操心。均由

某媳

主持。今在產室。遂致內外各事。無人照顧。愚

意擬接

小女

歸寧。暫住月餘。藉資料理。務希即將

鄙意陳明

令

堂尊

大人。并囑

小女

即日回

舍

不勝企盼。餘俟續告。即詢

雙佳。外舅○○○手書○月○○日

◎詢在校成績并贈圖書

某某賢甥如晤。前展

來函。就諗

動定多佳。慰甚慰甚。愚旅居粗適。足紓

注念。前聞

貴校將近大考。現在諒已考畢。未識於各科課程。得分數幾何。

望下次

來書。一一詳述。俾愚亦得藉覘程度。無任企盼。小兒近亦入校。

尙肯用心。惟愚將來擬令仍入商界。故現在並屬學習算術

簿記各學也。茲寄去中國全圖一幅。新字典一冊。均係商務

印書館新出版者。足備參考之用。至希

管收。便望

見復。此詢

近好。外舅○○手泐○○月○○日

●詢女已否分娩并豫寄禮物

某某賢壻收覽。前聞舍親某君談及。吾

壻有津門之行。約有半月勾留。近想已言旋矣。月餘未得

來書。至爲懸系。未知某女近已分娩否。產婆女僕。諒經僱妥。總

以老練誠樸者爲宜。旅居客地。事事均須預備。以免臨時迫

促。想吾

壻亦必早爲籌及也。茲有小孩衣帽及首飾雜物等一箱。另附

細單一紙。乘某君來滬之便。先託寄上。此皆俗例所謂催生

之意。到希

點存。暇卽

見復。某女產前產後。千萬保養。此又

愚夫婦

所同惦系。并祈

告知。手佈。卽問

雙祉。外舅○○書寄○○月○○日

◎商令子弟就學并索校章

昨接

來書。藉諗吾

婿在校安善。於各科課程。潛心研究。亦能耐勞。從此學業日進。

必能出人頭地。欣慰奚如。小女前月曾歸寧一次。知其現於

教授國文外。並擔任手工。雖課程不免稍忙。然名譽甚好。亦

可喜之事也。小兒近在某校讀書。論其資質。亦尙不鈍。惟該

校規模甚狹。且同學多鄉曲子弟。無足陶鎔。恐難得益。愚極

欲令其出外就學。又苦無相宜之處。滬上學校林立。其間必有成效可觀者。若中學程度。未知以何處爲佳。望吾壻得暇探詢明白。并覓取章程寄我。是所企盼。舍間幸均粗安。

知

念并及。此詢

學社。外舅○○手泐○○月○○日

○詢商業近狀。勉以勤儉

久不得書。想因號務繁忙。無暇握管。未知

起居安否。念念。近來金融機關。漸見靈活。市面大有轉機。前聞吾

壻號中有擴充營業之說。諒已實行。不知貿易能否較前發達。便中尙望示我。企盼企盼。現在世風日侈。成爲社會之習慣。

私心竊以爲非。乃昨至

寓中。見一切舉動。亦不免染此惡習。質諸小女。謂係吾

婿所主張。且曾勸阻。亦無效力云云。在吾

婿近况稍裕。原不惜此區區。然極盛難繼。最爲可懼。要知勤儉
爲治家之本。當此物力維艱。似宜力圖撙節。以規久遠。屬在

至戚。用特直言。尙乞

採納。餘再詳此詢

旅祉。外舅○○○手書○○月○○日

○商辦實業并屬招股

日昨造 府。詢知吾

婿旅滬安善。甚慰。近來我國社會。無論服食器具。大半喜用洋
貨。故每年海關貿易冊。進口貨物。疊見增加。漏卮日多。經濟

日困。思前顧後。愈增警懼。因與二三同志籌商。擬組織某某公司。宗旨注重實業。以爲挽回權利之計。已邀集各界於某日在某處開會討論。一致贊成。認股亦甚踴躍。當經議決照辦。惟此舉應須建築廠屋。購置機器。需款頗鉅。必須厚集資本。方能動手。因卽議定股本若干萬。除由發起人認定一半外。其餘均由陸續募集。倘於原定股本集有三分之二。卽當定期開辦。素知吾

壻在商界頗負重望。交遊甚廣。是日開會。經公推爲發起人。茲附去招股章程若干冊。務望力爲贊助。以成斯舉。是所至盼。此布。卽詢

近祉。外舅○○○手書○○月○○日

○詢親家翁客況並告購物

日前接誦

來書。祇因往鄉訪友。今始回舍。是以有稽作覆。歉甚。

賢婿近經廠東派任帳職。深爲喜慰。是非平日辦事勤慎。曷克

有此。現既管理會計。責任更重。尤宜毋稍怠忽。爲要。愚與

令尊久未通問。旅居安否。爲我道念。聞滬上有中國自製脚踏

風琴。物美而價不昂。望爲購置一架。遇便寄下。以備孫輩學

習唱歌之用。計價若干。

來書示及。當就近交與小女收用也。餘再布。卽問

旅佳。外舅○○○手啓○○月○○日

●問病并屬衛生

昨小女到舍。詢知吾

婿偶患小恙。未知近已痊可否。極念客中臥病。諸多不便。最好

早入醫院。事事有人看護。較爲放心。萬勿省此小費。是所至囑。素知吾

壻體氣孱弱。病愈後尤宜加意調理。以期復原。愚見我國病家。專講治疾。而於平日衛生。則絕不留意。不知飲食無節。寒煖失宜。居處不潔。皆足爲致疾之媒。不此之務。待至病來尋醫。徒受苦耳。故衛生學一書。學者最宜注重。吾

壻果能隨時瀏覽。雖不必事事效法。但取其易者而爲之。亦必有功效也。手此卽詢

痊好。並望

珍攝。外舅○○啓事○月○○日

○詢外孫已否就學並論幼稚園利益

昨得舍間來書述及

潭第咸吉。欣慰之至。愚在校粗適。前月因考察學務。曾赴北京一行。小住半月。當卽言歸。足紓

注念。近來外孫已就學否。愚意以先入幼稚園一年。然後再令入校。法爲最善。近時教育家。莫不以家庭教育爲幼童必經之階級。蓋父母於子。每多溺愛。稍一放任。卽養成不良習慣。於將來入校肄業。必大有妨礙。若幼稚園以婦女爲教員。寓教育於遊戲。卽唱歌舞蹈。亦必循其規則。使受範圍。是未入學之兒童。已先養其入學之資格。獲益良非淺鮮。吾婿如以爲然。卽照此辦法可也。便中仍希

見示爲盼。手布。卽詢

近好。外舅○○手泐○○月○○日

○詢鄉居近狀並論地方辦事

日前曾託某君帶上一書。並食物兩種。已否收到。如尙未到。可向其寓詢取。因

尊府距城稍遠。恐其乏便遞送耳。愚近體粗安。今年店事。雖略增忙碌。亦尙能耐勞。堪慰

注念。近來鄉間。諒尙安謐。警察聞已開辦。有無的款。聞吾

堦與各同志。發起添設初等小學兩所。以期教育普及。貧寒子弟。受惠不少。未識現已開課否。凡辦理地方公益。首在籌款。然每有因此反召無意識之反對。遂令提倡者灰心。事遂中輟。望吾

堦任勞任怨。堅持不敝。以底於成。迨至成效昭著。自能見諒於鄉黨也。再鄉間居民。多喜育蠶。藉以補助生計。而一切方法。均係墨守舊章。似難望其發達。宜略仿西法。力圖改良。最好

用白話體撰述育蠶問答。刊印分送。使家喻戶曉。則收效必速矣。拉雜書此。以當面談。即詢

時社。外舅○○○手啓○月○○日

僚壻

●賀親壽通用

某某襟兄左右。久違

光采。恆切馳思。昨奉


華函。欣知某月某日。恭逢

姻伯母大人幾旬榮慶。遙想

舞綵承歡。

捧觴上壽。一堂

家慶。抃頌無量。弟忝在戚末。極應登



堂恭祝。藉展私忱。祇以兩地睽違。未遂鄙願。惟有遙頌
康強逢吉。

福譽兼隆。茲附上壽幛一軸。壽聯成副。聊將微意。尚乞轉呈
莞納。是幸。專肅恭祝

遐齡並頌

侍祺。姻愚弟某某謹啓。○月○日

●賀雙壽

某某襟兄賜鑒。昨得某某賢甥來函。欣諭今年爲吾

兄暨

嫂夫人五秩雙慶。定於

嶽降良辰。

宏開壽宴。敬維

德星合曜。

家慶成圖。遙企

華筵。曷勝欣頌。

弟本擬屆時奉詣。躋

堂祝嘏。祇以塵勞羈絆。不克前來。歉仄之懷。匪言可喻。茲謹附

呈壽幢成軸。食物四品。聊表遠忱。至祈

哂納。專肅敬祝

千秋並頌

儷祺。姻愚弟○○○謹啓○月○○日

●謝賀親壽通用

昨奉

台函。敬諭

上侍康娛。無任欣慰。乃以家母父幾秩壽辰。

遠賜幃聯。既

頒厚貺。復

錫嘉詞。拜領之餘。莫名感謝。弟此次回里。因家大人生日。親

友必多來賀。故特馳歸。藉親定省。年年奔走。無以上慰所親。

撫躬自問。悚慙交集。所幸堂上精神康健。克享大年。差堪

告慰

錦注。外舅昨亦來舍。神采甚爽。譚及

嫂夫人近已有身。此可爲賀。一俟分娩。尙祈從速。

示知。因丙子頗爲系念也。專肅奉復。並陳謝悃。敬頌

時福。姻愚弟○○謹上○○月○○日

●謝賀壽

昨奉

華牋敬悉一一。猥以賤辰蒙

賜壽幛。本不敢領。祇因道遠

意殷。未便奉璧。竊顏領謝。曷勝感叙。吾

兄卓識閎才。

英年偉度。前途幸福。正未可量。弟年復一年。無所建立。辱承

獎譽。慚愧奚如。惟冀

時錫箴言。俾可奉爲弦佩。日前內子本擬函請

嫂夫人來舍盤桓。并迎外姑前來小聚。嗣以外舅諭云。內

弟訂婚在卽。外姑日內無暇。遂作罷論。內子屬爲函達。并

希

轉告。無任同盼。肅此鳴謝。敬頌

台祉。姻愚弟○○○謹啓○月○○日

●賀生子并寄禮物

久不得書。正深企念。頃奉

惠札。快慰何如。欣諭

嫂夫人喜賦弄璋。以吾

兄盛德名門。遺傳有自。異日象

賢繼志。定非凡兒。無任抃賀。想

嫂夫人產後身體健旺。乳水未識多否。此尤內人所最懸系。屬

爲奉詢。便中務希

示知。至盼至盼。茲適遇友人某君旋里。託其寄上衣料二襲。首

飾二事。聊盡微意。至乞

笑納爲幸。手此奉賀

大喜。卽頌

雙祺。姻愚弟○○○謹啓○月○○日

●賀生女并寄禮物

正欲賤問

起居。適承

手教。展誦之下。欣知

嫂夫人喜得千金。無任欣慰。遙想

階前蘭玉。羅列成行。定知掌上明珠。逾恆鍾愛。賀賀。舍間幸均

託

庇粗安。諸荷

垂注。感篆奚似。茲寄奉菲儀若干圓。因道遠不便寄物。祇得以

此代之。乞

製佩件。代給。令媛。俟明年周晬時。弟及內子再當詣

府道賀也。令媛乳水足否。便中尙希示知。手此奉賀。卽頌

潭祉。姻小弟○○○謹啓○月○○日

●賀生孫并寄禮物

久疏音問。正切懷思。頃得某某內兄來書。藉知

執事喜得文孫。

謀詒燕翼。

慶衍鳳毛。健羨之餘。曷勝欣賀。弟抗塵走俗。佳狀毫無。兒輩現

雖次第入校。欲了向平之願。尙不知在何時。以視

執事已得含飴之樂。正不啻有霄壤之別矣。引企

吉暉。良用愧慙。茲寄奉繡服二襲。帽飾二事。淺淺之敬。尙希

莞存。得暇

惠我數行。藉代面晤。尤所幸也。肅此敬賀。

蕃禧並頌。

潭第曼福。姻小弟○○○謹啓○月○○日

●賀甥女結婚并寄禮物

昨展

華絨欣審。某甥女於某日結婚。久聞令壻品學俱優。蜚聲

學界。與某甥女洵稱嘉耦。而

賢伉儷得此佳壻。更不知若何愉快矣。可賀可賀。弟屬在至戚。

極擬趨觀

盛禮。適因家事冗忙。以致莫能遂願。寸衷歉悵。莫可名言。茲附

去衣料兩襲。粧飾品四事。區區之物。聊伸賀忱。惟希

哂納。俟屆喜期。或可遣內子挈兒輩趨

賀也。手此奉賀。

大喜。卽請

雙安。姻小弟○○○謹啓○月○○日

●唁親喪外艱

頃奉

訃告。驚悉

姻伯遽歸道山。曷勝哀悼。伏惟

姻伯年高德劭。久爲戚黨同欽。噩耗傳來。瞻依頓失。素知吾

兄孝思純篤。猝遭此變。自必悲痛逾恆。惟念

承家責重。尙祈

守身順變。勉節哀思。以襄

大事。以慰

先靈。是所企禱。弟寄跡他鄉。不獲躬親執紼。歉罪奚如。茲附去祭

幃奠敬。謹表微忱。伏希

鑒存。代薦

靈幃。是荷。手此敬唁

孝履。姻愚弟○○○謹啓○○月○○日

●唁親喪內艱

昨展

訃書。駭悉

姻伯母棄養之耗。曷勝哀惋。素知

閣下純孝性成。悲痛自不待言。惟念

姻伯母大人福備中閨。

年逾上壽。

傳家播德。

遺憾毫無。尙祈

節哀順變。勉襄

大事。是所至禱。弟誼關戚末。極擬躬申祭奠。祇以俗事所羈。致

難如願。寸衷歉仄。亮荷

鑒原。茲謹寄上祭幛一懸。伏乞

代薦。是荷。手此奉唁。

孝履。惟祈

珍攝。姻愚弟○○○謹啓○月○○日

●慰喪偶

頃接

訃函。驚悉

嫂夫人竟於某日逝世。得信之下。駭悼莫名。內人手足情深。尤爲悲痛。憶自去年在外舅家匆匆相見。豈知遂成永訣。人生朝露。能不黯然。素知吾

兄篤於伉儷。自必愴感虛幃。百端交集。惟修短前定。尙希

勉作達觀。令媛均幼稚。撫養尤貴及時。以慰

嫂夫人九原之靈。此則弟與內子所同企禱者也。弟道途間隔。

塵俗紛紜。不獲趨

前面慰臨風懷想。悵歎如何。附呈祭幃輓聯。至乞

代懸爲禱。手此奉慰。敬頌

台祺。姻愚弟○○○謹啓○月○○日

◎託爲子擇婦

自隔

音塵。瞬經三月。未通尺素。歉仄良深。邇維

潭第延綏。是祝弟旅居無恙。堪慰

注存。茲有懇者。小兒○○○在某校肄業。已逾三年。於各科課程。

尙能用心研究。今年已十九。弟擬俟明年畢業後。爲其完姻。

以了兒女之累。此地雖曾有議婚者。弟則意在故鄉擇婦。家

風里俗。較爲相宜。是以迄今尙未爲之訂婚。茲特奉託

台端。乞代物色。祇求性情學業。可稱中選。并能操持家政者。卽

爲合格。名門華族。則所不敢攀援。弟將來並擬挈眷回里。辦

理喜事。亦不致勞女宅遠行。小兒素爲

賢伉儷所垂愛。今故以此奉煩。儻物色得人。希卽

示知。再當專函託爲

介紹也。手此奉託。敬頌

潭社。姻愚弟○○○謹啓○月○○日

◎託爲女擇壻

日前由某某內弟遞到

手教。祇誦之餘。就諗

儷祉吉羊。慰孚所頌。又據內弟傳述

垂詢小女有無訂婚辱荷

關懷。至爲感篆。小女曾在某校肄業數年。粗知文字。現係在家

自修。兼學習刺繡。轉瞬年已及笄。弟亦亟欲爲之擇壻。惟子

弟佳者。甚爲難得。故至今尙未字人。我

兄交遊旣廣。鑑別又精。擬卽奉託

隨時留意。如有聰穎子弟。祇須家世清白。將來能自立者。卽乞

俯賜執柯。叨在至戚。諒荷

允許玉成也。敬此奉託。卽頌

台祉。姻愚弟○○○謹啓○月○○日

○代妻告外舅姑安狀約緩歸寧

昨前接奉

惠書。祇悉種切。並承

賜寄佳果。遠道多情。敬領感謝。就諗

旅祉增綏。式孚所頌。欣知

尊處營業。近復力圖推廣。在各埠分設支店。想見

閔才策畫。倍著賢勞。尙希

起居珍衛。是所至禱。前聞

嫂夫人擬於秋間歸寧。適內人於昨自外家回舍。述及

外舅姑近來福體康健。并云

尊府事務冗繁。擬請

嫂夫人緩作歸計。因某內弟擬於冬間。或明春結婚。屆期必

當預先函約。此時可免勞往返也。尙祈

轉達爲荷。手此奉布。卽頌

台祺。姻小弟○○○謹啓○月○○日

●代妻告內兄弟安狀并約歸寧

滬江判袂。忽已月餘。承

屬轉達某君之事。當經往訪。面罄一切。頗爲贊成。據云卽日逕

行函達吾

兄。弟因抵家後。瑣務紛集。致未卽行奉告。歉仄之處。諒蒙

鑒原。日昨內人談及。某某內兄。現在病體漸痊。惟極盼姊妹

回家。藉紓別懷。以慰岑寂。現內人擬於月初前往。曾聞

嫂夫人亦將歸寧。特屬專函奉約。可否亦俟月初就道。俾得一堂聚晤。更增熱鬧。惟希

代爲道意是荷。再某君前有津門之行。現已言旋否。所謀能否有效。至爲系念。便祈

示知。盼甚。手布卽頌

旅佳。姻小弟○○○謹白○○月○○日

●代妻迎姊聚晤

久未晤

教。夢寐爲勞。辰維

潭第安燕。允如所祝。舍間幸均託

庇粗適。堪紓

錦注。內人近來思姊情切。亟欲一圖把晤。又因主持家政。不獲

遠離。擬邀

尊夫人臨舍。小住數日。用特屬弟專函奉迓。即祈

轉達。並希

俯允。同深盼幸。令媛近已就學否。如一時不即赴校。亦可掣

以同來。此又內人與兒輩所同忻企也。並以詢及。專此奉候。

並頌

儷祺。即候

復音。姻愚弟○○○謹上○○月○○日

●代妻迎妹聚晤

前辱

手書。深荷

垂注。感甚感甚。內人病體。近幸漸愈。然尙未能復原。現時正在

調養。屏除一切瑣務。惟家居寂寞。念妹甚殷。意欲奉邀來會。小聚數日。未識

尊夫人肯否辱臨。因特函詢。敢祈

轉致。如荷

允許。並請挈令媛同來。叨在至戚。萬勿稍存客氣。是所盼禱。

前聞

台旌擬赴滬一行。如果

尊夫人來會。應請暫緩

行旌。諒我

兄並無要事。必不因此梗阻。致拒弟等之所請也。專布。卽頌

潭福。姻弟○○謹啓○月○○日

●代妻索姊妹寄照片並言久別情形通用

月初曾上寸緘。交郵寄遞。計達

左右。比維

上侍康娛。

潭祺迪吉。是頌。弟薪勞如故。愧慙良深。所幸寓居適。差足告

紓

雅懷。惟內人自出外以來。瞬經三年。姊妹判襪已久。每一念及。

輒欲回里。冀圖暢敘。此亦人情之常。本不妨暫作歸計。藉償

其願。無如弟南北奔走。行踪莫定。兒輩在校。朝出暮歸。一切

均須照料。因此歸里一層。一時實難辦到。然其手足情深。必

思有以解其渴念。屬爲函請

嫂夫人賜寄玉照一紙。俾得時置左右。有如晤對。想彼此懷思。

定蒙

嫂夫人所許可也。手此奉布。卽頌
儷祺。並候

復音。姻弟○○○謹白○月○○日

◎通問并商定偕赴學校

別後月餘。以俗冗不暇作書。歉甚。辰維

興居增鬯。允洽頌忱。弟自返家園。日勞瑣務。明後日尙擬赴蘇

一行。約勾留三日。卽當言旋。未識

台旌擬於何日赴校。弟擬與

兄偕行。藉慰旅行寂寞。如荷

許可。請將的期

示知。屆時當先一日趨

府。候同首塗。晤

教不遠。餘容面罄。專此敬頌。

侍祺。姻愚弟○○○謹上○○月○○日

◎商助內姪學費

頃奉

復書。敬悉一是。所託轉遞某君函件。知勞

駕親自送往。並承

附來答函。亦照收到。諸瀆

清神。感謝無既。茲啓者。內人於前月歸寧。小住兼旬。昨已返舍。

據云某內姪在某校肄業。頗肯用心。國文甚有進步。現已能作短篇文字。若爲之加意培植。必能繼起家聲。惟其境況困難。較前更甚。每年所需學費。頗有不繼之虞。某嫂之意。以我等誼關至戚。欲請爲之分籌。以免中途輟學。弟意擬自明

年起。某姪應需學費若干圓。由弟與
台端各任其半。按期逕寄該校。以成其好學之志。用特函商。素

知

關切逾恆。定荷

允爲擔任。乞先

賜復。是所至盼。

弟當屬

內人函告

某嫂。可使安心。至學費如

何分期寄去。再當函布。專布卽頌

儷祺。姻小弟○○○謹啓○月○○日

師弟

●賀師親壽并送祝儀

夫子函丈。敬肅者。

受業

叩違

絳帳。瞬換新韶。依戀之忱。與時俱積。謹諭

鼎裊集福。

杖履康彊。至爲忭頌。某月某日。恭值

太夫子八旬榮壽。初度開筵。允爲

鄉社之耆英。洵屬

家庭之盛事。受業分當摳衣來賀。介壽登

堂。奈以俗務羈身。未克躬與弟子之班。奉觴以祝。負疚實深。茲

謹具壽幛一懸。壽聯成副。用申不腆之敬。伏祈

哂存。勿卻。專肅叩祝

壽喜。祇頌

侍安。受業○○謹肅○○月○○日

◎賀師壽并送祝儀

夫子尊鑒。敬肅者。受業違侍

師門。載更歲瑄。望雲結念。與日俱深。月之某日。恭逢我
夫子攬揆令辰。歡開

北海之樽。喜進

南山之祝。引詹

家慶。忭賀無任。

受業

早受深知。分應趨祝。奈爲校務所羈。不獲

登

堂叩賀。愧悚無似。謹與同門諸弟。恭製壽屏一堂。壽聯一對。奉

祝

千春。伏祈

鑒納。壽序爲

受業

屬稿。

函丈生平。惟

受受

知之最深。故語皆徵實。辭無溢美。并乞

訓正。是所感幸。肅稟恭賀

壽喜敬請

崇安受業○○謹稟○月○○日

●唁師丁外艱并送奠禮

夫子禮席敬肅者頃奉

訃音驚悉

太夫子偶撓微疾遽歸道山聞信之餘曷勝痛悼我

夫子性成純孝自應躡踊逾恆第念

太夫子以大耄之年備九疇之福

遺經教子家學能傳

含笑歸真考終無憾尙祈

節哀順變上慰

先靈以襄大事是所至禱受業 誼同骨肉痛切瞻依執紼未能生

芻莫致。謹寄呈輓幛一懸。奠儀一函。用以敬表哀思。伏祈
督納爲幸。專肅奉唁。孝履并請。

禮安。受業○○謹稟○月○○日

●唁師丁內艱并送奠儀

夫子苦次。敬肅者。頃奉

大訃。驚悉

太師母遽捐館舍。曷勝駭愕。我

夫子孝思不匱。哀毀可知。第念

太師母清德遠聞。

義方垂訓。

懿譽可書彤史。鄉里奉爲

女師。瞻企

遺徽。固深追悼。尙冀

毀無滅性。禮以節哀。是所至幸。受業分應執紼。跡阻牽帷。謹具

奠敬成函。聊代生芻一束。伏乞

代薦爲感。專函奉唁

孝履。并請

禮安。受業○○謹稟○○月○○日

●慰師母喪并寄奠禮

敬肅者。昨奉

大訃。驚悉

師母逝世之耗。愴感莫名。伏念我

師內助得賢。家庭多福。況聞

師母淑慎成性。溫懿且慈。何意偶染微疴。遂致怛化。痛

仙馭之不還。嗟女宗之頓失。凡在同學。能不銜哀。然脩短有數。

憂能傷人。尙冀

起居保衛。勉作達觀。以慰遠忱。是所至禱。受業赴弔未能。負疚

何似。謹具輓幛一懸。奠敬一函。敬陳

靈几。伏祈

代薦爲幸。我

師悼儷傷懷。俟喪殯事畢。竊以出遊排遣爲宜。如定行期。尙希先

日

見示。以便屆時走迓也。專肅奉慰。敬請

道安。并候

諸世兄孝履。受業○○謹稟○○月○○日

◎告學校畢業近膺聘教習

敬肅者竊受業久違

絳帳企慕良深敬維

道履康彊

潭庭安泰至以爲頌。受業此間肄業已畢學期所幸成績尙優。

考驗皆能及格已於某月日畢業復承校長獎借有加函

薦某校擔任教科自省庸下之才本未敢出而應聘幸該校

爲初等小學程度勉可服務藉此切磋未嘗無益此皆仰賴

吾

師訓誨有方終始成全之力下懷銘感匪可言宣風便尙祈

時賜箴言俾資循守至企至盼專肅敬請

道安受業○○○謹稟○○月○○日

○謝存問并告改學商業情形

敬肅者。受業幸列

門牆得親

教誨。別來增念。趨謁未能。昨奉

諭函。重承

垂問殷殷。感媿何可言喻。受業材識庸下。讀書不成。深負

陶鎔。曷其有極。前奉嚴命。改習商業。爲謀生計。不得不然。近

幸一切安善。足抒

垂塵。惟故業久荒。亦殊自惜。此間有商餘學校。專爲商界補益。

而設。茲於握算餘閒。仍復按期就學。冀於新知舊學。兩有獲

益。差堪告慰。

師門耳。專肅奉謝。敬請

崇安。受業○○謹稟○月○○日

●因父母病請假通用

敬肅者。自違

左右。忽忽一星期矣。每念

起居。至為悵仰。受業假返里中。家事摒擋粗畢。本擬即日言旋。

忽值家嚴慈嚴身體不適。臥牀數日。迄未清減。一切需人侍奉。

舍弟又遠出未歸。受業因此不能不暫留侍疾。惟假期將滿。

焦迫萬分。再四思維。惟有懇請我

師展假幾日。俾得朝夕侍親。稍盡子職。俟親病全愈。即當回校

銷假。斷不敢稍事遷延。致勞

塵系。謹陳下情。想蒙

俯允。并乞

賜復一音。是所至禱。專肅敬懇。恭請

台安。受業○○謹稟○○月○○日

●因病請假

敬肅者。自別

師門。無任瞻戀。伏審

道履綏和。為頌。受業因事回舍。本只請假三日。乃因塗中勞頓。

感患風寒。到家後。即覺身熱頭痛。諸病叢生。當經延醫診治。

云。伏病過深。恐一時不能速愈。似此情形。敢請我

師給假半月。俾得從容調治。以冀早日痊可。一俟病痊。即當趨前

銷假。即假期未滿。亦不敢久延也。專函上陳。伏乞

鑒允。舍間自家嚴慈。以下。近幸平安。堪慰

注存。用并附述。專肅恭請

鈞安。受業○○謹稟○月○○日

◎因弟病連同請假

敬肅者。違侍逾月。瞻念

興居。定多佳勝。受業挈弟回里。現屆開學在邇。本擬即日來校。

乃日前舍弟偶受暑風。遂致染病。連日延醫診治。尙未就痊。

均極焦急。惟見其外感未退。客邪易侵。如勉強出門。更致增

劇。不得已專函敬懇我

師。鑒其病體未痊。給假十日。在家治病。一俟病愈。即行銷假。舍間

本無多人。受業亦因弟病。不能遽離。故亦隨同請假十天。恐

勞

塵念。先肅稟

聞。所有請假一節。伏希

鑒許。專肅奉懇。恭請

崇安。受業○○○謹稟○月○○日

●因病請續假商學界通用

敬肅者。前寄一函。度登

鈞覽。本擬病愈假滿。卽行前來。乃病體至今未痊。精神更形羸弱。據醫者云。非得安心調治。未易奏功。並囑不宜用心勞動。方可漸有起色。因思病尙未愈。萬難出門。不得已。懇請我師續假半月。暫緩到店。校謹當一面趕緊延醫調治。以冀復元。受業

此次因病。屢陳乞假。心實不安。容俟進謁時申謝。所冀垂念下情。不加

督責。則幸甚矣。專肅叩懇。恭請

鈞安。受業○○○謹稟○月○○日

◎謝詢病狀并代同學陳念

敬肅者頃奉

諭函辱蒙

垂詢病狀

拳拳厚意感不去懷

受業

抱病在家忽已逾月自延某醫調治

得法業已漸痊惟精神尙未復元大約一星期後即可外出

謹當趨叩

階前面申謝悃也

受業

臥病時有友人某某過從存問談及前

在某校曾隸

師門追述

教育之殷風義之篤念念不置此足徵我

師樂育爲懷故師弟之情久而愈摯特屬先爲陳念用代附陳

友人并云。日內亦當上書於
左右也。專肅敬頌

鈞祺。受業○○謹稟○○月○○日

○告定日來校并代友人報名

敬肅者。昨奉

手諭。敬悉

開校有期。受業今定於某日來校。所有里中同學。并已分別通

告矣。近有同志○○等均以得列

師門爲幸。屬先報名。并當偕同投考。附上名單一紙。敬乞

檢存。某某等嚮學甚殷。想蒙吾

師俯鑒其誠。加以錄取。俾得遂其志願。親荷

甄陶。則受業亦同感荷矣。專肅敬請

崇安。受業○○謹稟○○月○○日

○告假滿即來店并復陳商業近狀

敬肅者前寄一牋諒蒙

垂鑒奉

示敬悉藉知

起居康勝

百凡如意至以爲頌

受業

因事旋里刻已布置略定一俟假期

屆滿即行前來斷不致誤店務承

詢近日此間商業狀況一切均尙如前惟改良土貨大有進步

各處運售者紛紛其故由於物質本佳一經製造合法銷行

甚易現聞有大資本家尙擬設廠專造某種物品以期大爲

推廣果能如此則我鄉一年出產較之往年當可加至三倍

矣。蓋設廠製造。必用機器。成本比較手工爲廉。出貨亦更迅速。當可供應於求。日求精美。誠能事事照此辦法。我國實業前途。必有發達之希望矣。所有新出物品樣貨。受業已同某號商明。俟受業來店。帶上數種。如我

師允爲寄售。或承認分銷。亦某號所至願也。餘容面陳。肅稟敬

請

福安。受業○○謹稟○○月○○日

○告代管店務并催病愈速來

敬肅者。前日領到

手書。敬聆壹是。敬諭

福躬痊健。爲頌且慰。此間店事。自吾

師行後。受業權代管理。已將一月。幸無貽誤。各夥友亦和衷共

濟。毫無意見。堪以告慰。

塵念。惟受業才力素短。深慮弗克勝任。現在吾

師貴恙。既已全愈。請卽

命駕早來。主持一切。使受業隨事有所秉承。藉釋攷肩。無虞叢

脞。是則朝夕所引領耳。店中營業。日有起色。市面亦甚寧靜。

合併附陳。吾

師定於何日啓程。乞先

示知。鄙意仍附火車爲宜。因病體初愈。如在小輪住宿一夜。恐

感風寒。又致不安。是否。仍希

酌之。專肅恭請

福安。受業○○謹稟○○月○○日

○商人商業補習學校求學

敬肅者。某日郵寄函件。想達

覽矣。未蒙

賜覆。殊切系念。受業家貧廢學。蒙

薦來此。改習商業。竊自奮勉。以期無負

裁成。惟見近日商業情形。亦非研究學識。不足應用。受業有志

於此。思藉會計之餘暇。爲補習之時間。得寸則寸。以冀稍獲

進益。此間近有商業補習學校。雖未開學。章程甚爲完備。刻

擬報名投考。不知吾

師以爲然否。但入校肄業。必須本號管理允許。昨經談及。云須

吾

師來函通知。方可見允。此係慎重之意。今特專函上陳。乞卽

賜定方針。如蒙

贊成。并祈據情函致本號管理。以便開學有期。即可前往投考。好在授課時間。係定每夜三小時。此三小時。平日店中亦已事簡。尚可抽暇。并以附陳。專肅敬請。

大安。受業○○○謹稟○○日○○月

◎乞改定旅行日記

敬肅者。叩別

講壇。於茲一載。祇以行蹤無定。遂致牋牘多疏。惶悚無似。近維杖履康綏。

著述宏富。慰如所頌。受業自校中畢業後。旋即偕友旅行。所過

名山大川。皆足發其奇氣。曾在某處。小住一月。復作某處之遊。蹤蹟所經。日有紀錄。積成旅行日記一帙。謹錄稿寄呈

函丈。伏乞

大加斧削。正其謬誤。是所感幸。倘蒙俯賜弁言。以光卷帙。尤深忻盼。想亦吾師所樂許也。專肅敬請

著安。受業○○○謹稟○月○○日

◎代同學辨誣乞許仍令就學

敬啓者。昨奉

諭函。敬聆壹是。且聞同學某君。因不規守則。名譽欠佳。按照規章。應令退學。仰見吾

師尊重道德。懲勸兼施之意。佩仰無似。惟受業與某君同學多年。素相推重。昨得來函。據稱有違規則。實出一時之錯。彼已深知悔悟。引咎自責。至名譽一節。彼所自愛。亦爲受業所深知。此次諒係忌者見其犯規。造作流言。又從而媒蘖之。蓋所

云云。絕不類某君平日之爲人也。受業既有所知。用特代陳委曲。且某君老親在堂。責望之心甚切。如今退學。某君將無所歸。敬乞我

師寬其既往。勉其將來。仍令就學。以觀後效。則感荷

成全之德。受業亦不啻身受矣。肅稟恭請

鈞安。受業○○謹稟○○月○○日

◎論初等小學男女合教之原理

敬肅者。違侍

師門。瞬逾數月。每懷

架訓。引企無任。敬維

道履。綏和。

箸祺。安甯。慰如所頌。受業近在某校。擔任國文一科。程度不齊。

頗難畫一。所幸功課尙簡。仍可讀書。此足爲吾

師告耳。近今學制。初等小學。已定男女合教。論者多謂男女有別。自古已然。若以男女應受同等教育。則在學科之支配。若以年齡尙幼。不妨合教。似於防微杜漸之道。未加深求。受業則謂幼稚園辦法。本屬不分男女。初等小學。與幼稚園原無區別。況男女過於隔絕。不良之道德。卽由此而生。今將社會錮習。先爲破除。似無不可。鄙見如此。未知當否。惟此中理由。不加分析。頗礙於教育進行。敢質諸

夫子之前。尙祈

進而教之。以啓愚蒙。是所至禱。專肅敬請

講安。受業○○謹稟○○月○○日

●論宣講於社會之關係

敬肅者。昨奉

訓言。備承

記注殷殷。感難言喻。敬誌

興居安適。頌洽下忱。

受業

近思於地方公益之事。舉辦一二。以

開社會之風氣。且盡人民之天職。竊謂欲使社會能有普通

知識。莫如宣講。蓋宣講一事。隨地隨時。皆可講演。口耳相傳。

人心尤易感動。且宣講時。老年人以及婦稚。皆所樂聞。尤可

以補助學校之所不及。惟近來宣講者。多半奉行故事。老生

常談。聽者遂多生厭。刻下上海商務印書館新出新社會一

書。所言皆合社會心理。注意於政俗改良。用以宣講。似甚合

宜。受業已得此書。邀集同志。日日以此宣講。尙擬推及市鄉。

以期普及。聞吾

師對於社會教育。亦頗主張宣講之舉。用陳近狀。尙求指示。敢拜

嘉言。俾作先導。尤所同幸。專肅敬請

時安。受業○○謹稟○○月○○日

朋友

●賀人壽 二十至四十通用

○○仁兄惠覽。遠別

星輝。馳思殊切。今於某月某日。欣逢

覽揆良辰。弟以俗務羈身。不獲登

堂申賀。仰企無任。敬維

禮協懸弧。

詩徵介壽。

銘長生於無極。

識美意之延年。引領

德門。莫名忭頌。弟情殷觥祝。跡阻摳衣。素荷

摯情。諒蒙

鑒恕。茲附呈菲敬一函。微物數種。聊以將意。卽乞

哂收。淺淺爲敬。所引愧耳。專肅敬祝

崧安。並頌

台祺百益。愚弟○○○謹啓○月○○日

●賀壽 五十至九十通用

○○先生大鑒。久違

鴻範。懷仰實深。月之某日。欣值

生申今日。願獻九如之頌。並陳

百福之圖。恭維

喜溢名楣。

宏開壽宇。

集衆祥於佳日。

安難老於大年。遙企

懸弧。良殷忭頌。弟忝託知交。復逢

家慶。極應躬詣

潭府。上介兕觥。奈以道遠羈留。不克如願。謹附呈菲敬一函。微

物數種。藉申賀悃。卽乞

莞存。不腆之儀。殊愧無以將敬也。恭祝

崧釐。敬請

台安。並頌

闔第全福。 ○ ○ 謹啓 ○ 月 ○ ○ 日

● 賀女壽通用

○ ○ 仁兄左右。前者接誦

手書。即經佈覆。計已早邀

筮入矣。某月某日。忻聞爲

嫂夫人大慶。本擬趨前稱祝。奉介一觴。乃以俗冗。不能如願。爲

歉。想見

華堂開宴。

寶幌生輝。

有繫膝之承歡。

得齊眉之至樂。

家庭集慶。欣忭奚如。茲附呈微物數種。幸即

賜存。遠道寄此。想足博
筵前雙笑也。肅此祇賀。

儷禧敬請

台安。並頌

潭第全福。

愚弟○○○謹啓○月○○日

●賀人父壽朋友及平輩姍親同用

別久思深。彌欽

光霽。

佳想安善。想同之也。茲聞某月某日。爲

老伯○旬華誕。企

蘭階之多喜。欣

椿蔭之方濃。恭維

愛日承歡。

德星協慶。

詩晉九如之頌。

書陳五福之疇。

壽曜翹瞻。舞忭無既。弟分應介兕喜祝

扶鳩惟以遠阻。川原不獲登堂。申敬私衷。歉仄莫可言宣。謹具

壽幛一懸。藉申賀悃。寄請

督存。附函為祝。想可恕其簡陋也。遙祝

喬齡。祇頌

潭福。敬請

台安。愚弟○○○謹啟○月○○日

●賀人母壽

自暎

光采。遂積歲時。頃聞某月某日

老伯母壽登○秩。

良辰設悅。遠道騰懽。敬維

歌譜陔南。

筵開堂北。

啓霞觴而介壽。

喜海屋之添籌。

萊綵翹瞻。藻忱馳怵。

弟本擬趨前爲一樽之獻。而情殷迹阻。抱

歉實深。惟有仰企

華堂。遙申三祝。尙乞

鑒之。侍次代陳下悃。尤所感幸。專肅祇祝

萱齡敬請

台安。弟○○○謹啓○月○○日

●賀人祖父壽

久疏賤候。深念

起居。茲於某月某日。欣值

太老伯○旬大慶。瞻

重闈之吉曜。卜

五世之昌辰。恭維

慶溢桐枝。

祥徵桃瑞喜。

箕疇之衍福。隨

萊綵而承歡。



福萃一堂。欣陳三祝。弟本應躬親詣謁。上介
脩齡。乃以塵俗紛煩。不克摳衣申敬。惟有望
南極之輝。祝無量之壽。下懷歉仄。尙乞

鑒原。專肅祇祝

崧齡。肅頌

潭福。順請

台安百益。弟○○○謹啓○月○○日

●賀人祖母壽

闕別經時。倍懷

塵教。忻諗月初某日。爲

太老伯母○○旬大壽。瞻

綵衣之重疊。仰

華悅之光輝。恭維

慶衍孫曾。

福隆耄耄。

甘旨奉

含飴之樂。

家庭開稱壽之筵。引領

南星。曷勝額頌。弟羈身遠道。不獲親自登堂。介景祝延。良深抱

歉。特肅寸簡。用貢賀忱。想荷

垂知。當可

恕其疏略也。專布虔叩

慈齡。敬頌

侍福。並請

台安。弟○○○謹啓○月○○日

●賀人父母雙壽

久別

芝標。莫名企憶。頃得舍間來函。云夏初吉日。爲

老老伯母伯伯幾旬雙壽祝

椿萱之並茂。瞻

弧悅之交輝。卽維

喜溢庭闈。

歡承杖履。豈僅

圖開家慶。足徵

福備人間。翹企

德門。旣欣且抃。弟未隨觥賀。慚悚交并。謹具壽幛一懸。附以聯

通俗新尺牘 朋友

四百十二

燭用申遠悃。幸卽

鑒存。是所忻荷。專肅祇祝

大喜。上請

侍安。弟○○○謹啓○月○○日

●賀人祖父母雙壽

正思

雅教。逖聽


好音。忻聞獻歲發春。恭值

太太老伯母 ○旬雙慶。仰

燕貽之宏遠。徵

鴻範之康強。敬維

瑞衍佳辰。



壽齊仁澤紀

重闈之介祐信

具慶之多懽。頌賀頌賀。弟本擬馳歸。俾附稱觴之列。情殷迹阻。

良為悵然。現已函囑舍間。屆時備呈祝禮。務祈

不遺在遠。見納

代呈。是所感幸。專此上賀

蕃禧。敬請

侍安。弟○○○謹啓○○月○○日

●賀政界壽

○○先生執事。久仰

棹輝。良深瞻企。茲值

懸弧之慶。彌欽



佩綬之榮。敬維

瑞集茵憑。

祥凝簪紱。

兕觥笑酌。錫純嘏以賡詩。

鶴算忻增。識

曼齡之多福。

喬松引領。允洽懽忱。弟未遂摳衣。用陳賀簡。所祝

康彊逢吉。與歲益新。附呈壽幛一懸。并希

莞存爲幸。專此布賀。祇祝

遐齡。敬請

勛安。弟○○○謹啓○月○○日

●賀軍界壽

○○仁兄麾下遙欽

盛譽。時切馳思。忻逢

弧矢之佳辰。彌仰

旂常之偉績。恭維

祥凝細柳。

春熟蟠桃。

本燕頤之清姿。

鍾龐眉之壽相。

大年可券。何頌如之。弟遠祝

三多未陪座客。肅函奉賀。自愧不恭。附呈壽幛一懸。即希

莞納。是荷。專此佈賀。

喬齡敬請

韜安。弟○○○謹啓○月○○日

●賀商界壽

○○仁兄大鑒。遠睽

台教。彌切馳思。茲值某月某日。忻逢

華誕之辰。弟以俗務羈身。不克趨前申祝。甚爲歉歉。恭維

鴻籌卓著。

鶴算新增。

大業經營。同儕共仰。自非

得天之厚。積慶之宏。何以有此。定卜

康強逢吉。福祿攸同。惟

壽無量。旣忭且頌。附呈微敬一函。聊以將意。卽祈

哂收。勿却爲荷。專此祇賀。

千春。並請

大安。弟○○○謹啓○月○○日

●賀完姻

遠道懷人。

好音送喜。欣悉於某月某日。爲

合卺佳辰。敬維

梁案相莊。

謝庭多福。誦

良時之燕婉。祝

儷祉之駢蕃。

宜室宜家。以欣以頌。弟關河間阻。不獲趨賀

禮庭。雖荷

鑒原。至爲悵惘。用特寄呈菲敬一函。微物數事。卽乞
飭存是幸。專肅祇賀
大喜。敬請

台安。弟○○○謹啓○○月○○日

●賀續娶

遠阻鷗程。久疏箋訊。喜聞

鵲報。

重譜琴絃。知

嘉禮之告成。企

德門而傾忭。恭維

鴻釐茂集。

鳳卜新諧。

迎淑女而來嬪。
兆子孫之多福。

吉暉引領欣頌奚如。弟遠隔一方。未能親詣

華堂。陪觀花燭。至以爲悵。茲特附呈菲敬一函。尙乞

哂存。是荷。專肅祇賀

燕喜。敬請

儷安。弟○○○謹啓○月○○日

●賀娶媳

遠隔

鴻楣正殷鵲望。昨聞某月某日。爲

某某世兄吉席。企

德芬之在望。知

嘉禮之告成。恭維

福衍箕裘。

瑞宣鼎臆。

詠關雎之三疊。

試雛鳳之雙聲。

喜溢名門。無任欣頌。

弟情殷燕賀。亟應來附賓筵。爲事所羈。不

克趨詣。寄呈菲敬一函。微物數事。藉以將意。淺淺不腆。卽祈

哂存。專此祇賀

大喜。敬請

台安。弟○○○謹啓○月○○日

●賀娶孫媳

久隔

芝儀。昨承
蘭訊。忻悉。

孫世兄近將諏吉完姻。忭賀無已。矚

三星之粲戶。羨

萬石之傳家。恭維

燕翼貽謀。

鸞棲集慶。卽卜

德門鼎盛。

世澤絲長。豔羨之餘。曷勝額頌。弟誼應趨賀。惜阻郵程。特寄呈

微敬將意。卽乞

一笑存之。專肅祇賀

大喜。敬請

台安百益。弟○○○謹啓○月○○日

●賀娶姪媳

久別

芝顏。時深葭溯。頃聞某月某日。欣逢

令姪某某世兄嘉禮。

樂詠穠華之什。

愛分棠棣之陰。恭維

世澤垂芬。

德門聚喜。

當代負籍咸之譽。

齊家承梁孟之賢。引領

名楣。曷勝羨頌。弟馳書爲賀。殊媿不恭。幸叨



知愛有年。必蒙
原諒。附具菲敬。敢乞

惠存。專肅祇賀

大禧。並請

台安。弟○○○謹啓○○月○○日

●賀嫁女

遠隔埭程。遙欽


光采。茲聞某月某日。欣逢

女公子出閣良辰。羨

相壻之得賢。詠

宜家之有喜。恭維

歡符百兩。



慶洽一門。

吉諧卜鳳之詞。

快得乘龍之選。

華堂引領。忭頌奚如。弟悵阻雲天。遙聞鼓吹。未能趨前瞻仰。

嘉禮媿悚交并。茲特附呈奩敬一函。用表微意。卽祈

鑒納爲荷。專肅敬賀。

大禧敬請

台安。弟○○○謹啓。○月○○日

●賀嫁姪女

久別

台顏。彌殷洄溯。昨聞

令姪女于歸在邇。望

德門而遙羨。知

吉禮之多宜。恭維

瑞溢芝楣。

祥凝花萼。

喜南容之入選。

同北海之開尊。翹企

德星。可勝忭頌。弟羈身異地。在遠情殷。趨賀未能。至爲悵歎。茲

特附呈奩敬。卽乞

哂存。禮數不周。尙希

鑒諒。爲荷。專肅祇賀

大禧。卽請

台安。弟○○○謹啓。○月○○日

●賀嫁孫女

牋敬久疏。時殷仰系。邇維

興居爽健。

頤養勝常。昨又聞某月某日。爲

令孫媛出閣良辰。

喜信傳來。倍深忭慰。想見

吉祥雲擁。

鼓吹風喧。

容張子舍之雀屏。

扶到王林之鳩杖。

名門在望。歡頌莫名。弟遠道攸羈。不獲趨陪賓從。馳書爲賀。是

用悵然。附呈菲敬一函。芟芟將意。尙乞

晒存風便

頻示好音。尤爲忻盼。專此祇賀

大禧敬請

台安藉頌

潭福百益。

弟○○○謹啓○○月○○日

●賀嫁妹

遠思

舊雨正企

停雲日前知有

令妹出閣之喜。無任欣賀。

筮歸妹之爻。

誦宜家之什。

好音入耳。忭頌同之。弟近狀如常。媿無建樹。本思詣賀。藉可暢談。乃以人事牽率。故復中止。聞

令妹倩已在某校畢業。學行定必斐然。此尤可爲

君家賀也。弟因聞訊略遲。不及備呈禮物。附上奩敬。殊媿不恭。

到乞

飭存。是所至禱。專此敬賀

潭喜。順請

大安百益。弟○○○謹啓○月○○日

●賀生子

企想正深。忻承

手告。敬悉吾

兄有添丁之喜。至爲忭慰。

佳氣充闔。引領以賀。所惜距離過遠。不克來赴湯餅會耳。嫂夫人分娩以後。調護起居。想多健適。不知是否僱用乳傭。抑係自行哺乳。風便尙希。

示慰。因

內子與

嫂夫人同校多年。情逾骨肉。故特屬奉詢也。附寄冠履數種。聊媵弄嬰之書。卽乞

哂納。明年文郎周晬開筵。再當趨賀。專頌大禧。敬請

儷安。弟○○○謹啓○月○○日

●賀生孫

久睽

教益。正切欽遲。昨聞

執事有抱孫之喜。

撫克家之令子。

成佳話於含飴。想見

故人近多佳興。令孫能有

祖風必成偉器。此語尤可俟異日驗之。所願

福祿長繇。欣頌靡既。弟居恆歷碌。乏善可陳。兒輩雖已讀書。尙

難遽期成立。以視吾

兄之子孫衆多。豔羨無似。茲附寄菲物數種。聊以伴函。非敢云

贈。卽乞

督收。轉交爲荷。專此敬賀

大禧。順請

台安。弟○○○謹啓○月○○日

◎賀學校畢業

昔年同學。

教益時承。正切心儀。遙傳

吉報。忻悉

高居優等。

畢業授憑。引企

暉光。曷勝健羨。

弟廁身學界。表見毫無。虛擲光陰。輒增慚愧。比

聞

貴校擬派

執事留學歐西。行看

大名遠播。

輸灌新知。則吾黨與有榮焉。未知

台旌定於何日放洋。風便尙乞

賜示。弟如得暇。尙擬趨送也。臨穎無任跂盼。肅此敬賀

榮禧。並祝

進步。弟○○○謹啓○○月○○日

◎賀友人之子孫學校畢業通用

自違

道範。倏忽經年。正跂

光儀。辱承

惠畢。欣諭

文

孫郎

已在某某學校畢業。幼學有年。得茲良果。逖

聽之下。忭賀莫名。惟論學以致用爲主。況近來教育普及。學

校如林。正慮教員缺乏。倘文孫郎能出其所學。造就人材。此誠

社會之幸福。定爲學界所歡迎。但未知我

公之宗旨。與文孫郎之志願何如耳。風便尙希

惠我教言。無任盼幸。手此奉賀。敬頌

潭祉。弟○○○謹啓○月○○日

●賀授勳位

南北睽違。恆懷

光霽。頃披郵報。欣聽

佳音。敬審

功成名世。

位授元勳。樹

開國之豐猷。震

大名於寰海。引詹

偉望。五族騰歡。某自媿疏庸。無所建白。所幸近狀安適。聊以自



娛想。

故人當爲一笑也。側聞

台施行卽南來。此間各界有開會歡迎之議。屆時當隨諸君子
之後。藉聆

偉論。所願

霖雨蒼生。實行平昔之政見。此尤某所請求也。馳書爲賀。不盡

依馳。肅頌

榮禧。敬候

勛祺。○○謹肅 ○月○○日

●賀陸軍授職通用

久別

英姿。末由晉謁。昨傳電訊。欣諭

秩遷高旆。
權領一軍。

總師旅以厲戎行。

備干城而膺上選。

龍驤著望。雀躍騰歡。某鄉曲迂儒。自慚文弱。分甘愚賤。莫補涓

埃。邇值外患。憑陵國基未固。當此嘗膽臥薪之日。尤賴

折衝禦侮之材。

民國偉人。非

公莫屬。所冀

激揚士氣。鞏固國防。是則區區所切禱者耳。專函奉賀

崇禧。敬頌

勳安。○○謹啓○月○○日

●賀海軍授職通用

前謁

戎旌幸親

英采頌傳吉電欣諭

功高橫海

秩晉冠軍

裕武庫之雄才

壯樓船之偉績

威名遠播忭頌心傾

某瀛海能談未嫻軍事時艱日棘志切從

戎況聞近今立國注重海權以艦隊之優劣覘其國之強弱

爲職至重可不待言

執事講習有年今可躬行所學雖我國海軍久落人後得



公出而整頓之。定當海波不驚。威宣萬里。此又惓惓之忱。不僅
爲

故人賀也。專函馳頌

榮禧。敬請

勛安。○○謹啓○月○○日

●賀文官考試得官

睽隔

芝儀。久疎蘭訊。頃披郵報。欣諭

榮書上考。

除授文官。

早爲輿論所歸。定可

發攄政策。

彈冠有慶。歡忭奚如。弟伏處鄉園。愧無佳況。能藏其拙。所自幸耳。以視

執事之學古入官。蜚黃騰達者。相去奚啻天壤。不日榮旋珂里。

枉顧蓬廬。敬當杯酒爲歡。一傾別愫。想

君定不忘車笠之故人也。

台從何日言旋。尙乞

示慰爲盼。手肅奉賀

大喜。敬請

台安。弟○○○謹啓○○月○○日

○賀開設銀行

遠別

輝光。良深懷想。近聞

執事已於某埠創設某某銀行。

雄資偉畫。

大啓規模。不僅某埠一隅。工商各界。皆受其益。

名譽所播。當可遠及海外矣。現在分行已設幾處。董事查帳各員。已否推定。股本應否續行推廣。得暇尙希逐一

復示。因友好中自知

執事組設銀行。久佩

信用。紛紛以能否附股見詢也。弟以道遠。不克趨前。用特修函

奉賀。尙希

鑒原。所有

貴銀行新定章程。并祈

寄示。端此卽頌

籌祺。弟○○○謹啓○月○○日

○賀開絲廠

久違

台教。仰企爲勞。昨聞某某絲廠。卽由

閣下合貲組織。經緯秩然。

宏業振興。

馳名遐邇。欣頌之下。欽佩莫名。近年絲業日加發達。實爲吾國

振興物產之絕好機會。

貴廠新基成立。適在此時。加以

籌畫精詳。必能

大占優勝。容俟稍暇。當趨詣

貴廠。瞻仰一切。藉領
塵談。先此肅布。祇賀

鴻喜。敬訊

台安。弟○○○謹啓○月○○日

○賀開茶棧

翹企

光塵。時縈寤寐。惟苦於冗俗。不克牋候

興居。尤爲歉仄。昨聞吾

兄創設某某茶棧。不勝欣忭。近來此業雖有退步。惟販運出洋。

西人多謂烘製各法。有不能盡善者。吾

兄前在錫蘭各埠。調查茶業。久有講求製造之志。倘能於焙揀

各廠。加意改良。則

獲利之豐。必操左券。可賀。可賀。弟壹是如常。無善可述。以視閣下大展長才。殊形見絀。暇時尚乞不吝教言。如有

新製佳茗。寄贈故人。則尤幸也。專此祇賀大喜。敬請

台安。弟○○○謹啓○月○○日

○賀設立轉運公司

久未通訊。懷想彌殷。日前有友人過談。欣悉吾

兄鳩合同志。設立某某轉運公司。仰見

宏才大略。卓然有爲。方今交通日益發達。則轉輸亦當日求便利。以吾

兄辦事周詳。進行必速。獲利自不待言。卽

名譽亦可一日千里矣。弟爲俗冗所羈。不克走賀。所幸他日往

來

貴埠。行理貨物。得以奉託

關垂。不致受累。此又私心所快慰也。附上聯幛。聊申祝忱。卽乞
察收爲荷。專賀

大喜。順頌

籌安。弟○○○謹啓 ○月○○日

○賀開肥皂廠

前奉

手書承

示將建立肥皂廠。正在募集資本。集議章程。曾經布復一函。贊

成

盛舉。因此種製造。在吾國發明已久。尤爲日用所必需。如不及早經營。利權將難挽救。今聞

貴廠現已組織完備。開機動工。

閣下於此業研究有年。兼以所聘工師。深諳化學。

督率製造。出貨必佳。惟銷路一層。亟應早爲布置。運售內地。亦

應設立支店。蓋內地銷售既暢。則販運者源源而來。名譽日

隆。可爲豫祝。弟財力薄弱。未能投資附股。殊爲歉悵。然對於

振興製造。改良物產。希望甚深。故爲

執事欣頌不置也。專此卽賀

大喜。敬請

台安。弟○○○謹啓 ○月○○日

賀設製造確詰公司

久未布候

起居。每於友好往還。藉詢

安況。欣慰無量。頃聞

執事創設確詰公司。平日

考察甚詳。必能

規畫盡善。至爲頌仰。現在確詰方法。日益發明。食物可以寄遠。

旅行便於攜帶。惟我國自行製造出品者。刻尙不多。得吾

兄起而經營。誠爲快事。不知

貴公司現聘技師若干人。曾否廣召藝徒。分班傳習。所出貨品。

已否發售。弟意銷路大暢。即可多招藝徒。以便爲貧民子弟。

闢一謀生之路。想

利濟爲懷。亦必能採納鄙言也。專此肅賀

大喜。敬請

台安。弟○○○謹啓 ○月○○日

○賀設製革公司

久未聆

教。時從友好。詢問

起居。藉申遠念。頃聞

創立公司。製造皮革。振興工藝。挽回利權。誠一舉而兩得也。素

仰

鴻才。規畫一切。定可日臻發達。

利占大有。欣忭同深。弟家居冗碌。乏善可陳。自聞

剏設工場。亟思來前考察。以擴見聞。乃以家事所絆。不克分身。

既羨且媿。尚乞將

貴公司章程見示。是所感幸。專此祇賀
大禧。敬請

台安。弟○○○謹啓 ○月○○日

○賀設輪船局

日前晤友人某君。詢悉

台候勝常。甚以爲慰。並聞

兄爲便利交通起見。已照章提案。設立某某船局公司。尤爲欣

忭。加以吾

兄槃才。自必

指揮如意。

推行日遠。信用益彰。當於各公司之外。別樹一幟。

生涯鼎盛。不卜可知。旣賀且佩。弟前得友人來函。約赴某處一

行。擬將家事部署稍定。卽行就道。屆時擬在某處附火車前來。勾留旬日。再當至

貴局附輪回里。如得晤領

教談。則尤幸矣。專此布賀

鴻喜。敬請

台安。弟○○○謹啓 ○月○○日

○賀開報館

夙佩

鴻才久疏

塵教懷思之切。匪言可宣。前聞

組織報章。出版在卽。

爲輿論之先導。

發羣治之名箴定能

日試萬言。風行八表。於報界中作新紀元也。弟細繹簡章宗旨。極爲贊同。甚欲先覩爲快。一俟

刊行。卽乞

惠寄。容當寄價定閱全年。並擬頌詞奉上。以表歡迎之意。惟知識短淺。譎陋不文。未知有當於

大雅否。專此馳祝。敬請

撰安。弟○○○謹啓 ○月○○日

○賀開書坊

久違

雅範。深切懷思。昨奉手函。敬承壹是。並諗

創設書肆。

嘉惠藝林。以

執事輸灌文明之熱心。

成茲盛業。不僅名馳學界。其補助教育之處。尤爲我輩所懽迎。

欣頌之餘。曷勝欽佩。弟營業之暇。尙能時手一編。於近來譯

本。尤喜購閱。

尊處新書出版。尙祈以目錄隨時

惠示。以便備價寄奉

貴發行所。購歸檢覽。則裨益於弟不淺矣。專此祇賀

開張之喜。順請

台安。弟○○○謹啓 ○月○○日

○賀開典當

前聞有

合資設典之議。今知

已諷吉開張。從此

展布日新。

信義遠著。以操奇計贏之術。寓

利人濟物之功。欣頌臨風。莫名欽佩。現在架本若干。有無通莊

往來。所用夥友。是否盡屬徽幫。一切經營得

大才籌畫。自必具有規模。尙乞

略示一二。爲幸。現在軌路交通。旅行便利。弟如得便。再當趨詣

寶號。奉擾

杯酒也。附上賀聯一副。并希

晒存。專此敬賀

大喜。順請

台安。弟○○○謹啓 ○月○○日

○賀開錢莊匯號

日前暢聆

雅教。深知

執事講求商學。

經驗甚深。而

槃槃大才。又足以濟之。至爲傾佩。昨閱某報。敬悉

創立金融機關。行看

信用昭著。中外流通。貨殖成書。不僅利益於一般社會已也。弟

頻年株守。亦思經營商業。冀有樹立。乃自揣綿力。竭蹶未遑。

較諸我

公度量相越。豈不甚遠。素叨

雅注。不知將

何以教我。專此敬賀

大喜。順請

台安。弟○○○謹啓 ○月○○日

○賀開銀樓

久疎箋候。時企

光塵。辰維


履祉吉祥。符頌為慰。復聞近在某處。

創設銀樓字號。

冶金有學。

名播一時。加以

通俗新尺牘 朋友



執事之善於擘畫。必能

製造翻新。

招徠彌廣。

利贏三倍。操券可期。聞訊之餘。曷勝欣賀。弟薪勞如故。乏善可

言。仰佩

長才。益形慚愧。尙祈

勿吝金玉。時錫教言。幸甚幸甚。專此祇賀

大禧。敬請

台安。弟○○○謹啓 ○月○○日

○賀開綢緞莊

舊雨遙暎。

好風傾聽。欣悉近於某埠。

創設綢緞字號。

誨吉開張。爲之忭賀不置。我國絲織各品。久爲東西各國所懽迎。惟花樣不可不力求新異。所用質料。又必取其適宜。則運售出口。推行日遠矣。以

執事之組織完備。

擘畫精詳。必能於織業中力圖進步。

利市三倍。不卜可知。拳拳之懷。以此爲祝。弟本擬趨前申賀。爲

俗尢所羈。不獲如願。悵歎之至。思

執事與弟之交情。想不計較及此。倘蒙

原恕。尤所感幸。專此祇頌

大喜。敬請

台安。弟○○○謹啓 ○月○○日

○賀開衣莊

遠隔

清儀再更裘葛。

停雲落月。仰企爲勞。昨聞

創設某某衣莊字號。佩慰莫名。日來

駿業開張。

聲名洋溢。以吾

兄交遊素廣。雅善招徠。自必

利市三倍。可喜可賀。弟近狀如常。足紓

眷注。將來遇有選購衣物等事。尙擬備價專函。奉懇

左右。代爲選擇。先此奉託。想

兄必不見拒也。專此祇賀。

鴻禧敬請

台安。弟○○○謹啓○月○○日

○賀開藥舖

昨奉

惠書承

示創設藥肆。具見

利濟之誠。可勝欽佩。卽維


中西播美。

胞與爲懷。

出千金之方。

造萬家之福。

壺中春滿。其獲利豈可限量耶。弟經營實業。尙可耐勞。近狀幸



託安佳。此足奉紆

遠注。如承

惠我教言。藉爲藥石。則尤故人所欣願耳。專此祇賀

開張之喜。並請

台安。弟○○○謹啓 ○月○○日

○賀開醬園

昨奉

惠函。承

示創設醬園字號。具見

大力經營。足收府海官山之利。而調製精美。注重衛生。雖出自

宏才。究爲小試。所祝

開張駿發。允協頌私。弟近營商業。盈虧相抵。尙屬平平。以視講

求日用必需之品。供適應求者。不得不令人愧佩。風便
惠我好音。尤所忻幸。專此祇賀。

大喜。並請

台安。弟○○○謹啓○月○○日

○賀開木行

自違

雅教。久未通函。懷企之忱。無時或釋。昨聞

鴻籌展布。

創設木行。

選工師之大材。

供社會之利用。具見

植幹之資。無施不可。羨賀奚如。弟自慚樗櫟。一切如常。以視吾

兄之儲才善用。爲愧多矣。郵筒多便。尙乞
時惠教言。是所至盼。專此祇頌

駿發。順請

台安。弟○○○謹啓 ○月○○日

○賀開旅館

久違

光采。馳念彌殷。昨聞

創立鴻基。

開張旅館。久仰

長才。工於肆應。自必布置周詳。近悅遠來。當有賓至如歸之盛。

既羨且賀。現在交通利便。旅館一業。日益改良。然經理招待。

均貴得人。公共衛生。尤宜注意。

尊處經營有素。想已悉具規模。嗣後遇有親友旅行。道出
貴埠者。當囑其徑投。賢居。停。望。告。館。人。妥。為。優。待。專。此。祇。賀。

大禧。敬請

台安。弟○○○謹啓。○月○○日

○賀開牋扇鋪

久未奉

教。懷想為勞。昨聞

設立牋扇字號。

誨吉於某日開張。

得藝苑之奉揚。

供文人之揮洒。

執事習於風雅。選製必精。

聲價所歸。定可一時紙貴。至爲傾賀。弟近狀如常。無可告語。平

安二字聊慰

故人。一俟稍閒。再當親詣

左右。藉申賀悃。杯酒爲懽。想

兄亦可以此待賀客也。一笑。專此祇賀

大禧。敬請

台安。弟○○○謹啓 ○月○○日

○賀開洋貨店

未親

教益。翹系甚殷。又緣疏懶。性成。未能因時布候。殊用歉然。想
知己當能諒之。頃聞

創設某某洋貨寶號。具徵

高掌遠蹠。鉅細不遺。至爲欣慰。比想

駿業恢張。

懋遷日盛。

號中執事人等。旣經

品定。必皆信義相孚。

聲望增隆。尤堪額賀。惟聞近歲舶來貨品。銷路大暢。欲塞漏卮。

一時無策。

執事如能藉此考鏡。力求模造之法。此亦改良國貨之一道也。

未審

高明。以爲何如。專此祇頌

大喜。敬請

台安。弟○○○謹啓 ○月○○日

●通候并贈文具書籍

○○仁兄足下。臨歧話別。悵然予懷。

鴻雁不來。江湖間阻。知君亦有同慨也。比諗

潭庭彞福。

儷祉雙佳。至以爲頌。弟頻年作客。自愧依人。家食難安。殊非得已。昔年同學。今多爲社會所推重。以弟較之。相去萬里。所幸賤軀安適。足以自慰。想

故人必爲一噓。近日海上新出圖書。頗有善本。以商務印書館出版爲最多。茲寄贈共和國教科書數種。中國輿地全圖一冊。聊備令郎媛講習之用。又陳龍川陸渭南尺牘二冊。此

書本無單行本。該館近特校印。甚便檢覽。茲特購以奉
兄。到祈

管收。是所至幸。專此奉候。順請

文安。弟○○○謹啓 ○月○○日

●通候并贈果品

○○仁兄如握。自違

叔度。鄙吝復生。馳慕無似。比諗

起居多福。爲頌。弟別後返里。閒居無聊。友人見招。作廣州之遊。

遂於月初來此。嶺南風物。領略頗多。所產果品。尤甲他省。荔

丹蕉黃。古人所稱者。信不虛也。節日又近端陽。遠客倍思

良友。茲寄呈荔子一筐。巖茶四瓶。附以糖果四罌。皆爲此間土

產。請卽

晒收。此來約有三月旬留。每日見聞所及。編有日記。聊以紀遊。非關著述。容暇鈔出副本。再行呈教。專此敬請

大安。弟○○○謹啓 ○月○○日

●通候并贈鄉物

○○仁兄惠覽。一別經年。雖通函札。

停雲落月。結想良深。比諗

台候清娛。

動定咸吉。爲頌。弟回鄉日久。碌碌終朝。戚友往還。幾無虛日。里

中風俗醇樸。布衣蔬食。猶有古風。轉覺繁盛之區。鮮衣怒馬。

互相徵逐。真不知所謂矣。弟家有園池。近又添闢菜圃。魚美

筍香。晚菘春韭。一入前人吟詠。都成本地風光。以

君雅人。當有同好。茲以枇杷二筐。新茶一瓶。寄贈。江鄉風味。請嘗試之。好在火車半日可達。如別需他物。亦可函索照寄也。別來無恙。

珍衛爲宜。聊寄短箋。敬頌

文祉。弟○○○謹啓 ○月○○日

●通候并留贈木器

○○仁兄台覽。江樓一別。咫尺天涯。悵望

清輝。曷勝渴企。比想

侍奉多福。

興履綏愉。至以爲頌。弟海壖僑寄。久擬言歸。俗事牽纏。行期屢

改。茲准定於某月某日。束裝回里。不再延期。寓中所存木器。

都無所用。若竟棄置。亦殊可惜。留贈

君家似可合用。茲將敝寓所存木器各種。悉數留贈。以備陳列之需。附上一單。并希

檢閱。如不以爲棄材。請

飭人來點收可也。借居經歲。煩擾實多。叨在

愛末。亦不敢瑣瑣言謝。匆布敬請

台安。弟○○○謹啓 ○月○○日

○通候并寄代購各物

○○仁兄如見。闊別數月。相念同深。昨奉

手書。極承

拳注。敬誌

福履勝常。旣頌且慰。弟於前月北上。小住天津。今已旬日。尙擬

前往烟台青島營口大連灣等處。調查商務。往返非兩月不

可。一時遽難回里。以調查所得。須報告同業。并加討論也。吾兄前囑代購各物。早經購就。本擬自行帶返。今因遠行不便。攜帶。又恐亟於候用。茲託某友交某處寄回。至祈察收。并乞收到後。

示復一音。爲幸。勿述不盡。敬請

大安。弟○○○謹啓 ○月○○日

●通候并詢市況

○○仁兄大鑒。前奉

手書。敬悉種切。適緣俗務彙集。未克卽時裁答。抱歉實深。然馳念之私。耿耿莫釋。并非敢稍忘

足下也。相知在心。當能原諒。比維

履候多佳。定符臆祝。弟材質駑下。兼以近來奔走社會公共事

業日形忙碌。殊有負重不勝之慮。行將設法擺脫。稍釋仔肩。然經手各事。多爲義務所應盡。誼難概予不問。尙乞

教以良策。俾有遵循。是所感荷。尊處市況若何。尤盼示及一二。卽請

台安。弟○○○謹啓 ○月○○日

○通候并復告市況

○仁兄如晤。久不奉

書。正以爲念。昨得某日郵遞

手翰。藉悉

潭祉吉祥。

興居多福。彌洽頌忱。承

示公私近況。足見

賢者多勞。故爲一般社會所倚賴。惟各事久經擔任。自難遽易生手。弟爲吾

兄計。現在祇可勉爲其難。一面留意人才。爲他日繼續接代之選。幸勿以一時勞瘁。遂易初心。不知吾

兄以爲然否。當此寒暖不時。尙祈

格外珍攝。是所企禱。啟處市況尙稱安穩。自剋設儲蓄銀行。勞勩界亦知略事積蓄。此最好消息。承

詢特以附告。手復順頌

台祺。弟○○○謹啓 ○月○○日

◎通候及爲子入學校事

○○先生左右。判袂以來。瞬經一載。懷想之殷。實勞寤寐。祇以無

善可述。故亦不欲以寒暄之語。屢瀆

清聽。想能爲

知己者所鑒諒。不以疏懶見責也。比維

潭第多綏。

台候增勝。定如所頌。昨聞

執事在里創辦實業小學校。招集鄉黨子弟。學習各科手工。以

爲養成自立之計畫。

熱心桑梓。慰佩殊深。弟久離舍間。兒輩不免有失學之慮。現值

貴校開課在卽。用特將名單送上。一面令其就近赴考。如果合

格。乞爲

收錄。他時倘有成就。得以自立。則皆出自

君賜矣。專此奉懇。卽請

大安。弟○○○謹啓 ○月○○日

○借資遊學

○○先生閣下。別久晤稀。不得常親

教益。私衷懷想。楮墨難宣。辰維

興。居住佳勝。至爲企頌。弟頻年失學。自悔蹉跎。每念同志故交。均

已學成名立。弟一隅局促。愧悚交并。今幸家事簡單。不致牽

絆。擬卽出洋遊學。當就性質所近。肄習工商專科。惟每年學

費。約需若干。弟處境本不從容。頗難籌措。雖承親友攸助。約

計尙短若干之數。素仰

執事熱誠慷慨。用特專函奉商。敢乞如數

惠假。俾可成行。他日學成歸國。必當有以上報

盛誼也。冒昧之愆。並祈

鑒原。是所感幸。專此奉懇。敬請

台安。并盼

示復。弟○○○謹啓 ○月○○日

○借資營業

○○仁兄左右。久疏通訊。良以塵俗無可述告。忝在

深知。必能原心略迹也。比維

起居曼福。

潭第多綏。慰如所頌。弟奔走衣食。勞瘁備嘗。默念世界競爭之

大勢。已趨重於實業。惟弟材力薄弱。固萬萬不足語此。頗思

合資營業。藉以歷練。刻有某項商店。召盤成議。復苦於資本

不充。未能定局。現擬徧乞知交。相爲贊助。素叨吾

兄知愛。敢求

慨借若干。俾成集腋。他日得有成立。則拜
賜多矣。如蒙

鑒允。當署券訂期。再行領款。卽祈

裁核示復。爲盼。專此奉懇。敬頌

時祺。弟○○○謹啓○月○○日

●借資娶妻

○○仁兄如握。睽別以來。雖函札往還。終以不得面承

教益爲悵。比諗

潭祺文祉。罄無不宜。爲頌爲慰。弟庸才多愧。虛度光陰。已覺自

顧不遑。安可遽謀家室。乃親友以弟定婚已久。坤宅亦以女

大須嫁。兩面致辭。催卽迎娶。而約計一切。均從儉約。亦非絲

力所能及。此爲吾

兄所深知。今承親友竭力贊成。鳩資爲助。現已卜吉完娶。惟所費尙有不敷。擬乞

尊處暫假若干。俾可卽行趕辦。

雲天高誼。引企實深。想吾

兄亦樂成人之美也。臨書惶悚。卽盼

裁復。專此祇頌

起居。弟○○○謹啓○○月○○日

●借資嫁女

緬懷

丰采。積歲不忘。雖郵訊時通。無以慰其悵結。想

知己亦有同情也。比維

潭第吉祥。

公私順遂。爲頌爲慰。弟經營生計。自愧塵勞。女嫁男婚。近復忙迫。現定今歲。將爲小女遣嫁。雖釵荆裙布。祇可稱家有無。無所謂爲匱贈。然簡而又簡。終非赤手空拳。所能敷衍。鄙況久在

洞鑒之中。想亦爲之慨然。現擬向足下通融若干。俾可摒當一切。可否之處。卽祈

核示。無任感盼。專此奉懇。敬請

台安。弟○○○謹啓。○月○○日

●借資置產

睽晤多時。復疏通問。每懷

雅度。彌切馳思。辰維

百福雲臻。

千祥日集。至爲企頌。茲有啓者。近有某項房產地。段適中。頗爲合用。前途情願相讓。價已議妥。因一時周轉不靈。未能割付。而前途需款孔亟。又難久延。交臂失之。殊屬可惜。近處友人。雖已承允通挪。日內亦難定局。素承

關愛。且知

尊處挹注較易。可否

撥借若干。俾得玉成其事。則感荷

盛情。實無旣極。如蒙

慨允。卽乞示復。一面並當訂期署券。如約歸還。決不致有失信

用。反以累

兄也。專此敬懇。祇請

台安。弟○○○謹啓。○月○○日

●託人代借

久未奉

教。企念甚殷。徒以塵俗溷人。亦不敢以無謂寒暄。上擾

清聽。亮蒙

鑒宥。比維

起居鼻福。爲頌爲慰。弟因人碌碌。一切如常。近因某事急需銀

洋若干元。百計張羅。無從集款。且交遊不廣。設法尤難。素知

兄於商界。聲氣相通。緩急通挪。較爲順手。且念吾

兄於弟。平日

見愛甚深。用特據情奉瀆。可否仰懇我

兄。卽於他處轉貸若干。約期歸還。決不失信。倘荷

鑒允。卽乞

從速示復。如須抵押品及覓他友擔保等事。亦希

示及。以便照辦。專此拜懇。敬請

台安。弟○○○謹啓○月○○日

◎借屋暫住

近因校假。評閱試卷。日無暇晷。且天又極熱。致未得過訪

高齋。疎懶之咎。想不

見責。比維

端居多暇。

佳想安善。曷勝健羨。弟所居舊屋。多年失修。近更破敗不堪。再

難敷衍。決計乘此夏令。另行建築。惟寒家祇有此屋。將來土

木興工。卽無託足之地。戚好里鄰。雖有可借。又皆湫隘。不可

久居。素知

尊府院宇寬大。閒屋甚多。可否暫假一椽。以蔽風雨。儻荷

慨允。即乞

示期。俾便遷入。忝託

摯交。故敢奉商。并希

原諒。專懇順請

儷安。愚弟○○○謹啓 ○月○○日

◎借陳設品

多日不晤。屢擬走談。適因病暈。不能如願。為悵。遙想清簟疏簾。

銷夏必多佳興。不勝神往。茲啓者。內子今歲膺聘某校。日內暑

假無事。擬在舍招請各女校教員。開一懇親茶話會。研究教

授方法。惟寒舍素乏陳設之品。殊不足娛賓客。擬從

尊處暫假名人書畫數幅。盆花數株。屆時藉可討論美術。講明物理。用後即當奉繳。茲遣人持函走領。即祈賜借。至字畫以真蹟爲尙。盆花以合時爲宜。並毋須精貴之品也。專懇順頌

暑祉。愚弟○○○謹啓○月○○日

●索還舊債

數年未見。思何可支。比諗

潭第清嘉。爲祝。前晤某友云。吾

兄近來營業發達。景況甚佳。聞之同慰。弟舊業日落。頗有窮途

之慮。所恃友朋爲助。勉敷家食。惟處境如此。向人稱貸。亦難

爲繼。頃念

尊處前假一款。爲日已久。本約今春

賜還惟至今尙未收到。現值弟處窘鄉。無可設法。亟盼此款早到。以濟急需。務懇

從速寄下。是所引領。吾

兄與弟。交非恆泛。弟非萬分爲難。亦不便以此奉商也。專此奉

懇敬請

台安。并盼

覆示。弟○○○謹啓○月○○日

●代索還款

前寄一函。想已入

覽。未荷

賜覆。馳盼殊深。茲啓者。前爲吾

兄代假之款。本約月初寄到。刻下業已逾期。前途因借時係弟

作保。催索甚急。還款既經到期。萬難一再延宕。在

兄既將失信於朋友。使弟亦無詞以對友人。事處兩難。責無可

諉。用再函懇

執事。請卽從速。如數籌還。仍由弟送交前途。以清經手而免責
言。至過期以後。應加利息。并希一并

寄下。因原議如此。前途昨又申明。故以附聞。專函布懇。敬請
均安。佇候

覆音。弟○○○謹啓○○月○○日

●請取銷借約

久違

大教。渴想良深。日前趨訪

尊齋。又值相左。殊爲悵悵。前承

兄至某號。代假一款。俾得藉資周轉。

通財高誼。感不去懷。此款本濟一時之急。昨因舍間寄款已到。

當卽如數交還某號。取有收條。幸踐前言。當荷

洞鑒。惟弟所書借約一紙。據某號管事云。尙存

尊處。本可視同廢紙。但款旣清償。卽應塗毀。擬請

執事就近代爲取銷。是所感盼。專布敬請

台安。佇候

回玉。弟○○○謹啓。○月○○日

●催贖抵押不動產

月初郵布一函。計已早邀

青盼。許久未得

覆音。盼甚前

執事因急於籌款。曾以某處房屋契據。交弟向某銀行抵押。銀兩若干。刻下早已逾期。某銀行屢來催贖。當經先後函告。未見

答覆。殊爲不解。查此項借款。所積利息。已屬不貲。今日不取贖。卽一日不能止息。弟雖再三商緩。實已力竭計窮。茲再函約。請以一月爲期。務卽籌還借款。取贖契據。俾弟得清經手。是所至幸。據某銀行經理云。儻再逾期不贖。當將此項房屋拍賣抵償。以清前欠。如有不敷。仍由

尊處找補。以銀數相當爲度。弟既有所聞。合併奉告。幸速圖之。專函奉達。敬請

籌安。弟○○○謹啓○○月○○日

●催贖抵押衣飾

別來數月。如隔三秋。每憶

清暉。時勞懷想。近諗

潭庭多福。

罄無不宜。爲頌。前因

兄有急需。曾將衣飾若干件。在弟處抵押銀若干兩。刻下早已

逾期。屢次催贖。未見

覆音。殊深殷盼。且所存衣飾。爲日過多。深慮或有損壞。轉無以

對

知己。用特專函奉懇。請卽早日備款來贖。至多以一月爲期。幸

勿再事遷延。是所至禱。

兄本信人。想不能因有通挪。使弟反致爲難也。專此敬請

台安。惟希

愛照不備。弟○○○謹啓○月○○日

●催贖抵押雜物

別後曾寄一函。未知得達

青覽否。慣遲作答。知

君亦不至忘懷也。比諗

潭第康綏。至以爲頌。前承

執事以物件若干種。在弟處抵押銀若干兩。數雖無幾。業已逾

期。亟盼

尊處早日贖回。俾此款可作他用。弟非敢過於催迫。實以家計

拮据。待用孔亟。與其告貸於他人。不如直陳於

左右。况爲數無多。籌措較易。想

君必代爲設法。斷不使弟陷於困難之境也。臨書愧悚。諸希鑒原。專此奉布。敬請

台安。佇候

回玉。弟○○○謹啓○月○○日

●託代索逋

自別

芝暉。久疏蘭訊。屋梁落月。引企爲勞。比維

侍奉康娛。

履祺曼福。至以爲頌。弟僑居海上。碌碌如常。家食難安。生計日

絀。前因某友旅費不繼。曾在弟處借款若干。言明俟到家後。

寄款歸還。不料至今數月。久假不歸。屢次催函。竟無以應。而

弟則因此受累不淺矣。某友家在某處。聞與吾

兄素有往還。擬請

晤時代達近狀。并爲弟代索前款若干圓。請其從速寄下。以濟

急需。務祈

力爲進言。俾免延宕。則感綢

盛誼。永矢弗諼矣。專此奉懇。敬請

大安。弟○○○謹啓○月○○日

●還舊欠

相望天涯。久疏尺素。言念

君子。我勞如何。比來

起居何似。

尊府定增佳勝。頌仰無任。弟浪游已倦。昨返家園。一切粗安。此

所慰幸。前承

賜假一款。久未奉繳。悵歉交并。茲已設法如數措就。交由友人某君帶上。即請

訖收。此款久假不歸。且荷

垂念困難。不加催索。每一念及。感不去懷。今之亟於奉趙者。亦欲稍贖前愆耳。區區下忱。惟祈

鑒諒。所有此項借約。便中尙祈塗銷封還。爲幸。專此奉達。敬請大安。弟○○○謹啓○月○○日

●寄款贖抵押物

屢擬書候

起居。輒以乏便中止。嵇康性懶。想故人亦當原諒也。辰維

福履勝常。至以爲頌。弟近狀仍前。無足述者。家中平善。差慰遠懷。前因舍間急需。曾以某某物件暫押尊處。蒙

假銀若干圓。日久未贖。時刻在心。現值景況稍裕。念尊款未宜久懸。茲寄上銀若干圓。爲取贖之款。敬祈查收。并請將該件卽行寄回。以便交割清楚。所有前署之押券。亦希就近取銷。是所至盼。專此敬請

台安。佇候

回示。弟○○○謹啓○月○○日

○勸募盲啞學校捐

○先生惠鑒。小別一旬。積思何已。比諗

行道有福。頌慰無量。弟近與二三同志。剏辦盲啞學校一區。專

收盲啞二種人。教以識字手工各學。誠以人生廢疾。以盲啞爲最苦。泰西各國。皆專設學堂以教之。能使瞽者識字。瘖者成聲。爲法至善。竊不自量。思拯此廢疾。復其聰明。第經費難籌。獨力萬難持久。爲此印成捐冊。廣爲勸募。素仰

執事熱心興學。地方公益之事。志切進行。今特函陳一切。并附捐冊一本。如荷

樂助。力爲贊成。則拜

使君之嘉惠於無窮矣。臨楮不勝待

命之至。專此奉懇。敬請

善安。弟○○○謹啓○○月○○日

●勸募貧民工廠捐

○○先生左右。久違

台教。馳念殊深。比維

善與人同。企仰何似。

弟見近今生計日艱。貧民謀食不易。飢寒

所迫。失業者衆。非設工廠教工藝。勢必無以爲生。不至流爲

盜賊不止。心竊恫焉。惟茲事體大。不但工廠布置。所費不貲。

加以購置機械。酌給口食。開辦經常之費。在在需錢。自非籌

集鉅資。萬難成立。素仰

執事胞與爲懷。熱心公益。如蒙

登高之呼。必收合衆之效。現除廠地以及建築工程。均由弟及

同志擔任。地方官廳。常年亦有補助之款。惟賴

仁賢。廣爲募集。俾此廠早日告成。則功德無量矣。附呈捐冊十

份。并請

營收。一有成數。卽希

示知。至聘用工師。亦爲重要。如意中有可合選者。亦求預爲物色之。專此奉懇。敬頌

福安。弟○○○謹啓。○月○○日

◎規友人宜盡職務學界

昨聆

偉論。良慰渴忱。別後卽行。今晨抵里。當將

屬交府中函件。親自送去。承

世伯先生接見。詢

兄近狀甚詳。弟亦略陳一切。惟云聞

兄在校。近頗不以校課爲重。外間訾議甚多。上窺詞意。甚爲鬱

鬱。弟雖力爲解說。亦不敢過於辯護。頃歸而細思。就弟見聞

所及。亦有不能已於言者。蓋校師一職。人格最高。舉動一切。

皆爲學生則做。必須自治甚嚴。方爲盡職。前在

貴校參觀。見

兄與諸生感情淡漠。已深異之。及查授課表中。亦時缺席。則兄之放棄責任可知。無怪外議甚多。致

堂上亦有所聞。如仍不自惕悟。則亦負往時勤學之苦心矣。敢

進忠告之言。幸加

採納。能上慰

親庭之期望。復力盡講壇之職任。此弟所欣願也。專布不盡。敬

請

文安。弟○○○謹啓○月○○日

○規友人宜盡職務 商界

昨奉

來函。敬聆壹是。欣悉。

殫心貨殖。

握算奇贏。聞之色喜。弟同學多年。相知有素。謹述鄙見。願效箴

言。竊謂經商之道。對外以信實爲應用。對內以勤樸爲主觀。守此二端。以正趨向。則同業亦有信用。同事亦能勤樸。至職務所在。既受全權付託之重。則須通籌全局。力求進行。其他操縱如何。則又在臨機審變耳。吾

兄初入商界。不患無過人之才。惟於信實勤樸四字。能再加意。則腳踏實地。可以出其所學。大爲表見矣。管見所及。用以上陳。敢乞

采擇。不勝盼禱。專此奉達。敬請

台安。弟○○○謹啓 ○月○○日

●規友人宜管束子姪

昨晤匆匆。不克鬯談。爲歉。

回府安否。頗以爲念。聞

台從尙擬作海上之遊。

鄙

意似可稍緩。因近日有一事發生。以

我輩交情。不能不以奉告。蓋

令

姪郎

初在某校就學。尙稱循

謹。近則頗染習氣。與一般同學少年。每遇星期。專務游蕩。卽

平日上課。聞亦不肯用心。此事弟有所聞。猶疑言者過甚。卽

加詢察。其說不虛。以吾

兄義方著訓。何可任其自由若此。旁觀不察。且以此爲家庭失

教之所致。名譽所關。尤非細故。弟嘗謂青年子弟。無一不爲

有用之才。克家之子。一有習染。則將不可救藥。用特不揣冒

昧。略述所知。似宜於吾

兄未出門以前。嚴加管束。但期有則改之。無則加勉。以令。材質而論。能就範圍。不患不成佳子弟也。如吾

兄一經出遊。則歸期難定。必致習染較深。更難約束。故弟以謂出遊似可稍緩。

尊意以爲如何。專此敬請

大安。弟○○○謹啓○月○○日

●規友人宜戒飲博

昨聆

雅教。以他友在座。不能詳談。悵悵。比聞

酒場博席。排日爲歡。偶爾寄興。本無不可。然弟意以爲飲酒當戒。飲而兼博。尤所當戒。夫酒以合歡。古人飲酒而不及醉者。以能節飲故也。若狂飲達旦。傷身實甚。若繼以博。爲害尤多。

蓋呼盧喝雉。爲士夫所羞。卽曰借以消遣。而孤注一擲。每致破家敗產。吾

兄處境雖裕。豈能以有用之精神。有用之金錢。消磨於此二者耶。狂夫之言。敢乞

垂聽。想

兄素納鄙言。當不以迂疏見哂也。專此敬請

台安。弟○○○謹啓○○月○○日

●規友人宜戒狎邪

月前一晤。得見

顏色。爲快。近聞

閣下頗以聲色自娛。

花月春江。及時行樂。豈

賢者固將使人有不可測者。惟醇酒婦人。前賢本係有託而逃。原非不得已。不料今人假其名義。轉以自豪。其功成身退。終老溫柔。論者且爲不取。至我輩青年。正宜求學。更不可廁足其間。況一經墮落。後悔難追。雖豔史流傳。掛人齒頰。然情深兒女。卽足斷送一生。吾

兄素慕偉人不世之勳名。當取法於大者遠者。若沈溺此中。竊恐有人笑其後矣。吾兄與弟。誼屬世交。在同學中訂交最早。用竭區區之愚。願省覽之。手此并請

燕安。弟○○○謹啓。○月○○日

●規友人宜早起

屢於晨間奉訪。未得晤談。蓋值

閉關高臥之時爲多。悵甚悵甚。比來

起居安否。此所念也。弟自幼年以來。以至今日。從未晏起。以清

晨卽起。神智可爲一爽。於衛生甚爲有益。每日可增早晨之
時間。於治事亦屬相宜。考之我國先儒古訓。泰西名人格言。
無不注重於早起。可見古今中外。若合符節。卽如弟幼本多
病。近幸精神日健。實可歸功於早起也。

兄素主張國民體育之論。豈可樂於宴安。自求衰弱。用敢竭誠
奉勸吾

兄。注意衛生。當以早起爲第一義。持之以恆。行之以漸。積久則
自成習慣。得益不淺。今就弟得力所在。率臆言之。尙乞
鑒擇。不勝厚幸。手此敬請

早安。弟○○○謹啓。○月○○日

●託人求親子姪孫通用

某某仁兄惠鑒。久別

光儀。倍深馳慕。就諗

潭庭豫順。

福履綏和。至爲頌慰。

弟

此間僑寄。乏善可陳。

舍小兒

年已弱冠。頗

見長成。近在某校讀書。行將畢業。擬俟卒業時間。卽爲完娶。第寒家擇婦。亦甚爲難。娶婦當不如我家。似非今日之通論。

近聞

令親某某之女公子。資性端靜。學譽甚佳。與○○年亦相若。敢求

代作蹇脩。一爲介紹。倘蒙

令親不棄。則嘉耦天成。

執事一言可定。弟從此藉了向平之願。拜
惠多矣。臨書翹企。佇盼
福音。專肅奉懇。敬請

台安。弟○○○謹啓○月○○日

●託人擇婿。女姪女孫女通用

某某仁兄左右。闊別

音塵。時勞夢轂。敬諭

台候安善。頌慰交并。弟挈眷寄居。塵勞如舊。催人歲月。老至不

知。○女年已及笄。前在某校肄業。圖畫刺繡。均得優等文憑。

早擬遣嫁。惟欲求快婿。頗患才難。茲特專函奉懇。

執事留心物色。如有青年子弟。門戶相當。學業有成。不染習氣

者。即爲合格。并請

商詢前途。

代為媒介。即行

見示。以便再商一切。弟意不計較家業如何。以子弟之賢俊為

主想。

公亦當為然。臨楮神馳。佇候

賜覆。專肅敬請

台安。弟○○○謹啟○○月○○日

●請友作證婚人

○○先生執事。夙欽

山斗。得遂瞻依。比想

道履綏和。定符景仰。茲敬懇者。小兒○○○擇於某月某日。與某

某女士文明結婚。擬請

當代名流。爲主嘉禮。不揣冒昧。特以奉煩。除具帖恭請外。用再

函達。務祈屆時

惠臨。不勝感幸。倘蒙

指示婚儀。

寵頒訓語。則尤所忻荷也。臨楮不勝待

命之至。專肅奉懇。祇頌

台祺。弟○○○謹啓○月○○日

●結婚請司儀

○○仁兄几下。前聆

大教。快慰積衷。比諗

潭第多佳。爲頌。弟因小兒婚期既近。瑣事甚繁。不克走談。悵悵。

茲擇於某日。借地某處。爲小兒與某某女士結婚。惟文明婚

禮素所未諳。來賓或多。恐貽笑柄。敢懇

執事於某某日。

賁臨禮堂。

指示婚儀。并請將禮堂應用位次禮節。先行

詳細示知。以便豫爲布置。不勝感禱。專此奉懇。敬請

刻安。弟○○○謹啓○○月○○日

●請寫證婚書

○○先生執事。一昨得親

雅教。快慰之至。茲因小兒與某君女公子結婚。不日成禮。惟近

日文明結婚。當由證婚人頒給證書。以昭鄭重。今承某某

先生允作證婚人。所有證書。亟須繕備。特將證書及格式奉

上。即求

賜爲一書。曷勝榮幸。證書格式。是否合宜。并祈
督定。是荷。專肅奉懇。敬請

大安。弟○○○謹啓○月○○日

●託薦政界事

遙聆

循譽。愧未通書。敬維

政通人和。

榮問休暢。爲頌。弟抗塵走俗。自悔蹉跎。原擬息影家園。不復出

而問世。惟是家無恆產。藝少專長。鬱鬱終非了局。亟思來謁

台端。求一事以自效。明知共和時代。官吏乃國民公僕。地方行

政經費。尤爲困難。但弟并無遠志。

公所深知。且自問讀書十年。亦尙不至徒糜廩祿。現在

閣下職居重要。用人之處必多。敢乞
賜爲獎借。俾得一事可以自存。則故人拜
惠多矣。專泐奉懇。順請

台安。愚弟○○○謹啓○月○○日

◎託薦學界事

前者

枉臨。小住數日。聯牀夜話。甚慰積思。別後益增悵惘。想

知己當有同情也。弟學淺才庸。

兄所深悉。得隴望蜀。尤非本懷。無如校中事權不一。且經費竭
蹶。難望繼續進行。前已略向吾

兄言之承

允代爲留意。別圖位置。近日默察情形。此間斷難再事敷衍。擬

俟暑假之後。卽行正式辭職。暫居友人某君寓所。俟他處有事可圖。卽就近前往。以免遠道回里。再行出門。轉多周折。未知

兄就近各校。暑假後有無更動職員之處。務乞卽爲設法。弟知交寥落。可以爲緩急相助者。惟故人耳。幸速圖之。專此奉託。順頌文祺。惟祈

惠復。愚弟○○○謹啓○月○○日

○託薦商界事

自別

台暉。時深積慕。辰維履福日臻。

籌祺夏懋。是所忭頌。弟所營號事。甫有端緒。賓主亦極相得。惟因某號歇業以後。市面受其影響。遂致周轉不靈。敝號基礎未固。尤爲岌岌可慮。弟鑒於某號之覆轍。已商敝東。暫行收歇。現經停止交易。不日帳務可清。從此又須別圖生計。此則弟之不幸也。况家累甚重。何能久賦閒居。務請

尊處遇有機緣。

代爲圖謀。卽祈

示定。素荷

垂愛。想必能允所請也。專此奉懇。敬請

台安。並盼

賜復。愚弟○○○謹啓○○月○○日

◎託聘女校管理員

相睽兩地。動輒經年。每憶

清暉。不勝馳結。遙諭

動定增綏。

伉儷諧吉。爲頌。近聞各校教員。多出

嫂夫人門下。

貴校人才之盛。可謂東南巨擘。殊代忻慰。敝校管理某女士今

春逝世。一時頗難其人。遲遲至今。尙未續行聘定。蓋管理職

務。須有肆應之才。而女校尤有乏才之歎。雖已多處託人。迄

無應者。今特函懇吾

兄暨嫂夫人費神代爲物色。如果人地相當。卽薪資稍鉅亦

可。緣敝校事繁。內人一身照料難周。情勢近極散漫。不得不

亟亟求才也。專泐奉懇。順頌

雙社鵠候

玉復 愚弟○○○謹啓○月○○日

○託介紹律師

屢次走訪

台端均值

公出不晤。甚爲悵惘。茲啓者。弟近與同志擬創設織呢工廠。正

籌辦間。適此間某廠因款絀停工。招人租買。現由友人介紹

議價買定。有此基礎。省事甚多。惟彼此訂立合同。須請律師

主稿。簽字作證。方爲妥協。於弟律師中素乏知交。無從抉擇。

吾

兄交遊最廣。意中必有妥人。務請

代爲介紹。俾此事可以早日定局。實爲至感。最好先約定律師

某君。明日何時在家。弟再與吾兄偕往面談。則更爲直捷矣。專懇。順請台安。鵠候。

回示。愚弟○○○謹啓。○月○○日。

○託聘會計員

屢欲過訪。藉親

大教。因俗務蝟集。未果爲悵。近諗

起居。定增妥善。弟前擬於某處添設紡紗分廠。初意當此時局。

恐難急切告成。不意布告招股以後。據各處來函訂股。連本

埠收入者。合計額金。已有十之八九。良因我國棉織需用甚

廣。本廠辦理有年。尙得信用。均視爲確有成效。以故爭相投

資。現在機件業已訂購。廠屋亦在建築。惟會計一席。尙難其

選。各友推薦者。雖不乏人。但此職關係全廠。斷非可濫竽充數。本廠原有之人。刻又不便他調。

執事名滿商界。人才最能月旦。如

尊處有可薦用者。務祈

見示。端人取友。自必加人一等。故弟特以此奉託於

執事也。不勝企盼。專泐奉懇。順頌

台祺。愚弟○○○謹啓○月○○日

○託招股公司

遠隔

台階。良殷翹企。敬維

興居晉吉。

尊眷咸綏。爲頌爲慰。弟客食此邦。毫無建樹。惟幸賤軀健順。家

室安平。差慰。

垂注。此間戶口甚繁。商業亦盛。向來習用煤油。不特利權外溢。抑且時有火警。現與友人發起創辦電燈公司。頗蒙各界贊成。商界尤願早日開辦。刻已定名爲某某電燈有限公司。股份以三十萬元爲額。此間認股已將半數。餘由發起諸君擔任募集。頃將調查情形。列爲預算。并刊布公司章程。執事久在商場。聲望卓著。

登高一呼。響應自衆。茲將章程及預算表寄上。并股票息單各一册。固封寄上。卽祈

督閱。代爲招收。如有成數。存放妥實銀行。將來購買機器。尙須仰仗

大力也。專此奉託。順頌

台祺。愚弟○○○謹啓○月○○日

○託招股行號

不親

台誨。又數月矣。昨聞

長者已舉爲商會議董。具見

老成望重。曷勝佩慰。姪家自先君在日。所營南北貨行。生意

本極發達。不料先君棄養。由家叔經理。用人稍爲失當。

遂至一蹶不振。今姪擬承先君之志。恢復此業。規模較前

略備。資本更須擴充。但獨力創設。稍覺不勝。須再有一二家

商定合股。即可辦理。惟非誠實可信之人。未敢冒昧從事。未

知

長者親友中。有無願營此業者。務祈

費神代爲留意。素蒙

垂愛。故敢上瀆。如有願來合股之人。仍祈

預示。以便趨前商定。大約明年方可布置就緒也。專此奉懇。敬

請

頤安。世愚姪○○謹肅○○月○○日

◎託同學爲弟姪介紹入校

日前躬詣

高齋。未獲晤

教。旋蒙

枉顧。又失迎迓。彼此相左。悵歎交并。弟因校事甚忙。是以返舍。

祇留兩日。卽行就道。奔走歷碌。自愧勞人。無佳况可爲

知己告也。敬懇者。舍弟某某前在某校投考。昨得家書。知己錄

取。惟舍弟年幼。將來進校時。必須有人引導。方慰鄙懷。因念該校校長某君。與國文教員某君。均係吾

兄交好。可否

俯賜介紹。俾一切遵循有自。感幸實無既極。茲特先屬舍弟趨

謁

左右。面陳進校日期。尙望

錫以教誨。是所盼禱。手此奉託。敬頌

台祺。弟○○○謹啓○○月○○日

◎託同學檢寄存物

昨者接誦

手書。敬承一一。弟自返舍。瞬經月餘。祇以侍疾少閒。以致未奉一緘。疏懶之罪。良不可辭。謂有家庭之樂。致忘故人。非敢承

也。弟今年校課荒廢已極。所缺分數必多。現屆歲闌。家母病亦未減。遽難遠離。此次校中大考。擬不與試。故已續假。今年不再到校矣。吾

兄學業猛進。定必超越班次。曷勝欣羨。茲有託者。弟所存校中衣箱書籍及雜物等。前月因母病請假。匆匆言旋。均未整理帶歸。擬乞

課餘代爲檢理。並祈

備函飭送某輪局某君收下。遇便帶舍。瑣瑣奉瀆。銘感無既。忝在

愛末。諒蒙

曲原。手此奉託。卽頌

台祉。弟○○○謹啓○○月○○日

◎託同學至家代取衣物並催假滿速來
別後忽近旬日想

安抵府中

動定咸吉。欣頌無量。弟在校眠食如恆。惟自

文旌歸後。寂寞異常。轉瞬假期將滿。尙望早日

駕臨。且近來校課日繁。若逾期過久。殊礙進步。想

高明亦必謂然。敬託者。弟有衣物等。前到校時未曾帶齊。今附

上細單一紙。敢乞

便中到舍。攜取。卽祈附入

行裝。一併帶來。以資應用。瑣瀆

清神。心感之至。晤

教不遠。容面陳謝。手布卽頌

潭社。弟○○○謹啓○月○○日

●託同學索遊藝會入場券

數日不晤。想

起居無恙。至念某校定於某日舉行遊藝會。昨前該校曾送來入場券數紙。惟頃有敝友數人。適自里中來此。皆欲往觀。一擴眼界。而該校贈券無多。不敷分派。因思

台端與該校諸君相識甚多。擬乞

代爲索取入場券數紙。並祈卽於明早

交下。俾敝友得與勝會。是皆出自

尊賜矣。瑣瀆

大神。同深感篆。手此奉懇。卽頌

講祺。弟○○○謹啓○月○○日

◎託同學代續病假

○○同學兄大鑒。昨奉

惠書。辱承

垂注。感何可言。其時適醫者來。是以未卽裁答。定荷

鑒原。賤恙近雖漸痊。然元氣未復。困憊實甚。醫者再三致囑。非

屏除思慮。靜心調養。恐病根不易盡除。祇得俟全愈後。再行

到校。惟假期已滿。爲此再乞我

兄。在校長前代達下情。續假半月。屢瀆

清神。抱歉之至。容俟來校面謝。扶枕腕弱。草草布覆。卽頌

學祺。弟○○○謹啓。○月○○日

◎託同學取學校全體攝影並告因病續假

別來半月。企念爲勞。比維

餐衛咸宜。是祝。弟本擬於日內來校。不意昨前賤軀忽患寒熱。恐醫藥一切。校中諸多不便。現已函致校長。續假旬日。始爲家事所累。繼爲病魔所纏。荒廢功課。徒喚奈何。近來吾兄進步何似。所學當孟晉矣。令人企羨。前者本校全體攝影。現想均已取到。弟應得一帙。敢祈交便擲下。藉資瞻對。瑣費清神。容後面謝。專託卽頌學祺。並候

回示。弟○○○謹啟 ○月○○日

●介紹友人入政黨

某某先生偉譽曩者快聆

政論無任欽佩瞻

韓遂願。欣幸尤深。敬維

匡襄時局。

宏濟艱難。

卓識盡懷。蒼生驥首。某辱承

謬愛。忝附同志。薄植菲材。慚無建設。茲有某友某君某某。曾在日本留學法政。富有經驗。學成回國。正政體改制之時。極欲盡力於社會。深慕本黨以國事爲前提。以民意爲後盾。負監督之責任。無權利之思想。實足爲促進文明良好機關。頗願相從。力圖贊助。用敢以一書爲介。屬其趨謁。

台階。藉承

清誨。倘蒙

進而教之。感幸無既。手肅敬頌

政祺。○○○謹上○月○○日

◎介紹友人入學會

某某先生賜鑒。日前暢聆

台教。蒙鄙頓祛。祇因歸期匆促。不獲時挹

音塵。悵惘奚似。敬維

提倡教育。

籌畫賢勞。引企

築儀。無任欽佩。某回里後。料量瑣務。迄今稍暇。承

賜本學會章程。卽經傳示同志。咸仰

熱心維持。於學界前途。裨益不淺。卽有某君等數人。志願入會。

某君等均係英年績學。植品端方。擔任各校講席。久爲鄉里

所推重。極合會員之資格。用特代爲介紹。藉副

延攬之意。某君等今擬來談。卽希
接見。如承

允許列席。感幸同深。肅此卽頌
道祉。○○○謹上○○月○○日

●介紹友人作新聞記者

某某先生撰席久違

叔度鄙吝復生。近維

著述日隆。爲頌無量。側聞

貴報日形發達。急欲添聘撰述。想見

崇論閎議。海內風行。甚盛甚盛。弟有舊交某君。學識優長。留心

時事。撰述之職。頗能勝任。因思

貴報需才孔殷。若承

招使爲助。於報務大有裨益。弟與某君。交好多年。知之有素。敢

以言於

執事。能否

允可。尙希卽

賜復音。俾得轉致某君。早定行止。臨牋請願。無任企盼。手此奉

布。卽頌

纂祺。惟乞

偉督。弟○○○謹上○○月○○日

○介紹友人入商業補習所

某某仁兄台覽。不通尺素者數月。思念之深。與時俱積矣。比想

興居康勝。

指揮如意。欣頌無極。前聞

貴公司附設商業補習所。具徵培植後進。

嘉惠商界。欽佩奚如。茲有敝友某君。向在某號爲業。人極誠謹。惟自問於商業學識。未能完全。亟欲再事研求。以圖進步。現

擬至

貴處報名肄習。知弟與

閣下交好。特屬介紹。弟以其志可嘉。用特肅緘代布。倘荷

俯賜成全。則感激

隆情。不第躬被者已也。專懇卽頌

籌祺。弟○○○謹啓○月○○日

○介紹友人入商團總會

某某先生執事前辱

惠書。當經奉復。卽託某君帶上。計邀

台閱。卽維

近祉延綏。爲頌無量。近聞

執事與諸君子發起組織商團總會。此舉爲研究體育。聯絡商情。養成尙武精神。同負保衛責任。甚盛甚佩。茲有敝友某君。現係在某號襄理會計。年富力強。立品端謹。曾在小學校數年。於體操亦有門徑。極願入

貴會以資練習。並略盡商人義務。弟因深知其人。敢介一函。俾

其晉謁

台端。想

貴會志在合羣。必當

俯允所請也。崑此奉託。卽頌

台社。弟○○○謹啓○月○○日

●介紹友人入俱樂部

久未趨談。思與時積。近維

動止咸宜。爲頌。比聞

執事與諸同志。組織俱樂部。將次布置完全。想見

公餘之暇。

薈集名賢。競業合羣。爲誼至盛。健羨健羨。茲有某君等三人。均

弟昔年同學。深慕

盛會。極願追隨。因知

羅致甚殷。用特代爲請願。并屬其趨詣

左右。親承

教益。尙祈

俯賜招待爲幸。弟俟稍暇亦當來同

君譚讌也。專布卽頌

籌祉。弟○○○謹啓○月○○日

◎介紹友人參觀學校

不接

音塵。瞬經匝月。予懷軫結。楮墨難宣。敬維

道履嘉勝。

著述宏富。定如臆頌。弟庸碌如恆。良用慚愧。茲有敝友某君某

某。曾與弟同學數年。中西學問。均有根柢。現在本籍辦理教

育事宜。此次赴各縣參觀學校。以備取法改良。素慕

貴校規模美備。成績昭著。兼之企仰

丰采。亦願一見爲幸。第恐率爾進謁。或近冒昧。知弟夙叨

愛末。特屬修書紹介。如其踵門求見。尙希

進而教之。感荷

隆情。奚啻身受。崑肅奉布。敬頌

講祺。弟○○○謹啓。○月○○日

○介紹友人參觀女學校

南北奔馳。久疎音問。每懷

警欵。跂延爲勞。卽維

主持學務。

造福梓鄉。引企

清暉。曷勝欽佩。弟頻年歷碌。自愧勞人。虛擲光陰。毫無表見。方

之

執事。奚啻天淵。未識

愛我者何以教之。茲有敝至好某君某某。現經本邑教育會委

任倡辦女校。擬先實地調查。冀免疏陋。夙知

貴處設立女校。歷有年所。學課規則。名實相孚。亟欲趨謁

台端。藉聆

雅教。敢以一言爲介。尙乞

矚睽有加。如往各校參觀。亦祈

推愛指導。同深感篆。手肅卽頌

台祺。弟○○○謹啓○○月○○日

○介紹友人調查工廠

憶自春間握別。瞬已四月矣。每懷

丰采。無日不神馳

左右也。卽維

旅祺迪吉。

籌祉增綏。是頌。茲啓者。敝縣爲補助貧民生計。擬設立工廠。業經縣議會於前月開會議決。惟茲事體大。凡建廠購機。及種種手續。甚爲繁瑣。必須調查明晰。再定辦法。庶無疏簡之虞。

素聞

貴廠規模完善。成績昭著。茲經發起諸同人。派遣某某君。躬詣貴廠。面聆

教言。敢附尺書。以爲先容。務希指示一切。夙知

執事熱心公益。諒蒙

俯如所請。感紉無旣。手肅敬頌

台祺。弟○○○謹啓○月○○日

○介紹友人調查商業

前誦某君來書知

台從有京師之行。近日諒已

吉旋矣。遙想

操奇計贏。

駿業日盛。莫名抃頌。敬啓者。敝號自開辦迄今。瞬經五載。弟謬

膺經理。承諸同人贊助。幸無貽誤。前經股東會議。欲即擴張

營業。擬在

貴埠。分設支店。即委弟籌畫一切。再行開辦。惟思敝業操金融

之機關。以商業之盛衰爲定準。若不洞悉底蘊。萬難冒昧從

事。茲特倩敝友某君前來。先行調查一切。俾籌辦得有把握。

某君初到

貴埠。人地生疏。敢予一函。屬其晉謁

台端。務希

推情指教。銘感無既。餘由某君面陳。勿此奉託。卽頌

進步。弟○○○謹上○○月○○日

○介紹友人之子弟來校并作保證人

昨辱

手教。知

貴校招考揭曉。敝友某君之世兄某某。已蒙

錄取。並荷

囑令該生尅期到校。感篆無似。茲該生卽定於今日就道。瀕行

來弟處。乞以一言爲介。用修數行。俾其持以進謁。至校章循

例。應須保證。卽由弟爲擔任可也。該生追隨

左右。尙祈

時賜訓誨。尤爲感幸。肅此卽頌

籌祉。弟○○○謹上○○月○○日

○介紹友人來店經理并作保證人

昨前某君回里帶到

復函。祇悉一是。弟前薦敝友某君。爲

貴分號經理。已蒙

推情錄用。感荷

雲誼。奚啻躬受。某君才長心細。幹練老成。今復得時聆

大教。必能收臂助之效。爲某君幸得所。並爲

貴號慶得人矣。弟既經函屬。卽應負保證人之責。但人微言輕。

未識得蒙

許可否。茲某君於今日束裝前來。特修蕪緘。謹爲紹介。此後尙

乞遇事

關垂。同深盼禱。崑此奉陳。並鳴謝悃。敬頌

旅祉。弟○○○謹上○○月○○日

○介紹友人之子弟來廠學習并作保證人

前寄一函。正以未得

復書爲念。頃從郵局遞到

惠教。祇讀之餘。無任快慰。前薦敝友某君之世兄某某至

貴廠學習工業。知蒙

轉商。貴總理允可。

鼎力提攜。同深感謝。茲某世兄卽於明日搭早車來

前。惟素未識面。用特畀以一函。俾其趨謁
台階。再凡在

貴廠學業者。照章應有保證人。擬卽由弟任之。尙祈

俯允爲荷。某世兄年幼識淺。並乞

隨時教導。視若子弟。此尤敝友所感禱者也。肅此卽頌

籌祉。弟○○○謹啓○月○○日

○薦教員

○先生左右。睽違

雅教。時切馳思。辰維

道履冲和。爲頌。前以

貴校英文教員。尙未延請得人。

囑爲訪聘。弟意中一時無人。未敢妄爲推薦。今有敝友某君。係

某處人。前在某某大學畢業。其學堂係教會所創辦。教員多係英人。故於語言文字之學。極爲考求。某君年學均富。漢文程度亦高。如以擔任

貴校英文教員。實堪勝任。茲有新著漢英文互譯論說數篇。弟

昨借閱。用特封上

管閱。如果合格。卽祈

示復。以便代爲延訂。惟聞某君尙有他處來招。聘訂與否。務卽從速定局爲荷。專此奉布。順頌

講祺。愚弟○○○謹啓○月○○日

◎薦女學教員

川原間隔。音訊頻通。每逢

一紙書來。開緘快讀。藉慰飢渴。近則月餘未奉

手教。正深懸系。昨者

嫂夫人因事抵滬。枉駕敝廬與內子談及

貴校國文歷史等科教員某女士。現應他校之聘。所遺一席。即需替人承

囑。亟代爲延聘。適接舍表妹來函。言彼處地居偏隅。校中一切。

均不完善。且月俸微薄。難敷家用。現擬另就云云。舍表妹學業人品。久爲

嫂夫人深知。如果能來爲助。彼此均屬合宜。弟敢援舉不避親之義。特爲推薦。倘荷

允行。即祈

惠復。當爲函致舍表妹。商訂一切可也。

嫂夫人昨已返府。計可安抵校中。內子附筆陳念。專此敬請

儷安。愚弟○○○謹啓 ○月○○日

○薦學校管理員

闊別

光儀。瞬將半載。昨晤 令弟。談及

貴校管理員。現因不甚相宜。擬另延請。一時又未得其人。教育

界此種人才。誠爲重要。蓋須有普通知識。又須閱歷有素。則

管理一切。方能周到。且爲衆所悅服。欲得全才。實較聘請他

項教員。其難不啻倍蓰。現有舊同學某君。向在某校。充當此

任。業經數年。於管理各法。素有研究。惟近因其夫人多病。欲

求一較近之處。俾可順便照料家事。

尊處正在需人。可謂會逢其適。特爲專函介紹。卽祈

酌定。弟與某君。非相知最深。亦未敢冒昧推薦也。如何之處。

務祈

示復。專此奉布。順頌

台祺。愚弟○○○謹啓 ○月○○日

○薦學校會計員

月初返里小住。暢領

教言。別來彈指光陰。又將旬日。遙想

履祉安和爲頌。

貴校組織將次完竣。不久即可開學。具見有志竟成。曷勝企慰。

記前談及校中會計一席。原擬由某君兼任。惟因某君擔任

教授。再兼此事。未免過於煩勞。遂有

執事暫代之說。且云急需物色得人。現有友人某君。世習商業。

前畢業於高等小學。卽入商界。近值無事。在里閒居。爲人誠

篤可靠。辦事亦有條理。且家亦小康。月俸可不必過豐。鄙意
執事如覓替人。似無合宜。如某君者。如荷
相招。弟並可任保證之責也。專泐奉商。敬請

台安。並盼

示復。愚弟○○○謹啓 ○月○○日

○薦商店經理員並書記

前接

清淡。並叨

盛饌。醉酒飽德。感佩至今。辰維

動定增綏。爲頌爲慰。

執事新創事業。現正進行。宗旨在振興國貨。尤見挽回利權之
意。惟云經理及書記二席。意中尙無相當之人。竊惟經理內

持各務。外聯同業。必須確有經驗。練習世事之人。書記雖專司筆札。亦須明通之才。乃能立言得體。二者在營業上均關重要。今有某君老成練達。熟悉商界情形。又某君亦在商界有年。文筆明暢。均係敝之舊友。相知最深。以任尊店經理及書記二職。洵屬相宜。茲特介紹。如果有意延聘。弟當代爲商詢也。專泐敬請台安。並候

賜復。弟○○○謹啟 ○月○○日

○薦會所書記員

屢在

貴公會備聆

高論。酣暢淋漓。至爲欽佩。

貴公會原爲討論商界所應興革事宜。並聯絡感情而設。至爲美善。惟每遇會中有各種記錄。以備分送研究者。尙少專司之人。竊以爲憾。但會所之事。又與他項事業。可以延聘專任者不同。必須半盡義務。乃可充選。茲有友人某君。向在某某公司專司書札事宜。人旣穩練。下筆尤爲敏捷。昨詢其公司之事。云頗清簡。尙可分身兼任他事。祇須略送津貼。渠卽可以效勞。弟意此君如來公會兼任書記。似頗合格。尊意如以爲可。望卽

示覆。以便再與商訂可也。專此奉布。順頌

台祺。弟○○○謹啓 ○月○○日

○薦繙譯

日前趨謁

台端。暢聆

大教。慰甚。具見

貴公司規畫進行。日益完備。尤所欽佩。此可爲我國實業前途
賀也。然

貴公司非由

執事宏才碩畫。亦難到此地位。所願日有進步耳。近來營業發
達。與外人交涉。想亦不免。繙譯人才。似不可少。現有友人之
子某君。年少老成。學問頗好。渠向在青年會肄習英文英語。
程度尤高。且舉動謹飭。不染時流習氣。友人前囑代爲留意
一事。以資練習。茲特爲之函商。好在

執事於外國文語。素稱淹貫。如荷

有意錄用。當囑其趨詣面談。再行定局。專此奉布。順頌

台祺。並祈

賜覆。愚弟○○○謹啟 ○月○○日

●薦律師

昨晚趨詣

尊齋值

從者因事他出。未得晤談爲悵。前所談與某姓債務糾葛一事。

經人調處。近來作何解決。念念以

先德忠厚傳家。

執事胸懷曠達。自不屑以此與人涉訟。能以和平了結。鄙意似

可允之。倘不得已而出於訟。應用律師。則應早爲物色。弟有

素識某君。係法律專家。爲近今律師中不可多得人才。昨有

友人因事延請。費用亦不過鉅。倘有需用之處。屆時卽祈

示知。弟當作介紹書送上。以便訂期往晤。再商辦法可也。專此奉布。敬請

台安。愚弟○○○謹啟 ○月○○日

○薦工程師

遠違

大教。時切遐思。辰維

履祉增綏。

籌祺篤祐。爲頌。本公司既經

執事苦心經營。遂能日有起色。實非易易。聞照西法添開礦井。業將竣工。所用之人。皆從礦工選擇而得。辦理自必合宜。以絕大工程。並無專門工師爲之指導。而布置皆能合法。尤爲難得。惟慮將來開採日旺。工程愈繁。弟意從前尙可不用。此

後則輔佐亦賴有人。昨有友人某君介紹某君。云留學多年。曾得礦學博士學位。新自歐洲回國。亟思出其所學。以求實驗。本公司如延請爲工程師。弟及友人均可力爲勸駕。不知尊意如何。尙祈

裁定速覆。本公司不日在此開董事會。弟亦當以此提議也。專

泐順頌

台祺。愚弟○○○謹啟 ○月○○日

○薦學徒

月之某日。爲

貴公司開張之期。本擬屆時趨賀。奈因昨日偶感寒疾。醫戒避風。云一星期後方可出外。恐未能躬逢其盛。當遣舍弟爲代表也。今有友人某君之次子某某。年已十六。曾在高等小學

畢業。文理清通。筆算珠算。均能熟悉。人亦安詳謹飭。爲

貴公司營業計畫。將來各埠均須開設支店。此時正宜預選聰
俊之才。加以學習。用備將來任使。若某某者。頗堪應選。如荷

推愛錄用。弟當令其趨往

左右聽候

訓誨。應需保證。卽由弟簽名擔認可也。專此恭賀

鴻禧。順請

籌安。並候

示覆。愚弟○○○謹啟 ○月○○日

○請來校任教員

許久不接

音塵。未知

近狀何似。昨晤某某兄談及。始悉吾

兄倦遊已歸。現在里中。遙企

文旌。倍結懷想。敝校辦理。忽已二年。雖力小任重。時形支絀。所

幸名譽尙好。學生時有額滿之虞。現已一面推廣校舍。一面加聘教員。但教授人才。此時頗爲缺乏。如非相知有素。亦不敢以此強之。今喜

兄歸來。用特馳函奉約。可否

屈駕來此。擔任教科。俾莘莘學子。得荷

賢者之教督。則所同幸。憶音縱論人物。

君以熱心教育爲己任。想以此爲請。當不我拒也。何日成行。并

祈

速示。弟當遣人來迓。良覲不遠。書不盡意。專此敬請

文安。鵠候

覆示。愚弟○○○謹啓 ○月○○日

○請來店經理

久違

教益時切馳思。遙想入夏以來。

起居健勝。

潭第咸安。頌頌。敝店經理某君。前因年鬢已高。不能任事。屢經

固辭。弟以本店係渠一手創設。功績甚深。不欲遽易生手。再

四挽留。昨經其家令人來接。因此約定遲三四日。再行返里。

惟店務不能一日無人。弟事甚繁。萬難兼顧。知友中求可擔

任此席者。莫如吾

兄。敢請

命駕卽來。代爲經理。明知局面太小。有辱

高賢。但望

推念舊交。

暫爲俯就。至懇至感。某君現已將經手各事。部署一清。俟

兄來卽可交替。并聞專此奉懇。敬請

暑安。並候

速臨。弟○○○謹啓 ○月○○日

○訂期會晤並託轉約他友

敬啟者。連日風雨頗念

故人。頃奉

手教。備承壹是。知 貴友某君將以教育方法見商。弟辦學雖

已有年。究竟一無心得。乃荷

殷殷垂詢。並囑訂期奉覆。以便

高軒下賁。既感且慙。不知所對。惟敝校事正勞集。竟少餘閒。可

以從容接待。况匆匆一晤。亦不能盡其願言之懷。現訂本星

期午前八鐘。弟當在寓拱候。

執事屆時有暇。即請

移玉過我。並邀

貴友某君同臨。以便詳細討論。惟恐一隅之見。殊難當

大雅之一哂耳。手此專布順頌

文祺。弟○○○謹啓 ○月○○日

○約友來家晤談

敬啟者。不晤

大教。倏忽旬餘。一日三秋。思何能已。近諗

起居安適。公私勝常。爲頌爲念。弟日前偶沾小恙。刻已就瘥。惟良友不來。百無聊賴。近聞友人某君刻已南歸。渠久居塞外。於蒙疆情形。必甚熟悉。弟昨與同志擬研究呢革事業。蒙古爲畜牧繁盛之區。自應先行調查。再定辦法。本思走訪某君。乃以病後畏風。未敢出門。殊爲悵悵。某君與

執事亦多年知好。用特函請

代爲勸駕。邀同枉顧。一譚。不情之請。並祈代道歉忱。至何日可以

惠臨。尙希

商定覆示。屆時當掃徑以待也。手此順頌

台祉。弟○○○謹啓 ○月○○日

●訂期會晤因事不往請改期

敬啓者。日前暢領

大教。至爲快慰。昨上一函。計呈

青睞。所有某號附股一節。原約今午三時前往商定。不意今晨

內人

忽爾染病。亟須延西醫某君診治。但某君出外診病。每

日必俟午後方能出院。故祇可在寓相候。竟致無術分身。天

下事有不能預料者。此類是也。所幸明日星期。

尊處可得閒暇。請於九時在寓

稍候。弟當趨前承

教。面罄一切。手此卽頌

刻安。弟○○○謹啓 ○月○○日

◎約同赴校

敬啓者。昨舍表弟來談。知

足下不久赴滬。仍入原校肄業。家母前因弟就學某校。學科既不完備。而教授管理諸端。又不得法。久欲令弟改入課程完善之學校。俾可稍求進益。惟以向未出門。無人導引。以致躊躇未決。今知我

兄赴滬在卽。既爲同學。又係世交。一切可以領教。擬令隨同往滬。卽在貴校報名投考。插班肄習。因此特命專函奉商。如荷允許。並望

覆示行期。以便束裝趨詣潭第。一同啓程也。手此奉詢。順頌

台祺。弟○○○謹上。○月○○日

◎約校假同歸里

敬啓者。今午奉到

手書。領悉一切。

貴校榜示。業已發表。我

兄名列第七。

尊意若有憾焉。然視弟之碌碌。將來不知能否及格者。則又將

何如耶。敝校大考。昨日甫行竣事。大約再須五六日。可以放

假。弟現已將行裝及應用書籍。檢點齊楚。一俟假期宣布。卽

與

兄偕同返里。務祈

展緩行期。俾途中得承照拂。諒

知我者必能見允也。手此順頌

台祺。弟○○○謹啓 ○月○○日

◎約往他處調查

○○仁兄同學足下。相距咫尺。乃以校事羈身。不克時時聚談。良深悵念。近想

動定增綏。爲頌且慰。敝校開辦兩年。心力交瘁。愧無成績可言。加以見聞僻陋。校章一切不能完備。久聞某處教育早興。校舍林立。必有辦理完善之學校。可資模範。現屆暑假無事。擬欲前往。實地考查。以備取法。吾兄對於教育。向具熱心。亦久有調查之意。此次如能偕行。藉可互相討論。弟有所得。亦可就

有道而正之。儻荷

贊成。卽祈

示定行期。弟當束裝待發也。專此順頌

暑安。並盼

玉覆。弟○○○謹啓 ○月○○日

◎約設俱樂部

昨奉

手教。以不得常晤爲憾。弟有同情。況念我輩同志。散居各處。每值星期有暇。亦無一聚會之地。用備游息而資談論。以致學問不能切磋。見聞不能博洽。每值花前酒後。無以爲懽。亦爲恨事。是則俱樂部之設。萬不可緩。友某君現有空宅一區。頗爲爽塏。坐落某路。地尤適中。昨與商議。渠以事關公益。已允廉值出租。果同志得二十人。月出一元。以爲常費。則俱樂部即可成立。今擬定簡章一紙。附呈

管閱。如荷

贊成。并擬請擔任發起。弟亦附名。再行傳示友好可也。專此奉

布。順請

台安。並希

惠覆。弟○○○謹啓。○月○○日

●約赴歡迎會

連朝風雨。春去匆匆。遙想

高齋。撰箸益富。羨甚羨甚。某某先生爲我國實業大家。當世

泰斗。所發言論。本於學術經驗。迥非時下名流。所能窺見。以

故所到之處。社會無不推重。今因海外歸來。道經滬上。同人

發起歡迎大會。以表仰止之忱。會場假定某處。會期擇定明

日午後一時。聞某某先生屆時尙擬演說。工商業立國之

學理。必爲最新考察之所得。吾

兄明晨得暇。卽祈

過我。飯後當偕往會場。一聆閎論也。專此馳約。藉候

學社。弟○○○手啓 ○月○○日

●約赴追悼會

頃得傳單。知學界同人於某日假定某處。爲 亡友某君開

追悼大會。竊思 某君學行純篤。當仁不讓。素痛中國民智

閉塞。日以改良政俗爲己任。故自學成歸國。卽投身社會。數

年以來。不惟故業蕩然。且已心力交瘁。今遂溘逝。悼歎同深。

前者往臨其喪。卽與某君商及。擬爲開會追悼。刻旣有人提

倡。足見名譽不死。而崇拜英雄之心理。亦有同情。吾

兄及 弟皆係舊時同學。自當偕往該會。一伸哀輓。如吾

兄能將 某君平日之志願預備演說。則此會不虛。亦足以勉

勵後死之人矣。手此奉布。順頌
道安。弟○○○手啓 ○月○○日

●約赴演說會

昔年同學。

言論卽已不凡。相別數年。昨復重晤。雖

丰采如故。而議論益加精湛。乃知好學者。固日進有功。以弟相

擬。曷勝愧羨。我國實業不興。雖由政府不能實力提倡。加以

補助。然實業智識。社會上亦甚缺乏。必賴有先知先覺之責

者。多方警覺。苦口勸導。俾人人曉然。知此爲富強大源。則一

般社會心理。自能循途以進。故同人組合實業演說會。每遇

星期。假各市場講演。不尙空談。專明實理。開會以來。頗爲各

界稱許。今該會同人。聞吾

兄近甫回國。於東西商市狀況。調查必有所得。屬爲代請惠臨該會。一抒

高論。專此布約。儻荷

鑒允。卽希

示定日期。弟於是日。再當親詣

高齋。偕同前往也。肅候

興居。弟○○○手啓 ○月○○日

○約赴公司股東會

昨見報載議會議案。有吾

兄提議內如政費主裁減實業主保衛諸端。皆目前切要之圖。

具見

卓識名言。實爲欽佩。某某公司之營業。前數年頗爲發達。近歲

獲利較薄。股東亦無異言。不意上年營業情形。遽致一落千丈。昨據經理某君面告。此由於全國市況相迫而成。所云亦非無見。據稱亟應改良。以圖力求恢復。必須衆股東開會決議。乃足以謀擴張而資進步。會期現已通告。屆時弟必前往。吾

兄心思周密。經驗尤富。務乞撥冗數日。會商改良辦法。弟雖駑鈍。竊願聞明論也。專此奉布。順頌

台安。弟○○○謹啓 ○月○○日

○約參觀小學校

昨晤某君知

從者此來。注意調查學務。

熱心教育。至堪欽佩。敝處某某初高兩等小學校。係某公出貲創辦者。十年以來。頗著成效。且該校係男女共學。教授科目。極爲詳慎。而學童體魄強壯。精神活潑。尤爲特色。各班學生。均有成績陳列。可供展覽。此外尙有附屬幼稚園。所延保姆。悉由女子師範畢業者。其看護之盡心。教導之得法。亦爲各校之冠。弟已作函介紹該校長。請約執事。明日午前十時。前往參觀。弟亦在彼拱候也。端此奉訂。即候

旅佳。弟○○○謹啓 ○月○○日

○約參觀女學校

經旬未晤。想

起居住適。爲慰。吾

兄前囑調查女校。以何者爲最優。弟當卽轉託學界中人。代爲探訪。據云某處某某女校。較爲完全。其性質近於職業教育。所有功課。舍修身家政國文體操及普通科學而外。注重於縫紉製花刺繡各門。所用原料。概由學校代備。其各生成績。品亦由校中發售。所得售價。悉歸學校。以補助常年經費。聞此校程度。雖不過高。然適合於一般社會。以其所學工藝。皆以適用爲主。一經畢業。卽可恃以爲生。於女子倚賴性質。補救非淺。校長某君與弟舊亦相識。刻已函訂於某日某時。前往參觀。一切導引。當必較爲詳密。屆時務望惠臨。以便偕往。爲盼。手此卽訊。學佳。弟○○○謹啓。○月○○日。

◎約參觀師範學校

前承

惠書。知欲調查某某師範學校教授情形。弟當即託人轉商該校校長。訂期往觀。茲得答函。約於明日午前十句鐘。在校預備招待一切。務請

台從依時

駕臨。萬勿失信。惟該校係尋常師範。注重在養成教員。故特附設兩等小學。以備實地練習之用。且一校之內。既爲學生。又爲教員。課目綦繁。非匆匆一覽。所能得其要領。最好隨帶袖珍日記簿一冊。遇有臨時講演教案之處。即用速記方法。撮錄大概。俟回寓時。再爲默識修補。以期完全。如此辦法。庶幾過目不忘。較有心得。未審

高明。以爲何如。專此奉布。順頌

文祺。弟○○○謹啓 ○月○○日

○約參觀鐵路開車禮

日前

枉顧。暢談爲快。吾鄉近年收穫。尙稱中稔。然田家終歲勤動。所得穀價。不償其勞。愁歎反以交集者。揆厥原因。皆由於吾邑交通不便。所有土產轉運爲難。且貿易限於一隅。則供多於求。其值自貶之故。近幸某某鐵道。建築且竣。將來南北通車。則沿途土貨。可以輸出。當獲倍價。而農民既見有利可圖。更能力事耕作。自無荒曠之患。聞該路於某月某日。將行發軔之禮。所有地方行政官及商界學界。均應到場。以與盛典。弟處尙有優待券一枚。特以奉贈。務望屆時同往參觀。是爲至盼。此訊

台安。弟○○○謹啓 ○月○○日

●約參觀軍艦

日前某友約遊某某軍艦。以海雨蔽天。該輪又泊在吳淞口以外。相距三十餘里。往返頗覺費事。而雨中參觀。諸多不便。是以中阻。現復得其函招。言日內天氣晴明。毫無風浪。且該輪啓碇在卽。一切預備。均極齊整。堅訂往遊。至爲敦摯。弟思某某軍艦。爲我國最大之戰鬥力。排水量共計若干尺。載重共計若干噸。速率每一點鐘可行若干海里。前曾派往南洋羣島一帶。慰視華僑。其艦長某君。係福建船政駕駛學堂學生。曾經留學英國海軍學校。畢業者。教練認真。軍容嚴肅。弟久耳其名。極欲瞻仰。茲擬於某日某時。偕同敝友。僱一舢板前往。吾

兄倘有此志。尙可介紹。如何之處。卽乞示復。以便先行復告。友也。手此卽候。

近祺。弟○○○謹啓。○月○○日。

◎約避暑

日來天氣酷熱。炎暑蒸人。困倦已極。此間囂塵湫隘。清風不生。終日閉門。何以消此長夏。昨友某君由九江返滬。備述廬山牯牛嶺之勝。泉聲樹影。隨處清涼。外人在此避暑者。不計其數。該地亦有華式旅館。頗稱雅潔。食宿兩費。亦不過昂。弟擬於學校休假以後。回舍一視。卽趁夜車赴寧。再由下關附搭招商輪船。溯江西上。約一日半夜可抵湓城。肩輿入山。不過廿餘里之遙。數點鐘以內。卽達彼處。總計勾留一月。川資一切。約需若干元。所費無多。於身體實屬有益。

足下如有興會。結伴同行。沿途更不寂寞。請卽酌定見復。毋任翹盼。此訊

起居。弟○○○謹啓○月○○日

●詢友人遷徙住址

日前曾肅一函。交郵局寄上。方以未得

復書爲念。旋聞

尊寓業已遷居。則此函必已無從投遞。遂致閣誤。幸函內亦無緊要事耳。

尊府遷居何處。乞卽將地址

詳示。俾此後可逕寄函件也。茲有敝友某君來滬。用以一牋託

其探呈。某君爲弟至交。如果造訪。有事奉詢。尙乞

推愛指教。同深感幸。手布。敬頌

台社并希

見復。弟○○○謹啓○月○○日

●詢輪船開行日期

滬江判襪。忽忽半年。維

興居咸宜。爲頌。弟承乏某校。無善堪陳。現屆暑假期內。略得閒暇。擬偕二三同志。赴日本一行。藉擴見聞。兼訪故舊。昨得留學某君來書。謂日本郵船會社博愛丸輪船。有友相識。並已預爲介紹。若搭坐是輪前往。招待較爲周到。惟未知該輪近已到滬否。准於何日由滬開駛。敬乞飭人。至該公司詢問確期。卽日用快信示知。俾定行期。至爲盼禱。會晤非遙。瀆神之處。容俟面謝。端此奉懇。卽頌

台祉。弟○○○謹啓○月○○日

●詢火車開行時間及所經歷地方

音書往復。

雅教時承。近維

籌祉延庥。

履祺迪吉。良如所頌。弟俗塵歷碌。善狀毫無。日前赴滬一行。昨

始言旋。現因敝友略有瑣事。擬前往東三省調查一切。未知

京奉鐵路。由京往奉。每日共有幾班。係在何時開車。其所經

過地方。共有幾處。敢祈

分神詢示。如能向路局索取車路及行車時刻細表數紙。尤妙。

弟大約下月初來京。並可小作勾留。屆時當趨謁

台端。暢聆

清誨也。瑣瑣奉瀆。同深感禱。此布卽頌
近祉。並候

復音。弟○○○謹啓○月○○日

●詢友人何時回里并商辦地方公益

不相見者數月矣。每懷

光采。時切遐思。辰維

幸福日增。爲頌無量。去年秋間。弟與各界商議。擬在城內設立

貧民習藝所。并推

閣下爲發起人。當時以籌款不易。致未議決。現經某君等竭力
提倡。已集款若干。核計開辦費及常年經費。勉足敷用。此時
若不急籌開辦。殊負某君等熱心贊助。然此事應須察度地
址。擬議章程。所有一切手續。全賴

閣下主持。方能開議。未知
台從何日可以回里。尙乞
示知。俾可預定開會日期。通告各界。事關公益。同所盼禱。此布。

卽頌

籌祉。弟○○○謹啓○月○○日

●詢友人之子已否訂婚並擬介紹婚約

前奉

惠書。敬悉一是。並承

寄示世兄大作一首。卓識偉論。洞明時勢。英年得此。誠後起之
秀也。佩甚羨甚。但不知世兄刻下已否訂婚。卽乞

示我。因友人某君。昨見世兄近作。亦甚嘉賞。并云世兄如
未議姻。當託弟爲其次女作伐。某君門第清高。家教整肅。

其次女肄業某校。成績甚優。如果以文字因緣。合爲嘉偶。亦一時佳話也。竚候復音。以便轉達。肅此卽頌

台祺。弟○○○謹啓○月○○日

●詢友人之女已否結婚

久違

眉宇相念如何。比維

潭祺安燕。

籌祉延鴻。定符遠祝。弟寄跡他鄉。毫無佳況。所幸 賤 軀粗安。藉

堪告慰

台注。前日偶晤。令親某君。述及某先生之文郎某兄。已與

令媛訂婚。某兄學問優美。儀容端雅。弟前年在某處曾與相

聚。知之甚詳。今乃得附

東牀。共稱快婿。此可賀也。現計

令媛年已長成。不知已否擇

吉完姻。弟離家太遠，以致戚好喜事。每多不知。時以失禮爲

歉。倘荷吾

兄不遺在遠。尙希

賜我復音。無任企幸。此頌

台祺。弟○○○謹啓○月○○日

○詢友人開校日期并索章程

久違

台教。時切瞻思。比維

興居撰祉。定增佳勝。欣頌。欣頌。舍弟肄業高等小學。今年當可

畢業。惟此間無相當學校。可以投考。探詢上海各校。非程度

不合。卽偏重西文。均非所宜。故未定見。茲聞

貴校近有招考之舉。舍弟久慕

先生之風。亟願就學。况係初次出門。能得嚴師益友。隨時照拂。

弟亦較爲放心。但未知

貴校現定何日招考。敢乞

詳示。并連同章程寄下。所有課程。如舍弟尙可及格。卽當先行

函託。

代爲報名。屆期再令詣校考驗可也。恃

愛瀆煩。無任感荷。手此奉託。敬頌

教安。弟○○○謹上○○月○○日

○詢友人何時在校畢業

闊別數年。未通尺素。歉悵奚如。近晤某君談及。始悉

閣下自離某校後。卽入大學肄業。并云中西學問。造詣俱優。故人聞之。旣慰且佩。

閣下才識高明。實冠儕輩。復能悉心研究。進習專科。將於學界得最高之榮譽。此足爲吾黨光矣。未知約在何時。可以畢業。尚希

賜示數行。以慰企盼。弟回里以來。從事教育。自擔任某校國文歷史教習。今已三年。賤軀幸可耐勞。舍間亦稱安善。此可告

慰

知己耳。耑此奉布。敬候

起居。並頌

進步。弟○○○謹啓○月○○日

●詢友人所在地之政俗

昨者某君旋里。來舍晤談。詢知

台候勝常。允符慰頌。

執事宏才偉略。素所欽佩。既膺重任。展布必多。以視弟之伏處家園。無所表見。相形見絀。徒益愧慚。方今政體更新。百端待舉。未知

尊處教育實業警務等各項機關。已否完全設備。財政問題。能否足資應付。民間風俗。較之昔日。有無變遷。所有地方公益之事。人民亦知研究否。希於

公暇。詳細

示知。俾弟擴充知識。如有同志來問

執事及尊處近狀者。亦可以此告之。恃

愛奉詢。書到盼復。手此卽頌

政祺。弟○○○謹上○○月○○日

●詢友人鄉土物產

久疏問訊。企念爲勞。卽維

動定多佳。良如所頌。弟與同志近擬組織物品展覽會。其宗旨

係供農工商業之研究。事屬創辦。必先詳細調查。素知

貴處物產最多。所有天然物質。人工製造之品。種類甚繁。用特

奉懇。乞卽

代爲調查。分別

開單見示。將來或須採購各物。及徵求來會陳列之品。尙擬奉

託

費神代辦。想

執事熱心公益。定荷

贊成允許。無任感盼。附上本會章程一份。并希
收覽。手此奉懇。卽頌
幸福。并候

復音。弟○○○謹啓。○月○○日

●詢友人物品價值

昨某君來滬。遞到

惠復。祇悉種切。

附下愛國布二端。灰鼠袍統一件。均照收到。藉諭

旅况勝常。慰孚所頌。承

代購各物。未知需價若干。尙希

示知。其款是否撥付。府上。抑匯繳

尊處。並祈

酌示遵辦。屢次奉煩左右。深爲不安。辱在愛末。諒可恕其瑣瑣也。專此布復。卽頌

台祺。弟○○○謹啓○月○○日

○詢工廠出品

別來不覺數月。維

起居勝常。

營業發達。爲頌。茲有友人某君。前往歐西留學。專習工科。於各國製造名廠。無不到處考察。學問頗有經驗。去年畢業回國。鑒於中國工業。未能發達。願任提倡。以圖改良。遂糾集同志。籌措股本。組織工業雜誌。每月發行三期。內容係譯述各國工業之現象。次及本國各省工廠之準備。其餘關於工業之

事。記載務求詳備。以供研究而期進行。其於成立各廠。出品若干。成績如何。調查尤爲注意。如有詳細報告。卽當列表登載。弟因某君之屬。分任調查。素知

貴廠開辦有年。歷次所出品物。頗受社會歡迎。未識共有出品若干種。茲特寄奉表格。卽祈

詳細填註。剋日交郵

寄示。容付雜誌登刊。藉使閱者有所觀感。卽於

貴廠營業。亦不無裨益也。專候

回玉。無任企盼。此頌

台祉。弟○○○謹啓○月○○日

○詢公司股票價值

前得

惠復。敬悉前所介紹某君。深荷

關垂。具徵

古道熱腸。至爲感佩。近聞

貴公司自得

執事主持以來。營業頗形發達。以

貴公司設立有年。久著信用。兼之製造各品。尤能精益求精。銷

路日旺。獲利愈多。將來股票增漲。定可操券。未識近來每股

時值若干。刻因有友人欲購此項股票。特屬弟專函奉詢。卽

希

撥冗速示。以便轉達。無任盼禱。此布。敬請

台安百益 弟○○○謹啓○○月○○日

●詢近日有無新圖書出版

別來忽三月矣。祇以塵俗紛紜。致未裁牋問候。歉仄奚如。每從令弟處。詢悉

動定佳安。甚慰渴念。弟僻居鄉里。限於見聞。故日與二三同志。

觀覽圖書。藉以擴充知識。惟自國體更變以來。各省府廳州縣之制度。均已改定。或改府廳州爲縣。或併兩縣爲一。其名稱亦多更改。舊日所出之各種直省地圖。似不足以備參考。又如歐美共和國憲法。亦爲現今必應研究之書。弟與同志。均思求一完全譯本。素知上海商務印書館編譯各種圖書。能得風氣之先。如弟以上所述地圖。及憲法書。未知該館近日有無最新出版者。敢祈遇便探詢。并價目若干見示。以便寄價。奉託

代購。近狀託

庇平安。附告抒念。專託。卽頌。

旅祺。弟○○○謹啓○月○○日

◎詢新圖書以何種爲適用

不親

塵教。條已月餘。遙企

清輝。思如山積。比維

撰祉增綏。定如遠頌。

弟如恆歷碌。自愧勞人。近與同志集議。在

縣城內。剏立小學校一所。係照高等小學辦法。暫定學額

百人。幸贊助者多。將次成立。約下學期可以開校。查高等小

學。英文科目。原不十分注重。而子弟來此。多欲肄習英文一

門。以爲升入中學之豫備。因此校中應備參考各種輿圖及

教授之英文讀本。均須預爲購置。聞商務印書館出版英文

中國地理世界地理及各項圖書種類甚繁。究以何者爲適用。弟一時無所折衷。素仰

先生爲教育專家。

審定精確。用特具函奉詢。尙乞

惠教。以資遵循。無任感幸。肅此奉懇。卽頌

箸祺。弟○○○謹上○○月○○日

○詢新圖書之價值

昨由某君遞到

手教。臨風展誦。快慰奚如。藉諗

因時納祐。

卽事多忻。慰孚所頌。弟追隨同志之後。襄理教育事宜。幸無曠

誤。前以遠荷

注存。走筆奉告。乃蒙

獎借逾常。轉令我益增悚愧矣。刻因某某兩校。欲添購各種新出版之圖書。惟未知其價值若干。不能預算支款。茲特另開細目。並標明何處發行。敢乞

詢明寄示。瑣瀆

清神。感謝不盡。手肅。敬頌

旅祉。弟○○○謹上○○月○○日

○詢近日有無日報雜誌出版

月餘不通音問。每懷

雅度。夢寐爲勞。比維

動定延綏。爲頌。弟溷跡商界。愧無佳狀。每思近今商業競爭。必

資學識。所有舊日腐敗積習。尤宜力圖改良。其改良方法。必

須將列邦之貿易盛衰。各業之盈虛消息。以及市價漲落。貨物優劣。隨時隨事。專心研究。惟薈萃各種材料。亦復不易。則有賴於刊行日報。編譯雜誌。以爲先導。滬上爲通商大埠。必有留心實業者。注意及此。未知近來有關於商業之日報及雜誌出版否。敢希

分神探詢。並將發行所設在何處。及價值若干。一併示知。以便逕行定購也。瑣瀆之處。尙祈恕之。專布。卽頌

台禧。並候

惠復。弟○○○謹啓○月○○日

◎約友會晤時間

久欲趨談。祇以校務甚繁。未有一日之暇。而

尊處又相距太遠。車行疲緩。往返需時。以致彼此睽違。弗克如願。悵何如之。現在敝校春考甫畢。例有休沐。後日又逢星期。校友均可得閒。現訂星期日午後三鐘。奉約

足下在徐園一遊。該處花木清幽。水石明秀。而遊客寥落。又無車馬之喧。酌茗閒談。最爲稱意。况由兄處及敝校。前往該園。平均計算。俱爲適中之地。傍晚散步歸來。亦不十分費力也。特此奉約。卽乞

復示。此候

起居 弟○○○謹啓 ○月○○○日

●有事約友面談請先訂期

久違

顏色。至念。弟屢擬走談。特恐 貴公所職務過繁。辦事時間。未

違見客。繼思造府。復恐遲早失時。又致相左。蹉跎至今。良深悵歉。現弟有要事。急待商量。其中情形。非與

執事面罄。不可務望。

撥冗一晤。俾可接洽。如蒙

允許。請卽預先訂期。以便遵約。如何之處。專盼

賜覆。手此卽頌

台安。弟○○○謹啟。○月○○日

○約友至他友家會晤

多日未晤。殊深渴念。前以中央銀行與各種銀行維繫之要素。承

約尙須詳細討論。祇因非值校假。不能脫身。且所居湫隘。亦不

堪奉屈

故人。坐是因循。尤爲抱歉。昨過友人某君寓宅。庭軒靜爽。可借作清談之地。日昨向言。已荷面允。且云與

閣下久未晤面。藉可鬯聚。今訂於下星期午後一時。卽請

惠臨彼處。弟當先往拱候也。專約順頌

台祺。弟○○○謹約○月○○日

●自訂期約友人面談

日前

台從枉顧。失迓爲罪。弟以塵務牽掣。終日奔走。以致各友惠臨。

均難把晤。悵惘何似。日內敝校將放春假。約有數日休息。擬

於某日某時。造

府奉訪。并有要事面商。務乞稍候。勿應他約。爲幸。手此卽頌

文祺。并盼

還示。弟○○○謹啓○月○○日

●問初病

前得

手書如親

眉宇。至以爲慰。承

示近抱清恙。懸系尤深。近來天氣時暖時寒。最易感冒。想

執事素能研究衛生。斷非因攝養失宜所致。

貴恙因何發生。近日病狀如何。尙乞

示知。以釋鄙念。至擇醫診治。則尤不可不慎也。專此祇候

痊履。卽盼

復音。愚弟○○○謹啓○月○○日

●問久病

前聞

貴體小有不適。初以爲

偶爾違和。必占勿藥之喜。今乃聞

尊恙爲時醫所誤。尙未見痊。不知初起原係何症。近日已否另行延醫。不勝懸念。以吾

兄平日體氣素健。勇於任事。必因積勞。遂致染疾。尙望於

起居飲食。加意調護。

吉人天相。必可日漸復原。醫藥固不可省。似亦不宜雜投方劑

也。近日病情。究屬如何。務乞

略示一二。以慰拳拳。專此佈頌

痊安。卽盼

回玉。弟○○○謹啟○○月○○日

●問病兼薦醫

日前晤談甚快。旋聞

偶膺清恙。未及詣候

起居。歉甚念甚。頃聞

貴恙調治尙未就痊。不知現延何人診視。近來寒煖不均。時氣

不正。藥餌不可不慎。弟有熟識之某某先生。平日醫道深穩。

毫無習氣。經驗亦多。如

尊意爲然。弟可代爲介紹。往邀一診。弟非敢偏信其術。冒昧薦

醫。用舉所知。以備

采擇。仍希

裁示。容暇卽當走候也。手此卽請

痊安。并祝

珍重。弟○○○謹啓○月○○日

●問人父母病

久未通訊。正切懷思。昨得

手書。如同面晤。藉審

老伯

起居。偶爾失調。

福體欠安。不勝瞻念。遙想

德門多福。卽有勿藥之占。曾否延請東西醫生。現服何種方劑。

至所念系。尙希

詳示。吾

兄侍疾之餘。又復操勞瑣務。亦宜

格外保重。不可過於焦煩。用以上慰

堂上之心。是所企禱。弟一切粗安。并幸。頑軀無恙。本擬專謁。上

問

侍履。乃以經手各事。朝夕未能暫離。不克如願。想吾兄當鑒宥之。手此敬請

大安。祇叩

侍福。弟○○○謹啓○月○○日

●問人父母病兼薦醫

久未趨候。以相隔較遠。又俗事糾纏。致無暇晷。想

垂諒之。昨聞

伯老伯母近體違和。亦未克詣

府謁問。尤以爲罪。近來氣候無定。時疾頗多。不知

上侍果爲何恙。以平日

精神體氣而論。偶有不適。似不過寒暖飲食。稍失調護耳。日內

必已延醫服藥。如欲延東西醫生。則弟有東醫某某君。可以介紹。診金藥劑。均不甚昂。候

示。卽爲代邀。某某君住某某處。或卽由

尊處逕往延請。但說明由弟介紹。亦無不可也。專此卽請

台安。並盼

玉復。弟○○○謹啓○○月○○日

●問人妻病

適因俗冗。違

晤多時。頃奉

手教。甚以爲幸。藉知

尊夫人近染微疴。自不足慮。惟診視調治。似應從慎。現服何藥。

延請何醫。曾否邀西醫生診視。至爲懸念。尙望

詳示。爲荷。吾

兄既甚賢勞。加以又須內顧。諸希

隨時珍攝。弟處幸一切無恙。足以報

慰。內子聞

尊夫人抱恙。亦甚惦念。附筆道候。并請

轉達。餘容續布。此請

雙安。弟○○○謹啓。○月○○日

●因妻病託代延醫

久未通候。至爲悵歎。敬懇者。近緣舍間患病人多。弟亦抱恙

數日。迭經延請醫生。服藥調治。現幸家君以次。均已告痊。

惟內子自初病迄今。已逾一月。同一醫治。而病勢不減。日來

勢轉危迫。家人等議欲使東醫或西醫治之。然竟困頓臥床。

不能送往病院。素承吾

兄關愛。可否代爲延請西醫或東醫一人。來舍一診。若得女醫

尤佳。卽乞

邀訂。剋日動身前來。如須有人伴送。亦望代覓爲荷。一切醫金及費用。如何送法。均請

詳細開示。以便遵行。能先發一快信。或電示尤感。瑣費

大神。感謝不盡。此請

籌安 弟○○○謹啓 ○月○○日

●因病邀醫在異地者

違晤

教言。久疏賤候。馳思倍切。抱歉尤深。辰維

道履安和。

潭祺迪吉。慰如所頌。弟浮沈塵俗。乏善可陳。近來家人輩。復患

病居多。幾至藥爐不斷。數易時醫。均未奏效。殊爲焦灼。夙承

雅契。久佩

仁心。敢乞奉屈

惠臨。賜診。俾可霍然。想

先生利濟爲懷。必當

慨允所請也。專此奉懇。並具微幣。爲

舟車之資。卽希

哂答。統容晤謝不盡。敬請

台安。鵠候

惠臨。弟○○○謹啓○月○○日

●因病邀醫在本地者

久未奉

教。日昨趨候。又以

公出未晤。爲悵。茲啓者。

舍間

近有病人。不敢延請時醫。妄投方

藥。吾

兄仁心仁術。爲弟素所深佩。可否

屈臨舍下。惠施診治。感荷無旣。如蒙

俯允。卽乞

示以時間。謹當遣輿恭迓也。無任感盼。此請

和安。弟○○○謹啓○○月○○日

●唁人丁祖父憂

正企

芝雲。忽傳薤露。驚悉。

太老伯遽捐館舍。愴惋曷勝。吾

兄親承

祖硯。自必悲痛逾恆。惟念

太老伯燕貽宏遠。

駿德光昭。

為商學界之典型。

播清芬於奕禩。吾

兄善承

先志。尚祈

順守禮經。是為至禱。弟以遠道不克躬親執紼。抱歉奚如。茲謹

具素幃一懸。敬申哀輓之意。即乞



鑒存代薦。爲荷。專此奉候。

素履。弟○○○謹啓○月○○日

●唁人丁祖母憂

昨展

訃函。驚悉

太老伯母逝世之耗。愴惋曷勝。

執事念切報劉。自必逾恆悲慟。惟思

太老伯母箕疇福備。

彤管光昭。

喜看繞膝之孫曾。

壽晉期頤於耄耋。茲者

歸真天上。定無遺憾人間。尙希

承志維先。
守身爲大。

節哀順變。企禱奚如。弟因事所羈。未能躬申芻奠。謹具綢幃一

懸。卽乞

代薦。禮有不周。尙希

鑒諒。祇候

素祺。惟祈

葆衛。弟○○○謹啓○○月○○日

●唁外艱

違晤經時。正以久未得

書爲念。日前接奉

訃函。驚悉

老伯偶撻微疾。遽歸道山。仰式

典型。愴然屑涕。竊念

老伯躬膺福祿。

齒望優隆。

貽嘉種於芝蘭。

播芳馨於桑梓。吾

兄孝惟承

志。禮重守身。尙祈

順變節哀。是所至禱。弟分應執紼。道遠不克趨助挽歌。特寄呈

唁敬一械。素幃一懸。卽乞

訃入代薦

靈筵。用將微意。專此奉唁

孝履。惟希

自衛。弟○○○謹啓○月○○日

●唁內艱

企懷

雅教。哀展

訃書。驚悉

老伯母棄養之耗。吾

兄素篤孝思。遭此大故。何敢更以譬慰之詞。上塵

左右。惟念

老伯母箕疇福備。

翟第榮膺。雖

堂前之愛日方傾。而

天上之慈雲長護。吾

兄承先啓後。

守禮爲經。尙祈

勉節哀忱。用襄大事。是所企禱。弟以遠道聞耗。未能趨叩於

慈靈。謹具素幃一懸。用申哀奠。卽乞

代薦爲荷。專此奉唁

孝履。并問

禮祉。弟○○○謹啓○○月○○日

●慰人喪兄

久未奉

書。正深馳念。昨得

手示。驚喜

令兄○○先生。遽捐館舍。此不特
執事壘篋誼篤。痛切鵠原。卽弟亦不勝人琴之感。惟思
令兄輝增棠棣。力振門庭。况於社會間。久隆
名譽。塵寰撒手。

全受全歸。可謂不留遺憾。

執事友于繼美。負荷方長。尙祈

勉抑悲懷。無任企禱。弟忝託知交。極擬趨奠

總帷。俗冗攸羈。不克如願。特附呈唁敬一函。卽乞

代薦。專此奉慰。祇請

大安。弟○○○謹啓。○月○○日

●慰人喪弟

昨友人某君來談。云吾

兄近有介弟之喪。事出傳聞。驚疑正切。頃奉

手教。急裂函讀之。始知

令弟○○兄前染微疴。竟致不起。悼惋無任。迴憶昔年同學。

君家昆季。騰譽一時。弟年雖稚。亦得肩隨於後。請業問難。獲益

不淺。何圖一別。遂判人天。素知吾

兄篤於友于。自難排遣。惟念上釋

堂上之悲懷。并撫遺孤於身後。擔此責任。今實在

兄。尙祈

強抑哀思。以慰遠企。弟聞信較遲。不克一臨故人病榻。爲最後

之訣別。思之哽塞。現擬約齊同學。卽在同學會設位追悼。哀

輓之詞。容再封寄。

令弟安殯有期。尙希

見示。屆時如可得暇。當來隨素車會葬也。專布奉慰。卽請
侍安。弟○○○謹啓○月○○日

●慰人喪偶

遠企

停雲。正殷延佇。頃奉
手告。方慰鄙懷。乃猝聞

嫂夫人仙遊之信。又不禁代爲慟然。以吾

兄之伉儷情深。

嫂夫人之賢淑昭著。

未賡偕老。遽賦悼亡。

奉倩傷神。自有不待言者。然修短在數。

壺德長留。尙祈

以禮制情。是所至禱。弟相睽遠道。不克親詣。執紼。悵歎奚如。特附呈奠敬一函。藉申忱悃。卽乞鑒存。爲荷。手此奉慰。祇請

近安。諸惟

珍衛。弟○○○謹啓○月○○日

●慰人喪子

昨奉

手書。敬悉。壹是。令郎英才偉器。足以亢宗。自應

濟美承家。何意遽嗟不祿。

執事抱痛西河。固宜情莫能遣。然彭殤一致。前哲所稱。况復

桐摧孫枝。

蕃衍正未有艾。尙祈

善爲排抑。付之達觀。無任企禱之至。弟近狀如常。差幸。賤軀安適。足報。

注存。惟遠別。

故人。不克一傾離悵。此爲悵耳。

珍重加餐。是所馳祝。專此奉慰。敬請

健安。弟○○○謹啓○月○○日

●復謝賀壽中年通用

前奉

手牋。猥以初度之辰。辱蒙

藻飾。並承

厚貺。遙頒。却恐不恭。謹領謝謝。敬維

潭福時增。

履祺日懋。曷勝欣頌。弟修名未立。正悔蹉跎。况年未耆艾。何足以稱觴言壽。乃二三親友。必欲藉此聯一日之歡。殊覺有愧。故人反致遠勞。

盛惠馳牋爲

謝。無任屏營。專復。祇請

台安。弟○○○謹啓○月○○日

●復謝賀壽老年通用

流光虛度。方愧

良朋。乃以馬齒之加。遠荷

鴻情之貺。

手書飾注。心感彌深。卽維

潭祉綏和。

起居住佳勝。慰如所祝。弟老態日增。毫無佳境。雖精神尙健。而意興消減。迥不如前。此次生日。因兒輩強爲稱觴。其實當此時艱。何足言壽。更何敢稱祝。

尊惠本擬謹璧。恐轉致有拂。

盛意。謹已拜登。專此布謝。肅復敬頌。

台綏。弟○○○謹啓。○月○○日。

謝賀祖父壽

久未奉

教。正切欽遲。日前爲家祖生日稱觴。乃蒙

手書

吉語。遠道相貽。

厚愛隆情。感謝靡已。比來

佳想安善。允洽頌忱。

德宇分輝。至爲榮幸。弟重闈依侍。一切如常。此次小集賓朋。

家祖怡然爲樂。尙不至以應酬勞頓。足以告慰。

雅懷。惟不克屈。

駕爲寒舍生色。是爲悵悵耳。專肅鳴謝。敬請

台安。還叩

潭福。弟○○○謹啓○月○○日

●謝賀祖母壽

正懷

風度。喜奉

雲牋。乃以家祖母壽辰。辱蒙

吉語之頒。具感

仁言之錫。辰維

瀛潭納福。

履候增祥。

輝蔭瞻依。至爲欣忭。

弟隨侍

祖慈。諸叨順適。此次稱壽。不過

親朋聚集。藉以娛

老人心意。惜

執事相距道遠。未辱

光臨。重荷

注存。彌覺不安之至。尙祈

頻惠好音。不勝企盼。專此佈謝。敬請

大安。弟○○○謹啓○月○○日

●謝賀父壽

前以家嚴誕日。遠辱

芝函。備承

藻飾。迴環。雒誦。感荷。莫名。敬維

潭第吉祥。

動定佳暢。

德暉引領。忭頌傾忱。弟繼志未能。承歡自幸。家嚴託

庇康健。步履如常。生日之會。因親友相愛。意不可却。故勉允稱

觴。以聯杯盤之雅。乃蒙

遠道注存。

盛情可感。家嚴先命具函申謝。容再趨詣。尙乞

鑒原。肅復敬請

時安。弟○○○謹啓○○月○○日

●謝賀母壽

前奉

賜賤。以家母壽辰。

吉詞垂飾。具徵

知愛之厚。感何可言。敬承

興履吉祥。

百凡增勝。引詹

光采。欣幸奚如。弟隨侍慈幃。養慚菽水。所幸家母起居甚

健。雖操勞家政。精神亦尙如前。知荷

塵存。因以奉告。惟慶日稱觴。不獲潔治尊酒。奉屈

光臨。藉親

雅教。此爲愧歉耳。專肅陳謝。敬請

大安。弟○○○謹啓。○月○○日

●謝賀祖父母雙壽

日前爲家祖父母壽日稱觴。以道遠不敢奉屈

高軒。正深悵企。茲奉

華翰。備荷

注存。具徵

盛意殷拳。至可感佩。當卽稟告重闈。命筆先行稱謝。並還頌

吉祥壽考。容再詣謁

台端。再申謝悃。近來自家祖以次。幸稱安適。足紓

雅注。用特附陳。

端居得暇。尙祈

時惠德音。不勝盼禱。專復敬頌

台祺。弟○○○謹啓○○月○○日

●謝賀父母雙壽

久疏牋候。深切懷思。日前爲家慈嚴稱觴。喜奉

惠緘。備承

獎飾。感荷無既。惟堂上以稱壽非禮。早經嚴諭。不可鋪張。

嗣因親友知者較多。臨時強爲稱祝。卽吾

兄亦在遠。不遺足徵

厚愛。且承

隆貺。遙頒。此尤所不安耳。家慈嚴命筆先行陳謝。尙希

鑒之。聞

重闈。明年亦逢雙慶。容再進祝。但不知是否。先期同日舉行。便祈

示悉。幸弗祕不使知。是所至幸。肅復申謝。敬請

侍安。弟○○○謹啓。○月○○日

◎謝賀妻壽

昨奉

還牋。祇悉種切。頃又欣展

華翰。猥以

丙子初度。

遠貺多珍。令人愧悚。弟遇有親朋之惠。現均一概璧辭。吾

兄遠道注存。已爲可感。乃猶見賜物品。此何克當。然

盛意殷勤。斷無寄回之理。一再躊躇。祇可拜領。謹還以多福多

壽。奉祝

左右。並承

見示

嫂夫人本擬來舍。因令郎現須出門。故爾中止。丙子殊爲悵

悵。并云俟可得暇。再當奉迓一聚。如令媛等適在假期。亦

可

挈之同來。用特代達。專此申謝。敬請
雙安。弟○○○謹啓○月○○日

●謝賀娶妻

頃奉

朶雲猥以授室有期。過蒙

獎飾。兼承

厚貺。是固

良朋情重。令人且感且慚。近維

潭第綏和。

興居住勝。

施繽紛之吉語。

增伉儷之隆文。

喬宇翹瞻。彌深欣荷。弟室家增累。引愧無任。惟有黽勉同心。以

期上副

厚愛。所喜郵程甚近。敢希

箴規時錫。

有以教之。泐復申謝。敬請

大安。弟○○○謹啓○○月○○日

●謝賀續娶

遠阻

教言。又疏賤候。自慚慵懶。亮荷

鑒原。日昨接奉

惠書。猥以丙子來歸。

寵頒吉語。並蒙

厚貺相將。令人感愧無既。辰維

瀛潭納福。

伉儷增綏。

德庇遙分。至為欣幸。弟以家事繁瑣。內助無人。親友力勸續絃。

實出於萬不得已。所幸內子粗諳家政。能承親意。兒輩亦

有依賴。弟可略減內顧之憂。此足為

知己告耳。現定彌月以後。即行挈眷出門。昨稟商家母。亦以

為然。容俟詣

府申謝。傾譚一切。知

注并聞。先此布謝。敬請

台安。弟○○○謹啓 ○月○○日

●謝賀娶媳

別久晤稀。正懷

雅度。昨以小兒授室。乃荷

吉辭寵錫。復承

隆貺遙頒。感荷

雲情。銘謝無已。遙想

興履勝常。

潭庭多福。引詹

光采。額頌莫名。弟近狀粗安。足紓

眷注。近以某兒在校畢業。故爲娶婦。俾成室家。草草完姻。何足

言賀承

賜尤不敢領。但恐却之不恭。有負

盛意。領謝之餘。實形慚愧。

風便尙祈

頻惠好音。是所至盼。專復陳謝。祇請

時安。並頌

潭祉。弟○○○謹啓○月○○日

●謝賀娶孫媳

頃奉

惠牋。猥以小孫迎娶。重荷

隆儀。

禮重情文。開函滋愧。敬諭

起居迪吉。

尊眷多佳。慰如所頌。弟老境漸增。無足奉慰。年來婚嫁粗了。又

復爲孫輩忙碌。是誠不免爲

賢達所笑。乃

盛意殷勤。殊令人感慙交集。此番喜事。皆小兒回里料理。親友到者甚多。頗稱一時之盛。所惜

故人遠客。不克藉此聚談。特此附告。想吾兄亦爲悵然也。勿此復謝。敬頌

台祺。弟○○○謹啓○月○○日

●謝賀娶姪媳

書問久疏。正懷

左右。頃展

惠翰。以舍姪完姻。復承

厚貺。拜登之下。感謝莫名。舍姪年已長成。前爲聘定某氏之女。

亦已有年。故於日昨令其迎娶。然自此增其室家之累。所幸
會姪去年即在商業學校擔任教員。每月所入。尚可自立耳。
辱在

知好。用以奉

聞。弟近亦託

庇安適。不過兒女之累尚多。此次會姪結婚。係採用文明禮式。

較之舊俗。殊為簡便。嗣後寒會婚嫁。擬即照此辦理。蓋舊日

社會習慣。繁文縟節。不過多所消耗。循名責實。甚無謂也。質

諸

高明。亮亦為然。手此復謝。敬請

近安。弟○○○謹啓。○月○○日

●謝賀嫁女

日前接奉

華牋。以小女于歸。蒙

故人佳貺。自知却有不甘。且道遠誼難寄。繳謹領謝謝。敬維履祺安燕。

儷祉佳駢引領

德門。至爲欣頌。弟塵勞如故。家累甚多。此次勉爲小女結婚。實

以男宅催娶甚急。小婿本係世交。故奩贈一切。概從簡約。前

經言明。亦不計較。及此。聞小婿與

君家亦屬世好。且與文郎舊曾同學。不知吾

兄尙憶及否。遠承

垂詢。用以附告。俟旅行得便。再當屬其進謁也。復謝。敬請

均安。弟○○○謹啓○月○○日

●謝賀嫁姪女

匆匆一別。違

教多時。滿擬郵奉寸函。藉申鄙悃。俗冗未果。悵歎尤深。乃以遣

嫁舍姪女。遠辱

惠書。並承

錫贈奩品。領到感謝。藉審

旅祺安泰。

履候佳宜。爲頌爲慰。弟回里以來。摒擋喜事。今幸婚禮已成。舍

姪婿

材行亦爲中選。知關

存注。用以奉聞。現因友人函招。日內卽赴某處一行。局面久暫

如何。刻尙難定。惟相去日遠。未知何日重領

塵談。一傾積愫。此爲悵耳。弟抵某處後。當再函布一切。

時時通訊。尤所引企。手復申謝。敬請
籌安。弟○○○謹啟。○月○○日

●謝賀嫁孫女

遠懷

舊雨正企

停雲。日前因小孫女于歸。遠承

函饋。感荷無任。不敢言謝。藉悉

因時集祐。

福祿攸同。遠念

起居。既忻且頌。弟老健如常。近因喜事應酬。尙覺精神不減。足

以告慰

雅懷。惟年來家計日增。兒孫輩雖各有職業。可以略分擔負。然

分利者多。統計一年。往往入不敷出。現命兒輩遇事皆求儉約。以免後難爲繼。轉致不支。故此次遣嫁小孫女。虛文糜費。一概屏除。爲弟家計。固應如此。卽欲挽回鄉里浮奢之習。似應於婚嫁之禮。先爲加意。

公素知我。用以奉告。孫增○○。爲友人某君之孫。高等卒業。近

已習商。志趣尙屬可取。知

念附及。泐謝。卽請

潭安。弟○○謹啓。○月○○日

●謝賀嫁妹

昨奉

手翰。並附到

贈奩一函。知以舍妹于歸。重荷

隆誼。感謝。感謝。敬維

近祺增勝。

履候咸宜。引睇

吉雲。以欣以頌。弟里居安善。家父亦託

庇康彊。此足自慰。舍妹喜期。本在上春。旋以男宅有事。改於本

月一切甚為簡略。因家君之意。不欲過於糜費也。妹婿本

係同學。年亦相等。近已畢業某校。尙擬遊學歐洲。但其家止

有老母。恐亦未易成行耳。承

詢特聞。風便祈卽

頻惠好音。為幸。專此布謝。敬請

客安。弟○○○謹啓。○月○○日

●謝賀生子女 通用

不奉

手教。數月於茲。屢欲裁寄寸緘。輒又因事擱筆。懷思寤寐。歉仄實深。頃拜

大函。

寵頒珍物。知以小○彌月之喜。仰荷

注存。展誦再三。感悚曷已。藉謠

台候康佳。慰如所頌。弟頻年歷碌。乏善可陳。老親日望抱孫。

今幸得生一○。何足勞

知己稱賀。乃

殷殷加貺。

藻飾逾恆。得無令人慚愧耶。丙子產後。身體尙好。承

詢附陳。專此道謝。敬請

履安。弟○○○謹啓○月○○日

●謝賀生孫

許久未得

惠書想望

顏色良用悵然。日前喜奉

手緘猥以添孫承

賀並領

厚貺愧甚愧甚。即維

瀛潭多福。

興履咸宜。慰如所頌。弟近狀亦稱安順。日前某兒喜舉一男。含

飴弄孫。聊自慰藉。知

公垂念甚殷。故前屬某君。去函提及。不意乃辱



賀函贈物。我輩至交。何尙如此客氣。所祝
故人明年喜卽抱孫。當以吉語爲報。走筆及此。想同
一笑。道遠不克握謝。用布一箋。

鱗鴻多便。尙乞

時賜教言。是所忻盼。復請

頤安。弟○○○謹啓○月○○日

○謝賀營業開張 工商界通用

頃奉

華簡。猥以敝號開張。辱承

賜賀。並

惠聯幛。謹受之餘。莫名感謝。敝號自去春發起。因建築房屋。布

置一切。經營歲餘。始克成立。弟以菲材。蒙各股東謬愛。屬充

經理肩此重任。時恐勿勝。惟以勤慎二字。與諸同人交相勉勵。冀免隕越而已。素仰

執事爲商界鉅子。措施有方。尙乞

教言時頒。藉資遵循。此則弟與同人等所企禱者也。肅此鳴謝。

敬頌

籌綏。弟○○○謹啓○月○○日

●復謝薦事已成

正深盼念。忽接

惠書。祇誦之餘。就諗

旅祉勝常。無任欣慰。并悉

賜薦之事。已荷某先生允爲位置。弟自愧庸愚。無所建白。乃

蒙

成全逾格。

鼎力吹嘘。俾得棲枝有託。所有感激私忱。實非楮墨所能達也。茲擬將舍間瑣事。略爲料量。約三五日內。卽當束裝首途。俟到埠後。當先趨詣

台端。面領

教益。良晤不遙。餘容面罄。先此布謝。卽頌

安祉。弟○○○謹啓。○月○○日

●復謝薦事未成

昨奉

復緘。備悉。一是。藉謔

台候多祐。慰如所頌。承

示弟所託之事。當經致函某君。旋得復簡。謂已延訂有人。良以

弟奉託稍遲。致爲捷足者所先得。謀事不易。此亦無可如何。然事雖未成。而

噓拂隆情。銘感已無旣矣。此後如有機遇。量弟所能勝任者。尙乞

鼎力玉成。俾弟免賦閒居。曷勝翹盼。手此奉布。並陳謝悃。卽頌時祉。弟○○○謹啓○月○○日

●復謝問病并告初愈

臥病支離。正深馳仰。

書來問訊。

情意殷拳。感幸無已。

賤恙

初受風邪。繼成溫瘧。延醫服藥。幸尙

未誤。兼旬以來。日見輕減。現惟胃納尙不甚強。而起動已不似前之委頓矣。可以報慰

愛注。用特瑣陳。良時努力。還祝

加餐。一俟告痊。再當奉詣申謝也。手復敬請

大安。弟○○○謹啓○月○○日

●復謝問病并告漸愈

病中得

手書。重荷

記注之殷。如出肺腑。感何可言。賤恙初起時。不可稍有寒熱。後

因有事出門。略爲勞頓。於飲食又欠謹慎。遂致轉成溫症。尙

非爲醫所誤。服藥十劑。病已略除。胃量漸好。惟精神尙覺

不足。自當再事調理。靜養數旬。諺云病來似箭。病去如線。誠

不誣也。承

詢用特瑣陳。容俟全愈。再當詣

府暢談。面申謝悃。勿此布復。卽請

台安。弟○○○謹啓○月○○日

●復謝問病并薦醫

病榻呻吟。奉誦

手示承

薦某某先生診視

賤恙。

不勝感激。旋又聞

枉駕存問。不克迎晤。尤爲悚歉。其時方服友人某某君方藥。病

見轉機。家人輩不欲另易生手。故某某先生處未往邀請。

日來病勢已似十去四五。如病情反復。當再函懇吾

兄代爲介紹。延其來會診視也。

盛情厚愛。銘泐不忘。容愈後趨前。面罄一切。倚枕泐復。卽請

道安。弟○○○謹啓○月○○日

●復謝問親病

昨奉

復函。知前寄一緘。已邀

訥入。並承

厚愛拳拳。以家嚴病體

垂注。感荷之至。現在家嚴病已漸瘥。且能日進糜粥。初時病

勢頗猛。當經延醫診治。甚爲得手。故數日以後。卽大有轉機。

此皆仰叨

尊庇。弟尙幸無恙。足以告慰。日來時候不正。自當如

來示所誠。慎而又慎。以免小有不適。重以貽堂上憂勞也。手

此佈謝。還頌

珍衛。並請

履安。弟○○○謹啓○月○○日

●復謝問親病兼薦醫

奉

示拜悉。家慈嚴日前偶因感冒風寒。略有不適。乃近數日。漸覺

增劇。卽延某某先生診脈立方。據言並非時疫等症。服藥

後。已稍見輕減。承

注極爲感激。近來外間流行病甚多。中醫往往不善審症。則請

西醫參酌。較可放心。承

薦西醫某某君。其診治術。弟所久仰。應否延診。容稟商堂上。

再行奉

聞。餘俟遲日詣謝面談。此復。順請

時安。弟○○○謹啓○月○○日

●復謝問妻病

前寄一書。附述內子病况。昨蒙

惠復。注問。感荷無量。內子所患。此數日中。醫治頗能見效。大勢

無礙。據醫者云。三五日後。即可痊愈。此醫為弟家大小病症。

診治均甚得手。故未另延西醫也。弟平日不能得閒在家。內

子今在病中。家政又須兼顧。幸賤體尚稱耐勞。足以奉告

知己。餘容續佈。手此復謝。敬頌

安祺。弟○○○謹啓。○月○○日

●復人託延醫

音訊近疏。正深懷想。昨奉

手示。誦悉

老伯及吾

兄。均因偶爾違和。已經痊可。惟

嫂夫人近恙。尙未能調治得宜。屬代覓醫。到

府診治。弟於東西醫生中。雖有知者。然無直接相識之處。適有

友人談及。某某醫院之女醫某某。術業甚高。經驗亦富。可以

代爲邀訂。弟卽懇其前往說明。並派弟處女僕伴送。卽乘明

日晚班小輪前來。屆時望

尊處派人至碼頭迎候。其一切酬謝開銷數目。另紙繕上。並祈

督察可也。泐此由快郵先復。餘容續布。卽請

侍安。并頌

儷福。弟○○○謹啓○月○○日

●謝唁親喪 祖父母父母通用

謹啓者。先○氣體素健。此次病初發生。醫者均云無礙。不

意所患日深。羣醫竟致束手。遂於某月某日。慘遭大故。此皆
○○侍奉無狀之罪。痛何可言。遠蒙

垂唁。并拜

隆儀。

情被歿存。曷勝感泣。先塋本有兆域。刻擬開弔以後。謹卽奉

安。一俟定期。當再通告。惟葬殯禮制。素所未諳。碑誌之文。亦
不可闕。屆時所有應辦事宜。容再仰求

指示。廬次昏瞶。不盡願言之忱。專函泣謝。伏求

矜鑒。○○○稽顙。○月○○日

●謝慰兄弟喪

昨奉

惠書。以乃先兄之喪。遠蒙

垂唁。並荷。

慰譬多方。至為銘感。竊念

先兄弟

平日氣體素強。乃以時症調

治失宜。竟致不起。中年手足。一旦永訣。生既未得志。以遂其
心。歿僅留孤兒。以承其後。撫今追昔。痛悼何堪。然而人事不
常。亦惟有以吾

兄修短有定之言。強自排遣耳。所有窀穸之事。因祖塋尙有

餘地。擬即擇日安葬。

弟

承辦喪事。尙能勉力耐勞。知

念附及。專泐復謝。敬請

佳安。弟○○○謹啓○月○○日

●謝慰喪偶

頃奉

慰書。猥以亡室之喪。辱承

存問。

故人高誼。感綬曷勝。且蒙

賻輓遠頒。更足有光泉壤。謹謝謹謝。弟愴念虛帷。實難自遣。况

兒輩

失母相依。家政又須料理。此種苦況。不足爲吾

兄告也。且弟曩日每謂家庭之樂。可終吾身。及今追思。不堪回

首。友人多以出遊相勸。然兒輩皆屬幼稚。付託無人。現在早

晚尙不能離家。何能作遠遊之計畫。素叨

知愛。不知

何以教之。匆泐奉復。并陳謝悃。卽頌

台綏。弟○○○謹啓○月○○日

●謝慰失子

頃奉

賜函。以亡兒夭折辱承

遠道慰問。至爲可感。追念亡兒有生以來。卽多疾病。冬日旣不
禁寒。夏日尤難耐暑。雖經時刻防護。培養仍屬爲難。以故今
年雖及學齡。瘦弱不堪。見之可憫。卽使再延數年。恐亦難望
成立。因是弟及內人尙可排遣。不深惜之。至此子積弱之原
因。則由內人幼受纏足之累。體氣因之不強。然我國看護小
兒。實亦多不得法。飲食不知按時。衣服不知應候。若富貴之
家。婦女習於驕惰。一切付諸乳媪。則或任意凌虐。或得傳染
之病。其弊害更難悉數。如亡兒之因病而致死者。其情猶有
可原。不如亡兒之病而亦致死者。其夭折尤可慘也。辱荷

垂念。故縱論及之。

兄本有心人。當爲同慨。專此復謝。敬請

蓋安。弟○○○謹啓○月○○日

●謝招飲

昨承

寵召。末座忝陪。飽飫

盛筵。暢聆

雅教。感荷感荷。惟諸君子飛觴豪飲。弟則小飲卽醉。是以未能

終席。遂卽言歸。悵歉之情。匪言可喻。想

知我者當能諒我也。席間承

示某君之事。明後當致函探詢。俟得復言。卽行馳告。知關

台注。先以附聞。手此奉布。並鳴謝忱。卽頌

近祉。弟○○○謹啓○月○○日

●復謝招飲不赴

昨奉

台函。蒙

約某園。讌飲。極擬趨

前奉陪。惟適有

舍親

某君。攜眷北上。道出此間。暫住

敝寓。

弟招

待一切。倥偬異常。以致不獲分身。來同

盛宴。想見

朋簪雅集。酬酢聯歡。

弟獨有向隅之歎。未免悵悵。然感荷

隆情。固已銘諸肺腑矣。特修短簡。謹道歉忱。肅此卽頌

台祉。弟○○○謹啓○月○○日

●謝贈書籍

日久未奉

采雲。正深懷想。適間郵到

賜寄新出農業各書。並另

函均各收到。感謝感謝。藉謐

履祉時和。

文祺夏暢。允如所頌。弟默察中國情形。地不加廣。人益加多。欲

解決生計問題。必從整頓農業入手。故自畢業以來。日以研

究此事爲任。無如我國農家習慣法則。向以口耳相傳。於一

切培養防護諸端。均屬茫然。實地考查。殊非易易。今荷吾

兄遠道關愛。投以專書。繙閱一周。俱係最新而又簡便之理法。

足以供研究而備仿行。不勝欣喜。專此鳴謝。敬頌

文祺。弟○○○謹復。○月○○日

●謝贈報紙

遠違

教益時切懷思。辰維

潭祉增綏。

履祺迪吉。爲頌。弟伏處故園。鮮善可述。惟幸頑軀健適。家事務

安。差堪告慰。

知己。前因鄉居僻陋。外事不知。函懇吾

兄將有名各報。擇要購寄一二份。不但可廣見聞學識。且備隣

里傳觀。亦足開通民智。乃荷

賜書。允寄某報二種。刻已按日收到。該報內容甚爲豐富。持論

亦能精確。不涉黨見。洵如

來示所云。可見吾

兄抉擇之精也。泐此鳴謝。敬請

文安。弟○○○謹啓○○月○○日

●謝贈文具

頃拜

手書。並承

惠賜文具數事。硯池筆架。物美情深。謹領之餘。不勝感謝。弟碌

碌如昨。乏善可陳。每思與吾

兄論交相契。志合道同。乃自判襁以來。

君則志在四方。我仍老守牖下。相形見絀。愧慙良深。今讀

寄言。恍若聯牀風雨。而

多珍遙貺。尤荷

隆情。第未知暑假屆期。

大駕能否返里。藉圖良晤。風便尙祈

示慰。專復並謝。敬頌

講祺。弟○○○謹啓○月○○日

●謝贈鄉物

前奉

手函云及

執事不日由家啓程。滿擬道此。可圖良晤。日來未見

稅駕。正自懸懸。乃某君來。始知

大旆因與他友結伴。逕往某處。不再經過此間。瞻望

音塵。至爲悵惘。並荷

惠寄鄉物各種。尤徵

雅愛。不勝感謝。弟頻年作客。浪迹天涯。鄉味不嘗。已踰年歲。覩

此故園風物。愈教憶起。蓴鱸。第未知蓬轉萍飄。何日始得息

影。鄉井耳。專泐言謝。不盡所懷。順頌

文社。弟○○○謹啓○月○○日

●謝贈花木

昨由某君攜到

惠書並承

寄贈名花多種。均各收到。謝謝。藉悉

籌祉增綏。

履祺篤祐。深慰頌私。弟學圃目安。愛花成癖。久欲搜羅海內佳

種彙植一園。春朝秋夕藉以消遣。惟限於力量。以致有志未

逮。乃荷吾

兄在遠不遺。

賜以嘉卉。俾小園大爲生色。感幸何可言喻。所企

故人他日來舍。正值花時。當命酒爲懽。以報

盛貺。想

兄必忻諾之。專泐鳴謝。敬請

時安。弟○○○謹啓○月○○日

◎謝贈食物

遠違

大教。馳企无任。昨某君自閩歸里。交到

賜書。並荷

惠贈武彝茶一匣。荔支兩筐。

厚施自遠。感篆無窮。藉謐

近祉勝常。

講履安吉。尤慰鄙頌。弟伏處鄉園。媿無淑狀。所幸校事如昨。諸

生尙能勤奮。堪以自慰。並足以紓

雅注。弟本嗜茶成癖。既得佳茗。爲幸實深。荔支此間雖有運到。然品其色味。遠不如封寄者。足見輪舶交通。益人不淺。容俟得便。再當以微物奉報。

惟當求投

公所好耳。專此敬謝。並頌

文祉。弟○○○謹啓○月○○日

●謝贈服裝

昨前某君旋里。寄到

手書。藉審

旅祉增綏。慰如所頌。承

賜西呢衣料二襲。革履一雙。蒙

君遠道多情。使我誼難奉繳。拜

嘉之下。感戢難言。惟無以奉報。益增愧慙耳。前聞舍親某君。因

號事糾葛。諸荷

執事推愛關垂。詳爲

指示。俾得和平解決。

隆情稠疊。此不僅身受者所當感激也。日來天氣寒燠不時。尙

祈

起居珍衛。是所至禱。臨風修答。藉布謝私。敬頌

台祉。弟○○○謹啓○月○○日

●謝贈陳設品

日前寄復寸簡。諒達

典籤。昨晤某君。所有

賜寄工藝新造各品。一并交到。並由某君口述

尊况安佳。惟因其啓程倉卒。不及附函。謹謝且慰。我國工藝。本有特長。徒以從前提倡乏人。視爲無足重輕。遂致日趨窳陋。近年以來。各處創農工藝。出品日漸精良。卽如所賜各件。類皆推陳出新。其製法靈巧。不亞舶來之品。堅實耐用。則有過之。且所製均切人生日用。尤見公苦心經營之意。一經推行。必可得社會之歡迎也。領受之餘。

用申謝悃。敬頌

台祺。弟○○○謹啓○○月○○日



通俗新尺牘

此書有著作權翻印必究

中華民國二十六年十月二日
初二版

每册定價大洋捌角

外埠酌加運費匯費

編纂者 商務印書館編譯所

發行兼印刷者 上海寶山路 商務印書館

發行所 上海及各埠 商務印書館

GENERAL LETTER-WRITER

By

The Commercial Press, Editorial Department

1st ed., Oct., 1923 22th ed., Oct., 1927

Price: \$0.80, postage extra

THE COMMERCIAL PRESS, LTD.

Shanghai, China

All Rights Reserved

日常用書

檢 查 參 考 。 不 可 不 備

- | | | | | | | |
|---------------------|-----------------|-----------------|--------------------|-----------------|-------------------|-----------------|
| 上海商業名錄
布面八角 紙面六角 | 商人寶鑑
一冊 二元六角 | 第一中國年鑑
一冊 四元 | 食品經濟學
一冊 五角 | 日用須知
一冊 五角 | 日用百科全書補編
一冊 四元 | 日用百科全書
二冊 六元 |
| 中外度量衡幣比較表
一冊 一元 | 密碼電報
一冊 一角 | 簡易電報表
一冊 一元 | 親民電報起草簿
一冊 二角五分 | 親民電報索引
一冊 一元 | 親民電報彙編
一冊 十五元 | 親民電報彙編
附送索引 |

商 務 印 書 館 出 版

商務印書館
出版

增廣

商人寶鑑

一冊

一元六角

本書出版以來極合社會需要內容幾經增訂較之初版幾增一倍經營商業及有志研究者得此一書何往不利茲將十二篇目列舉如次

- (一) 商業經營法
- (二) 實用廣告術
- (三) 商業習慣法
- (四) 商律
- (五) 商業尺牘
- (六) 商業文件程式
- (七) 度量衡
- (八) 貨幣
- (九) 交通
- (十) 稅則
- (十一) 銀行
- (十二) 保險

商 務 印 書 館

自 製

中 西 式 信 紙 封

式 樣 優 美

可 加 印 中 西 文 字

零 售 批 發 均 極 便 宜

信紙信封爲日用必需之品。近來商學各界事務日繁。需用更殷。本館特從美國定購製造信封機器多架。無論中式西式。或大或小。均可製造。如荷訂製。格外歡迎。

商務印書館謹啓

君覺得書信，禮帖，及一切應酬，
有困難乎？

有商務印書館發售的：

應用文件舉要

分書信函、票據、交際雜件五類，皆為社會應用所必需。一冊，二角五分。

酬世文柬指南

柬帖程式及書契簿據等，分八大類，二百餘種，可供參考。一冊，定價四角。

日用須知


分公文尺牘、衛生治病、鐵路郵電等，日常備查，極為便利。一冊，定價五角。

通俗新尺牘

普通應用家庭，以及政商各界，分類編輯，材料極新。一冊，定價八角。

新時代的繕寫工具

華文打字機



每座定價二百四十元

機桌每張十元

良製造完備，使用靈便，可與英文打字機媲美。茲將優點臚列於下：

- 字體 繕打文件，字跡鮮美，行列整齊；
- 行式 橫直行兼打，宜於新式文件之用；
- 容積 容字近六千，通用文件，足夠應用；
- 檢字 排列照字典部首，檢覓甚易；
- 複寫 觀用複寫紙，每次可打八九份；
- 速率 練習一月後，每小時可打千餘字。

人事增繁，書信公文契約之類，爲用日廣。人工繕寫，求整齊則失之遲鈍，求迅速則失之草率。惟本館所製華文打字機，頗能兼具二美，各界樂用，歷有年所，近復銳意改

▲ 閱 贈 單 傳 印 另 ▲

商 務 印 書 館 製 造



01512563

國家圖書館



002577398



民國92年度
教育部補助

中華民國玖叁年貳月肆日

購買